

18220.

L. 1. O. 5.




BIBLIOTEKA


Zakł. Nar. im. Ossolińskich


XVII - 0683


28122


7410

















CÆSARVM,
REGVM ET PRIN-
CIPVM, VNIVS ET EIVS-

dẽm partim generis & nominis, par-
tim etiam Imperii ac Domi-
nationis,

Vitarum Parallelarum,

LIBRI DVO.

Auctore

CHRISTOP. VARSEVICIO C.C.

*Quod quorum quodq; contineat, pagella post
p̄fationem monstrabit.*



903

FRANCOFVRTI,

Apud Wolfgangum Richterum, sum-
ptibus Nicolai Steinii.

M. DCIV.

18.220

*Testamentu relicty ab Adm Ando B̄no
Kotwinski nie defuncto Procto Sac. Rotarij
Conuentui Vielicen Gymn. M. B. Refect.*



XVII - 683



RVDOLPHO II.
CÆSARI AVGVSTO,
HVNCARIÆ BOHEMIÆQVE
Regi, Archiduci Au-
striæ, &c.

CHRISTOPHORVS VAR.
*seuicius C.C. felicitatem sem-
piternam.*



QVOD olim Basilius Orientis Im-
perator, Anguste Cesar, Leoni
suo suadebat illi filio, ne veterum
legere & euoluere historias vel
minimum grauaretur; paruo labore quod illi
magno congesserant perspecturus, bonorum vir-
tutes, malorumq; vitia, tum varios humane vi-
tæ casus, rerumq; ac temporum vicissitudines;
ac deniq; Regnorum & Imperiorum mutationes,
ex mutis quam ex consiliariis viuis rectius co-
gniturus; Id equidem quoq; videre videor mihi
conuenire: ut quantus quantus sum, qui scio quā
ratione tui sum semperq; fuerim nullus, presbt-
er quidē certe, rogem obtesterq; te, ut historiam

PRÆFATIO.

actionum tuarum omnium veluti quandam habeas cynosuram; testem bonorum aut secus morum, nunciam euentuum, pedissequam Diuinorum oraculorum, & lucem ac thesaurum veritatis. Nihil enim falsi audet, nec veri non audet dicere historia: cuius scriptori ante illud supremum tribunal reddenda erit ratio, & nullis prorsus mēdis aut assentatione scatere debet narratio. Ad cuius quidem ego historiae exemplum magno Imperatore dignum, offero tibi librum Casarum, Regum & maximorum Principum vitarum Parallelarum; quod non propterea facio, ut de te suspicer (quod absit) aliquid mali; qui bona lataq; omnia & optare, & sperare volo atq; debeo, sed ut (quemadmodum facis) diuinam in humanis rebus agnoscas potentiam, & tam letos, quam tragicos ex illis Regum exitus in historia intueare. Peccatis quidem mortalium exigentibus, & fatalibus imperiorum periodis impendentibus, quæ diu multumq; differtur, Diuina ultio tandem aliquando accumulatur. Deus quippe videt, non irridetur nec irridet; inclinat, non impellit; scit, non sancit; vocat, non urget; si quæ sunt fata, fatua fatuorum consilia potius appellanda. Ad quæ omnia clarius meri-

PRÆFATIO.

diana luce ostēdenda, aliquot Caesarū & Regum,
 & quidem partim eiusdem nominis & generis,
 partim vero imperii & dominationis collegi pa-
 ria, ex Græcis & Latinis prompta historiis; quæ
 tibi potissimum Caesar dicare habui constitutum.
 Caesarum namque & Principum historia Casa-
 ribus iure & merito imprimis consecrantur.
 Quod eo etiam feci libentius, quo tua auctorita-
 te contra morsus inuidorum tecta, & eiusdem
 nominis & imperii Principum vitarum paral-
 lelarum memorabilibus exemplis sunt distin-
 cta. Quod in aliis aut funestam cladem, aut
 imperii denotabat vastitatem, in te vero impe-
 rii pollicetur accessionem sempiternam. Nam
 quod quidem ad te non attinuerit, ut à Rudol-
 pho primo Caesar Austriacus sit alter, tantum
 abest, ut infausi aliquid de te suspicemur, ut et
 iam lata sperare nos debere omnia quis ignoret?
 Cum enim hi, quos hic ego percenseo, dissimiles
 à se fuerint, tu Rudolpho primo ita similis es, ut
 similis videatur nihil. Qua de re dicturus
 Rudolphi primi satis superq̃, ab aliis tractatam
 non persequar historiam, sed à te vno & contra
 Turcas felicissimo Principe initium sumam;
 cuius Avo, Patri, & Tibi ipsi per multos annos

PRÆFATIO.

seruiui, non minus constanter, quam difficili-
 mis etiam rebus & temporibus, ad omnia obse-
 quia studiose. At natus tu quidem es, tribus
 Cesaribus, qui unus successit alteri regnantibus,
 Carolo V. Ferdinando I. & Maximiliano
 I I. superstitibus quos dando tibi nomine, nihil,
 ominosum quod fuisset, latere poterat & debe-
 bat. Lyncei enim regnatricis familiae sunt oculi,
 & filiis maxime primogenis nominibus dandis
 omnia dispiciunt minutatim. Sed ut hoc etiam
 non fuisset, quod fuit certe maxime, constat sal-
 tem educatum te ita fuisse, ut cum à natura illu-
 stri & eximia, tum & à recta institutione tua,
 nihil non augustum poterat proficisci: quod vel
 inde colligitur, cū domi forisq. semper cum ma-
 gna laude versatus sis, & nullum non specimē à
 iuuetute tua edideris præclari animi & ingenii,
 virtutis, pietatis, & fortitudinis tuæ singularis:
 & deniq. cū præceptores habueris, non modo be-
 ne dicendi, sed & bene viuēdi, summos doctores;
 qui etiam nauata tibi egregia opera amplissimos
 honores consecuti sunt, & à tanto tamq. magna-
 nimo Principe omnia præclara insignia virtu-
 tis, & ornamenta dignitatis retulerunt. Idem e-
 nim fere præceptori, qui honos debetur etiam Ge-

nitori.

PRÆFATIO.

mitori. A quorum domesticis præceptionibus, exter-
 norum etiam mores & vrbes videre tibi pla-
 cuit; cum in auunculi tui Philippi Hispaniarum
 Regis aula (at quali & quanta?) fere decennium
 consumpſiſſes; ex qua non prius ad tuos reuerſus
 es, quã probe exculto ingenio, & ad gubernacula
 Reipub. conformato, ac per eandem quidem illam
 Reginã prouinciarũ Italiã rediſti incolumis: ut
 occidẽte viſo Aquilonem, Germaniã quoq. pera-
 grasses, & non prius præeſſe quam ſubēſſe viſus
 es, patre adhuc viuo & reſtuas, non tã mouente,
 quã promouente vnico ac feliciffimo illo artifice
 ſcienter & moderate gubernandi. Iam vero cum
 fortes creentur fortib. & ingenioſi ingenioſiori-
 bus, neminem præterit, quis parens materq. tua
 fuerint, & quã illud recte in eã ceciderit, ut pro-
 neptis, neptis, filia, nurus, ſoror, cõiunx, & mater
 Caſaris memorabili, nec vnquam audito Elogio
 decoretur. Quod Michaelẽ illum nobilem (at
 quam nobilem Venetum?) qui apud omnes o-
 mnium nominum Principes ſuæ Reipub. nomi-
 ne legatione eſt functus, ipſum coram ei fe-
 runt dixiſſe, & cum alias ſumma prudentiæ lau-
 des, tum vel hoc ipſo nomine etiã retuliſſe. Ut in-
 terim ſilentio illud tranſeam, quod magna ſe

PRÆFATIO.

licitatis & laudis fuerit tuæ, Aui & Patris consiliarios, & quod summum est genitorem ipsum prudentiss. Principem Magistrum institutoremq; tuum habuisse. Nullus enim maior quam patris in filium fuerit amor, & cum legendo, tum sapientes quotidie audiendo in primis erudimur. Iam vero non ibo inficias, in omni omnium seculorum memoria multa (quod aiunt) Neroniana quinquennia reperiri, sed qui pene sex quinquennia feliciter compleisset imperando, aut paucos, aut inuentum fuisse neminem. Tanto vero minus hæc à te gubernationeq; tua expectanda est mutatio, quod Turcæ de quo Tu cum eo certas magis labascit imperium: si imperium dixeris, quod latrocinio cõparatur. Tu vero animo, corpore, virib. & facultatib. ita es firmus, ut nihil eorũ quæ humanitus in te cadere possunt, pertimescas. Numen vero ita habes propitium, ut matris religiosissimæ adiutus precibus, nõ aliud quam geminatas de barbaris victorias perpetuo sortiare. Quid quod & annum, (si quid ad rem pertinuerit) quo pater fuerat mortuus, superasti iam climactericum: & matris ætatem, ut in magna spe sumus, adequabis, & tantum abest, ut hic tyrannus superatu tibi sit incredi-

bilis;

PRÆFATIO.

bilis; ut etiam duce & auspice Deo breui facilis, ut mea fert opinio, sit futurus. Eadem enim Monialis illa, quæ Rudolpho primo Atauo tuo imperiū prædixerat, & ob reuerentiā Christi corporis, habitā posteritatē eius gloriosam & diuturnam futuram prænuſciauerat; Te quoq; & totam progeniem tuam proculdubio intellexit. Ex qua imperii tui conſors, liberis Electorum imperii ſuffragiis declaratus, non detrimento libertati, ſed ornamento dignitati Germanicæ id futurum, & illos Friderici III. Caſaris diuturnitatis Auſtriacæ prænuſcias voces non vanas eſſe, teſtatum facies, Auſtriacam familiam ad omnem duraturam perpetuitatem. Et re vera ſi quis conſideret omnia, eo tandem deuenit res, ut non niſi duæ reſtent iam familiæ, penes quarum alteram Totius orbis imperium haud dubie finietur; Turcica Parricidialis una, & Auſtriaca domicilium virtutum altera. Quæ quoniam iuſte & moderate regnat, illa nullo iuſto titulo & in re aliena rapit & occupat, credibile eſt Auſtriacæ potius, quam alteri præſidium affuturum diuinitatis. Quod & ipſe Machometica ſectæ auctor abhinc mille annis videtur prædiſſe. Nunquam enim videas impios Reges & le-

PRÆFATIO.

ges diuinitus prosperari : ut ex aduersus Austriaci virtutum omnium opibus, & tot regnorum accessione fulgent, interno & externo vitæ splendore nitent, cultissimis quibusq; gentib. & nationibus præsent; & Romani Imperii Maiestatem decem electis Imperatoribus sartam tectamq; in hanc diem tuentur & conseruant. Quod profecto gloria toto terrarum orbe alteri familiæ datur proculdubio nulli; & optimo iure à tot annorum centenis Dignitas Imperialis deferatur præter Austriacos nemini. Vnde olim Principum Electorum nescio quis dixerat, cum Imperator nū eligi vellet ab altero quereretur; Quorsum inquit? cum Austriaci plus in alendis falconibus, quam ego in sustentando Imperio haberem in rebus. Et re vera plurima & maxima ad sustinendam Imperialem requiruntur Maiestatem. Quod ex contrariis effectibus, Venceslai Ignauī dicti, & Caroli V. victoris Maximi Caesarum, fuit vidisse: & non neminem appetiti & suscepti Regum in Reges, qualis est Imperator, dominatus vidimus pœnituisse. Iā & illud quale & quantum est; Quod Austriaca nullum Ottomanica familia semper aliquem habuerit tyrannum; qui ultra terdecem, Tyrannis ul-

P R Æ F A T I O.

tra centum annos vix aliquando perdurauit. At una illa peculiaris Austriacorum Regum fuerit gloria, clementia & liberalitate floruisse, unde etiam in Prouerbii Germanici abiit consuetudinem, Quam nescio cuius alterius familia munerationem, indignationem Austriacam semper fuisse meliorem. Multi enim quod dent non habent; qui habent, collocare recte beneficia nesciunt; & quod dederis oneri, ultio in quaestu habetur. Quam ego tuam familiaeque tuae laudem perpetuam esse tibi tuisq; cupio; & Austriacorum Regum aucto immensum Imperio, ut minuatur demum animus, non extimesco. Is enim profecto sum, qui à puero te noui, & cum à Possouien. Patris tui inauguratione in Hispanias ante quadraginta annos proficiscebare; & quae demum reuerentis tua fuerat ratio, regnandiq; conditio reminiscendo mecum ipse soleo recordari. Ferdinandi quippe tui Aui, puer nobilis, Maximiliani Patris cum facultate peritiora Palatii ingrediendi, & denique tui ipsius, cum eadem illa facultate, & honorifico stipendio fui ab obsequiis destinatus. Postremo cum Pater Ratisbonae moreretur, funebri oratione triduo post impressa, vitam & laudes ipsius sum prosequutus,

& Lyn-

PRÆFATIO.

& Lyncii denique qua Tu Ratisbona ieras ad-
 eram, ignesq; illos Canisia, & in oratorio Praga,
 & ipso in oppido Lynciano excitatos memini,
 quæ apud me omnia tuorum de Turcis trium-
 phorum nuntii, non signa futura alicuius fue-
 rant vastitatis. Ignis enim aut purgat, aut ob-
 ruit: sed tu purgas Europam Turcis, illi autem
 ne obruant, qui ipsi obrui & ruere per se iam in-
 ciunt, non est timendum. Quo magis ut fa-
 cis bono esto animo Auguste, & sicuti Rudolphus
 primus Germaniam domesticis latrocinis, sic tu
 Europam liberares barbaris; qui hos duodecim an-
 nos tot tantaq; contra eos prestuisti. Rei bene-
 gerende occasiones non semper occurrunt, & se-
 mel amissa raro redeunt, & interuersa euane-
 scunt. Coniecti sunt omnium in te oculi, nec
 desunt felicitatis tuæ inuidi; quam tu inuidiam
 virtute partam, gloriam non inuidia puta, &
 quantum in te fuerit, Magnitudine animi fa-
 ctisq; fortibus, Te ipsum etiam superato. Rex
 exercituum Dominus semper tibi aderit, deesse
 si tu nolueris Tibi, & saltatorium orbem si qua
 est versare fortunam serio quam sero tecum ipse
 potius recognosces. Audiuit Ezechias ab Esaia
 cito se moriturum, & fleuit, & non modo salu-

PRÆFATIO.

tem, sed vitam etiam longiorem diuinitus im-
petrauit. Quid tu idem non faceres, & cum
aliorum progenitorum tuorum, Aut maxime,
tum matris sanctissime fœmina, cuius bono o-
mine faciem refers, vestigiis non insisteres, cuius
precibus tantum felicitatis & victoriarum tua-
rum habes spectatricem. Quod nescio quis Phi-
losophorum, Summo alicubi dixit esse gaudio,
cum multum sit prosperis successibus letari, sed
summum in iis genitores adhuc superstites in-
tueri. Magna fortis genii & ingenii tui est
gloria: ad cuius famam biennio ante Romam
profectus cum essem, in Aulam tuam Persica
venerat legatio. Magna undiquaq; præstantur
tibi auxilia, maiora adhuc manent te trophæa,
& de hoc barbaro hoste spolia infinita. Tutamen,
cui tot tantaq; adsunt, ipsi nolis deesse (ut
dixi) Tibi, neq; indormias ulli bene gerēdæ rei
occasione. Tarditas & iniuria nocumento, &
victoriarum mater habetur sollicitudo. Sic ni-
mirum barbaris formidabilem, tuis amabilem,
sociis venerabilem, omnibus & singulis præsta-
bis te admirabilem. Sic tua regna pacata,
vicina reconciliata, contra barbarorum incur-
sus habebis omnia tranquillata. Magnum

fuit

PRÆFATIO.

fuit quid, nec scio si volenti facilius, experienti
difficilius, contra Turcarum Cæsarem, duode-
cim amplius annis singulis vexilla circumtulif-
se; Tu circumtulisti: maximum contra innu-
merabiles ipsius copias paruis conflixisse, confli-
xisti: Incredibilo tot pugnas feliciter obtinuisse;
Tu fere omnes præter unam illam ad Agriam
obtinuisti; In qua etiam ipsa, per unum & alte-
rum diem, iam Triumpho potiebare, si qui Tur-
cas milites tui vicerant, victoria uti maturas-
sent. Praclarum enim fuerit vincere, sed præ-
clarius victoria uti non nescire. Quid igitur
restat? quis tibi actus alter superest, quam ut
eundem illum exercituū Dominum, & largito-
rem victoriarum, Deum Opt. Max. demisse ores,
ut qui hætenus rexit & textit te, in posterum
etiam numine & nomine suo perpetuo tueatur.
Multa ego, per sexennium in aula tua versa-
tus, multa, inquam, quam multum nescio, de
laudibus & victoriis cōmentatus sum tuis. Non
me pœnitet facti, quem non modo expectationi
responsurum, sed ipsam etiam expectationem su-
peraturum spero; opto quidem certe: sed talis obse-
crosis, qualis videre velis; talis porro videri, ut
Diuinam in humanis rebus, & potentiam agno-
scas,

PRÆFATIO.

scas, & varietatem casuum perspicias, & rerum
ac temporum subitam mutationem extimescas.
Numen nomenque Diuinum qui perpetuo ti-
muit, creuit; qui secus, periit. Antequam Deus
mutauerit se, Tu mutato semper in melius te.
Hoc quidem & populis quos pascis beneficio gra-
tum, & fama gloriosum, & ad omnem aterni-
tatem tibi fuerit salutare. Quod reliquum est,
huius anni & multorum aliorum felicissimos
progressus & consecutiones tibi precatu-
s, me meamq; commendo tibi perpe-
tuam seruitutem. Calen.

Ian. Anno 1603.



Primo libro continentur.

Vita

Darii primi. *fol. 1.* Regum Persarum.

Darii vltimi. *4.*

Vita

Augusti Caesaris. *8.*

Augusti ex Italicis vltimi Caesaris. *10.* Caesarum Romanorum.

Vita

Constantini primi. *24.* Caesarum Constantino-
Constantini vltimi. *45.* politanorum.

Vita

Caroli Martelli primi. *65.* Regum Francorum.
Caroli Martelli vltimi. *62.*

Vita

Berengarii primi. *20.* Regum Longobardo-
Berengarii vltimi. *82.* rum.

Libro secundo continentur.

Vita

Balduini primi. *93.* Regum Hierosolymita-
Balduini vltimi. *101.* norum.

Vita

Alphonfi primi. *109.* Regum Arragoniorum
Alphonfi vltimi. *117.* & Neapolis.

Vita

Iagellonis primi. *123.* Regum Polonorum.
Iagellonis vltimi. *294.*

Vita

Francisci primi Sforzie. *113.* Ducum Mediolanen-
Francisci vltimi Sforzie. *220.* sium.



G. VARSEVICII C. C.

DARI I PRIMI

REGIS PERSARVM

VITA.



IMPORTVNA Cambyſis,
Cyri Perſarum Monarchiæ
primi conditoris filii, in Æ-
gypto abſentia, & crudeliſſi-
mus per omnia dominatus

Darii Hiſtaſpis filii, primi eius nominis
Perſarum Regis, cauſam & occaſionem
poſt acrem diſceptationem præbuit ele-
ctionis; vt primum quidem, à ſeptem in-
terfectoris Magis, vnius in Perſide im-
perium poſſimum probaretur. Regna-
bat tum Romæ Tarquinius, ab vrbe con-
dita ſupra ducentefimum tertio & trigeſi-
mo, cum eodem illo tempore Darius im-
perium in Satrapias diuiſiſſet, & tributa

A

impo

imposuisset populis, pluresque simul vxores ducendas esse regibus suo exemplo non obscure ostendisset. Nam ad eorum nuptias, amplissimis dimissis legationibus, circumvicinos Principes inuitabat, & id quodam modo honori gloriæq; sibi æstimabat. Cuius mentionem sacræ etiam literæ honorificam faciunt, hoc ipso maxime nomine, quod facultatem prosequendæ edificationem Hierosolymis templi Iudæis perbenigne concesserit. Iam vero, cum secum ipse expenderet, nec quietem sine armis, neque arma sine stipendiis, neque stipendia sine tributis, posse haberi; primus omnium Persis pecuniam imperauit, vnde etiam propolam & institorem vulgo cum quidam appellabant. Sed ille nihilominus ea moderatione utebatur, vt non admodum, vel hac quoque in parte ipsa, immoderatus aut iniquus spectaretur. Nihil autem est ita graue, quod Reip. necessitate urgente, & consuetudine in populis non alleuetur patiendi. Quo magis etiam quosdam, qui eius rei gratia contra eum conspirauerant, coercuit, & per

Parasangas, quo nomine triginta in Persi-
de stadia continebantur, tributa conferre
prouinciales iussit, & tributarias functio-
nes in 20. partes distribuit, & nec ignauū,
nec impotentem suis se esse Dominum fa-
cile omnibus est testatus. Cuius histo-
riam texere nostri instituti non fuerit; sed
satis sit dixisse, magnum & memorabilem
regem eum fuisse, & bene administrato
regno cum laude, nec ita immatura mor-
te, ex hac vita excelsisse. Vixit enim an-
nos, cum regnare incepisset, triginta sex,
totidemq; imperauit. Cuius iussu in Cyri
Persarum regis tumulo inscriptum illud
ferunt. Amicis amicus fui, & eques & sa-
gittator optimus. Venatores superaui, &
omnia quæ potui egi. Vnum reliquit fi-
lium Xersem dictum, omnium prope Per-
sarum regum opulentissimum, vt etiam
ex Danielis Prophetia constat: in cuius
exercitu ter & vices centena millia
hominum contra Græcos e-
ducta fuisse, Herodotus
testatur.

D A R I I R E G I S P E R -
S A R V M V L T I M I
vita.

SExcentorum & amplius hominum millibus, quos in exercitu suo Darius Persarum Rex habuisse constanti fama ferebatur, & longe atque late Imperio propagato, Alexandrum Macedonem, ad orbis terrarum Imperium aspirantem, initio quidem parui, mox mira celeritate, & rara felicitate viribus auctum, tanti fecerat; ut nihil minus, quam conatibus eius obstare posse se, re ipsa postea experiretur. Quod quomodo gestum sit, brevibus exponemus. Morabatur Alexander in Cilicia opinione Darii diutius. Cuius rei non vlla alia aliqua causa, sed ipsa aduersa extiterat ipsius valetudo. Quod cum Darius timiditati adscriberet, facile postea, cum ad praelium ventum est, fefellit eum opinio. Videmus enim in multis virtutis quam ætatis cursum reddi celeriores. Ab eo igitur Medicorum opera liberatus malo, & Amyntæ Ducis sui spreto consilio,

qui

qui Darium expectandum censuerat, magnis itineribus contra eum iuit, & nihil amplius cunctandum sibi esse iudicauit. Magnus, vt dixi, & pene innumerabilis Darii fuisse æstimabatur exercitus, vt pote qui terris etiam, quod aiunt, grauis & flumina exsiccassee memoratur: sed vna illa Alexandri, & eius militum patientia, & perseverantia, peruicit omnia; & non numerum, sed virtutem in præliis valuisse declarauit. Nam cum ad certamen fuerat ventum, principio quidem Alexander à Dario vulneratus ita se recollegit; vt non modo de Dario, sed de toto ipsius Imperio gloriosum egerit tandem victorem. Etenim vltra centena barbarorum millia, in exercitu Darii vna die ab Alexandro cæsa, & magni, tam in eius quam in militum ipsius manus thesauri venisse memorantur; verum inter alia pretiosissimum Darii erat tentorium. In quo cum depositis armis balneare Alexander voluisset, & se Darii delicias ostensurum suis denunciauisset; quidam ex astantibus, non amplius Darii, sed suas appellare de-

bere, ipsi respondit. Qui tamen illa tam magna felicitate non intumuit: sed vel in victoria erga victos modeste & temperanter se gessit, & Darii matri, coniugi, ac liberis, non insultauit, adeo ut non dominum, sed patrem nactum esse videretur. Quam nimirum est victoria, non tam alios, quam te ipsum peruicisse. Quare omnium conuerterat in se oculos: & qui de ea ipsius mansuetudine aliquid inaudierant, in stuporem rapiebantur. Quam etiam re Darius intellecta, agens iam animam, Deum Opt. Max. precabatur supplex, ut aut se, si fieri possit, saluum, aut non alium, quam Alexandrum in suo Imperio collocari pateretur. Deuictus vero Darius ab Alexandro anno regni sui sexto, cum quo desinit Imperium Persicum, cum circiter ducentos triginta duos annos durauisset.

Comparatio.

NON tam quidem Darius, hoc nomine Rex Persarum primus, ad dominatum illum suum, quem miris artibus quaesierat

felici

feliciter olim peruenit; quam infelicius
eius nominis alter funditus illam extirpa-
uit. Solet hoc ut plerumq; fit accidere, ut
qui in altum per se ipsi tolluntur, & alios
præ se aspersionantur, ab iisdem tandem de-
primantur. Erat autem Darius uterq; am-
bitiosus, sed prior, quam posterior, maio-
ris ingenii iudiciiq; singularis, ut pote, qui
pro re & tempore ad defensionem sui
tributa scienter imposuit; ultimus vero
Darius magnitudini virium suarum con-
fusus, nihil minus quam de bello initio co-
gitauit. Quo etiam facilius pedem im-
pegit, & Alexandrum quem contempse-
rat occisorem & euerforem Imperii se-
cum ipse, licet sero, recognouit. Ab ho-
ste enim, quem contempseris, paruo ne-
gotio collabere. Odiosa quippe est super-
bia, nec humani imbecillitas intellectus
numinis potentiae contrahenit. Anim-
aduerterant quidam Persarum Duces A-
lexandrum transitu potuisse principio pro-
hiberi: sed sero, q; aiunt, sapiunt Phryges,
ac vel sapientissime cogitationes nullo vsui
fuit tardiores. Ne multa, magna industria

primus Darius creauit, & Imperium auxit, & veræ religioni fauit, vnde etiam structura templi Hierosolymitani anno nono eius Imperii omnino fuit perfecta: ignauia alter Darius perdidit: ille tributa sanxit, hic vectigalia dissipauit: ille vitam sollicitam, hic luxuriosam egit. Propterea vt ille Imperium Persarum auxit, sic post à Cyro captam Babylonem alter genus, diem, & Imperium suum, ducentis triginta duobus annis interpositis, terminauit.

AUGUSTI CÆSARIS VITA.

ROmani Imperii Maiestatem, q̃ longe lateq; sese extendebat, non modo armis decoratam, sed legibus quoque armatam, magis magisque augere, sicuti quidem diutissime Cæsarum omnium eidem Imperio præfuit, sic etiam præ aliis cunctis Augustus Cæsar maxime procurauit. Etenim cum prouincias omnes descripsisset, & certos singulis rectores

præ-

præsidesq; præfecisset, tū & limites Imperii latis legibus eiusmodi constituit, quales ad omnem partem hostilem Imperium, partim nequitiam hominum maxime fierent diuturni. Frustra enim quies in principatu speratur, si aduersus hominum cupiditatem vicinitas non præmunitur. Natus vero Romæ fuerat, gente Octauia, quæ Vellitris olim erat præcipua, M. T. Cicerone & Antonio Consulibus. Cui adhuc infanti Turino nomen est inditum, quod in regione Turina prospere gessisse rem pater ferebatur. Postea quidem Cæsaris, & tandem etiam Augusti nomen sibi sumpsit, & nequaquam quibusdam suadentibus Romuli nomen assumendum sibi iudicauit. Quadrennius genitore est destitutus, & duodenis Auiam Iuliam pro concione collaudauit. Quadrennio post Toga virili sumpta, militaribus donis ornatus est, quantumuis licet nullum virtutis militaris signum ob ætatem teneriorem edidisset. Iam quidem, vt in herbis herbescentibus quædam viriditas, virtutis in ipso apparebat maturitas: vsque eo,

vt vel ipsum C. Iulium Cæsarem, tanti iudicii Principem, in admirationē sui raperet, & maximam opinionē de ipso se apud omnes excitaret. Quo etiam fiebat, vt C. Iul. Cæs. (quod aiunt) ne latum quidem vnguē à se discedere passus cum fuerit, & ad certam Imperii spem quodam modo asseruauerit. Absuit ille tamen Roma, cū idem à coniuratis in Capitolio occideretur. Verum nuncio celeriter accepto, ad adeundam hæreditatem Appollonia, vbi studiorū causa morabatur celeriter accurrit. Nec ita multo post, grauissimis bellorum motib. identidem agitatus nunquam fere conqueiuit. Ac primum quidem cōtra Antonium aduersus & Brutum & Cassium alterum, aduersus Lucium Antoniū triumviri fratrem, postremum contra Pompeium, & Cnei Pompeii filium auunculi, vlciscens necem bellū gessit, & ipsorum acta tueri minime dubitauit. Qua in re cum præter suam multorumq; opinionem, Antonium sibi aduersantem depræhendisset, ad Optimates sese contulit, & nulla non arte ac largitione veteranos si-

bi ascire maturavit. Sed nec in ea quidem sententia diu perstitit, & cum ad Optimum non nemine puerum tollendum potius è medio, quam ad principatū admittendum dicentem intellexisti, rursus Antonium ex inimico amicum sibi fecit, tanta quidem dexteritate & versutia, ut vel ipsius M. Tullii perspicacem illam qua gloriabatur prudentiam elusisse, & in desperationem quandam, ut exclamaret: O me (inquit) nunquam sapientē, & frustra quod non erat existimatū adegisse videatur. Multa enim à senioribus cum vituperio tarde discuntur, quàm iuvenes cū laude celeritate mentis aliquando assequuntur. Erat ergo hac in parte, ut diximus, felicissimus, & cum primum veteranos milites largitione sibi ascuiisset, & senatus partium factus esse videretur derepente, paulo post aliam instituit velificationē, & cum lepidō vere factō lepidō, ac cum Antonio contra Brutū & Cassium fœdus pepigit, ut his facilius oppressis, quos magna potentia auctos viderat, tandem etiam & Antoniū ipsum vlcisceretur, qui pecuniā

in mor-

in morte Cæsaris fraude ablatam ipsi restituere aperte recusabat. Ad singula quidem & omnia ista mirificis simulandi & dissimulandi artibus Augustus utebatur. Non tam enim honorificum, quam interdum commodum affectus animi est comprimere, & ut maxime doleant aliqua prudenter dissimulare. Quod Augustus non modo scienter, sed satis etiam pro re & tempore tantis difficultatibus initio obrutus præstitit animose. Primum autem omnium mutuo consensu, pari militum numero conuentum est ad Bononiam, & ex æquo trium illorum Augusti, Antonii, & Lepidi constituta est dominatio, & in inimicorum, quos quisque habuisset, excidium conspiratum. Res illa misera & miserabilis fuit. Nam ut Romam rursus Bononia ventum & proscriptionum tabula est proposita, tantum ciuium exarsit incendium, quantum potuit esse maximum, cum non alia proprii & alieni haberetur ratio, & quod tuum inimicum, amicus qui esset alterius, nisi pro eo dedisses alium, non poteras neque debebas vindicasse.

Quo

Quo nimirum acciderat, ut aut veteri iracundia excitati, aut noua suspicione adducti salutem amiei inimici postpouerent, & sursum ac deorsum omnia miscerentur. Nam amici pro hostibus, socii dabantur pro perduellibus, & aut pares cum paribus, aut cum vno plures, aut cum pluribus pauciores quasi venales essent, precii & licitationibus instar pecudum factis permutabantur. Commune autem erat omnium bellum inferre potentioribus, non tam ob vetus aliquod conceptum in eos odium, quam ob perpetuam sitim, & studium alieno ditescendi. Potentior enim quam infidia semper est auaritia, rebus ad commune belli ciuilis incendium, vel paululum inclinatis. Quo veluti quodam in ceno, & Reipub: exterminio, omnes quidem, sed omnium vehementissime Antonius, Lepidus minus, ad quam minime Augustus volutabatur. Omnes enim per se, natura, ambit dominatum, sed in infamia publica subire subterfugit, quo ad potest, principatum. Iam quidem non solum Antonius ipse, sed eius etiam

coniunx



coniunx huius tam diræ excitatæ causâ crudelitatis, quæ sic: ac quanti & qualis eius Consulis & Imperatoris caput, ad se allatum, vt maxime præ aliis conspiceretur, in rostris poni imperauit, & linguâ deniq; ipsius acu pupugit, vt quæ Philippi- cas in Antonium scripserat à morte etiam pungeretur. Postremo, cum nescio cuius caput sibi oblatum aspexisset; Hunc, inquit, ignorabam cum illusione respondit. Ita videlicet animi impotentia, potentia aucta, vel in optimum quemque impune perbachabatur. Verum vt hæc tantæque Romæ fuerint; vt vel innocentissimus quisq; pateretur; dabatur etiam venia aliquibus. Ac vnus serui exemplum est, memorabile semper, qui cum in speluncam quandam dominum suum inclusisset, cumq; nescio quis paulo ante indicasset, quod proscriptum occultare capitale habebatur, veste mutata, ingredientibus seruis obuiam egressus est, & interfici se tanquam Dominum ultro permisit, fide quippe in Dominum serui nihil est maius, & obsequio nihil dignius muneratu.

Nam

Nam si Herostratus, quod templum Dianæ succenderat, æternitati mandari se voluit, quanto laudabilior, qui pro hero mortem ipse oppetere minime dubitavit? Augustus certe vt & ipse se gesserat, & bene gerentē laudauerat, multis argumentis declarauit. Nam & Ciceronis libello, in nescio cuius manib. conspecto; Bonus, inquit, ciuis fuerat, libere dixit, & Romanū Imperium semel partum, fartū tectumq; perpetuo conseruauit. Domuit autem ille partim ductu, partim auspiciis suis Cantabriam, domuit Aquitaniam & Pannoniam, domuit cum Illyrico omnem Dalmaciam, & cum Dacorum incursiones repressisset, cæsisque eorum Ducibus tribus, Germaniam vltra Albim semouisset, Galliam quoque compescuit, & magnum nominis sui terrorem per orbem terrarum vbique propagauit. Quo fiebat, vt bis ouans urbem ingressus fuisse & ter currulis triumphasse memoretur. Graues interdum clades in Germania patiebatur etiam, vel nonnunquam: vnde illud etiā de eo ferebatur, quod capite ad murū

alliso,

alliso, aliquando dixerit : Varre, Varre, inquit, redde legiones. Pūgit quippe magnus magnum virum casus, & non nisi sui ipsius oblitus acceptarum calamitatum ē vestigio fit obliuiosus. Disciplinam porro militarem seuerissime rexit, domi suos in officio tenuit, legatorū licentiam inuisendarum sæpius coniugum à pristino vsu paulo arctius inhibuit, multos exauctorauit, milites loco cedentes, postquam decimati fuerant, hordea pauit, & nullum suppliciorum genus fontibus puniendis propter exemplum prætermisit. Sed pari quoque ratione & animadversionis vt in malos seueritate, sic in bonos vsus est benignitate. M. Agrippā post naualem pugnam in Sicilia, qua victor euaferat, ceruleo vexillo donauit, & nihil in Duce belli, quam festinationem, magis reprehendit, illud in ore sæpius habens: Festina lente. Prælium etiam nullum committi voluit, in quo non maior spes emolumenti, quam metus apparuisset detrimenti. Tantæ item modestiæ fuerat, vt quæ sanciri legibus debuerant, in tabel-

la vulgo proponeret, libere ab omnibus qui vellent ventilanda, honores ac magistratus, & ante tempus & quosdam noui generis & appellationis non accepit, vt pote Tribuniciam potestatem, in qua tamen etiam ipsa per singula lustra Collegam sibi cooptauit. Romam pro maiestate summi Imperii, non satis, vt videbatur, exornatam, & frequentibus incendiis valde obnoxiam, ita excoluit, vt iure gloriari potuisse diceretur, marmoream urbem Romanis se relinquere, quam latericiam accepisset. Ius dixit assidue, maxima non solum cum diligentia, verum etiam æquitate. Liberalitatem in omnes promiscue exercuit, spectaculorum frequentia & varietate alios vicit, & ad scenicas & gladiatorias operas ipsos etiam Equites Romanos adtribuit. Italiam vno de triginta Coloniarum numero deductarum frequentauit. Dictaturam magna vi offerente populo acceptare renuit. Domini appellationem vt maledictum exhorruit, quod verus cœli & terræ Dominus sub extremum eius Imperii nascebatur.

Iam cum Pater Patriæ per Valerium Mes-
salam salutaretur, in hunc modum lacry-
mans respondit: Compos, inquit, voto-
rum meorum factus, Patres conscripti,
quid habeo à Deo precari Opt. Max.
quam ut hunc consensum iudiciumque
de me vestrum perpetuum esse patiatur?
Ac breuiter, magnus & laudabilis Au-
gustus in omni memoria extitit Impera-
tor, quem facilius laudare, quam aliis fue-
rat æmulari, & qui ultra quintum & quin-
quagesimum annum, & post eum diutius
nemo, paulo tamen minus Fridericus III.
Austriacis imperauit.

A V G V S T V L I E X
I T A L I C I S V L T I M I C Æ-
saris Vita.

Portendebat Italico nomini atque
semini manifestam cladem Momilli,
porro vulgo Augustuli dicti Cæsaris ap-
pellatio, cum adhuc puer annitente pa-
tre militum studiis Rauennæ fuerat pro

cla-

clamatus. Erat is Orestis cuiusdam Italiae Regis, natione Gotti, filius; quem Nepos Romanorum Imperator factus, adolescentulum adhuc cum exercitu in Gallias miserat, & copiis militum cunctam Italiam denudauerat. Ad cuius rei nuncium, cum multi etiam domi ab eo defecissent, tum & externa vis præter expectationem accessit. Cuius ille rei causa in desperationem actus protinus mutato consilio in Dalmatiam nauigauit, Augustulus vero interim cum Vandalis, qui longe atq; late in Africa rerum potiebatur, fœdus percussit, & ita securum se fore omnino iudicauit. Sed dum ab Austro nihil sibi metuit, ab Aquilone est oppressus plane incautus, ocio quam negotio magis intentus: ut sole meridiano clarius appareat, in rebus consiliisque humanis sine Diuino numine atque nomine, nihil vnquam esse, nec fieri posse aliquid firmitatis. Vnum enim illud cœleste æternum fuerit, cæterum regnum in terris nulum futurum est diuturnum. Erant

Heruli & Turingi Attilæ crudeliſſimi illius Tyranni exercitum reliquæ, qui cum Attilæ filii ab Oſtrogotorum Regibus proſtigati circa Danubii oſtia, qua parte Scythiam attingunt, aliquandiu quieuerant; nec per longum tempus vllum vel aliquod ſuæ exemplum virtutis ediderāt ſingulare. Sed tandē aliquando Odoacrem, vnum ex ſuis ſecuti, ex alto illo (vt dicam) ſomno euigilare fecerunt, ac vnā illam Italiam infeſtandam primum ſibi propoſuerunt. Solent enim gentes nationeſq; exteræ, à quibus paſſæ fuerint vices calamitatum rependiſſe. Quod huic Momillo Auguſtulo dicto, & in eo Italico accidit Imperio, cui ille cum infelicer puer præuiſſet, & in deſpicatū quendam apud omnes incidiſſet, tandē hunc exitum quem dicemus tulit, & Roma Romanūq; Imperium in maximas anguſtias & difficultates poſtremo peruenit. Etenim ineunte ſtatim vere, Odoacer cum maximis copiis domo egreſſus Danubium traiecit, & vſque in Noricum ipſum impune vbique lætus &

trium-

triumphans penetrauit. Cui tum iter facienti, Anachoritam quendam victoriam certam prædixisse, & pro villis pellibus, quibus amictus erat, opima spolia ferunt promississe. Sed ad rem. Incertis interea temporis Orestes sedibus vagabatur, & tandem quidem postremo Ticinum iam venerat, cum Odoacrem in Italiam aduentare inaudiuerat, magnis copiis & conatibus omnia omnium vbique conuellentem. Excitatus eo nuncio, & in murorum quam militum præsidio maiorem fiduciam ponendam ratus, Placentiæ mœnibus se aliquandiu continuit, sed postremo tamen captus inspectante toto exercitu vita & Imperio est spoliatus. Momillus autem sub id tempus Rauennam, in qua electus fuerat, profugit, sed nec in ea ipsa acrius se initio paulo post segnius defendens diu admodum perdurauit. Victor interim Odoacer Romam peruenit; cuius populus aliarum urbium direptione territus, Regem eum salutauit: at Augustulus vitæ suæ consulens, purpuram deposuit, & ne quid grauius in eum sta-

tueretur Imperio se abdicauit: Cuius salutis Odoacer quidē pepercit, sed nihilominus tanquam exulem in Campaniam ablegauit. Hunc exitum tulit patris & filii impotens ambitio, cum tanquam per somnum gubernacula tenuissent, & Roma à barbaris gentibus Anno à Christo nato post quadringentesimum quartum denuo occupata extitisset: Anno vero post quingentesimum, quo C. Augustus feliciore omine ac nomine, quam Augustulus fuerat appellatus. Quo eodem etiam tempore Britannia in Angliæ nomen versa desuisse dicitur appellari.

Comparatio.

AVgusti & Augustuli nomen, ut quidem diuersum longe à se fuerat, sic diuersa etiam imperantium initia & successus gubernaculorum protulerat euidenter. Puer quidem uterque potitus Imperio, sed longe dispari fuerat genio & ingenio. Ideo etiam secus Imperii admini-

stratio

stratio cessit Augusto, quam Augustulo, quorum ille consentiente Senatu & populo; hic acclamatus est Cæsartemerrariæ multitudinis errore magis, quam iudicio, quod nunquam à sapientibus tributum est vulgo, sic vt ferenda quam laudanda semper quæ vulgo fecisset potius sit æstimatum. Quid multa? vt Cæsarem Augustum magnifica maiorum merita, & propria extulerant facta, sic in Augustulo Imperatoria insignia extiterunt deturpata. Omnes enim homines, sed maxime Reges addunt, vel diminuunt suæ ipsorum maiestati. Discant interim educare scienter suos, & nolint parentes Rebuspub. ignauos relinquere à morte rectores. Non neminem in publica administratione poenituit fui, & qui in altum euecti, postea fuerunt vero nihili, tandem traditi obliuioni. Quod in patre & filio Augustulo fuit videre, & vt leuissime dicam; Qui per acclamationem eum elegerant, tandem facile, vt fit, etiam deseruere.

CONSTANTINI
MAGNI, ET PRIMI
Constantinopolitani Cæsaris Vita.

CONSTANS Constantis gestarum rerum & virtutis fama, passim & vbique per orbem terrarum peruulgata, tum & ipsius Constantini eius filii magna quædam expectatio, facile regnatura auctoritatem & fauorem conciliarat popularem, vt præ tribus aliis eiusdem patris filiis tandem omnino solus Imperio patrino auitoque potiretur. Erant quippe Constantino, præter Constantinum ipsum ex Helena in Britannia susceptum, tres alii diuersorum nominum filii. Quibus omnibus Constantinum placuit prætulisse, haud sine quadam diuini numinis suggestione, cui aliquando agrotanti Angelus apparuit, & vt Constantinum hæredem suum relinqueret, & nihil ea de re addubitaret facile persuasit. Multa enim ad persuadendum faciunt, sed vel imprimis diuinæ denunciatio voluntatis. Placuit ergo

Con-

Constantinum fratribus aliis citra controuersiam præferri, & ad gubernacula tractanda præ cæteris diligentius erudiri. Quæ ipsa educatio non solum puerili literarum institutione, sed ipsa etiam scientia rei cõtinebat̃ militaris. Etenim vt primum ex ephebis Cõstantinus excesserat, traditus est Gallerio, qui tũ bellica laude sua ætate maxime excellebat; Qui siue quod adolescentuli industriæ quodam modo inuideret, siue quod conceptum aliquod in Constantinum Patrem odium antiquitus haberet, Constantino aduersari cœpit; & quomodo eum è medio tolleret, antequam ipsius luminibus obstruisset, tacitus secum ipse cogitauit. Erat in inimicorum Gallierii exercitu pugnax quidam barbarus, quo cum Constantino manum conserere, & cum illi feliciter id successisset, postea etiam & leonem, qui in vicinia ibi fuerat, interficere imperauit. Feroces autem Principum iuuenum animi, etiam cum periculo nihil libenter refugiunt: & ultra ipsas vires, nominis conquirendi ergo, multa sæpe ag-

grediuntur. Quod & Constantinus fecit, non modo alacriter, sed etiam gloriose, cum & Barbaro capto, & leone occiso passim & ubique celebraretur. Sed interim tamen à patre sene vocatus, ex exercitu illo discessit, & nihil prius aut antiquius quam morem gere parentibus apud se iudicavit. Nec mora, & pater tandem obiit, relicto ab sua morte amplissimo filio patrimonio, quod Britanniae Alpiumque & Galliae finibus & possessione extendebatur. Sic ut una illa Christiana tam amplo & virtutibus omnibus exaggerato Principi deesse videretur religio. Ab qua tamen ipsa non admodum Constantinus abhorrebat, sed uni illi Fausti coniugi suae, quae ipsi aduersa fuerat, maxime abblandiebatur. Nullum autem maius est virus, quam domestica adulatorum pestis, & in iis corporis alligati nexu diurni nocturnique consultores. Praefuerant tum temporis rebus Caesares pariter tres, Constantinus hic noster, Licinius, & Maxentius, sed ita se gerebat

rebat iste, vt Tyrannus quam Romanorum Imperator magis videretur, quod etiam causæ fuerat, vt dimissis in longinquas oras Roma legationibus, solus ad imperandum Constantinus vocaretur. Qui quidem nec sibi, neque suis defuit derepente. Ac non ita facile vocatus fuit, quàm nulla interposita mora simul cum ingenti exercitu Romam aduenit. Diuisis enim & nutantibus ciuium animis, aduentus sui celeritate semper suos expедierit fulciuisse. At enim intra urbis mœnia diu se Maxentius continuit, & num rem prælio committere debuerat deliberauit. Tandem suorum motu & Sibilis excitus extra portam prodiit, & ad pontem Miluium signa cum potente aduersario conferre minime dubitauit. Apparuerat circa meridiem signum in cœlo, Constantino tanto quidem magis admirandū, quanto Romanis literis per stellas expressa verba illa, **IN HOC SIGNO VINCES**, dilucidius spe-

etabatur. Quibus Constantinus ad bene de tota re sperandum commotus, idem illud signum in suo vexillo pingi iussit, & intrepide ad conferenda signa properauit; nobiliq; relata victoria, tandem in arcu triumphali extare id quod adscribemus voluit, ad memoriã posteritatis sempiternam. S. P. Q. Romani, Cæsare Constantino Augusto, Qui instinctu Diuinitatis & animi magnitudine, vno eodemque tempore, tam de Tyranno, quã de omni ipsius factione Rempub. iustis vltus est armis. Verum post hos & eiusmodi Constantini successus, nondum adhuc in portu constiterant omnia, & Christiani populi, inuito licet, & prohibente Cæsare, multas clades & ærumnas vbique patiebantur. Restabat etiam qui in matrimonio eius sororẽ habuerat Licinius, & vnus alteri suspectus, ne dicam euaserat odiosus. Non obstat enim sanguinis nexus, quo minus appetatur principatus, vnde etiam ad apertum bellum inter Constantinum & Licinium est deuentum, eo quidem exitu, vt cum Licinius

profligatus, & male tractatus fuisset, Constantini soror & ipsius coniunx nihilominus pro eo se interponeret, & in gratiam Constantini cum ponere minime dubitaret: sed age rime omnium ferebat miles, homini perfido haberi fidem, & omnes è medio tollendum potius clamitabant. Quo evenit, ut paulo etiam post, nunc militibus deditus, nunc vero occisus vulgo diceretur. Constantino vero prospere succedebant omnia, & cum collatis signis Maxentium aggressus fuisset, armatum equitem exercitui ipsius signum Crucis prætulisse, & duos item adolescentulos, apud Andrinopolim obuios hostes profligasse memorabant. Quibus omnibus ostensis, in eam Constantinus adducebatur sententiam, plane ut crederet numen sibi adesse Diuinitatis. Quo etiam colendo & adorando, haud ita difficilem & inexorabilem se præstabat. Cum vero aliquando lepra infectus fuisset, & Medicorum suasu puerorum sanguine liberari debuisset, Petrum & Paulum Apostolos in somniis vidit, & eorum

moni-

monitu Syluestrum Pontificem ad se vocari imperauit. In criptis ille latitabat miser, & ad certissimam necem à Constantino se esse accitum forte suspicabatur. Quem Constantinus conspiciatus, bono animo esse iubet, & num Petrus & Paulus Christianorum essent Dii, ab eo percundatur? Respondente Syluestro non Deos, sed Apostolos Dei fuisse. Mox vt de Christiana etiam religione à Syluestro edoceretur postulauit. Quod cum fecisset sacris etiam vndis ablutus, & à lepra Constantinus est liberatus. Quo etiam æquior Christianis omnibus esse cœpit, & ne eorum sanguis à quoquam effunderetur, seuerissime interdixit. Edebat interim Syluester miracula, & Draconem ad Capitoliifundamenta latitantem, Diuino Nominē Numineque inuocato, extinxit. Quo ipso miraculo Cæsar magis etiam confirmabatur, & in Diuino cultu propagando assidue occupabatur. Id perfidi Iudæi conspicati, quomodo eum à proposito auertere potuissent, nullum non

mouere

mouere lapidem, & matrem ipsius, quæ magna ipsius pollebat gratia, cœperunt sollicitare. Est semper improborum molliendis rebus, quam bonorum maior contentio. Quo etiam facilius dubii mortalium animi falsis persuasionibus, paruisque temporum inclinationibus, facillime commutantur. Annuente ergo Cæsare, & matre pro Iudæis se interponente, doctis & cōsideratis vtriusque viris res discutienda datur. Cui etiam disputationi ipse Syluester præerat Pontifex, & iam eo rem deduxerat, ut victoria penes eum stare haud dubie videretur, cum subito Hebræi inuidia & maleuolentia ducti, Zambrem quendam Magum in medium adduxerunt, qui nescio quibus verbis boui in aurem insuffurratis eum postrauit. Quo Dæmonis astu Syluester animaduerso: Quid si vero ego, inquit, faciam eum reuiuiscere. Omnibus qui astabant religionem eius approbaturus se pollicentibus, ut mortuus, sic rursus bos factus est viuus, cum singulari omnium stupore & admiratione.

ratione. Quo compuncti Hebræi, fidem Christi veram esse professi sunt, & à Syluestro se baptizari minime recusarunt. Restabat sola Cōstātini mater, cuius corpus Venetias ex Græcia deportatum est. Helena, quæ idolorum spreto cultu, religione Christiana imbueretur. Quæ & ipsa etiam postremo Christiana effecta est, & Diuinum cultum non solum libenter, sed etiam procurauit vbique studiose. Nam eo quod Christo nomen dederat non contenta, voluit etiam sacra adire loca, & vsque in Palestinam pedibus Roma illud iter emetiri. Cui Syluester Pontifex comitem se præbuit, & omnia Christi hereditatis loca, non tam passibus, quàm planctibus cum ea peragrauit. Vnde etiam & crucem illam, in qua Seruator noster pependerit, Helena Constantini mater felicissime adinuenit. Quæ res tam rara & admirabilis fuerat, vt postea per omnia loca templaq; sacra certatim diuideretur, & Constantinus Magnus primus Imperatorum omnium, quæ res initio despicabilis fuerat, diademate Imperatorio

torio cruce sancta, & preciosissimis quibusq; lapidibus distincto vteretur. Quæ dum ita fierent, & cum tam mater, quam filius, religionem Catholicam propagarent; Constantinus duos suscepit ex Faustâ coniuge Constantinum & Constantem filios, & Helenam, quæ Iuliano Imperatori postea nupsit, filiam tertiam. Quanquam ex alia item vxore Crispum appellatum filium etiam habuerat, qui ut illegitimus fuisset, bello certe cum Licinio gesto, egregiam patri operâ nauauisse memoratur. Solent enim legitimi, iure suo patrimonioque freti, magis ocium quam negotium amplecti, & ab iis tandē qui ab hæreditate excluduntur subinde virtute superari. Quem insano quodam amore deperiebat nouerca aliquando, & quoniam ad concubitum pellicere non poterat, quasi eius pudicitiam tentasset apud patrem insimulauit. Sed Crispus extra culpam depræhensus, causa fuit, ut omnis, quod aiunt, faba in nouercam caderetur. Quæ feruenti balneo inclusa adhibitis candentibus laminis est excæ-

cata. Vindex enim adulterii est Deus, & testis ipsius veritatis. Per id tempus Vandalis & Gotti inuadentes Traciam, multas & magnas Romani Imperii Prouincias crudelissime peruastarunt. Quibus cum Constantinus, collatis signis pugnans, nobilissimum triumphum in patriam reportauit. Vt vero rerum bello & pace ab eo gestarum perennis esset memoria, Urbem de suo nomine condere instituit, in qua etiam ipsa re Diuinum Numen sibi consiliisque suis adesse non obscure animaduertit. Nam cum prima in Sardica, deinde in Sygeo, Troadis promontorio, id facere pertentasset, aquilæ surreptis fabrorum funiculis, fretoque illo superato, ad Byfantium eos posuisse memorantur. Quod cum nescio cuius prodigii vim habere videretur, Constantinus urbem condere, & de suo nomine Constantinopolim, quæ antea Byfantium dicebatur, non dubitauit appellare. Qua re ad dimidium mensis Maii absoluta natilitia et-

iam

iam sua idem Constantinus celebrare subito voluit, & omne magnificentiæ & benignitatis suæ in pauperes genus declaravit. Magnificis enim ædificiis extruendis, & egenis large fovendis, reges & regna decorantur. Quibus rebus ad eum modum compositis, & Patriarchatus dignitate Constantinopoli erecta, principatu tamen Romanæ sedis Ecclesiæ relicto, pacata erat Græcia, cum subito dæmonis astu Arrius Alexandrinæ Ecclesiæ sacerdos excitatus cōtra omnem omnium Orthodoxorum sententiam, vnigenæ Dei Patris Filii ipsi non esse coæternum, neque natura similem asserere voluit, & pestiferum illum errorem suum alios docere pertinaciter & defendere non dubitavit. Qua re Constantinus grauter permotus, Nicenum Concilium coegit, & trecentis amplius convocatis Patribus, inter quos & Athanasius ille Symboli Auctor fuerat, & Imperator ipse Concilio præfuerat, illud Arrii dogma discutiendum permisit.

Varia & multiplex fuisse memoratur ea contentio, in qua tamen deterior Arrii habita est opinio. Quem Concilium hæreticum esse ostendit, & à communione Ecclesiæ segregavit. In quo boni etiam quidam iure, qui errore seculi lapsi & Arrium secuti fuerunt, culpam deprecati sunt, & simul cum Paphnucio Cæsareæ præfecto, multis nominibus & sanctimonia vitæ viro clarissimo, veniam obtinuerunt. Non enim lapsus qui omnibus communis, sed Hæreticum facit perseuerantia obstinationis. Quæ nihilominus erroris contagio serpebat quotidie latius, & Cæsarem vehementer angebat & ex-cruciabat. Etenim paulo post, & contra Macedonium aliud coegit Conciliū, in quo subtilissimus Zophista quidam suarum partium & artium non nemine efficere sciebat, & ex albo (quod aiunt) nigrum reddere quam maxime contendebat. Huic Spyridion se opposuit Sacerdos Catholicus, nec tam subtilitatis, quam veritatis studiosus. Hic ergo, quanquam vel initio ab hoc certamine multi eum de

hor-

hortarentur, sic Zophistæ illi locutus est: Audi, inquit, & manda memoriæ Zophista diuinæ veritatis decreta. Vnus est Deus Opt. Max. qui cœlum & terram condidit. Huius verbum eius filium esse scimus, ideoque cum Patre & Spiritu reuerenter eum adoramus. Credis tu hæc Philosophæ? obmutuerat ille, & quid respōdisset apud se non inueniebat. Tandem semel & iterum interrogatus, credere se respondit. Tum Spyridion, sequere igitur me, & Thesseram fidei fortiturus tuæ, in Ecclesiam ito. Quod & fecit sane, non inuitus publiceque factus est, quod quamdiu agebatur verbis, res rebus, & argumenta argumentis cum aliis se opposuisse. Verum cum incredibilis quædam veritatis vis ex illius senis ore protecta fuisset, subscribere ipsius sententiæ se necesse habuisse. Ad quam etiam amplectendam alios monuit & Paphnucius ille quem memorauimus vnus, patribus cunctis vt sacerdotes vxores ducerent consentientibus, aperte reclamauit. Melius enim veritatis assertorem esse solum

quam multis applaudendo inquinatum. Nam & illi quidem, qui Paphnucio restiterant, vniuersi rursus eius sententiæ assensi sunt, & vt aliquandiu restitissent, tandem etiam subscripserunt. Quæ res quoniam Constantino ipsi Cæsari vel imprimis probabatur, ille quidem dexteram vnicuique patrum non inuitus porrexit, sed vnum Paphnutium, qui seditione quadam tranquillanda oculum amiserat, exosculari non dubitauit. Tanta nempe bonorum mansuetudo est Principum, vt qui antecellunt omnes dignitate, quod pares vel infimis humanitate esse videantur. De quo eodem Constantino illud quoque memoriæ est proditum, quod libellos, quibus Sacerdotum crimina notabantur, ad se allatos exusserit, & si peccantem Sacerdotem vidisset, purpura sua contegere eum se velle affirmaret. Ita nimirum dissoluto illo conuentu Constantinopolim denuo est profectus, & Patres vt cum eo irent, ac quæ ibi ædificia extruxisset viderent, beni-

gne inuitavit. Magna quippe conditores urbium priuantur voluptate, si posteaquam magnifica quæque condiderint, vel adhuc viui non habuerint operum suorum spectatores. Nemo interim dubitat, ædem S. Zophiæ, id est, Sapientiæ, ædem sanctæ Irenæ, id est, Pacis, & beatorum Apostolorum in admirationem multos traxisse, & religionem Catholicam pientissimi exemplum Cæsaris in varias orbis terrarum partes & regiones intulisse. Nam primum quidem Galli & Celtæ, mox interiores Indi Iberique & Armeni, & denique infiniti alii, ad veri & vnius Dei religionem conuersi sunt, & prophano idolorum cultui nuncium remiserunt. Sed ut omnium bonarum rerum comes est inuidia; sic & optimo hac in parte æmuli sui non defuerunt Cæsari, qui ipsum temere innouare res, & dogmata, quæ nullis firmis niterentur rationibus, obstinate tueri ac defendere calumniarentur. Quos ille cum suo Patriarcha Alexandro,

non tam quidem satis erudito quam sancto, disputare voluit, & omnem illam garulam Philosophorum turbam, ope diuina fretus, egregie confutauit. Vbi nimirum res prorsus acciderat admirabilis, cum Alexander, Græcorum eloquentissimo silentium imperauerat, & ne hiscere posset diuinitus impetrarat. Quod nemini mirum videri debet, cum multi pro re & tempore elumbes disertissimi sint Oratores, & dicaces sæpe infantes. Per id etiam tempus vrbes Campaniæ tredecim graui terræ motu concussæ, & magni serpentum acerui inter se conflixisse, & vehementem foetorem ex mortuis cadaueribus reliquisse memorantur. Quæ res & pestilentem quandam luem importasse, & dissidium Græcorum inter se implacabile prænuñciasse memoratur. Nam non ita facile Constantinus Arrium ab exilio reuocauit, quam denuo ille nouas turbas dedit, & incredibilem dissensionem inter Græcos excitauit. Hic quippe Concilii Niceni decreto pariturum se simulans, & iureiurando interposito

Cæsari

Cæsari id promittens, ita eum circum-
scripserat, ut vel Athanasium ipsum, cui tot
tantaque antea tribuerat, ad restituendum
patriæ Arrium sollicitauerit. Cui
rei quoniam Athanasius in primis erat
contrarius, nec perfido & sacrilego homi-
ni fidem habendam esse testabatur, & i-
pse demum à Cæsare in exilium actus, &
infinitas iniurias ac pericula subire est
coactus. Eo namque vel optimorum
Principum impellit animos credulitas,
ut à malis instigati bonis etiam aduersen-
tur. Ad eum modum fugiente in Gal-
lias Athanasio, virus illud Arrianæ hæresis
in Græcia recruduit, & Athanasius si quis
vnquam mortalium infinitas calamitates
diuinitus sibi impositas patienter tole-
rauit. Annum iam non quidem ætatis,
sed Imperii vigesimum agebat Impera-
tor, cum simul etiam Sapor Rex Persiæ
calumniis in Christianos motus, eorum
octodecim millia sustulisse memoratur.
Qua re offensus vehementissime Cæsar,
minaces ad eum dederat literas, bellum
si Christianos affligeret, se illi moturum

contestatus. Sed cum & Persia de instituta crudelitate remittere, & Constantinum alia atque alia negotia urgere inciperent, contra Gottomos & Sauromatas suscepta est expeditio, in qua insigni victoria potitius esse, & de nomine matris Hellenopolim condidisse Constantinus memoratur. Postremo etiam Arrii quavis victoria præstantior subsequutus est interitus. Qui cum dogma illud suum impium magis defenderet & propagaret, nec quicquam Alexander Patriarcha apud Cæsarem contra eum proficeret, totus quidem ad Deum conuersus, id tandem impetrauit, ut aperte ab eo puniretur. Nam non tam cito dies illuxerat illa, qua Arrius, cum Orthodoxis disputaturus, Palatio Cæsaris appropinquabat, cum subito dolore ventris correptus, in partem secedens eiectione intestinis expirauit. Dignus qui intestina eiecisset, qui intestina dissidia serere, & os suum in cælum ponere, & interiora maiestatis voluit penetrare. A cuius morte

Græcia

Gracia respirasse, & suum Cæsarem in Persidem discedentem dicitur comitata fuisse, non solum alacriter, verum etiam animose. Qui quidem delatus triremibus, quæ nunc dicitur Pythia, Seropolim peruenerat, cum initio felices successus habuisset, sed Paulo post morte præuentus diem Imperiumque suum scribitur clausisse. Princeps vita dignus quam longissima, annos tamen non plures quam sexaginta & quinque fuerat natus, & Imperio præfuit vnum & triginta. Habuit tres filios, Constantem, Constantium, & Constantinum, statura mediocri, humeris elatis, ceruice crassa, vnde & ceruicosus fuerat dictus; capillo rubro, non denso, neque crispato, barba rara, & faciem paucis locis contingente, naso aliquantulum incuruo, oculis leoninis, vultu sereno & gratioso spectabatur. Literas porro mediocres, armorum non mediocrem experientiam, inde ab ineunte ætate comparatam, naturalem dicendi facundiam, liberalitatem

habu-

habuit maximam, cum a deo etiam crebro diceret: Romano & habenda & insumenda multa esse Imperatori. Et illud quoque; alterum frequentibus usurparat sermonibus, Reipub. gratia ne membris quidem suis parcere aliquem debere, & cum putida essent abscindi oportere, ut ex adversus digni essent, non solum venia, sed & beneficentia, qui ab infania ad sanitatem rediissent. Quod ipse non solum voce & oratione, sed expressit etiam ipsa re atque veritate. Nam restitutos sanitati non solum libenter vidit, sed propter etiam exemplum præmiis beneficiisque cumulavit. Codices sacros auro & preciosissimis lapidibus ornauit: Supellectilem Ecclesiasticam in immensum auxit: & omnia ad Christi gloriam & honorem accumulavit. Qui Iudæorum more celebrabant Pascha, Osii Episcopi Cordubensis opera & auctoritate cohibuit: Iudæos vero ipsos contumaces grauiare ubique multauit, & templum quod aliquoties reedificare Hierosolymis cœperant prohibuit: in bonos largus & clemens,

mens, sed & fontes quoque impunitos perpetuo non dimisit. Multa & magna tota vita præclare gessit, quæ sempiterna memoria & gloria non indigna extiterunt. Eius mortem crinita quædam stella, quæ permultos dies clarissima fulsit, præ-nunciauit: quam à morte Constantini subsecuta est bellorum tempestas grauis, & ipsius corpus in æde Apostolorum tumultatum. Hic primus Imperatorum Syluestro Pont. Max. Romam attribuit, quod indignum sibi præ Christi vicario eam inhabitare videretur. Cuius etiam frenum equi tenuit, & omnes obsequen-tissimæ voluntatis significationes decla-rauit.

C O N S T A N T I N I

V L T I M I C O N S T A N T I N O -
politani Cæsaris Vita.

ADuenerat expiandi sceleris tempus,
& futuri interitus ac leuitatis comes
& animi quidam tumor ac obstinatio
Græcorum ingenia occupauerat: cum

nobile illud Orientis Constantino-
poleos imperium, à Constantino olim
Magno conditum, sub Constantino alte-
ro eiusdem nominis Principe, ad fe-
ras & barbaras gentes impiæque Macho-
metanæ sectæ cultores est translatum.
Quorum quidem vterque, pluri-
mis annorum centenis interpositis, He-
lena matre & genitrice editus, dispari-
bus moribus & rerum gestarum fama,
vitam cum imperio terminavit. Iam vero
ante hunc Constantinum vltimum
Constantinopolitanum Cæsarem Dra-
gazem, quod ferocem ob quosdam in
Turcas initio successus Græce sonabat,
nuncupatum, eius frater Ioannes Pa-
leologus rerum potiebatur, qui ab
Eugenio eius nominis quarto Pont.
Maxim. pro Florentino Concilio, ad
farcendam Ecclesiæ concordiam sum-
ptibus & triremibus ex Græcia suppe-
ditatis euocatus, quantum quidem in
eo fuerat impensissime laboravit. Ve-
rum cum non ita multo post diem su-
um Ioannes obiisset, hic alter in

Impe

Imperio ipsi successit: qui vndis sacris abluendus (quod alias etiam quendam alium Cæsarem fecisse ferunt) vt illa sacra loca turpiter fœdasse, sic & postea nullum boni Principis specimen aut exemplum reliquisse memoratur. Hic à Marco Ephesino quodam, Græcorum tum doctissimo persuasus, ea, quæ in Concilio Florentino sancita fuerant, & quæ Pont. Max. Patribusque promiserat, obseruare noluit, & adeo etiam infinitos alios à religione Catholica suo exemplo & interdictis auocauit. Etenim non tam facto quam ipso etiam mali Principes peccant exemplo facile proposito ad imitandum. Qua de re cum idem Constantinus Dragasses Roma ad se missas plures habuisset legationes, tantum quidem abfuerat, vt eo commoueretur, vt adeo de se potentiaque sua multa sublatius fari, & Pontifi. Maxim. auctoritatem asperrari videretur. Cum vero de potentia & molitionibus Turcæ contra se aliquid inaudiuisset; nihil se metuere,

nec

nec Principum occidentalium ope indigere; imo quæ maiores ipsius ad barbaros amississent, breui se recuperaturum gloriose profitebatur. Sedebat tum in cathedra Petri Nicolaus, hoc nomine quintus Pont. Max. & cum literis tum etiam amplissimis dimissis in Græciam legationibus, Cæsarem officii admonere minime dubitabat. Ac literarum quidem ea verba fuerant: Omnes, inquit, gentes & nationes, quod pie semel sancitum est, receperunt, & obseruarunt semper, vni illi sunt & fuerunt Græci, qui & Ecclesiæ, & ipsi sibi perpetuo aduersantur: sed errant, si Ecclesiam Romanam errare & ipsum Pontificem delirare arbitrantur. Fert Ecclesia diu quamplurima patienter: in summum illum sacerdotem defixos habens oculos, qui sterilem illam ficum vsq; ad annum tertium seruari iussit, & cum nullum ederet fructum, agricolæ tandem excindendam permisit. Annus, quo hæc à Pontifice scribebantur, erat supra Mille-simum quartus & quinquagesimus. Quo vero Constantinopolis capta, annus su-

pra millesimum quinquagesimum quartus numerabatur, vt vera illa ad ficum, quæ in triennium asseruabatur, Constantinopolitani interitus fuerit allusio, quam Pontif. Maxi. fatidico spiritu ob obstinationem rebellionemque contra se Græcorum videbatur prædixisse. Semper enim prudentum hominum magni facienda sunt dicta, sed maxime sedis Apostolicæ interdicta. Quin & memorabile est, quod Gennadius tum Patriarcha Constantinopolitanus vidisse se testificatur, obortam videlicet inter Legatū Pontificis, & Barlaam hostem Catholicorum acerrimam controuersiam fuisse. Cui post multos vltro citroque allatos sermones illud responsi à Legato est datum: Possem ego, inquit, omnibus vestris istis obiectionibus satis superque respondere. Sed breuiter dicam: Pontifex Max. Dei in terris vicarius admonet vos eius, cuius obliti estis fidei vestræque firmitatis, si cum audieritis, bona terre comedetis, sin secus, à Turca breui exterminabimini. His dictis & puluere è pedibus excusso,

D

abiit:

abiit: & non ita multo post primum quidē intestinis dissidiis, postea Turcica potentia labefactatum Imperium illud in Turcicam peruenit seruitutem. Quod quomodo acciderit, paulo altius historiam ordiemur. Primum quidem Ioanne Græcorum mortuo Cæsare, Demetrius eius frater Imperium Græciæ occupauit. Sed à matre & populo præpeditus, Constantino tandem cessit; ea lege & conditione, vt Peloponesum inter se æqua partitione sortirentur. Id quidem Constantinus haud ira inuitus fecerat, & ea pacta ac concordiam aliquandiu obseruarat. Verum vt inter fratres concordia rara; & minime solita est fieri diuturna; minor natu Thomas Constantini frater non sine maioris natu fratris, vt credebatur, instinctu, vrbes Peloponesiacas ad defectionem interim sollicitauerat, & quasi in apertum bellum res illa ita eruperat, vt Barbarorū auxilia cōtra ipsos met suos euocare cogeretur. Quæ res quidem effecit, vt vnus alteri Paleologus superior fieret, sed omnes tandem

dem (vt fit) Turca illâ Prouinciâ spoliaret. Iam quippe Turcæ vicinorum exploratis viribus, simul & amœnitate vbertaque Prouinciæ capti, in ea remanserunt, & nihil quod Paleologi fidē sibi non ab iis seruatam vbique queritabant iurauerunt. Maior enim propriorum quam alienorum maxime à barbaris ratio habetur commodorum. Erat per hos dies Amurates Turcarum Dominus forte extinctus, & in eius locum ferocissimus ille ambitiosissimusque pariter Machometes subrogatus. Qui interfecto vnico suo fratre, non solum ad paternum principatum possidendum, sed ad Græciæ quoque Imperium occupandum, magna ambitione quotidie incendebatur. Habebat is antiquitus fœdus cum eodem Constantinopolitano Cæsare, & per speciem amicitiae maritimas Asiæ oras tenere Paleologos patiebatur. Sed semper teneræ, barbarorum autem tenerrimæ in fœderibus sunt voluntates. Is autem perillustri aliqua victoria nomen suum nobilitare, & initia

Imperii auspicari maxime nitebatur. Quod etiam peccatis Græcorum & discordia exigente, factu non incredibile Turcæ videbatur. Qui ipse etiam tandem Machometes duo Imperia, duodecim regna, & viginti Prouincias auitæ & patritæ adiecerat hæreditati. Et omnium quidem primum inuasurus Græciam, Linco-
piam iuxta Propontidem in Bosphoro ædificare cepit, & mox in Byfantii regionem magnum impetum facere, & Græci Cæsaris fratres subiugare Turcano suo purpurato imperauit. Erat alioqui illa ipsa res haud ita factu facilis. Omnes enim molitiones sunt ancipites, sed bellorum maxime, quæ communi Marte & dubio euentu terminantur. Vna igitur illa Neopolitana vrbe & Sindonopole obsidione irrito conatu aliquandiu pertentata, ad suum illum principem Machometem purpuratus rediit. Qui eo magis etiam clade suorum exacerbatu excidium vniuersæ Græciæ minari cepit, & verbis ipsa facta etiam adiecit. Non erant adhuc in magno usu maiores bombardæ in Turcia:

has Machometes primus fieri fecit: non erant classes; ad has apparandas opifices & classiarios per totum terrarum orbem disquisiuit: adeo ut Constantinopolim oppugnaturus, classis eius ducentis nauibus & triginta constaret triremibus; ultra minora nauigia alia, quæ res portenti instar tum fere videbatur. Omnia enim bellici sumptus sunt non modica principia, sed in primis classium atq; maritimi apparatus, qui longe maiores etiã vires artificiumque requirunt. Prius vero quam tantæ vrbis obsidionem aggrederetur, Satrapam præmisit Europæ ducem, qui vniuersam illam circumquaque regionem, territoria, oppidaq; peruastaret. Magnis enim oppugnandis vrbibus, omnia quæ exercitum manent pericula & impedimenta expedit prius amouere. Ad cuius aduentantis celerem & terribilem famã catenas ferreas ab vrbe quæ ex aduerso fuerat in ipsum murum Constantinopolitani, sui Cæsaris iussu, circa arcem extenderunt. Naues item plures ut classem Turcicam excluderent

aditu intra ipsas catenas collocarunt; sic
ut non male omnia prouisa viderentur.
Nam de vrbis quidem mœniis tere om-
nes parum sibi pollicebantur, & ean-
dem defendendæ vrbis rationem quam
contra Turcas etiã alias ineundam sibi ar-
bitrabantur, vt videlicet in exteriori vrbis
parte, quæ fossa munita erat, hostib. resi-
steretur. Magnæ enim vrbes non tam i-
p̃lis mœnib. etiam fortioribus, quã com-
meatu & defensoribus, ab interitu vindi-
cantur. Sed his similibusq; omnibus Græ-
corum studiis atq; consiliis apud se despe-
ctis, & cōtrariis machinis ad oppugnatio-
nem adhibitis, Græcorum animũ & vires
maximopere Turca infrungebat. Inclusus
enim belli dux cauea, non æque quam li-
bera miles gregarius in arca valuerit. E-
rant in multis duę Turcicę bombardę in-
signis magnitudinis, quarum vnã in Cę-
saris palatium, in portam Romanam alte-
ram dirigere statim habuit apud se con-
stitutum. Quo fiebat vt explosæ magnũ
incuterent cunctis terrorem, & damna
accepta vtriusq; sexus excitarēt lamenta-
tionem.

tionem. Nusquam enim fletu & lamentis celerius cuncta complentur, quam cum vrbes similia pari non assuetæ oppugnantur. Adde quod vimeneis pluteis constructis intrepide subibant murum Turcæ, & in Græcos dies noctesque, quo illos defatigassent, & ad deditionem adegissent, perpetuo grassabantur. Fodiebant denique cuniculos, quo subditis ignibus vrbis ædificia corruissent, & quatuor crexerant turres, quo exeuntes & ingredi volentes, tam homines, quam iumenta, infestabant. Postremo ne quid intentatum reliquissent, maritimam quoque oppugnationem instituerunt Constantino polis, in superioreq; parte ipsius vrbis septuaginta naues, ultra triremes, per montem transportarunt. Ea quidem arte ac celeritate, vt Græci, qui ipsorum conatui obstare nitebantur, circumquaque caderent, & nihil Turcarum audaciam impedirent. Nam hoc eorum astu & molitione Byfantini intellecta, & ipsi suas naues replerant militibus, hostium interitum quoque modo apparantes.

Quod ut Machometes animaduertit, bombardas suas maiores in Græcorū naues explodere iussit, & aliquas ex eis prorsus submersit, adeo ut qui ex naufragio euasissēt, in hostium peruenirent potestatem. Quos insequenti die ad portas vrbis adductos Tyrannus interfici crudelissime iussit, & omnē in captiuos immanitatem exercere non dubitauit. Quæ res effecit, ut inter eum & Græcos perpetua crudelitatis fieret vicissitudo. Sed semper tamen in Tyrannide peior obsessi, quam conditio est obsidentis. Iam quippe delatis ex peruicacia in portum nauibus, nemine Græcorum amplius resistente, Tyrannus pontem ex doliis extruere fecit, & ad ipsa vrbis mœnia ipsum applicauit. Quo grauior etiam cœpta haberi Constantinopolis est oppugnatio, & interim etiam minuebatur defensorum tam numerus quā animus, præ vrbis ambitu maximo, præsentia ipsius Turcici Cæsaris, alacritate hostium, & fatali quadam Græcorū cæcitate & desperatione. Quos enim Deus Opt. Max. punire iam debet,

iis viros simul & vires eripit, & omnia è manibus effluunt perituris. Et quidem iā quadraginta diebus durauerat obsidio, & sancti Spiritus, quæ Pentecostes dicimus, appropinquabant festa, in quibus Græcis vetera illa & sacrilega dicta in Spiritū Sanctum petulanter iacta erant piana. Acciderat præterea casus plane stupendus. Bombarda omnium maxima, qua hostes irruptionem facientes potissimum repellebantur, non sine suspitione fraudis, cum exploderetur, è vestigio dissiluit. Quæ res cum Græcorum animos ad iracundiam concitasset, parum abfuit quo minus supplicium de bombardario sumeretur. Sed rem maturius considerata, parum tandem illi est, & Græcorum animus eo magis accensus ad resistendum. Multi enim qui iā de salute desperauerint, eam vt tueantur acrius, nouo aliquo casu sæpius denuo inflamantur. Accedebat q, vno illo eodemq; quo hæc fiebant tēpore, duæ naues, Græcorū vna, Genuen. altera in portū appulerant. Quæ comēatu & rebus necessariis plene obsessorum animos

quodammodo recrearunt. Has cum velis
panis in portum inuehi Tyrannus vidisset,
intercipere iussit: sed irrito conatu,
quippe quæ non nisi Nauarchum amiserant
vnum, id tentauit. Quo etiam vehementius
denuo experiri fortunam idem ille Machometes
voluit, & totis castris ignes excitari, & ad
irruptionem denuo faciendam suos se apparare
imperauit. Sed ne quid forte ad animû suum, in
speciem misericordem, qui dirus & inexorabilis
fuerat, omnibus testatum relinquendum obmis-
sisse videretur, misit Scenderim, qui Sindonem
regebat, magnæ cuiusdam expectationis filium,
qui eos ad deductionem blandioribus verbis
fuisset exhortatus. Quod tamē ipsum non alicuius
clementiæ causa, quam urbis ipsius & defensorû
ac fossarum explorandarû fiebat gratia. Græci
ergo etiam exhortationem illam parui apud se
fecerunt, & suos denuo Legatos ad Machometem
submiserunt. Obscurissimi nominis illi legati
fuerant, refugientibus id muneris cunctis, ob
tyranni metum immanitatēq; singularem.

Ferunt

Ferunt nec admissos quidem in conspectum principis legatos fuisse, tantum illud responsum à purpuratis accepisse. Viderent Græci quid & quo cum rem haberent, mortem actutum futuram, & obstinationem aliquorum funestum exitum vniuersis allaturam. Darent potius annuatim centena aureorum victori millia; si nollent, urbe excederent, & sua quo vellent asportarent. Plena erat anxietatis ea deliberatio, & quidam in desperationem acti aurum & argentum Cæsari Constantino ad pedes, ut eos defendisset, proiiciebant. Sic nimirum semper inutilis est eunctatio, & rebus cum potueris expedierit tempestiue prouidisse. Tandem quidem omnibus in vnam euntibus sententiam, extrema experiri pericula, & pro Christo atque patria mori placuit. Quæ res ut ad Machometis peruolauit aures, ad suos solus conuertit se animandos, amplissima premia strenuis, desideribus extrema supplicia pollicetur. Acclamant cum gaudio omnes, & non modo sanguinem, sed vitam pro Machomete se profusuros testificantur. Nec mora, & totis Turcarum

castris

castris discurrunt sacrificuli, maiorum
commemorant facinora, Machometis
sectæ auctoris sanctitatem prædicant, &
quæ suis plausibilia forte crediderāt, ple-
nis buccis confitentur. Grata erat Turcis,
at Græcis luctuosa ea ipsa enumeratio, quæ
ignibus vbique collucentibus, funesta &
intempesta nocte perpetuo exaudieba-
tur. Suspiciabantur id quod & accidit
Græci, non vno aut eodem, sed pluribus
ex locis impetum in eos Turcas facturos,
& extremo conatu edito, si res male ipsis
cessisset, oppugnationem deserturos. Ad-
sunt igitur vniuersi animis, & in quodam
propugnaculo in quod maximam hostiū
vim, & impressionem contra se vereban-
tur, Longum Genuen. rei militaris haud
ita præficiunt imperitum. Cui etiam ar-
matus milites plures ad custodiam cor-
poris astare patiuntur. Susceperat ille
defendendi propugnaculi non inuitus
prouinciam, & fortissimus generosissi-
musq; quisq; Græcorum animose eum est
comitatus. Aderant eo tempore præter
ipsos Græcos in vrbe illius expugnatione

clarif.

clarissimi nominis principes, & inter alios Sarmatiæ etiam quidam Isidorus S. R. E. Præsbyter Cardinalis, à Pont. Max. Constantinopolim legatus tum missus, cum albescente cœlo, mox tuba signum pugne à Turca datur, & si vnquam alias magno impetu & furore vtrinque concertatur. Pugnare Genuen. cum suis contra Turcas intrepide initio cœperat, cum subito maioris bombardæ globo, in manu dextra graui accepto vulnere, stationem deserere necesse habuit, & vt ad rem fortiter gerendam dux & auctor fuerat, sic non neminem ad fugiendum excitauit. Debent enim bellorum duces post principia aliquando stare, sed meminerint eorum præsentia vel abitu in hanc vel illam partem vulgum facile inclinare. Inclamabat ipse Cæsar suos perpetuo, vt ad stationem redire, & hostes instantes repellere minime dubitarent, vnâ illam salutem, nullam sperare salutem identidem profitendo. Sed facilius impetum torrentis, quam gradum ex prælio militis sistere est fugientis. Ad extremum igitur

ad

ad Cantacufenum & nobiliores alios conuerfus Cæſar: Eamus, inquit; & ſi aliter fieri non poteſt, pro patria moriamur. Nec ita multo poſt Cantacufenus hoſtium telis oppreſſus miſerabiliter cecidiſt. Cæſar vero ipſe grauiter ſaucius, dum extra portam properat, & in confertiſſimam hominum turbam ſe infert, opprimitur, nemine fere qui illum adiuuaret ſubſequentem. Reliqua multitudo in Venetorum Genuenſiumque naues ſe recipiens mergitur, & hoſtis in diuina humanaque omnia impune perbacchatur. Ferunt eos, qui non Græci ritus, ſed Catholici fuerant in vnum conglobatos, ad Sanctæ Zophię ædem cōfugientes, vno ore omnes diuinas ante mortē laudes occinuiſſe; & ſic demum Martyrii corona potitos graſſanti hoſti ceruices porrexiffe. Hunc exitum tulit Conſtantinopolitana oppugnation, & Græcorum cum Latinis antiquum illud certamen, cū extrema Maii die ipſo feſto Pentecoſtes Cæſar Græcorum vita pariter imperioq; priuaretur, vt omnibus pateat quantis in Diuinitatem

pœnis

pœnis blasphemia, & in Christi Vicarium castigata fuerit peruicacia: vt qui hæc similesq; mores & exempla sequuntur, similes etiam exitus vereantur.

Comparatio.

MAGni appellatio haud ita immerito Cæsari data est Constantino, sed posterior Constantinus non respondit primo. Nam quantumuis licet Helena matre vterq; fuerat natus, dispari tamen exitu vnus ab altero est baptizatus. Ille ad sacras vndas liber à lepra factus; postremus nō secus ac Andronicus, per fœdata lauacra infamatus. Accesserant vero peccata ipsius etiā populi, toties cū Latinis discordantis. Nā terdecies Græci à Romana Ecclesia defecisse, & ob eā rem nusquā prospere gestarū rerū successum dicūtur habuisse. Quid multa? ii qui sub pastoralis Pape esse noluerunt, sub acinacem Turcæ redacti sunt, & memorabile exemplū diuinæ animaduersionis in ipsis se ostenderunt. Tardior namq; ad vltionē est Deus

Opt.

Opt. Max. nec prior apud eum pœna quã fuerit culpa: nec punit quod non potuerint, sed quod noluerint ipsi parere delinquentes. Quod in Græcis eorumq; similibus vidisse, & facile Diuinam erga eos iracundiam cum corpora sanctorũ ex Græcia aliorum transportarentur fuerat cognouisse. Nam ingrati immemoresq; beneficii erga Deum fuerunt, & à qua defecerant ad Romanam Ecclesiam eiusq; Principes pro ope & auxiliis in necessitatibus suis toties nihilominus recurrerunt. Memorant quippe Alexium Græcorum Cæsarem occidentales Principes ad recuperandam terram Sanctam per Græciam transeuntes hospitio quidem excepisse, sed gypso cum farina mixto, & per speciem commeatus subministrato, Christianos ferè ad vnum omnes ex inuidia sustulisse: & cum antea quoq; Constantinopolis à Turcis oppugnabatur, ipsum Græcorũ Cæsarem in Gallias iuisse, quæ & habuerat auxilia postulatum. Quæ leuibus & temerariis Græcis in obliuionem tandem venerunt, & tam erga Ec

clesiam Romanam ipsam, quam erga eius Principes ingratissimi extiterunt. Quo scelere cum nullum sit vel vnquam fuerit atrocius, eam videlicet diuinitus sortiti sunt poenam, quali & nomini suo asperferant maculam, & ruinam retulerant sempiternam.

CAROLI MARTELLI
PRIMI FRANCORUM
Regis Vita.

CAROLUS Martellus Francorum Dominus, non tam nobilitate generis, quam virtute propria magis clarus, Aquitaniae bellum non minus casu feliciter, quam consilio & auctoritate ordinum sapienter diu multumq; administravit. Annus tum à Christo nato septingentesimus fuerat, quo ille obscuris parentibus natus, Galliae sibi Imperium arripuisse, & Eudo Aquitaniae Dux Saracenos contra cum in auxilium acciuisse memoratur. A quibus laceffit fere quadringenta eorum millia vna die profligauerat.

rat. Qua victoria elatus alterum bellum contra Frisios pro religione suscepit, & terrestri primum bello è continenti pulsos, quibusdam etiam insulis, quibusdam circa Rhenum se tutabantur fortiter priuauit. Facilius enim pro religione rebellionem quam sine Deo regionem domuisse. His igitur rebus gestis Carolus Martellus clarus & formidabilis factus, non tam passibus, quàm victoriis multas regiones peragrauit. Ac primum quidem, vt dixi, Aquitanicum, mox Frisicum bellum confecit, deinde Mauritanicum, Massiliense, sine qua vrbe ne Romanus quidem populus triumphare potuisset, exiit. Postremo vero ad sedis Apostolicæ tuendam dignitatem, memorabili exemplo animum & vires suas conuertere minime dubitauit. Omnia enim bella necessario suscepta sunt laudata, sed pro Christi in terris vicario laudatissimæ. Quo etiam fuerat factum, vt imminenti à Lōgobardis graui & periculoso toti Italiæ bello, à Gregorio Pont. Max. Romam in auxilium euocaretur. Quæ res magnum

illi nomen & existimationem pepererat, nisi immatura morte præventus diē suum extremum magno magnorū bonorumq; omnium in luctu gemituq; clausisset. Omnibus enim qui Christum colunt optāda est vita, sed regibus bonis debet quā longissima, quos aut nunquam nasci, aut nunquā par esset intermori, propter beneficium Reipub. sempiternum. Verum ille cum Gallicis rebus sex & viginti annos præfuisset, & quatuor filios, Pipinum, Carolum Magnum, Ægidium, & Griphonem reliquisset, excessit tandem è vita, vitali dignior vita, & ad omnem æternitaten duratura. Cuius posteritas per multos annorum tractus rerum gestarum viguit gloria, & non prius quam in Carolo Martello altero est terminata.

CAROLI MARTELLI

FRANCORVM REGIS

alterius vita.

(otario Galliarum rege vita functo, ex stirpe Martelli primi extremo, Carol⁹

Martellus eius patruus Lotaringiæ Dux ad ius Regni capeffendum euocatus ex Lotaringia in Gallias properauit. Iam quidem Hugo Capetus secure rerum potiebatur, cum Martellus tanta animi aggressus eū est impotentia, quanta potuit esse maxima, iuribus suis prosequendis. Verum (vt plerumq; fit) non iure ac disceptatione, sed vi & armis rem aggredi principio placuit, quod per se ipsū multū affert aliquando difficultatis. Ratio enim rationem, vis vim semper expofcit. Concursum vtrinq; infestis signis ad Landanum est oppidū, eo quidem euentu, vt Martellus acie victus loco cedere, & in illud ipsum vicinū oppidum fugere cogeretur. Quod non diu oppugnatū simul cum Martello, qui aliquoties eruptionem fecerat, in victoris peruenit potestatem. Quā in re & occasione in vnum illū Aſcalonem Antistitem omnem culpā Martellus coniiciebat, quod noctu reſeratis portis Capetum intrōmiffet, sed tractandis in hoſtes armis perinde fraus atq; candor vulgo laudantur. Non tamen magna ali-

qua crudelitate & in sua illa Capetus vsus est victoria. Ac vel vno illo carcere, cui Martellum in Auralien. vrbe mancipauerat contentus esse videbatur. Satis enim quibusdā est vicisse, & ex aduersis ne viuere quidem hostes quāplurimos permisisse. Intra illum igitur carcerem, quoniam vxore libere potiebatur, & non tam literis quam dabat operā perpetuo liberis, duos Ludouicum & Carolum procreauit filios, qui intra pueritiæ cursum vita functi, Martellorum in Gallia genus & dominatum inglorii finierunt. Sic vt nulla vel minima parte cum Carolo illo Martello & eius filio Pipino, Caroloq; Magno Romanorum Imperatore, conferendi videantur.

Comparatio.

VNum est illud inter nauos & cordatos & his forte dissimiles bellatores discrimen, quod illi gloriam, hi lubricā ambitionem & inuidiosum sibi habent propositum dominatū. Quod in primo & vl-

timo Martello fuit vidisse. Itaq; & dispare
etiam exitus oportuit illos habuisse. Prior
quidē pro religione, hic pro regione ar-
ma tulit. Non mirū si disponente ita Nu-
mine in hostilem etiam potestatem tan-
dem peruenit, & ille victor & gloriosus,
vltimus in carcere vitam finiuit. Vulgus
quidem (vt fit) ab euentu, sed & sapiens
res metitur etiam à cogitatu. Fortunatus
natus suo qui semper fuit cōtentus.
Nam altiora nobis quærere non est quies-
cere, sed præ ocio negocium ineptum sæ-
pe quæritare.

BERENGARII PRI-
MI LONGOBARDORVM

Regis Vita.

AB vrberum domina qui impoten-
ter dominabantur, exactis olim Re-
gibus: primum quidem Consulum, dein-
de vero Imperatorū, ac demū etiā iterum
Regum extitit in Italia dominatus. Quē
Berengarius hoc nomine primus, anno à
Christo nato octingentesimo octuagesi-
mo

mo octauo, mortuo sine liberis Crasso, proximo Adriani subnixus decreto, sine ullo certamine fidenter sibi vsurpauit. Erat is Spoletanę præfectus ditionis, Vir acri admodum ambitiosoq; ingenio, qui pacato primum agmine Papiam ingressus, ab Anselmo huius nominis IX. Pont. Max. regio diademate pro more est insignitus. Verumenimvero non ita postea diu quietus stetit, Guidonem imperii (vt fit) æmulum nactus, quo cum in Placentino agro non solum de imperio, sed etiã de vita ipsa acerrime dimicauit. Solem enim mundus, regnaq; non nisi vnum Regem capiunt, & mortui bellũ non amplius gerunt. Quo non obstante idem ille Berengarius ab Arnulpho Cæsare, impetratis auxiliis, Papiam rursus rediit, & licet irritò conatu, denuo ipsam oppugnauit. Sed vt in humanis rebus nihil firmi, ac nec habetur quidem aliquid diuturni, Berengario ad eum modũ variis curis difficultatibusq; implicito, & rerũ suarum incerto; de Guidonis aduersarii morte superuenit nuncius, qui eũ quodãmodo re-

creauit, cum per viginti fere annos continuos quiete frui ipsi nō licuisset. Quam vario & multiplici ingenio, princeps non semper & ubiq; sibi ipsi constare, & nunc in hanc, nunc in illā partem facile inclinare vulgo diceretur; maxime vero cum interea temporis Hungari, subita irruptione in Italiam facta, & non semper æquabili fortuna Berengarii audita, lōge lateq; ipsam depopularentur. Occasio enim furem, & vicinorū inter se tumultus vel ignauum aliquando excitant bellatorem. Hoc quidem bellum eum exitum habuit, vt Berengarius exercitum, quē repente potuit tumultuarie colligere, & vel inuitus cum hoste congredi cogeretur. Refugit enim consideratus Dux domi suæ semper certamen, & alibi oblatum tanquam bonum omen lætus sortitur. Quod eo etiam Berengarius minus libenter & animose aggrediebatur, quo sibi oblatam ab Hungaris pacem certa in ita pactione certius pollicebatur. Quam contempta Itali cum iis congredi quam pacifici potius statuerunt: eius prouerbii apud

se for-

se forte obliti, quod Fugienti hosti pons aureus non inepte vel nonnunquam sterneretur. Ad manus ut ventum fuerat, & ubi non valuit vlla amplius deprecatio, aut ratio, Hungari ad arma conclamant, & dormientes forte Italos intrepide aggrediuntur. Curabant hi (ut fit) corpora; & maiorum virtutis prædicatione freti, barbarorum copias habebant apud se despicatui, cum subito commutata fortuna, non à gloriosis militibus victi, sed olim triumphatores postea extiterunt serui. Qui cum Italia excedere se, nisi grandi aliqua pecunia accepta, minarentur, & longe atq; late omnia peruastarent, Berengarius hac tanta peste patriam liberandam vel quamprimum ratus, qua vel maxime potuit celeritate, pecunię aliquid collegit, & certis initis cum iis pactis Hungaros ex Italia in Hungariam relegauit. Mox vero ad resarcienda ab iis damnata totus conuersus, vrbes & oppida, atq; cœnobia, in multis locis partim diruta, partim exhausta reficere & instaurare cœpit, & rursus in sequenti anno redeuntib. spe

præde in Italiam Hungaris, publicæ salutis
& securitati quodam modo tandem in-
dormiuit. Curabat quippe alia atq; alia
continuo, & vnam illam Papiam, quæ se-
des regni esse debuerat, ita fouendam or-
nandamq; susceperat, vt quasi de aliis re-
bus parum aut nihil cogitasse videretur.
Et quia Papien. Ecclesiam Metropolitanā
efficere non facile poterat, saltem ius &
insignia noua Papien. Episcopo apud
Pont. Max. procurauit, vt videlicet
coacto Concilio ille ipsius Episcopus
à leua Pont. Max. sederet, & inter alios
equo albo sub vmbella veheretur. Sed
dum hæc ita in Italia fiunt, Saraceni qui
diu multumq; extremas Italiæ oras irru-
ptione laceffiuerāt: iam autē Gaulio cap-
to, in viatores & earum regionem accolas
vehementius grassabantur. Qua de causa
cum omnes Italici nominis & seminis po-
puli ad Pont. Max. pro auxiliis confuge-
rent, coactus est Ioannes Pontifex eius
nominis quartus, cum Græcorum Cæsa-
re communicare consilia, & tantam pe-
stem à cervicibus suorum vi & armis v-

terq;

terq; remouere. Qua nimirum occasione Gariliæ illa tam memorabilis subsecuta est obsidio. Quod cum in tertium vsq; durauisset mensem, Saraceni comæatu destituti, rebus quas ibi habebant suas simul cum oppido succensis, eruptione facta de improviso fugam dederunt, & se suaq; in vicinas syluas abdiderunt. Quos Christiani insecuti sunt, & vt ferunt, Petro & Paulo Apostolis sibi astantibus profligarunt. Non mirũ est enim cum non tam pro regione quã pro religione pugnatur, quod supremũ illud vt nobis adsit Numen non frustra aliquando inuocatur. Anno vero quo hæc acciderant eodem Adalbertus Tusciæ Marchio in viuis esse desit, & eius filio idem Berengarius ditionem confirmauit. Qua occasione eius mater ambitiosissima fœmina Berta dominari toti Italiæ se forte opinabatur. Sed mirum in modum à Berengarii capta exercitu, in Mantuano carcere ambitionis suæ pœnas exoluerat. Quam nihilominus Berengarius pristinae post restituerat libertati. Multi enim beneficio victi ad se redeũt,

& multi sui & beneficii obliti, eo etiam magis postea indurescunt. Quibus ad eum modum absolutis Lamberto Episcopo Mediolanen, fauore Berengarii potente, denuo aduersus eundem Berengarium seditio grauis est excitata. Auctor seditionis Marchio Epyrodiæ Adalbertus fuisse memoratur; nec non & alii multi Italiæ Principes & Oldericus Comes Palatinus, qui non tam quidem cito à militibus Berengarii fuit captus, quam eiusdem iussu & voluntatè mox postea liberatus. Quod non omnium optime ad extremū ipsi cessit, neq; quam par est, grati animi testificationem erga salutis suæ auctorem pro se quisq; aliquando declarauit. Pulcherrima quippe placabilitas in hostes est virtus, sed videndum ne quid lateat in eo intus cui eam volueris esse testatam. Paucis namq; postea interiectis dieb. cum Oldericum, quem carcere mancipatum liberum fecerat, sibi vicissim tradi Berengarius voluerat; Lambertus apud quem erat audacter id pernegauit. Ac breuiter in ipsius necem conspirauerant vniuersi,

& qui ei opponeretur, quærebatur: & postremo quidem Rudolphus Rex Burgundia inuentus est, qui solenni legatione dimissa, cōtra eum ex Burgundia magnis pollicitationibus euocabatur. Sed dum hæc inter se coniurati agitant, & in suburbanis Veronæ consilia communicant, ecce Hungari iis non perlentientibus Veronam cum exercitu de improviso aggrediuntur. Qua de re certior factus Berengarius, primores Hungarorum, quibus cum coluerat semper amicitiam, obtestatur, vt rebelles & coniurationis in ipsum reos nihil tale suspicātes captiuos faciāt, & suæ potestatis effectos ipsi demum tradant. Quod illi mandatum secuti ipsos sine mora aggrediuntur. Cecidit in prælio Oldericus, Adalbertus vero & Gillibertus capti debebant Berengario mitti, inter quos Adalbertus, ne forte cognosceretur, veste mutata, & gregarii militis nomine sibi sumpto, paruo precio se redemit. At Gilibertus in conspectum Berengarii adductus, ac gratiæ veniam quam & obtinuit supplex est precatus. Quem mi-

sericor-

tericordia Berengarius ductus his tandem
verbis ipsum est allocutus. Errato, inquit,
tuo veniam non inuitus concedo: Iusu-
randum nullum abs te reposco, fidei tuæ,
si quam habes, totum me cōmitto. Vide
Deum Optimum Max. vindicem & iudi-
cem vtriusque nostrum esse futurum. si
gratum te præstiteris, manet te apud om-
nes gloria, & merces diuinitus sempiter-
na: si, quod valde suspicor, feceris secus;
infamia & pœna sempiterna. His dictis
abiit. Gildebertus vero non ita cito liber
euasit, & ad ingenium vicissim rediit, & à
coniuratis ad Alpes missus contra eundē
Berengarium Regē Burgundiæ adduxit,
qui pulso Berengario paulo post diade-
mate Regio Papiæ est insignitus. Talem
nimirum ingrati referunt gratiam Prin-
cipibus, facile credentibus & inconside-
ratis. Sed nec Rudolpho quidem Burgū-
diæ Regi diuturna ea lætitia fuerat: nam
iidē illi qui in Berengarium coniurauerāt,
etiam Rudolph. vitæ sunt insidiati, &
rursus quæsitā apud Berengarium venia
eius partes sequebantur. Commissum in-
terim

terim inter Berengarium & Rudolphum atrox fuerat prælium; in quo Rudolphus victor Berengarium Veronam aufugere fecit, & aliquandiu utiq; conquieuit. Verum enimvero illorum populorum spre-
tis ingeniis, tumultumq; pertæsus, paulo post in patriam est reuersus. Fauent enim proditoris non proditoribus Reges; & si ad tempus placent, semper tamen sus-
pectæ & odiosæ eorum sunt molitiones. Be-
rengarius æmulo longius ab Italia disce-
dente ocium cum dignitate nactus, viri-
busq; suis confusus, securus rerum potie-
batur: cum denuo nouæ eum exceperant
turbæ Veronen. perfidia excitatæ. Nam
cum hi hætenus seruassent ipsi fidem;
postremo quia Berengarii prorsus extin-
ctam volebant potentiam, & ipsius capiti
quam maxime sunt insidiati, auctore quo-
dam Flamberto, cuius filium è sacro fonte
leuauerat, qui ipse eum interficere aliis
etiam promittebat. Adeo multum infi-
delitatis est in amicis etiam coniunctissi-
mis, vt nulla non iura regnandi causa
violentur. Hac interim de re Beren-

garium

garium fecerant quidam certiozem, sed ille conscientię confusus suę, & quod nulli fecisset iniuriam, facile hos rumunculos apud se contemnebat. Vna tamen die sic Flambertum affatus, non tam sibi quā amicis satisfecit: Si, inquit, Flamberte tecū non tanta quantā semper habui esset mihi amicitia, facile crederem vulgi vocib. huius, quę de te tuiq; similib. passim & vbiq; circūferuntur. Sed optima quęq; & vbiq; de te mihi semper sum pollicitus, siue id bonitate nature meę, siue opinione firmitatis tuę, quam & ego quidē expertus sum sapius, & tu mihi toties sanctissime promisisti. Quibus quidem si tu promissis non steteris tuis, Deus Opt. Max. ingratum tuum erga me animum procul dubio vlciscetur: deinde & ego, ne tu mihi noceas, prouidebo. Sed si fidem serua-ueris, dabo operam, ne te eius vnquam peniteat, cum gratum & liberalem principem me semper cognoueris euidenter. Hęc ita breuib. locutus: aureum maximi ponderis poculum afferri iussit, mero plenum, quod illi obtulit ebibendum;

Amoris, inquit, mei & salutis tue ergo hoc bibito, aurum vero tibi seruat. Lambertus actis ut debuit gratiis, & excusatione, quò se suspitione liberum faceret, prolixissime conceptis verbis pronunciata, Berengarii mentem quodammodo tranquillauit. Interim tamen lingua iurans, iniurata mentem gessit, & de nece Berengarii consilia initurus, coniuratos & molitionum suarum, vel ante etiam conscios secreto conuocauit. Pilum non viciù mutant lupi, & sui semper similes maleficio obligati. Quo magis & illi Berengarium, circa templum habitantem, nec ullas insidias metuentem, obseruabunt. Qui ut in sequenti die templum pro more ingrediebatur, multos armatos circumquaque discurrentes conspiciens, quid sibi illud vellent Lambertum interrogauit? Sed cum ille non contra eum, sed pro eo stare testificatus fuisset omnia, tandem ei responsioni, ut solitus facere semper fuerat, acquieuit. Interim pedem è templo effertens à tergo percutitur, & in terram cadens magno profuso sanguine, qui elui

F

postea

postea non poterat prorsus examinatur. Princeps pietate, liberalitate & mansuetudine perinsignis, sed credulus nimis & tumultuum seges & auctor tota Italia quasi perennis. Cuius mortem quidam Milo, quem à puero sibi educauerat viciscens Flambertum aut Lambertum, simul cum sorore eius germana in publico foro laqueo strangulauit.

BERENGARIUS ALTE-
RIVS REGIS LONGO-
bardorum Vita.

Perturbatus tota Italia rerum fuerat status, & illius nominis seminisq; mortales, nouitatum auidi, præsentium ingrati, & præteritorum obliti spectabantur; cum pro se quisque potentiorum principum variis modis & artibus principatum Ambien. huc & illuc cupiditate ferebantur. Quam ad rem opportunitas quoq; ipsius tēporis accesserat, & Lotarius Rex, ob grauiam à Berēgario tributa populo imposita, angore animi q; ea exigere amplius non

pote-

poterat confectus, mirabiliter perit, huius locum Berengarius alter Veronæ dominus favore successit populi, cuius animum largitione & congiariis iam pridem occuparat. Adalbertus erat ipsius socius, qui vterq; haud ita incōmode liberalissime quidem semper populos gubernarunt. Omnes enim qui gubernaculis præficiuntur, à vulgo mansuetudine & beneficentia imprimis commendantur. Iam vero in sequenti anno, qui à virginis partu supra mille noningentesimus & quinquagesimus numerabatur, foedus cū Veneris Berengarius percussit, & inter suos ac eorum fines terminos collocavit. Sed quia Regē appellari posse diffidebat se, si veterum Regū domicilium Papiam non possedisset, ideo Altheidæ magnopere expetiuit nuptias, quæ Papiæ dotis nomine potiebatur. Sed ea inueterato in eū ferebatur odio, & siue iniurias socero ab eo illatas recordabatur, siue hominem tumoris & ambitionis refugiebat plenum, superbe eos, qui Berengarii nomine ad ipsam venerant, repudiauit. Quæ repulsa

sic eum pupugerat, vt quod elicere amore non potuit, vi sibi putaret extorquendū. Cogunt enim armatæ principum preces, & necessario sæpe acceptandæ eorum sunt postulationes. Nam non multo post magnis coadunatis Berengarius copiis Papiam captiuam fecit, & Altheidam in castro quodam dicto Garda ad locum Bennacum adhibitis custodibus carceri mancipauit. Quæ tandem corruptis custodibus, & Martini sacerdotis sui ope vna pedissequa comite aufugit, ac primum in agrum Regien. profecta, Adalberto Episcopo se suaq; omnia supplex & impense commendauit. Qui quoniam illi patrocinium præstare non poterat, blandis saltem verbis consolatus eam est. Et auctor fuit ad Attonem proficiscendi, qui & ipse humanissime eam habuit, & quantum in illo fuerat, iuuare etiam pro re & occasione polliceri non dubitauit. Fecerant iam quidam Berengarium ea de re certiozem, qui literis & legationibus dimissis eam sibi tradi postulauit. Illo vero renuente atrox statim bellum inter Be-

renga-

rengarium & Artonem exarsit. Quod eo
euentu post longa & varia certamina est
terminatum, vt cum Atto Berengario re-
sistere amplius non posset, rur us Althei-
dam ad Ottonem Cæsarem in Germaniã
ablegaret. Spe certissima facta ipsius nu-
ptiarum, simul totius etiam Italiæ nomine
eundẽ obtestatus, ne nobilissimeꝝ provin-
cię deesse, & ralem dotem aspernari velle
videretur. Res initio dura, & non sine
aliquo periculo censebatur ab omnibus
subeunda. Nuptiarum tamen idque
talium ac tantarum spes, & res ipso di-
gna opem ferre supplicibus Cæsarea vi-
debatur maiestate. Quo circa maximis
collectis vndiquaque militibus, venit in
Italiam Otto, & statim Verona ampla &
nobili Italiæ vrbe potitus fuisse memora-
tur. Berengarius vero ad ipsam aduentus
eius famam, nullo certamine prorsus ten-
tato, longius castra mouit, & ad aliam re-
gni sui partem cõuertit se defendendam.
Tuta enim etiam aliquando timēt, qui ti-
meri perpetuo concupiscūt. Interim Ot-
to Altheidam vxorẽ duxit Imperator, &

magno concursu & applausu populi nuptias cum ea celebrauit. Sed insequenti anno, ineunte statim vere, in Germaniam est reuersus. Quod causa fuit, ut in suum locum Conradum relinqueret, qui reliquias belli contra Berengarium persequeretur. Sed ille cum virib. & animo destitutum eum vidisset, tantum abest ut vlcisceretur, quod etiam ut ad Ottonem in Germaniam iret, & supplex misericordiae eius se committeret hortabatur. Quod siue miseratione eius ductus faceret, siue Christiano sanguini parcendum esse recreetur, Berengarius quidem recte monenti morem gessit, & nulla interposita mora, ad Caesarem Ottonem in Germaniam cum honorifico comitatu tandem discessit. Ferunt aduentanti à primoribus aulae ad primum lapidem occursum fuisse, & Berengarium in hospitium designatum comiter deduxisse. Qui postridie eius diei ad Ottonem admissus fuerat, & veniam supplex ab eo impetrauerat. Non prius tamen quam solenni deprecationi Berengarii, mense Augusto, & Augustae Vindeli-

eorum dies est praestituta. Quo in con-
uenta omnibus fere Germaniæ Principi-
bus ad suum Cæsarem confluentibus, Be-
rengarius cum Adalberto filio, nexis ma-
nibus inspectante toto populo Ottonis
potestati se commiserunt. Quibus ille in
fidem & clientelam suam receptis, regna-
re quidem permisit, sed Veronen. &
Forolouien. Marchiam sibi reservauit.
Quod Bauariæ duci, summo tum Germa-
niæ totius Principi, ante dedisse eam se te-
staretur. Sed ut etiā vel hanc quoq; Otto
restituisset, idem fortasse à Berengario
eiusq; ingenio fuerat expectandū. Pilum
enim non vitiū lupi, & cælum non animū
mutant malitiosi. Nam simulatq; ex Ger-
mania in Italiā reuersus fuisset, novos de-
novo tumultus & rebellionem in Cæsarem
excitauit. Inaudierat nōnullos Germaniæ
Principes aliquid contra eum moliri, &
propterea hac re & occasione ductus, suis
quoq; molitionib. voluit velificari. Pro-
fus ergo beneficii accepti ingratus imme-
morq; factus, contra Cæsarem denuo ar-
ma suscepit, & in exarchatum Rauenen.

cū exercitu progressus Diuina humanaq;
omnia impotenter violauit. Cuius nequi-
tia Agapetus Pont. Max. cum Archiepi-
scopo Valperico, & ipsa indignitate rei
populorumq; miseria moti, ad Ottonem
Cæsarem nuncios literasq; mittunt, & vt
illis opitulatum in Italiam veniat obtestā-
tur. Facit hoc iterū Otto, & se Pont. Max.
neque Reipublicæ vllō mode defuturum
pollicetur. Nec mora, Ludolphum filium
præmittit in Italiam cum exercitu: qui
de Berengario nobili victoria potitus, in
Nauariensis lacus insulam ipsum com-
pellit, & quamplurimas eius arces &
oppida in suam redigit potestatem. Sed
interim subitanea morte correptus pul-
cherrimum opus Ludolphus relinquit,
& in Agapeti Pont. Max. locum, qui per
eos dies extinctus item fuerat, Ioannes
succedit. XII. Berengario iam æquior,
quam antea celsior factus. Quo etiam
successu Berengarius insolentius adeo
se gessit, & nihil amplius Ottonem sibi
nociturum, qui Slauonum contra se re-
bellione exagitabat, certo certius sibi per
suasit.

suasit. Sed nec ille quidem Pont. ipsius insolentiam ferre diu potuit, ac Ioannem Diaconum Cardinalem ad Ottonem Legatum misit, qui ipsius auxilium imploreret, & simul ad diadema accipiendū Rom. Pont. nomine inuitaret. Facilius enim impetrātur res cum proposita alicui fuerit spes, siue dignitatis, siue vtilitatis consequēdæ. Hæc dum ita solennis illa Pont. à Cæsare exposcit legatio, alii atque alii ab eodem similia quoque identidem precantur. Neq; vero deerant etiam Cæsarū, apposita quæ memorabantur exempla, Caroli Magni & aliorum, & Berengarii Tyrannis, & nequitia toto terrarum orbe constanter prædicabantur. Cui malo vt Otto occurrisset, pariterq; etiam Imperialem dignitatem suam à rebellibus sartam tectamq; conseruasset, per Tridentinas rupes, cum sua coniuge Altheida & numerosissimo exercitu, est profectus. Aduenientē Valpertus Mediol. Episcopus & Marchio Adalbertus, qui & ipsi multa ab eo pertulerant, cū desiderio expectabāt, factusq; est magnus populi ad

cum concursus & congratulatio singularis. Sed vnus ille Berengarius sceleris & ingrati sibi animi conscius, vel fama Ottonis aduentus consternatus, nūc hic nunc ibi fortissimis in locis se occultabat. Cui regno abrogato Mediol. Antistes diadema Ottoni imposuit, ad aliud autem à Pont. accipiendum paulo post Romam Otto etiam properauit. Quod à Ioanne Pont. Max. vt promissum fuerat tandem fortitus, paulo postea immutatam erga se Pont. expertus est voluntatem. Erat ille iuuenis, & parum habebat colendis amicis firmitatis. Itaq; modico interiecto tēpore erga liberatorem suū ingratus, certis initis cum Berengario pactis cōtra Cæsarem conspirauit. Quæ res non Ottoni tantum, sed toti orbi terrarum extitit admirationi, quare nihilominus aliquādiu prudenter dissimulata; & Pontifice, qui italo quam Germano magis fidendum esse dicebat, à se non prorsus nec protinus abalienato, in aliud tempus vindictam reseruauit, & quodam magis opportuno alio tempore concilium coë-

git,

git, in quo Pont. Ioannis minutatim omnib. palam ostensis criminibus alium in eius locum, Leonem dictum, curauit eligendum: & simul quoq; Berengariū diuturna obsidione fatigatum vna cum vxore captiuum fecit. Ac ita tandem in Bauariam, quod homini perfido nunquam amplius fidendum esse diceret, ad perpetuos carceres ablegauit. Turbulenti namque & ambitiosi non quiescunt, nisi æternum conquiescant.

Comparatio.

VTerq; quidem Rex Longobardorum Berengarius, Princeps ambitiosus nec satis laudatis succreuit artibus. Primus tamen mansuetus & religioni erat deditus, quanquam parum interdum cautus, & ad credendum facile procliuius & pronus. Quod omnibus tribuitur vitio, sed Principib. maximo. Nam non temere credere Regis est cordati, & omnia contemnere nunquā considerati. Vltimus vero natura & moribus fuit profligatus, & in aduersa fortuna supplex & abiectus. Quod tot eius
cum

cum amicis infidelitates & deprecationes quas fecit declarauerunt. Ac vt prior etiam credulus & placabilis fuerat; sic alter credebat nemini & sæpe à nemine perpetuo non timebatur. Vnus ergo ab ingratis occisus, alter ob ingratum animum in carcere est extinctus. Sic mali corui malum ouum, & quod diuinitus non proficiscitur, non est diuturnum.





CHRISTOPHORI VAR-
SEVICII C. C.

VI TARVM PA-
RALLELARVM

Liber Secundus.

BALDVINI PRIMI HIE-
ROSOLYMITANI

Regis Vita.

PERVolarat terrarum orbem
impii & sacrilegi Machome-
tis dogma, Monacho quo-
dam Sergio adstipulatore ad-
inuentum, & Orientis regna ac prouin-
cias multas Saraceni occupant, cum
adeo auctore Urbano II. Pont. Max.
in Claromontano concilio, tanquam tu-
ba occidentales Principes excitati, arm a
contra eos capere, quam sub Urbano

IV.

IV. rursus amiserant, & ad terram sanctam sub iis recuperandam proficisci minimime dubitarunt. Ac primus quidem Godifredus & Balduinus fuerant, qui per ardua difficiliaq; itinera, immensa terrarum emensi spacia, Hierosolyma & tota Palestina sunt potiti. Fauet enim piis suorum Principum Deus Opt. Max. conatibus, qui non tam regione quam religione propaganda potissimum delectantur. Sed quoniam Godifredus immatura morte extinctus totam mole & administrationem belli sequentibus se reliquerat; propterea quidem non à Godifredo, sed à Balduino primo, cum quasi Balduini duo, Latinorum in Asia primi auctores, & destructores quoque fuerint, belli sacri historiam ordiemur. Non deerant, qui Godifredo mortuo Boëmundum quam Balduinum potius in Regem censuerant eligendum; propterea quod Balduinus sacris ordinibus susceptis, ad prophana Regni gubernacula non admittendus amplius videbatur. Inter quos Dagobertus Patriarcha Hierosolymitanus ipse potissimum etiam fuerat, & quam maxi-

me quidem potius Balduino in regni possessione adiuncta resistebat. Omnia enim regnaturis principio sunt ardua, sed maxime à proceribus regnorum inuidiose agitata. Verum cum ita regnum diuersis factionibus æstuarer, & Boëmundus interim ab hostibus captus esset, Balduinus vi sibi aperta ad regnandum via Hierosolymam cum exercitu est reuersus. Diffidere tum sibi suisque rebus Patriarcha cœpit; & post longas ac multas rerum & verborum concertationes cum Balduino in gratiam rediit, & diademate regio ipsam postremo insigniuit. Nulla est namque salus bello, maxime autem intestino. Qui quidem Balduinus ad eum modum gubernaculis cæptus, qui ab eo adhuc diffidebant, ad officium reducere, & omni ratione animos eorū voluit sibi conciliare. Demum prolatis etiam foris armis, & potentiorum hostium perfractis viribus, totum illud Hierosolymitanum regnum tranquillauit. Per id tempus grassabantur etiam passim latrones infesti viatoribus; & maritimæ quædam vrbes, nouis istis Regibus

non

non vsque quam adhuc parebant. Nam plerumque noua imperia contempta, & violenta sunt periculosa. Quas ad officiū redigere, & gubernaculis suis Balduinus postremo fecit obtemperare. Et erant quidem vrbes illæ toto regno potentissimæ, pecuniis & com meatu abundantes, vtpote Ptolomaida, Cæsarea, Sydon, Tyrus, Beritus, Aſcalona, & alia nunchis, nunc illis nominibus nuncupata. Quas non nisi longa obsidione ad deditiōem compellere, aut agris præſidiisq; exutos in potestatem suam poterat mancipare. Sed & cum Græcis ipsis, quanquam Christianos se profitentibus, tuta pax, & amicitia vsquequaque non habebatur. Bellū denique acre, & quasi perpetuum, contra Catamanos, Cilicios, Syrosq; gerendum, & grauissima hinc inde pericula ab Arabibus, Damascenis, Turcis, Ægyptiisque Regno Hierosolymitano, semper erant formidanda. Quo magis ad occidentales Reges & Principes (vt fit) confugere, & auxilium ab iis oportuit continuo implorare. Qui & ipsi nunc hoc nunc illud caufabantur,

labatur, & ægre tam longe à se disitis, nec
semper cōcordibus, quibus aliqui in quo-
tidianos vsus suos indigebant, mittere so-
liti fuerāt pecunias semper quasi egre pro
se ac multo magis pro aliis numeratas. Fe-
rebatur namque fama, nunc augeri, nunc
minui Christianos in Occidente successi-
bus, & sicuti quisq; affectus erat, ita Chri-
stianorum rebus & successibus forte faue-
bat. Non deerant tamen Pont. Max. sub
ministrandis interdum, nunc pecuniis,
nunc exercitibus, & pro concione anima-
ri faciebant populos, vt quæuis pericula
pro Christi religione suscepissent. Quo e-
rat factum, vt tandem diuersorum nomi-
num principes, nullis coadunatis copiis,
in Asiam proficiscerentur. Ac in primis
Galli & Germani in eam expeditionem
vltro se offerrent, quæ pro Christi gloria,
& eius glorioso sepulchro è faucibus lu-
porum suscipiebatur vindicando. Cruce
signatorū immensa vndiquaq; confluxe-
rat multitudo, adeo vt vel ipse Alexius
Cōstantinopolitanus Imperator, licet in
speciem humaniter eos exciperet, eorum

G

tamen

ramen identidem confluētes vndiquaq;
copias aliqua ex parte vereretur. Erat is
versipellis maxime, & Latinorum succes-
sibus in Oriente (vt plerumq; fit) inuide-
bat. Semper enim inter æquales, aut sibi
similes, perpetua est æmulatio, & quod
vni diuinitus datur, id sibi ademptū alter
arbitratur. Itaq; cum Christiani Raymun-
dum Comitem Tholosanum apud Con-
stātinopolim toto exercitui præfecissent,
Alexius dimissis hinc inde literis de om-
nibus consiliis & actionibus eorum orien-
tales populos faciebat certiores. Quod
ideo fiebat, vt eorum numero non abster-
riti armo protinus caperent, & se suaque
intrepide tutarentur. Metuebat quippe
non magis à Saracenis, quam & ab illis
Christianis sibi vehementius, & gypso fa-
rinæ mixto cōmeatusq; loco subministra-
to perfidiose quosdam enecabat. In sum-
mis igitur Christiani versabantur vndi-
quaq; angustiis, & in primo quasi ingres-
su infeliciter cum Saracenis dimicarunt.
Quos ex prælio fugientes refrenare
Balduinus nullo modo potuit, sed nihilo-

minus

minus tamē paulo post dispersum, & inedia languentem militem recollegit, ac demū etiam apud Ptolomaidem, Cæsaream & Ascalonem, longe lateq; depopulatis hostium finibus, gloriosum de hostibus fecit se victorem. Non enim necessarium, nec factu credibile fuerit, feliciter seper configere; sed illud nimirū est artis & necessitatis, fractis hostiū viribus secure postremo de iis triumphare. Nā per hæc quoq; tēpora, dum hæc ita susq; deq; agitantur, Genuen. classis oportune superuenit. Nec non Regis Daniæ & Noruegiæ altera, quibus Christiani adiuti multas & magnas vrbes & Saracenorum munitiones in suam redegerunt potestatem. Sed vnum illud maxime fuit mirabile, quod de Genuen. prædicatur, quod cum Balduino Regi essent confœderati, & Hierosolymā, Antiochiam, Sydonem, & Cæsareā expugnassēt, vas smaragdicū inestimabilis præcii eos reperiissē Cæsareā, quod agnū illū Paschalē in vltima Christi cēna cōtinuissē, aliis vero auctoribus Herodis Ascalonitē, nōnullis Salomonis fuisse ferebat. Est

illud magnitudinis duarum palmarum cū dimidio, in circumferentia autem septē: quod in hanc vsq; diem Genuę adhuc asseruatur, & mihi pro Genuen. humanitate cum meis familiaribus videndum, & palpandum est datum. Vt vero par præda partæ esset victoriæ, primo loco posita est ipsa vrbs Cæsarea, secundo mobilia omnia, tertio loco illud smaragdicum vas, quod ab omnibus quidem nunc maximi, parui à militibus tum æstimabatur. Quod Genuen. quibus data fuerat optio; dignitatem vtilitati magis præferentes, dari sibi petierunt, & per Vgonem quendam Caserium, summum totius exercitus præfectum, qui ab Ottonibus Cæsaribus ortum, & ruri non procul à Genua suum habebat sepulchrum, in ærarium suum accipietes intulerunt. Sed nos ad historiæ nostræ curriculum reuertamur. Balduinus ergo Rex prolatis regni sui finibus, & Tacerdo Boemundoq; sibi reconciliatis, nō ita multo post obiit, Princeps longissima vita dignus, qui Hierosolymitanam regnū primus ex Latinis religione imbuir,

& ab hostium incurſionibus pacauit, & Chriſtianos Syros propoſitis ampliffimis præmiis in illud induxit, & poſſeſſiones ac reditus non mediocres ipsis aſſignauit. Qui idem Cathedralem Eccleſiam in Bethleem erigere, & à Pont. Max. totus ſemper pendere, & Patriarcham ſibi reconciliatum in amicitia perpetua retinere, ac quicquid bello quæſierat, ſacerdotibus diſtribuire non dubitauit. Qui niſi immatura morte ſurreptus fuiſſet, in Ægyptum exercitum ducere ipſe volebat in expeditionem: ſed morbo correptus graui, deportari ſe Hieroſolymam tandem fecit, quam antequam attigiffet, vitæ & gloriæ ſatur expirauit.

BALDVINI ALTE.

RIVS VLTIMI REGIS

Hieroſolymitani Vita.

VLtimus erat ex Latinis Balduinus dictus Hieroſolymitanus Rex, qui initio quidem concordibus ſuffragiis electus, paulo poſtea propter ſuâ ſibiq; adhæ-

rentium expectationem vehementi tempestate est agitatus. Habebatur eius ætacula despicatui, & minime idonea regali functioni. Quod causæ fuit, vt Milo quidam Plancius, qui regnante adhuc patre in summa apud omnes fuerat auctoritate, annuente Rege puero, gubernationē regni susciperet, & tam Regi quā sibi etiā ipsi haud ita mediocrem inuidiam vulgo conflaret. Turpe enim omnibus, sed turpissimum est Regibus, alieno viuere & gubernare arbitrato. Quadam igitur intempesta nocte in via publica confossus est Milo, & odiosus ille ipsius malum exitum habuit dominatus. A cuius morte pacatiora omnia videbantur futura, & Hierosolyma Christi hæreditas ex faucibus barbarorum erepta tandem aliquando quietura, cum subito Raymundus Tripolitanus Comes tandem illam regni gubernationē denuo suscepit, & quantum quidem in eo fuit, ad vtilitatem & cōmoda tenelli Regis omnia adnistravit. Erat quippe prudentia, magnanimitate, splendore, magnificentia, & mansuetudine præ aliis

singulis.

lingulari, adeo vt non solum gubernatione, sed ipsa regia dignitate & gubernaculis Reipub. tractandis dignissimus videretur. Quod re & veritate ipsa restatum perpetuo faciebat, nec aliquid prius antiquiusue habebat, quam vt Balduinus Rex in omni educatione bona adolesceret, & confinibus regni fartisque te & isque conseruatis iure & possessione sui regni securus tandem lataretur. Quo ipso etiam tempore, foelici statu & administratione Balduini intellecta, Regni Damasce-
norum proceres, puero principe suo hæreditario spreto, Melchiori Noradum Regis filio per summum regni dissidium & contumeliam gubernacula detulerant, & vt ad ipsos celeriter aduenisset supplices implorauerant. Quod etiam ille sine mora fecit, & simul ac inuitatus fuerat, ad regni gubernacula capeffenda, protinus aduolauit. Vna enim illa celeritas aduentus Principis nutantes hominum confirmat animos, & frangit (vt plerumque) turbulentos. At interim qui partes sequebantur pueri Regis, etiam

Hierosolymitani auxilia magna consensione postulabant. Cui cum quoniam Saladini Ægyptiorum Regis sibi vicini formidabilis erat potentia, posteaquam anticipiti contentione diu distentus fuerat, iussus est tandem gubernator Saladino obuiam progredi, & cum eo aleam Martis experiri. Sed ille dubiæ dimicationi pacem indubitatam præferens, Saladinū quidem muneribus corruptum retrocedere fecit; sed Regem suum à se quodam modo abalienauit. Qui militari ingenio puer, alium denuo collegit exercitū, quo regnum Damascenorum longe atq; late est depopulatus. Hinc quarto regni suo anno in grauem incidit ægritudinem, & Philippum comitem Flandriæ gubernaculis regni præficere in animo habuit. Sed ille magnū quid animo voluens, & regnū quā eius administrationē magis appetens, superbe eam prouinciam aspernari apud se nō dubitauit. Quod cū obtineri forte ab eo nō poterat, postulatū saltem illud fuerat, ut vel vna vice tantum exercitū duceret contra Ægyptios in expeditione

ditionem. Bellum quippe ex pactione cum Constantinopolitano Cæsare contra eos debebat administrare. Verum ne hoc quidem ab eo obtentum est, qui vel Hierosolymitanis ipsis, ne bello tam atroci se implicuissent, occulto consilia suggerebat. Tanta animi obstinacii plerumq; est impotentia, ut vel victoriam nolit cum possit persequi exploratam. Discesserunt interim infecta re, qui eo nomine ad Balduinum venerant variorum Principum oratores: maius vero inter Regem & Comitē gliscere cœpit odiū, maxime quod Saladinus Hierosolymitani regni fines ingressus vi & ferro omnia peruastabat. Qui congressus quidem infelici cum Saladino est prælio, sed & ipse cum ulterius quam par fuerat victoriam prosequeretur, tantum non peruenit rursus in Saladini potestatem. Scienter enim fugientium persequendæ sunt reliquæ, ne qui fugant, fusi rursus fugatiq; videantur. Calumniari interim comitem nonnulli cœperūt, quasi ipse beneficii & sanguinis nexus parū cū Rege memor, regni ipsius am-

birer dominatum. Verum & hæc ipsa tandem ex animo Regis euulsa est opinio, ac prudentiorum hominum opera & consilio parum inter eos subsecuta. Nimirum apparet quantum in regnis ciuilibus inciuilibus valde sit discordia. Nam hæc Christianorum inter se concertatione motus Saladinus eorū quæ promiserat oblitus Hierosolymitanum regnū denuo infestauit. Quæ res animū Regis iam pridem distentū ita pupugit, vt cum aliquando in morbum incidisset grauem, abdicare se regno, & Climaciū comitem Ioppen totius regni administrationi præficere minime dubitaret. Sed nec in hoc quidem ipso penitus etiā conquieuit. Nam siue quod parum feliciter & strenue bellum contra Saladinum gesserat, siue quod ambitu regni ab aduersariis insimulatus fuerat, ab illa rursus præfectura eum amouit, & filiū Balduinum V. hoc nomine dictum corruptis quorundam procerum suffragiis fecit inaugurari. Quæ res maiores adhuc inter Regē & comitem Ioppen. inimicitias excitauit, adeo vt res mœrore animi

magis

magis magisque quotidie labelsceret, & non ita etiam multo post vitam cū morte commutaret. Quem paucis interiectis mensibus, non sine magna suspitione veneni subsecutus est filius, & in eius locum aduersante potissimum Tripolitano comite Guido suffectus. Quæ nimirum dissensiones, & intestinæ Procerum inter se discordiæ, nobile illud Hierosolymitanum è manibus Christianorum eripuerunt Imperium, vt post octogesimum circiter annum rursus Machometismo & seruitute præmeretur.

Comparatio.

Mirum dictu est quanta Christianorū ad recuperandā terrā Sanctam fuerit initio religio. Cui non pereque media, extrema nihil minus responderunt. Solent enim fere omnia instar flammæ exardescere subito principia, media tepidiora, sed omnium tandem tepidissima esse extrema. Et quibusdam gentibus nationibusq; diuinitus datū id est, vt acquiren-

dis

dis quam conseruandis regnis fiant feliciores. Cui rei prouidendum est maxime, quippe non maiori laudi vincere, quam victoria scire vti, semper est iudicatum. Ardens erat Balduinus primus religionis cultor & propagator, nec scio, si vel Godifredus ipse vlla vel minima aliqua in parte extitit illi superior, vt pote qui Hierosolymitanum regnum adeptus, ob breue vitæ curriculum, non vsque quaq; omnes sedauit tumultus. At Balduinus multis & variis in locis cum hostibus diu multumque toties est congressus, vt facilius eum laudare, quam æmulari potuisse alter videatur, quem posteriores Balduini, nec vita, nec instituto, neque ipso bello fortiter contra hostes gerendo sunt assecuti. Male enim pueris plerumque committuntur imperia, nisi virtutis quam ætatis celerior in iis cursus fuerit, & senes auditores habuerint. Balduinus quidem primus pro Christi lege & grege cum hostibus religionis pugnavit, alter cum regni sui æmulis perpetuo decertauit. Quid igitur mirum, si vltimus à primo disparem habuit

habuit exitum, quia illius tuendæ religionis, rebellionis castigandæ alterius fuit institutum? Præclare Romanus sapiens: Deus (inquit) simul posuit regnum & odium, sed infortunatus natus, cuius odii & vindictæ prosequendæ perpetuum fuerit studium. Reseruauit quippe Deus sibi tria: Honorem, iudicium, & vindictam scelerum, quam si vel maxime possis nunquam salua consciëntia sine periculo prosequere. Quo etiam ipso non obseruato, Hierosolymitanum à Latinis rursus ad Saracenos rediit regnum, & miserrimorum mortalium animabus & corporibus attulit inter se discordia exitiũ sempiternum.

ALPHONSI EX ARRA-
GONIIS PRIMI NEA-
politani Regis Vita.

Hispanien. olim regnorum conditorem Attanaricum occidentalium Gottorum fuisse Regem, & Ioannem eius nominis primum ab hoc demum ortum suum habuisse, nemo sanus dubitauit. A-

quo

quo circa annum post mille tercentos nono & septuagesimo, duo procreati filii, Henricus & Ferdinandus, duo luminaria mundi vulgo aliquando dicebantur. Verumenimvero Ferdinandus antequam Arragoniorum fortitus fuisset regnū, ex Blanca Alaorech Comitissa, hunc de quo dicturi sumus, Alphonsum suscepit filium, multorum regnorum populorum que possessorem. Nam modico à patris obitu tempore, Arragoniæ, Valentia, Sicilia, Sardinia, & Maiorica Rex iusto titulo & possessione dicebatur. Neapolitanum vero regnum, in quo Normani, Andagauen. Arragonii, & ipsi postremo nūc regnant Austriaci, hoc modo fuerat consecutus. Extincta parum pudica & lasciua fæmina, Regina Ioanna Neapolitana, Barones quidam regni in Sicilia manentem, Regē Alphonsum Arragoniæ, ad gubernacula sui regni capeffenda, graui & maturo consilio concordibus votis & suffragiis euocarunt. Venit is classe vectus Neapolim, à partu virginis supra millesimum & quadringentesimum sexto & trigésimo.

gesimo. Nec mora & Gaetam, quæ ipsi restiterat, obsidione cinxit, & cum Genuen. non tam quidem feliciter quam fortiter nauali prælio depugnauit. Non semper enim peræque fortunati, quam debemus vel in aduersis esse fortes & animati. Nam idem ille Alphonsus in pugna captus, & ad Philippum Mediolanen. Ducem ad ductus, pristina restitutus facile est libertati, quod Principem magnanimum, & viribus consilioque præpotentem captiuum detinere diu ne phas omnino videbatur. Et quod idem ille minime fallacibus argumentis & rationibus Aragoniorum quam Gallorum Regum Imperium Italiae magis potius officium testabatur. Ex ea igitur detentio ne liber factus, & Neapolim tandem reuersus, non solum Gaetam, sed Neapolitarium totum regnum, facile pacauit, & Patriarcham, qui ipsi maximopere aduersabatur, sibi reconciliauit. Expedit enim rebus, regnis initio adeundis, quam paucissimos hostes aduersariosque habuisse. Quibus Alphonsus prudenter, nunc armis,

nunc

nunc concilio placatis, triumphantis in-
 star Neapolim ingressus est, magna popu-
 li acclamantis lætitia, Anno Christi supra
 millesimū & quadringētesimum secundo
 & quatragesimo. A quo demum tempo-
 re cū Eugenio. hoc nomine quarto, Pont.
 Max. fœdus in perpetuum percussit, & il-
 le rursus in regno Neapolitano verum i-
 psū Regem legitimūq; hæredem cō-
 stituit, ac denique multis magnisq; orna-
 mentis & viriū in prærogatiuis adoptauit:
 vno illo in fœdere addito, vt in Marchia
 Anconitana recuperanda ipsum quam
 maxime posset adiuuaret. Quod Alphon-
 sus non solum libenter, verū etiam præ-
 stiterat admodum studiosè. Etenim vt ex
 pactis conuenientis obligatus non fuisset,
 vltro quidem certe profectus est in belli
 illius expeditio nē ipse, & gloriosum triū-
 phum ex care reportauit. Sedi enim Apo-
 stolicæ militari, est hic & in cœlis trium-
 phare. Inciderat tum temporis perturba-
 tus tota illa stat us, & Philippus Mediola-
 nen. Dux ad mortem vsque erat agrotus.
 Qui de salute sua iam desperans, hære-

dem su-

dem suum Alphonsum fecit, & quem antea captivum Mediolani detinuerat, tanto rursus præ aliis Italiæ regulis honore dignari minime dubitavit. Non solum enim in captivis, sed adeo etiam in aduersariis virtus est amoris, & quo excellentior etiam admirationi. Alphonsum quidem eam à Duce Mediolanen. oblatam sibi potiendarum fortunarum facultatem parui apud se fecit, & sine ullis codicillis gratificaturum illi omni re & tempore se facile & sancte promisit. Quod adeo etiam, ut pollicitus fuera, præstitit, & non pecudum more, qui tantum emolumenti causa, à quibus aliquis quid sperat diligit, sed candido & plane regio animo erga eum, à quo nihil commodi expectauerat, declaravit. Et interim alio conuersus, graue & difficillimum bellum contra Florentinos suscepit, & Plumbinū effecit sibi tributariū. Quod paulo post in Genuen. etiā experiri voluit, qui præclare de Christiana Repub. alias meriti paulo ipsi resisterunt. Soliti fuerant illi quædam annuatim largiri ipsi munera: quæ cum

H ille

ille gloriabundus populo ostentare voluerat, desita sunt munera dari, & ille etiā vt de alienis imprudentius cœperat necessario gloriari. Multa .n. sunt molesta, sed vana potentia iactatio est molestissima. Quo eodem fere tempore Fridericus I I I. Imperator Romanorum exoluendi voti causa Romam venit, & tota Italia peragrata Neapolim quoq; inuisit, quem Alphonsus cum Leonora eius coniuge propinqua sua ita percoluit, vt nullum non humanitatis & hospitalitatis suæ genus declarasse in eum diceretur. Vnius enim & alterius mensis spacio, non solum ipsum, sed totam eius familiam honorifice aluit, & muneribus dandis erga tantum Principem regium suum animum & munificum abunde ostendit, cum non solum liberalitatis laudem, sed religionis quoque & pietatis maximam passim & vbique declarasset. Nam idem quoque tanta in Deum Opt. Maximum fiducia fuerat, vt nihil vnquā aduersi pertimesceret, & instantia alicubi pericula aliquando vereretur. Ferunt toties maria

cum

cum secure traiecisse, victum inuictum
animum perpetuo gessisse, hostium clas-
sariis imperasse, & missæ sacrificium in
ipso terræ motu maximo intrepide au-
diuisse, adeo ut cū alicubi sacerdos ab al-
tari ruinā veritus sacro non peracto pro-
ripere se inciperet, eum à fuga retraxerit,
& cor Regis in manu Dei esse affirmaue-
rit satis animose atq; prudenter. Dantur
enim multis, sed Regibus imprimis intre-
pida corda præscia futurorū. Postremum
quidem bellum contra Genuen. gessit,
& parum quo minus eos vinceret abfuit,
cum subito morbo correptus tandem
est extinctus, annos sex & sexaginta na-
tus: Anno vero à partu Virginis mille
quadringentesimo quinquagesimo o-
ctauo, Princeps longiori vita & dignus
memoria sempiterna, quem facilius lau-
dare quam æmulari fuerit. Nam præter
quod pius & religioni apprime fuerat de-
ditus, multis etiam & magnis aliis virtuti-
bus diuinitus fuerat exornatus. Fauebat
doctis & militaribus viris pariter, quos,
cum ad præliandum veniebatur, bombar-

dispeti noluit; sed tantum, vt communia arma & gladii, quibus se vicissim illi tueri possent, contra eos valeret serio suis imperavit. Oratores Principum & ipsos quoque Principes ad se venientes splendidissime honorificentissimeque semper excepit. Domos & ædificia magnificentissima erexit. Supellectilem non solum argenteam, sed etiam auream immensam habuit, ex qua aliquando furem, nescio quod vas aureum furripientem, & digito ad os admoto, vt Rex taceret admonentem, neq; verbo, neque facto castigavit, & cur id fecisset quæsitus, furem nobilem & artificiosum aliquando dissimulanter ferendum respondit. Bibliothecam refertissimam, & infinitos doctos in aula sua aluit, inter quos Panormitanus, qui de dictis & factis Alphonsi Regis scripsit, vnus etiam fuit. Aula ipsius ingeniorum periclitandorum perpetua quædam officina, & omnis pudoris extitit domicilium. Multa etiam ipse præter aliorum Principum morem, & varia est commentatus. Senecam in linguam Hispanicam vertit.

Sacra Biblia quater & decies euoluit, & magni non solum Regis, sed quasi Anachoritæ exempla reliquit sanctitatis. Nam Sacerdotes, ad ægros sacram Eucharistiam deferentes, in ardentissimo etiam sole, detecto capite, pedibus ubique est comitatus, & magnus denique extitit eleemosynarius, & nullo non loco tempore & occasione ad imitationis exemplum aliis proponendus. In Regnum Arragoniæ & Siciliae germanus ipsius frater Ioannes, in Neapolitanum successit filius Ferdinandus, ex quadam foemina Valentiana, cum adhuc iuuenis esset, forte susceptus.

ALPHONSI EX AR-
RAGONIIS VLTIMI
Regis Vita.

VNius quidem nominis & generis, sed disparibus moribus & successib. Reges Alphonsi duo in Regno fuerunt Neapolitano. Nam non tantā virtutum laudē prior aliquando tulerat, quantum poste

rior nomini generiq; suo labem asperse-
rat sempiternam. Erat is à Ferdinandi pa-
tris sui morte ab Alexandro Pont. Max.
huius nominis tertio in regno Neapoli-
tano confirmatus, cuius filio Guisio San-
ciam suam filiam in matrimonium vicif-
sim collocarat. Quæ res Carolo VIII. Gal-
liarũ Regi, suspectum & inuisum ipsi red-
diderat, & ad bellum regno Neapolitano
inferendum ipsum maximopere exci-
tarat. Solent enim Reges regnorum au-
spicari principia, bellorum occasionibus
disquirendis. Auctor erat belli Lodoui-
cus dictus Morus, Italiæ pestis, qui Gallo-
rum Regẽ suapte tumultuum cupidum
literis & internunciis in Arragonios
animabat. Dederat quippe Alphonsus
Neapolitanus Rex, viuentē adhuc patre,
Isabellam suam filiam in matrimonium
Ioanni Galeacio, legitimo Mediola-
nen. Duci, cuius Lodouicus patruus
principatum in se suosq; posteros occul-
to transferre peroptabat. Sunt enim ali-
quando tutores infidi alienorum
custodes, cum res & occasiones frau-
datio-

dationū offeruntur. Ut igitur Arragoniis Neapoli Regibus sibi viā nocendi quoquo modo. Lodouicus obsepiuisset, Galliarum Regē Mediolanum ad se vocauit, & ad pellendos Neapoli Arragonios Reges inflammauit. Displicuerat non solum Italis, sed ipsis etiam Gallis Regis illa expeditio, sed cum Lodouici preces ac persuasiones, tum vel rei ipsius gerendæ commoditas Regem iuuenem & gloriæ cupidum vicissim accendebat. Nihil enim videtur facilius quam odiosos in aliquo regno dominos, cum externa vi, tum suorum intestino odio, ad ruinam inclinatos pepulisse. Iam quippe Ferdinandus Alphonsi pater non Regem sed tyrannum Neapoli egerat, & interfectis tot Baronibus regni, a se posteritateque sua hominū ordinumq; animos vehementer abalienarat. Quem ipsam Ferdinandum, nec Deum quidem Opt. Max. neque homines veritum, imo summis ferunt perpetuo miscuisse, ex leui aliqua causa, nunc veneno, nunc gladio quam plurimos sustulisse, & interemptorum ca-

pita, in abditis locis alicubi asseruata, ad terrorem aliis ostentasse, & si cuius fuerant non recte aliquis diuinasset, proprium illius amputasse. Quo magis talis ac tantæ tyrannidis recordatione patris Alphonsus etiam filius populis erat odiosissimus, & omnia in regno Neapolitano aduenientibus Gallis plenissima tempestatis. Facile enim populi suapte mobiles minimis temporum inclinationibus commouentur. Accedebat quod & ipsi Alexandro Pontifici non omnium optime cum Cardinalibus conueniebat Romæ, & qui Alexandro postea successit Iulius II. Pontifex in Gallias profectus, viam gerendi belli facilem proculdubio ostendebat. Alphonsus ergo hinc & inde tot difficultatibus circumuentus, Ferdinando filio cōmisit regnum, qui cum vix superuixisset annum, Fridericum eius fratrem Galli fecerunt sibi tributarium: & postremo tandem nobilissima Arragoniorum familia funditus est extirpata, posteaquam octoginta plus minus annis

Neapo-

Neapoli durauisset. Quam ipsius ruinam ipsius etiam Ferdinandi senioris manes Chirurgo cuidam aulæ quodam die prædixerunt, & ipsi Arragonii effodiendo quodam thesauro, & non thesauro, sed libro in quo omnia omnium continebantur scelera inuento, has suas calamitates diuinitus prænunciatas habuerunt. Quod etiam num inuentus liber, in ornamentis quibusdam Varfauien. Ecclesiæ acu Phrigia pictus, & ab Isabella Aragonia Regina Poloniæ Bonæ filiæ quondam missus, cum hac inscriptione: Læctio ne moueat fletum, testificatur. Punit enim Deus scelera sceleribus cumulata, & ob ingratum in Deum animum ad imaruant, quæ fuerunt exaltata.

Comparatio.

DIci vix potest, quam fuerit bonus Rex Alphonfus Neapolcos primus, sed vt aliquando degenerant à patribus filii, Ferdinādus eius nothus genitori suo multum fuit dissimilis. Ille Numen arden-

tissimum coluit; filius Iudæis vehemen-
tissime favit. Alphonfus primus literatos
fouit; Ferdinandus odio habuit: ille
munera & præmia; hic supplicia irro-
gavit: adeo vt Alphonfus plus in sedecim
annis, quam Ferdinandus in sex & trigin-
ta reportauerit laudis, cum ille virtute,
filius nobilitaretur tyrannide. Qua su-
pra quam credibile fuerat odiosus factus,
filio Alphonso renunciavit regnum, & il-
le succcessorem habuit Fridericum Gal-
lorum tributarium: qui vix vno circum-
acto anno ad ima præcipitati sunt, & di-
gnum patris & aui factis exitum habue-
runt. Discite mortales non tam specta-
ri, quam esse à scienter regendo Reges,
& illorum Psalmographi verborum per-
petuo sitis memores: Quod reedit in me-
moriâ iniquitas patrum in con-
spectu Domini, & pecca-
rum matris non abo-
letur.

IAGELLONIS

PRIMI POLONIÆ

Regis Vita.

ANtequam Vladislai Iagellonis Poloniæ Regis & Magni Lithuanorum Ducis & Apostoli ordiar Historiam; operæ pretium proculdubio fuerit, genus, originem, progressus, vitam, maioresque ipsius, ut vere, ita & breuiter, perconferre. Erat quippe Gediminus eius auus ingentis vir spiritus, qui domino suo vi vel arte sublato, in Magni post eum Ducatus Lithuaniae possessionem astutia, quam beneuolentia ciuium magis peruenit. Cuius filius Olgerdus ex Maria Russa Ducis Teuernensis filia procreatus, cum duodecim filios, & in his Iagellonem habuisset, non modo quidem ille solus in patrum, sed adeo etiam ad Regni Poloniæ præ multis & gratiosis competitoribus aliis euectus est dominatum. Etenim cum post Ludouicum, ex Regum Galliarum stirpe Hungariæ

Polo-

Poloniæque pariter Rege, res ad interregnum in Polonia deuenisset; cum aliis tum maxime Guilhelmo Austriaco regni competitori posthabito; Regem & dominum Iagellonem Lithuanum Poloni sibi potissimum elegerunt. Quæ res omnes quidem Christianos populos, sed maxime Germanos, quod Idololatram Christiano & illustri Principi prætulissent, magno pere offendebat. Et nec adeo periculo & difficultate quadam caritura res videbatur; propterea quod Hedwigis Regis filia, quam sibi patre adhuc viuente Reginam Poloni elegerant, Ducentis aureum nummum interpositis millibus desponsari Guilhelmo debuerat, & toto animo in eum propendebat. Verum cum Iagello magnus Lithuanorum Dux, quibus cum Poloni graua & diuturna bella gesserant, Christi Optim. Max. religionem cum tota Lithuana gente atque natione se suscepturum; eandemque Poloniæ regno in perpetuum adiuncturum, ac denique & ducenta aureum nummum millia ultro ipse soluturum promississet, factum est

tandem, vt eius quam aliorum potissima ratione habita, & Heduigi Ludouici filia, cuius maritus esse debuerat, publica dignitate vtilitaque ostensa, Regni Poloniae gubernaculis potiretur. Per mouebat hominum mentes religionis Christianae per eam rem & occasionem propagatio, Imperiique Polonici accessio, quae ex hoste Patronum, ex idolorum cultore suum Principem habitura credebatur. Annus, quo haec gerebantur, supra tercentesium erat sextus & octogesimus. Quo Guilhelmo Austriaco Cracouia non satis contento exeunte, paulo post Iagello mense Februarii pactionibus vtrinque firmatis in eam superuenit. Nec mora, cum Borisso & Suidrigellone germanis fratribus, & Vitoudo patruele, à Bodzatta Gnesnen. Archiepiscopo sacro fonte ablutus; & Vladislai nomine in Baptismo accepto, Heduigi Reginae solenni ritu copulatur, ac quarto post die, more & instituto maiorum, refragante nemine, diademate insignitur. Pro conditionibus vero, quibus in regem electus fuerat, Vitoudus & Mi-

chaël

chaël Dux Zaslauien. fide & iureiurando obligari se non inuiti patiuntur. Regnandi enim causa haud ita difficulter pax pactioesq; coalescunt. Quæ dum ita Cracouiæ agebantur, Theutonici ordinis Prussiae & Liuoniae Crucigeri, qui Polonico in solo antiquitus confederant, siue odio gentis & Andreæ Iagellonis fratris consilio moti, siue Germanici nominis & sanguinis Principis iniuria offensi, siue veteri suo more & instituto aliena infestandi excitati, irruptione in Lithuaniam facta, vi & armis maximopere eam affligebant. Quam etiam ipsam eodem illo tempore, quasi ex composito, Suentoslaus Russorum Smolenscen. Dux eis Orszam & Vitepscum vehementer infestabant. Cuius rei gratia Iagello, Vladislaus Rex dictus, Suidrigellonē & Vitoudum cum Polonis Lithuanisq; voluntariis in Lithuaniam misit, & ad solam aduentantis Regis exercitus famam, Crucigeris excedentibus, eandem tranquillauit. Quibus progressibus factis, partim eiecto, partim etiam funditus extirpato

Andreæ

Andree exercitu, quicorum motuum credebatur præstitisse se auctorem; itum est Mecislauiam, & Suentoslaus qui ex alia parte Lithuanie erat adortus crudelissime est interfectus, ac denique & Andreas ipse Regis inaugurati frater à Polonis captus, & Chæcinen. in arcem in Poloniam deductus, sædo & triennali carcere diuinitus est punitus. Solet enim non deesse suis Deus Opt. Max, simulac incaluerit religione eorum animus, antea eius expers, aut ab ea abalienatus. Quod in Vladislao, quem postea hoc nomine semper appellabimus, Rege fuit vidisse, & tam domi quam foris cognouisse. Nec enim multo ab inauguratione post ex minori in maiorem iuit ille Poloniam, interregni tempore licentia hominum & veluti seditione quadam agitatam. Erat quippe Nalæciorum & Grimaliorum potens & infesta in ea factio, quæ non tantum aduersariis resistendo, sed patrimonii Ecclesie vim & iniurias inferendo, magnopere grassabatur. Hanc nulla quidem interposita mora Rex compescuit, & quæ
supe-

superiorum temporum licentia dilapsa fluxerant, legibus & pœnis veteribus possessoribus restitutis bonis seuerissime colligauit. Quorum motuum Dux & auctor Bartholomeus quidam Cozmiticus, qui prædas agebat, & Ioannes Venerius falsorum iudiciorum criminis reus potissimi dicebantur, propterea vt durius aliquid in eos statuere potuisset, non nisi tamen in vincula coniectos castigauit: vt in illis primordiis gubernaculorum & iustus, & benignus pariter haberetur. Magna enim & necessaria seueritatis, sed non minor in Rege laus est moderationis. His ad eum modum in Polonia compositis, quibus non modicum temporis fuerat datum, itum à Rege rursus in Lithuaniam est, ac pro Quadragenario ieiunio Vilnæ conuentus celebratus. In eo quidem itinere magno magnorumque hominum variarum gentium Rex septus fuerat comitatu. Nam ad tantæ rei admirationem, vbi gentes & regiones ad Christum conuersti debuerant, non solum Poloni & Lithuani, sed & alii populi vndiqueque

concur-

concurrerant. Pullulare iam & hæreses in Bohemia tum inceperant; nec tantum incrementum in Aquilone religionis, Polonis auctoribus, futurum Germani eorū æmuli vnquam sperabant. Actum autem in eo conuentu Vladislao Rege auctore de plantanda Catholica in Lithuania fide, & idolorum cultu penitus abolendo memoratur: vbi Rex non modo boni Principis, sed & Apostoli munus suscepit. Nam non solum proponendis vulgo præmiis, sed docendis etiam, & voce ac oratione monendis erudiendisque populis, tanta eius occalluerat patientia; vt nemo hac in parte Rege superior vix similis aliquis spectaretur. Dura porro & inexorabilis admodum veteri cultu relinquendo extiterat multitudo, vtpote quæ ignē pro Deo colere, fulmini diuinos honores deferre, lucos & excelsas arbores in syluis sacrosanctas habere antiquitus cōsueuerat; quas vi, ferro, aut flamma, aut denique vlla alia violare ratione, nec fas, neq; tutum reebatur. Verum enimvero, cum iussu & auctoritate Regia, illa partim op-

pressa, partim excissa deuastataq; extitissent, nec cuiusquã aut interitus aut læsio exinde sequeretur; tũ vero sensim effecti Lithuani molliores, Regio mandato & auctoritati cedere cœperunt, & tandem etiam Christo nomen dare, & Catholicã religionem certatim suscipere minime dubitarunt. Vidisses quidem rem prorsus raram & admirabilem; populis impio cultui deditis, Christiane religioni, mutato subito more & consuetudine, initian-
dis. Nobilioribus autem tantum vt baptizarentur singuli, ille de more tribuebatur honos. Cæteroquin alii in turmas diuisi, cum nunc rubeũ hi, viridem illi, & diuersi diuersorũ colorum pannos, quasi quædam inuitamẽta à Rege accepissent, quibusdam Stanislai, quibusdam Andree, aliis nomina & appellationes aliæ, à sacerdotibus aqua eos perfundentibus imponebãtur. De dignitatis excellentiã, insignibusque armorum, nulla tum fuerat concertatio: nec magnus pecuniæ vsus in Lithuania, sed vili omnia constabant precio; & à Regio iussu & auctorita-

te, Polo-

te, Polonorumq; consilio, & administratione cuncta pendeabant. Quorum etiam ductu & auspiciis, Vilnæ Basilica condita, pluraque alia per Lithuaniam templa & Parochiæ erectæ memorantur. Quarum omnium supellex ex Polonia aduecta reginæ constitit liberalitate: Quæ tam diuini cultus extiterat amans, vt vix alia amantior potuisset reperiri. Multum enim est, vbi coniunx mariti, & ille vicissim æmulari pietatem suæ cœperit vxoris. Eius quidem imago cum Iagello baptizaretur, in altari circa eius sepulturam extat; quæ tamen paulo post ex Lithuania in Poloniam remissa. Quod reliquum Lithuanix fuerat, docendo & erudiendo plebeculam Vladislaus peragrauit; misso ad Pont. Max. de more legato Dobrogosto Poznanien. Episcopo, qui ipsius nomine obedientiam sedi Apostolicæ præstitisset; & quomodo regni se haberent res, fecisset eum certiozem. Frustra enim domi geruntur res, nisi etiam foris exteris gentibus & Principibus innotescant. Ab

eo Lithuaniae conuentu Vitepskum Polockumque se Vladislaus contulit, & sumpto de seditiosis quibusdam supplicio, eos Lithuaniae tractus tranquillauit. Inde Vilnam reuersus, Skirgellonem fratrem in locum suum apud Lithuanos constituit, ea lege lata; Ne Catholicis & Russis facultas vlla esset matrimonii inter se contrahendi, nisi forte vnus & alter ritibus Catholicorum suscipiendis sacris concordarent. Disparia enim dogmata faciunt vel in coniugatis disparitatem animorum. Et quia Duces Masouiae, antiquissimo Regum Poloniae orti sanguine, pro re & tempore ad regnum etiam aspirabant, hos sibi affinitate coniungendos ratus. Zemouito Masouiorum Duci Alexandram sororem in matrimonium dedit, & magna pompa celebratis eius in Lithuania nuptiis, & Radomien. tractu dotis nomine promisso in Poloniam reuerti festinauit. Per Russiam tum facere iter forte placuerat, vbi Petrum Valachiae Palatinum Leopolum cum proceribus Valachiae ad se venientem solenni

cere

ceremonia in fidem & clientelam regni accepit, & omnes eas oras regionesque perlustravit. Viderat autem Melstinium quendam magno opere arcem alicubi extruentem; quem cum venientem ad se conspexisset; Cui bono, inquit, hæc tua mollicio. An si aliqua necessitas ingruerit ego defensionis tuæ vicem non præstitero? Et vere: Munitiones enim privatorum, nisi magnis & exaggeratis fulciantur opibus, magis sunt illecebræ seditionum, quam fræna præpotentis hostis obsidionis vehementis. Ab Vladislai porro Regis ex Lithuania abitu denuo noui motus & seditiones extiterunt, orto inter Suidrigellonem, & Vitoudum ex æmulatione diffidio: cum ille Germanum Regis fratrem se esse agnosceret, Vitoudus irrequieto animo Principis superiorem pati renueret, eiusque rei causa in Masouiam ad sororis suæ maritum discederet, Grodna Brestaque arcibus suis præsidio imposito præmunitis. Solent enim turbulenti non tam suæ quam alienæ fiduciam multa periclitari potentia, quæ paulo post

non respondente conatibus fortuna, per-
facile euanescunt. Iam enim Vitoudus iis
in quibus multum spei posuerat auxiliis
in Masouia nō repertis, mutato consilio,
& ad Crucigeros in Prussiam iuit, ac no-
tiā bellorum, seu quandam materiam
iis suggessit. Sperabant se ij Lithuania &
Samagitia per occasiones potita & Vitou-
di molitiones illas facilius superaturos.
Itaque cum aliquanto humanius prin-
cipio eum habuissent, conspiratione
cum Liuonum Crucigeris facta, Li-
thuaniam adorti sunt, & vt in duas diui-
deretur partes, quarum vna Skirgello
nem, Vitoudum altera sequebatur, par-
uo negotio effecerunt. Quo nomine Rex
Vladislaus veritus, ne forte Vitoudus,
ob Skirgellonis ignauiam, Metropoli
Lithuaniz Vilna facile potiretur, Nico-
laum Moschorouium, magni tum no-
minis in Polonia bellatorem, cum
non postrema Polonorum militum ma-
nu, bellicorumque tormentorum appa-
ratu, in Lithuaniam misit, & pro in-
cendio extinguendo nihil minus indor-
miuit.

miuit. Erant tum temporis bellicæ illæ
machinæ vel instrumenta dicta, noua per
Europam inuentio, vt pote quæ fere eo-
dem seculo cum Typis excogitata, aucto-
ribus etiam ipsis, qui alios offendere iis
debuerant, formidabilis videbatur. Vn-
de & Venetos, qui moderationem animi
quandâ vel in ipso ardore belli præsetule-
runt, semper ferunt proclamare aliquan-
do iussisse, Quod tormenta bellica essent
explodenda, vt vel hostes ipsi aut ad
deditionem, aut ad cautionem excita-
rentur. Vt enim siue fraus, siue virtus in
hostem eadem fuerit, pulchrum utique
est, rationem habuisse honestatis. Quod
vel in Romanorum patuit etiam exem-
plo omnino memorando, qui Pyrrhum
veneno, etiamsi potuissent, nolebant
videri extinxisse: Sed nos ad nostræ hi-
storiolæ curriculum, à qua digressi sumus,
potius reuertamur. Vitoudus quidem,
vel quod Crucigerorum consilia haberet
apud se suspectissima, vel quod ita natu-
ra perpetuo esse mobilis & incon-
stans videbatur, Vladislaum Regem

sibi clam reconciliauit, & rursus in Lithuaniam à Crucigeris profugit, cum in redeundo arces eorum quasdam tanquã socius non hostis admissus incendisset. Gnara enim hominum mens, quid de ea futurum sit postridie, nihil non hostibus facit, quod potest hodie impotenter. Nam cum reconciliatio illa inter ipsum & Regem non diu durauisset, & verba sibi à Rege dari de concedenda Lithuania, quam tantopere ambiebat, & Rex pro tempore eius potiundæ spem illi faciebat, animaduertisset; consilium inuit Vilnæ ipsius capiundæ. Quod cum mature patefactum fuisset, reconciliato sibi per literas Crucigerorum animo, rursus ad eos est profectus, & biennio amplius eorum auspiciis contra Regem & patriam militauit. Sic nullum insaniendi modum præceps & lubrica statuit ambitio, qua auctores ad extremam ruinam ipsi tandem & non raro deducuntur. Affligebant hæc similesque res regium vehementer animum: Sed & domi suborirentur noua quædam mala seu carcinomata, cum ipsi

tum & regno odiosa. Nam cum peregre
abfuerat Rex, Dalenicius quidam Gne-
uosius Reginam sceleris cuiusdam ream
fecit, & cum Guilhelmo Austriaco, secre-
to ad eam veniente, rem habuisse ipsam
Regi renunciavit. Quare ille commo-
tus Reginae & Gneuosio diem dixit; & de
ea diligenter inquirere non omnino du-
bitavit. Cui enim pepercit unquam in-
vidia, quæ etiam regium ordinem ipsum,
omnis invidiæ expertem, & matronarum
famam reddit suspectam? Ferunt nam-
que illam ipsam Reginam, tantum abest
ut adultera fuisset, etiam sanctissimam habi-
tam extitisse, cum qua crucifixi Redem-
ptoris nostri imaginem Cracoviæ, post-
quam flexis genibus preces ad Deum a-
pud eam fudisset, fama est collocutam.
Conventu igitur Visliciæ decreto, & ad
Regem pro more multis Senatoribus ve-
nientibus, re in disceptationem posita,
Regina innocentiam suam marito iu-
reiurando præstito satis probavit. Sic
igitur Gneuosius falsi criminis reus, & ad
nouum quoddam infamiæ genus, ob ma-

ledictum in Reginam iactum, est dampnatus: quippe cum oportuerit hominem sub scamnum iostar canis scabscondisse, & canino latratu publice edito eam ignominiae notam nomini seminique suo perpetuam reliquisse. Ea nimirum est poena scurrilis loquentiae, cuius multos poenituit saepe, nunquam certe taciturnitatis. Ad eum modum amore coniugali inter Regem & Reginam in pristinum statum reuocato, & maledico punito, rursus in Lithuaniam Rex Vladislaus est profectus. Causa vel potissima tot tamque crebrarum fuerat profectionum studium, desideriumque publicae tranquillitatis, ut videlicet Vitoudi molitiones & audacia frangerentur, & inter Russos, hoc autem est Graeci ritus homines, & Lithuanos Catholicos contentiones sopirentur. Erant in Vitoudi potestate Bresta, & aliae circumuicinae arces quamplurimae, è quibus praefidarij eius milites proximiores oras prouinciasque Regias affligebant. Itaque primum Bresta capta, ad Grodnam quoque castra

castra sunt metata. Quæ quoniam Vitoudum non præteribant omnia, propterea cum Crucigeris opem laturus suis mox accurrit, & cis Nemenem flumen ex arcis obfessæ regione alterâ, congesto ex terra tumulo, exædificauit: Verû tantum quidem aberat, vt obfessis eare aliquid auxilii ferret, vt etiam eo & Crucigeris consilij auctoribus inspectantibus celerius arx in Regiorum veniret potestatem. Sæpe enim subtiles in bello inuentiones sunt instar aranearum telæ, quibus muscæ capiuntur; tandem vero vtique à bubonibus perrumpuntur. Eo igitur fuerat factum, quod mutato subito consilio, ferrea Catena nauibus per torrentem ad arcem deducta fuerit deligata; qua coniunctis continuatisque nauibus pontē extruere, vt suis opem ferre potuisset, Vitoudus cogitabat. Non erat hæc Lithuanorû, sed Germanorum qui ingeniû in nauib. habet magis inuentio. Verû & huic à Polonis occursum est, qui prægrandes pinus siue pinastros in ripa succisas & in amnem præcipitatas secundoflu-

do flumine ei operi impulerunt, adeo vt multæ nauiculę hominib. in iis frustra renitentib. mergerētur. Quod enim fecerit dextra vna, demoliri solet altera: & nemo magistrum infortunii se profiteatur futurum semper se esse victorem. Ex his quidem Germanis, qui in castris fuerant Crucigerorum, vnus ad regios profugit, nec dicto audiens suis esse voluit, qui vt potius flumini quam hostibus se committere voluisset, inclamabant. Magnum enim desiderium est vitæ, & eius spe vel in media hostium tela aliquando ruimus. Quæ nec de Polonis concepta vllo aliquo modo fefellit eum opinio. Nam ab iis non barbarico more fastuque exceptus & habitus, Crucigerorum consilia quibus gnarus fuerat fidissime explicauit; vsque eo, vt cum Vitoudus cum suis Crucigeris de summa rei in desperationem venisset, fugam etiam noctu adornare, & paucis consciis clam ex castris proripere se minime dubitauerit. Nempe non semper audaciæ respondet exitus; & turbulento rû aut pœnitudo, aut funestus fuerit exi-

tus,

tus, vel nonnunquam. A Grodnen, bello & deditioe in Maiorem, quæ vulgo appellatur, itum est Poloniam, in qua Vencislaus Pomeraniæ & Sterinen. Dux ritu ceremoniaque solenni iureiurando præstito in fidem & clientelam regni, etiam contra ipsos Crucigeros ubi oporteret bellaturus, à rege est receptus. Quo eodem fere tempore Hedwigis Regina Vladislai vxor alterum de Polonia exercitum forte collegerat, & arces ac munitiones, quæ à Silesiis tenebantur, fortiter recuperauerat. Oppignoraue- rat quippe eiusdem Reginæ aliquando i- fas pater, nec tamen vel accepta solutio- ne reddere eas videbantur Silesii voluisse. Sic turbatis vicinorum rebus, inolescunt in eos plures etiam imbecilliores. Ac- cedebat, quod eadem illa aduentante mox æstate, Lancaster Henrici Regis Anglorum filius, cum non exiguis Anglorum Francorumque copiis ad Crucigeros in Prussiam adnauigauerat; & per speciem olim Christianorum in Saracenos expeditio- nis contra Idololatrias Lithuanos

militare velle se profitebatur. Sed animus non exercitus nobilitat bellatores. Iam quidem Crucigeri eius Iancaſtri aliorumq; auxiliis aucti, & per ſe ipſi nouandarum rerum tumultuumque cupidi, vt Vitoudum Regis Vladislai fratrem in Lithuania principatũ, quem ille ſibi debere profitebatur, forte reſtituerent, tripartito agmine in eum proſecti ſunt: & ei rei ac occaſioni contra Poloniae Regem belligerendi, nihil plane immorandum ſibi eſſe putauerunt. Sed reuera nulla in Vitoudum Crucigerorum fuerat commiſeratio, qui tantum hoc veluti colore prætenſo illud vnicum quærebant, vt Lithuano regis fratre cõtra eum deſenſo, Lithuania in partes diſſecta facilius potirẽtur. Inter enim duos inſimul belligerãtes, cedunt tertio in prædã opinione plura & opulentiora. Ad Caunã igitur initio eo Crucigerorum confluxerunt copię, deinde ad Trocos, & mox ad ipſam itum eſt Vilnam. Ex qua exercitus Regius, animoſus quam validus magis, obuiam hoſtibus factus, multos ex iis proſligauit.

Sed

Sed cum nihilominus Arx inferior obfidi-
dione cingeretur, proditione succensa
magnam Regiis inussit calamitatem: a-
deo ut cum & ipse Skirgello frater regius
forte ex incendio se subduceret, in eo tu-
multu captus, & ab his qui eum non noue-
rant interfectus fuisse memoretur; præter
reliquam vi, ferro, flamma, absumptâ mul-
titudinem, quæ quatuordecim millibus
hominum forte constabat. Nihilominus
tamen per Polonos Nicolao Moscorouio
duce, in eadem illa Vilna fortiter supe-
rior tenuit se munitio, & cum per seme-
stre strenue se defendisset, hostes despe-
rata oppugnatione coëgit discedere.
Qua re Vladislaus Rex permotus, affli-
ctæ patriæ laturus auxilium, magnis co-
mitatus copiis, Mense Nouembre ex Po-
lonia Vilnam venit; & nutantes suorum
animos mirifice confirmauit. Nec tamen
ibi diu moratus ære & subministrato op-
portuno cōmeatu, Ioanneq; Oleffinio in
Nicolai Moscorouii locum succecto,
in Poloniam est reuersus, cum nullo

modo

modo Moſcorouium in ea præfectura diutius retinere potuiſſet; qui partim Skirgellonis Regii fratris ſuperbia offenſus; partim ob mobilem incolarum fidẽ aliquid dignum laude ſe præſtare non poſſe ratus, magnopere ſe excuſabat. Prudentiæ enim eſt à longe aduentantem tẽpeſtatem proſpicere, & viribus ſuis nunquam nimium præfidere. Sed non ita facile Lithuanicæ res compoſitæ per Regem fuerant, vt ruruſus incunte vere Vitoudus, ſpe quorundam præditionis illectus, maxime eas perturbauit. Ad cuius aduentantis cum exercitu nuncium, exuſta prius, quam hoſtibus receptaculo fieret, vrbe, Goſniciuſ longius eſt egreſſus, & ex inſidiis carpendis eiꝯ militibus egregiam ſuo Regi nauauit operam. Ne tamen in periculum ſe ſuoſque coniiceret, intra munitionem poſtea ceſſit; & edita magna hoſtium ſtrage, quid Vitoudus facere & moliri vellet, expectauit. Erat Vitoudo per ardua Vilnæ oppugnatio. Nam & ob Skirgellonem amotum de præditione quæ futura erat deſperare iam

cœperat, & defensores artis obstinatiores
opinionem suam repererat: quæ omnia & sin-
gula conatus & consilia eius retardabant.
Ne tamē frustra videretur aduenisse, Vil-
komiriam & Nouogardiam, cum se reci-
peret, exussit; & Regium præsidium, quod
illis munitionibus impositum fuerat, cru-
delissime interfecit. Atq; ad eum modum
vna eadēq; æstate geminatis incursionibus
infestauit Lithuaniam, vt Medincos &
Velzanos exussisse, & Samagitiā totā hic
& ibi magnis cladibus affecisse memore-
tur. Quo etiam non contentus, & Caunā
vsque, quod à Regio tenebatur præsidio,
profectus; in eius circuitu munitiones
erexit tres, ex quibus simul cum Crucige-
ris identidem ei subuenientibus vicinas
oras & regiones immanissime infestabat.
Compertum namq; est, acriores esse suo-
rum quam externorum impetus, vi & ma-
leficio in bello exercendo. Quæ omnia
Vladislai Regis animum, ob suorum ge-
mitus, & incredibiles susceptos & susci-
piendos sumptus, magnopere cruciabant.
Quibus malis vt vel quamprimum ali-

K

quam

quam medicinam attulisset, Zemouiti Masouiorum Ducis filium Henricū, qui nuper in defuncti Episcopi Plocen. locum eligi debuerat, occulto quidem, sed maximis precibus sollicitabat, Vitoudum adire, & pacem inter se & ipsum, vel aliquā saltem ratione constituere vellet: ni faceret, inter vtrumque in deterius omnia indies prolapsū, & ipsum de Repub. præclare meritū iri. Extinctus tum temporis fuerat Videgundus hoc nomine Regis Vladislai frater germanus, & quidem nō sine veneni à Vitoudo præbiti suspicione; quod mirum in modum Regi charus, & ipsi Vitoudo erat suspectus & odiosus. Quo facilior inter Regem & Vitoudum pacis extitit tractatio. Qua demum subsecuta, Henricus Masouius repudiato Episcopatu & sacris Ordinibus, iam antea susceptis, Zingalam Vitoudi filiam matrimonio sibi copulauit. Qui & ipse veneno etiam enectus est, vt constaret eos, qui sacris Ordinibus initiantur, & illos postea respuunt, nunquam diuinitus prosperari. Non enim sacra propheta-

prophanis missa facta, vltos vnquā bonos habuerunt successus. Verumenimvero Vitoudus compositis cum Vladislao Rege rebus suis, vt erat irrequieto & ambizioso ingenio, Crucigeros & mercatores Germanos rursus infestare instituit: & quotquot capere potuit, Vilnā perductos carceribus mancipauit. Quem Gosnicius mandato Regio honorifice excepit, & mox etiam Vladislaus Rex ipse ex Polonia in Lithuaniam eius rei gratia est profectus. Ad cuius aduentantis famam, cum magno & numerofo comitatu ad Ostrouiū vsq; Vitoudus demisso vultu venit; & vicissim à Rege nullam non retulit humanitatis erga se significationē, adeo vt Rex in amplexus eius rueret, & cum Skirgellone fratrem reconciliaret, amotoq; Gosnicio in Rusos & Lithuanos summum imperium potestatemque ei largiretur. Annus, quo hæc gerebantur, supra ter centesimum tertius erat & nonagesimus, quo Lithuania fratrum concordia recreata, nec tamen ab omni prorsus similitudine & æmulatione inter eos facta, erat

libera, quæ sunt inter se fratrum perennes fontes simultatum; cū Suidrigello & Skirgello ægre ferrent, patruëlem Suidrigellonem fratrem germanis anteferri. Quod etiam causa fuit, vt, cum minus animi & potentiæ habuisset, ad Crucigeros se conferret, & ad testatas cum eo Vitoudus inimicitias descenderet, vt vnum ex altero inter fratres dissidium facile exoritur. Nihil enim odio & iracundia est vehementius, sed inter proximiores maxime exardescit. Hac igitur occasione, & tranquilladæ simul Lithuaniae causa, Rex & Regina rursus in Lithuaniam ex Polonia abierunt. Nec ita difficile inter illos fratres sopitæ sunt inimicitia, concessis Suidrigelloni à Vitoudo quibusdā arcib. & interim si quæ rursus inter eos offensiones extitissent, vt Reginae arbitrato sopirentur. Quib. rebus, peractis, rursus in Poloniam Rex discessit, Skirgello autem, cum ferarum venationibus operam daret, à quodam Sacerdote Græci ritus Roxolano ad villā inuitatus, veneno est enectus;

& apud Kiouiam in Pieczary tumultatus. Quæ res Lithuanorum motus quodam modo etiam tranquillauit: à quibus Iagello liberior factus, cum coniuge sua Hedui-ge ad ornandam excolendamque Poloniam totum se conuertit; ac muris Cra-couiens. paulo altioribus erectis, præfe-ctisque vigilum locupletatis, & nonnul-lis templis cœnobiisque conditis, rega-lem suam ubiq; declarauit liberalitatem. Nulla enim re quam ædificiis extruendis publicis, & adiuuandis bonis, Reges & re-gna magis insigniuntur. Ad cuius etiam magnificentie Iagellonis famam ipse Sigismundus, postea factus Cæsar, tum quidem Hungariæ Rex, in Poloniam for-te aduenit; siue ut videri volebat, Hedui-gis Regina inuisendi gratia, siue Hunga-rorum in officio retinendorum causa, quæ iusta Ludouici eorum Regis fuerat hæres, & illi ad res nouandas more suo perpetuo inclinabant. Tandiu enim Hungaria no-uos semper appetebat principatus, quan-diu pro vera illa & solida libertate, exli-

centia non exorta est seruitus Hungarorum detestanda. Hic ergo Sigismundus Cæsar à Regina Heduigi Sandecię humaniter exceptus, & honorifice habitus, postquam de publicis & priuatis multa contulisset cum ea rebus, in Hungariam est reuersus. Mox bellum inter Vladislau Poloniæ Regem, & Vladislaum alterum Opolien. Ducem forte ortum, cum ille aliquam obedientiam Regibus Poloniæ debere se, superbe & minaciter à Legatis Regiis monitus respondisset. Eius belli paucissimi præter Regem, & quinque cōscii erant Senatores, & quo molitio belli occultior fieret, & minus suspicionis Opolien. iniiceretur, iussus est Christinus Castellanus Sendomirien. cum non contemnenda exercitus parte, qui ex frequentissima toto regno constabat nobilitate, Dobrinum versus proficisci. Interim Rex ipse paternam eius aggressus ditionem, Opolium & circumuicinum agrum longe lateque depopulatur. Quod causæ fuit, vt vicissim Opolien. à Venceslao Bohemorum Rege auxilium peteret,

quo

quo propter fœdus, quod paulo ante cum Polonis Bohemus pepigerat, non obtento, aliam rursus gerendi belli ingreditur rationem, & Duce Olesnicen. aliisque deprecatoribus vsus, pacem ab Vladislao, sed hac nimirum impetrat conditione, vt mercatoribus Craconiën. quos Vratislauiam proficiscen. dux excusserat, facultates ablatas restitueret. Rex vero Vladislaus Lublineciam, Strzelce, & alia oppida sub ipso capta, lege belli possideret, quæ Spytkoni Mellstinio concessit Rex possidenda. Ille autem postea Cessinen. Duci mille marcis, (vt tum ferebant modicum æs tempora) forte ea oppignoraui. Ferunt hoc eodem illo anno Sigismundum, iam Cæsarem factum, & Hungariæ Regem contra Turcas ad Nicopolim infeliciter dimicauisse; & Petrum illum Nigrum Zawisza dictum, magnum Polonicæ nationis perdidisse cum exercitu bellatorem; cum fugiente ex prælio Cæsare, & frustra vt eum comitaretur inclamante, parua quadam conscensa nauicula, Con-

stantinopolim vsque Danubio deferretur. Negabat Zavvitzius desertis fociis, honorificum esse & videri, & vincere, & salutem pariter fuga quærere voluisse, & potius vndis, quam fociis fortibus se commisisse. A qua Sigismundi clade Vladus Besarabix Palatinus, in Vladislai Poloniae Regis fidem & clientelam, & Reginae eius coniugis, tanquam verae Hungariae Regni hæredis, cum ditione sua vniuersa totum se commendauit. Cum memoria teneret, quanta eius fuerit, vel apud Turcas etiam ipsos auctoritas; cui certas arces in Bulgaria Hungaris ademptas, vel ad solam minacem ipsius legationem Amurates Turcarum dominus restituisset. Plus enim interdum valent armatae Regum preces, quam imbellium Principum vel ad raucedinem increpationes. Per eadem autem illa tempora Vladislaus Rex Cruciferos, Prussiae foedere, secum paulo ante inito, temere violato, Dobrinum infestis armis petiuisse, apud omnes omnium nominum Principes & ordines grauissime
quere-

querebatur. Qua de causa bello etiam ipsos aggredi, & vim vi repellere cogitabat: sed à Proceribus identidem ne faceret monitus, seipsum quasi vincere prius non dubitavit. Erat totius Germaniæ, quæ non defutura Crucigeris fuerat, formidabilis, potentia: & omnia prius consilio tentare magis placuerat, quam bello aperto aut dimicatione. Re igitur in disceptionem posita, cum maxima ordinũ pars quietiora sequeretur consilia, iussu est comitia Vladislaviæ indicere, in quibus de rebus Prussicis consultaret. Ac Reginam quidem cum Crucigeri tractationi pacis solã adesse, abesse vero Regẽ ordinibus placuit: ne forte ipse Rex acceptarum toties iniuriarum dolore motus, & ad iracundiam celeriter prouocatus, infecta quam facta omnia potius reddidisset. Solent enim Reges excandescentiæ suæ non facile pati leges, & qui factis irritantur, verbis etiam vix fiunt moderatiores. Sed neq; hac ipsa omnino ratione Crucigeris potuit esse satisfactũ: qui vnã ex alia moram necere, &

friuolis responsionibus, tantū vt Dobrini
possessionē diuturnitate temporis cōfir-
massent, Polonos videbantur velle irreti-
re. Qui enim aut sibi iustitięq; suę parum
fidunt, aut vero alienis rebus infidias stru-
unt; cautis pactationibus, quam candidis &
apertis tractationibus magis semper dele-
ctātur. Quare ab vna illa imbelli quidem,
sed æquissima gubernatrice rerū Regina
liberius reprehensi Crucigeri ex cōuentu
illo discesserūt, & q̄ moris eorum fuerat,
ad maleficia & iniurias tam Poloniae quā
Lithuaniae faciendas protinus confuge-
runt. Quod patienter quidem aliquandiu
Rex Vladislaus tulit; & propter Vitoudi
copias, quas contra Tartaros in expedi-
tionem duxerat, prudenter dissimulauit.
Eodem quippe aut paulo post modum
interiecto tempore vnā ex Tartaris
tribum Ordam dictam armis subactam
Vitoudus in Lithuaniam adduxerat, quę
etiamnum hodie apud Vilnam Vacen.
appellatur, & qua ipsa dulcedine victo-
rię inescatus, maiorem adhuc contra
Tamerlanem illum, cuius exercitus

decies

decies centenis constabat militum millibus, aggressus est expeditionem: sed non peræque posteriores primis conatus semper responderunt. Nam cum Rege & Regina dissuadentibus ad Kiouiā recensuisset Vitoudus exercitum, ac multos Generosos & illustres genere Polonos in comitatu habuisset; tandem ab Ediga eius Præfecto crudelissime est profligatus; eo quidem euentu ut ipse fuga salutem quærere, reliqui omnes præter paucos occisi memorentur. Inter quos Ostrogogius, & Schamotulius, & Glouacius, de Liermceæ, à quo Gostomscii, & ipse denique fuit Melstinius: qui primum quidem mire prælium suis dissuaserat, sed cum omnia pessum ruere vidisset, ne solus tantæ cladi superesset, inter confertissimos hostes equo illatus extremum spiritum pro patria edere minime dubitavit. Quam victoriam Tartari longius prosequuti, Lusum vsque omnia depulantes peruenerunt. Iterum vero Sigismundus Rex in Poloniam, & in ipsam adeo aduenit Cracouiam, clade

Nico-

Nicopolien. Hungarorum animis vehemēter à se abalienatis. Quo facilior Vladislao Regi in sedecim annos cū Hungaria fœderis facta fuerat pactio. Et Hedwigis Regina Bonifaciam filiam enixa non modo Ordinum, sed hominum omnium animos mirifice recreauit. Quæ tamen lætitia nec ipsi, nec Polonis fuerat diuturna; cum paulo post à partu filiæ diem extremum obiisset. Regina pietate & prudentia plane incomparabili, vt pote quæ singulari castitate vitæ, & ingenos præstabat beneficentia, Collegiis porro Pragæ, & Cracouiæ, ad vsum iuuentutis locupletandis maxime commendabatur. Et quam aliquando à Christi Opt. Maxim. in templo Cracouiæ imagine, in maximis angoribus ob mariti absentiam constitutam, responsa memorant accepisse. A cuius morte Vladislaus Rex dolore mœstitiæq; confectus, cum de retinēdo regno addubitare incepisset, prius se eo abdicare, & in Lithuaniam suam reuerti, quam à Polonis ex eo pellere, habebat quodam modo constitutu-

stitutum. Sed hæc secum, vt fit, animo reuoluentem eorunde in Polonorum egregia fides, & in suos Reges obseruantia, præclare confirmauit: modo iurisiurandi sui memor, libertatem Polonorum sartam rectamq; conseruaret. Cui quoniam Regina defuncta auctor fuerat, vt si ad secundas nuptias conuolare voluisset, nō aliam quam Annam Comitissæ Ciliæ filiam acciperet, propterea ex consilio Ordinum id etiam fecit, & insequentis anni mense Iulio Cracouiæ cū ea solennes nuptias celebrauit. Interim tamen in Lithuaniam excurrerat, vt cum Vitoudo de Polonia cum Lithuania vnienda consilia communicasset. Nihil enim habebat ea ipsa aut prius aut antiquius: & mox ad Academiam Cracouiensem ex testamento Reginæ locupletandam totus conuersus, quantum in eo fuit, omnia commoda & ornamenta ipsius sedulo procurauit. Florens tum & beata dici poterat Polonia, hoc tali ac tanto Rege, ex idololatra pio & religioso effecto, & secus quidem alia regna & prouin-

ciæ

ciæ in orbe Christiano constituta spectabantur. Nam apud Germanos & Polonorum consanguineos Bohemos Venceslaus Cæsar homo rebus præerat nihil: qui & Pragæ à Bohemis captus, & postremo à gubernaculis Imperii amotus, nihil aliud dixisse, quam Pluris se dolium vini rubri Rhenani, quàm procurationem totius Germaniæ facere, memoratur. Ad cuius fraternalium regnum cum Sigismundus, postea Cæsar factus, secreto aspiraret, Misniæ Marchionem & Moravos contra eum concitavit. Quo parum abfuit, ut & ipse Hungarico etiam regno non priuaretur. Solet enim, ut plerumque fit, accidere, ut quam alteri foueam struxeris, in eam ipse illabâre. Ab Hungaris quidem cum aliquando captus & tantum non iugulatus extitisset, quanta Poloni Regis in se iuvando fuerit cōstantia, potuit proculdubio perspexisse. Vnde etiã Hungari conscientia sceleris moti, ne vna gens contra alteram, auxilio sibi pro Regibus esset, aliquândo postularūt. Sed nos ad nostra reuertamur.

Per id nempe tempus Vitoudus cum Smolensciis, qui ab eo defecerant, bello gesto, Polonorum auxiliis adiutus, eos ad officium facile reuocauit. Nec multo etiam post contra Crucigeros, quos Suidrigello instigabat frater, arma sumpsit: ea quidem ratione, vt non tam aperto bello, quam carptim, cum forte domos redirent, infestare eos consueffet. Erat enim Vitoudus callido & versipelli Princeps ingenio: nec solum hostibus, sed etiam Vladislao Regi aliisque fratribus faceffebat perpetuo negotium. Quo fiebat, vt vicissim à Suidrigellone fratre, qui ad Crucigeros profugerat, & voluntarium quasi exilium susceperat, vehemēter infestaretur: & Lithuania ac Samogitia identidē affligeretur. Cui postremo rei Rex Vladislaus occurrendum ratus exolutis pro Suidrigellone magnis debitis, ab illo exilio cum reuocauerit, & ad tollendam omnium inter fratres dissidiorū ansam Podoliā magno ære redemptam ipsi assignauerit possidendā. Sed nec eo ipso quidē contentus

fuit

fuit Suidrigello, vnde postea cum Crucigeris per multos menses secuta est pacificatio; & à Magistro Crucigerorum Toruniam Rex inuitatus, vbi equestris prælii simulachrum ipsi à Crucigeris editum, non minori hospitum quam & edentium voluptate. Verum enimvero dum vrbis mœnia obequitando contemplatur, à vili quadam muliercula sordibus culinæ, siue illud casu, siue de industria acciderat, perfunditur; & fœmina ad capitis supplicium condemnatur. Cui tamen magnanimus Rex parsum esse voluit, & ultro, ne de ea supplicium sumeretur, Crucigeros eorumq; Magistratus postulauit. Vt enim apum, sic hominum etiam Reges par est aculeo caruisse, & placabilitatis quam effundendi humani sanguinis cupiditatis exempla potius reliquisse. Ex Prussia in maiorem itum est Poloniã, in qua certis quibusdã particularib. conuentib. nouo primũ exemplo celebratis, Corcinũ in minori quoq; Polonia tandẽ peruenit. Ac tantum quidem totius regni celebrantis effecit comitiis, vt ad Dobri

num redimendum omnium Ordinum
scitu & voluntate concederetur ipsi con-
tributio. Quæ modicum quid tum tem-
poris Reip. commodi, nunc quidem recte
exacta & fideliter dispensata præstare po-
test multū emolumentum. Quanquā etiam
tum temporis incultum & subagreste re-
gnum, nunc cultissimum & florentissi-
mum liceat contemplari. Iam vero, vt
supra etiam diximus, cum Venceslaus Bo-
hemix quidam Rex, per contumeliam
vocis ignauus vulgo vocitatus, magnam
ipsi spem Silesix restituendæ, tantum vt
simul alicubi congregarentur, ipsi inie-
cisset, profectus est Vladislaus Rex ad eum
Vratislauiam, sex millibus equitū splen-
didissime ornatorum comitatus; & ante-
quam eo ipse venisset Zbigneum de Brze-
zie suum præmiserat Marschalcum cum
sexcentis equitibus. Quem Regem ipsum
Venceslaus suspicatus, extra urbem lon-
gius progressus excepit quam maxime
reuerenter. Mox vero Rege ipso conspe-
cto adhuc cum maiori veneratione & ad-
miratione equo defiliens salutauit. Solent

L

enim

enim cœeuentib. duplo omnia tanquã
in speculo videri maiora, & sibi diffiden-
tibus etiam ima & minutula celsiora.
Hinc octiduo in tractationibus con-
sumpto, parum abfuit, quo in restituendæ
Silesiæ à Bohemo spes facta rem ipsam
etiam fortiretur. Nisi forte Ioannes Sme-
ritius magnæ tum inter Bohemos aucto-
ritatis dissuasisset, & res alioqui etiam in-
digna Polonis visa fuerat, vt eius beneficii
loco, ex pacto quadringētis hastatis mili-
tare Bohemo debuissent. Maior enim
quam commodi semper fit ratio dignita-
tis. Sed dum hæc ita in Polonia fiunt, Cru-
cigeri veteri suo vicina infestandi inheren-
tes instituto, magnis itineribus Masouia
nihil eiusmodi subuerētem aggressi, Du-
cem etiam Masouie ipsum, Ioannem Cir-
nensem tunc nuncupatum, captiuum fa-
ciunt; & cruribus sub equum colligatis
in Prussiam ducunt, nec prius dimittunt,
quam à Rege violati fœderis admone-
rentur. Magnus ille, sed non nouus aut
peregrinus Crucigerorum fuerat ausus:
in quo tantum quidem abest, vt maiori-
bus

bus sceleribus seipfos postea continuis-
sent, q̄ etiam insolentiā insolentia cumu-
lantes, ne Rex Poloniæ inscriptionibus &
sigillis suis Pomeraniæ titulo vteretur, su-
perbe postularūt. Quorum ingentem illū
spiritum Suidrigello relicto, sub præsidio
Podoliæ ad eos affugiens spe Lithuania-
corum ope potiundæ confirmavit. Vi-
toudus vero Samogitiæ deditiōe, quæ
Cruciferorum per eosdem impoten-
tes illud in se excusserat imperium, libe-
rior ab eorum incursionibus factus, pri-
mus omnium qui cum eo bellasset in
Moschum arma tulit, Anno supra
millesimum à Christo nato quadringen-
tesimo sexto. Erant tum Moschi gens
Russorum ignobilis, & vel apud exteras
gentes & nationes parum nota. Quæ
partim finitimarum gentium accessione,
partim vi & fraude multarum occupa-
tarum vrbiū & regionum in eam ex-
creuit potentiam, vt nunc etiam poten-
tissimis principibus euaserit formidabilis:
quā non tam iusto & moderato imperio,

quam innumerabilium equitum copiis, & maximis antiquitus collectis thesauris; ac denique Cazaniis & Astracaniis Scytis subactis; & Turcicis exercitibus contra se elusis, per orbem terrarum videas celebrari. Horum igitur Principem, Basilium tum temporis dictum, Vitoudus cum aggrederetur, & paruos initio progressus, ob immensam locorum distantiam viarumq, difficultatem, fecisset: tandem proxime insequenti anno Zbignei de Brzezic Poloni virtute & bellandi experientia adiutus, & bombardis maioribus, quorum adhuc vestigia in media extant Moschouia, instructus; ad pacem petendam adegit: & supplicem sibi apud quendam monticulum (qui nunc etiam supplex monticulus penes urbem ipsam Moschouiam dicitur) factum sibi posterisque suis tanquam quendam perpetuum clientem obligavit. Verum cum Vitoudus infano mulieris amore, exercitu relicto, a victoria opinione multorum celerius se recepisset; & per inuia ac deserta loca omni comeatu destitutum reliquisset,

accur-

accurrentibus hinc inde Moschis, Scytis auxilio, non admodum magnum ex eo triumpho nomen vsquequaque reportauit. Non enim vulgus hominum tantū, sed consilia euentis perponderant saepe etiam sapientes. Quo etiam animosius Crucigeri contra eum pugnarunt, & nouas bellorum causas & occasiones quaesierunt. Ex aduersus quidem Vladislaus Polonae Rex, pacis quam belli amantior, nihil relinquebat intentatum, quo Crucigeros, vel acerrimos nominis & generis sui hostes placare, & sibi reconciliare potuisset. Itaque coacto denuo apud Caunā conuentu, cum Iugingo Crucigerorum Magistro ad colloquium venit, & vt à molitione imminentis belli omni ratione eum abstraxisset, quantum in eo fuit procurauit; Sed ille ex aliena mansuetudine & lenitate, vel eo etiā ferocior superbiorque factus, bellum, quod iam pridē contra Polonos meditabatur, vel hac ipsa occasione est exorsus; simulacq; in Poloniā Vladislaus redierat Rex, viginti naues frumento onustas, è Cuiauiē. horreis,

Secundo flumine Vistula ad mare misit; ut aduerso Nemne in Lithuaniam perductæ illius gentis & nationis, cuius Princeps & Apostolus habebatur, egestati, qua maxime laborabat, subuenisset. Quas quidem Crucigeri naues præter fas & æquum deprædant; & quod arma barbaris auxilio contra eos imposita iis fuerant causati, legatis Polonicis viris amplissimis cum quadam irrisione & contemptu responderunt. Nec multo etiam post, apud Regnetam mercatores Lithuanicos excuserunt. Hac igitur geminata victoria Vitoudus prius, mox quoque Rex ipse excitatus, quid in animo haberet, per Legatos ipsis declarauit. Quos illi non expectantes, Oubernicos etiam suos ad Regem miserunt; & de capta à Vitoudo Samogitia, cæsisque præsidiis grauissime querebantur: ac illud vnum maxime postulabant, diceret Rex publice, num Lithuanos tueri, an secus cogitaret? Quæ interrogatio non statim responsum

tulisse, sed ad futura quæ instabant comitia reiecta fuisse memoratur; frementibus interim & vindictam comminantibus eorum legatis, ligati qui postea extiterunt. Prospiciebat autem animo Rex, si Vitoudum & Lithuanos desereret, prodere se suos turpiter oportere: si contra auxilium ferret, grauib. difficultatibus Rempub. implicari. Vnde coacto Lenciciam ad dimidium Iulii conuentu, demum eadem illa bonis modis, quæ semper tentata per legatos est pacificatio. Ac in primis quidem Archiepiscopus Gneznen. vir primæ in senatu sententiæ, ad Crucigeros simul cum aliis consiliariis fuerat missus, qui & Regem & Vitoudum ipsis reconciliaret. Quorum Magister cum idem, num Vitoudum tueri Rex veller, inquireret, & Archiepiscopus patrocinium & hereditatē prouinciæ Lithuanix non ad alium, quam ad Regem magis pertinere responderet: Bene habet inquit: Nos ergo caput, quam pedes, culta quam inculta, inquit, Poloniam

quam Lithuaniam prius etiam aggrediemur, & rem verbis adiecit ac ad dimidium Augusti Dobrinum incendit, & Bidgostiam proditione occupauit. Quibus rebus Rex Vladislaus grauiter punctus, nihil amplius moræ interponendum ratus; vniuersę Polonię, pariterque etiam Lithuanix belli expeditionem indicit. Ac minores quidem cum Ruthenis Polonos ad oppidum Volborem, maiores ad Tencinum conuenire iubet; eoque facto & exercitu apud Radeiouium recensito, sub finem Septembr. Bidgostiam oppugnare aggreditur. Quam cum defendere se non posse Magister Ordinis animaduertisset, Conradum Olesnicensem submittit petitem à Rege ducem, vt vel de solatantum Bidgostia, Venceslaum Regem arbitrum esse Vladislaus pateretur. Fiebat id quidem protrahendi temporis causa, non solidæ alicuius concordix ineundæ, à qua abhorrebat, gratia: sed vel in hac etiam parte, ac vel de tota re arbitrum Venceslaum se velle pati Vladislaus pollicetur. Nam

hyeme

hyeme iam quoque instante, quo minus illi venire auxilio posset, Vitoudus se excusauerat, nec inuitus Regi suaserat, vt inducias cum Crucigeris pacisceretur. Qua de re, dum vltro citroq; disceptatur, Bidgostia à Regiis capta, & valido præsidio est firmata, anxie qui superuenerant, Bohemiæ Regis legatis, Conrado Zeniore Olesnicen. duce, & Iunco Silesiæ præfecto, de pace tractationem instituentibus. Quos in gratiam Crucigerorum Senatuum Polonicum auro corrupisse, vt indignam Regi pacem suasset Nobilitas querebatur: Plena enim in bello suspitionum sunt omnia, & falsa pro veris aliquando peruulgantur. Rex quidem in Poloniam reuersus, & tractandæ pacis gratia ad Regem Bohemiæ legatis missis, celebratisque apud Neopolomiciam aliquot dierum comitiis, in Lithuaniam se contulit, & semotis arbitris solus cum Vitoudo de administratione belli cū Crucigeris futuri consilia in arcano communicauit. Infida enim secreti est custos lingua & conscientia permultorum. Pla-

cuit autem in Russiam primum, demum
& in alias regni partes ac prouincias pro-
ficisci, ubi magnam bisontum, onagro-
rum, & ceruorum confectorum copiam,
per Natuam & Istulam Prussiam verius
deuehi curauit, & futuri belli necessitati
mature occurrere haudquaquam dubi-
tauit. Interim dum in Russia & alibi ve-
nationibus operam dabat, Hermanius
Ciliae comes Annae Reginae frater patru-
elis ad eum venit, & ut cum Sigismundo
Hungarorum Rege conuenire non gra-
uaretur, fidenter postulauit. Quod etiam
non ita difficulter obtinuit. Nam statim à
Paschate Vladislaus Sandeciam simul cū
Vitoudo venit, & ad Sigismundum iam
factum Caesarem Kiefmarchum cum ali-
quot Senatoribus ad tractandam in alios
quatuor annos, ultra sedecim cum Hun-
garis pacem eum allegauit. Erat quippe
Venceslaus Caesar iam mortuus, à cuius
morte Sigismundus imperio potitus, res
in Germania constabilire suas maximo-
pere exoptabat. Et quia non erat ne-
scius apud Principes & Electores im-
perii,

perii, summa pollere Crucigeros gratia, propterea magis quam Polonis ipsis quoque faucebat, & simul promissa quadraginta aureum nummum millia ab ipsis habiturum se certo sibi persuadebat. Spes enim & metus potentissimi sunt stimuli deliberantium. Quod ut adeo etiam facilius Vitoudo per speciem amicitiae persuadere potuisset, spem diadematis Lithuanici ipsi iniecit, & suarum ac Crucigerorum partium per id efficere ipsummet cogitavit. Sed meminisse expedit etiam vulpes à venatoribus capi, & subdolos non per æque semper tuto potiri. Nam omnibus iis artibus Sigismundi Vitoudus cognitis, noctu ab eo discessit: quem ille pluribus miliaribus insecutus, ipse & pollicitationibus factis delinire non dubitavit. Verum & Vitoudus omnia quidem tum temporis Jagelloni fratri detexit; sed ut suo loco dicetur, postremo tamen Sigismundo manus dedit, ac persuasionibus pollicitationibusque eius acquieuit. Interim apparabat nihilo-

minus

minus Rex in Crucigeros bellum solícite
& feruenter; & ne quid in eius absentia
regnum à Sigismundo detrimenti patere-
tur, Ioannem Scecocinium Castellatum
Lublinensem cum tota Sciricenis. & Biecen-
nobilitate, in Prussiam profecturus reli-
quit, ad minoris Poloniae regni partem, si
quid ex Hungaria ingrueret defenden-
dam; Vitouduum vero & aulicum suum
comitatum dimittit celeriter domum,
quo ad bellum se compararent. Bohemos
& Morauos castrorum metandorum pe-
ritos, & rei militaris haud ignaros, Zbi-
gnei de Brzezic Marschalci consilio in sti-
pendium conducit; omniaque exequi-
tur studiose, quæ ad tantum belli ingruen-
tis apparatus, vel aliqua ratione consi-
lium pertinebant. Nec non & Sigismun-
di Cæsaris animum identidem tentat atque
explorat, ne quid intentatum aliquid re-
liquisse videretur. Sed ille ut vel hac vi-
na de causa pacis inter Regem & Cruci-
geros sancienda gratia facturum se o-
mnia polliceretur, perfidiose certe age-
bat vniuersa; ac dimissis duobus Hunga-

riæ Palatinis ad Crucigeros legatis, non tam stabiliendæ concordie, quam postulandæ ab iis pecuniæ ostendit se auctorem. Quo etiam animaduerso Poloni quidam nobiles, qui in aula & militia Cæsarea versabantur, neglectis etiam quas ab eo retulerant amplissimis prædis, in Poloniam ad suum Regem militatum venerunt, & nihil patria habere se antiquius, non obscure ostenderunt. At vero Vladislaus Rex, Nicolao Curouio Gezen. Archiepiscopo Cracouiæ suo loco cum imperio relicto, omnibus, quæ ad defensionem etiam urbis spectassent, egregie prouisis, Cœnobium in itinere S. Crucis dictum, & in summo monte positum adire pedibus, & magnis erogatis in vsus pauperum pecuniis, diuinum sibi Numen propitium reddere vel imprimis cupiebat. Bona enim in hoste sunt arma, sed optima propitio Numine gesta atque directa. Confluxerant ad Czirwinskum oppidum nobili monasterio clarum, iam propemodū vniuersæ tam Polonorum, quam Lithuanorum

Duce

Duce Vitoudo copiæ. Quo facilius fuit communicatis conſiliis & operis agere, & extructo nauali in Viſtula ponte, bombardisque maioribus commode transportatis, in vltiore ripa caſtra metari. Demum quia induciæ iam expirauerant, quædam equitum Polonorum turmæ ad infeſtandas Crucigerorum oras miſſæ ſunt populatum, interponentibus nihominus pro iis ſe legatis Sigismundi, vt adhuc per decem ſaltem dies à continuando bello Rex ſuperſediſſet. Sed nec tum quidem Crucigerorum animi emolliri poterant, nec ad vllas vel ſatis æquas conditiones pacis à Rege propoſitas, aliquis eorum deſcendebat. Itaque placuit vltius progredi, & in hoſtico caſtris fixis ad torporem è mentibus ſuorum excutiendum, hoſtem ſubito aduentantem tubæ ſonu proclamare. Erant interim Tartari & Lithuani quidam; qui quod nec rebus, nec locis peperciſſent ſacris, iuſſu Polonorum capti in Regia caſtra adducebantur: hos laqueo ſuſpendere iuſſum, vt Numen diuinum violatum pau-

corum supplicio placaretur. Erat enim Rex ultra modum cum alias, tum in cobello semper deuotus, qui à Luterburga ad Coretnicū castris motis, & paulo post Dzialdouiā vsq; perductis, Funccium Recipium legatum Sigismundi obuiā habuit familiarem: qui Magistro tantum militię, & octo consiliariis præsentibus, redditis Sigismundi Cæsaris Regi literis, bellum eius nomine ipsi denunciauit; propius vero ad Regem ipsum accedens, in aurem quadraginta millium aureū nummū causa ista fieri; quibus Crucigeri essent emungendi dixit: cæterum nihil à Cæsare hostilitatis timendum clam insusurravit. Sed cum nihilominus sibi responderi postulasset, responsum ei per Procancellarium fuerat, mirari Vladislaum Regem, quomodo Sigismundus pactis conuentis stare, & quam malam bene de se merito Regi gratiam rependeret. Quod si non in præsentia serio quidem, licet sero diuinitus esset, cogniturus. At Funccius ad Cruciferos reuersus, fecit eos de omnib. certiores. Quo magis illo nuntio

excitati, qui vel ad denuntiationem eius-
modi belli domum reuerti opinabantur
Polonos debuisse, arma & ipsi expediunt;
& Polonos, quos semper contempserant,
haud ita inuiti præstolantur. Vladislaus
vero cum apud Dubrovnum, quod sui
incenderant, oppidum, Germanis Gru-
neualdum dictum, die vno aut altero sta-
tiua habuisset, & suorum corpora refecis-
set, die quinta decima mensis Iulii vnum
& alterum miliare Gruncualdo progres-
sus, inter fruteta & nemora, ac conuallia
quædam, circa iter, quod Marienburgum
ducit, castra est metatus. Erat quæ for-
te præcesserat nox illa horribilis & plena
procellosæ tempestatis: quæ tamen Cru-
cigerorum quam Regis tentoriis magis
disiectis ominosi aliquid portendisse vi-
debantur. Quocirca cum ea die præter
solitam consuetudinem rei Diuinæ non
vacasset Rex, mutato non longe inde lo-
co metatis denuo castris positis, Sacrum
coram se celebrari imperavit: quo eo-
dem fere momento hostes iam iam adue-
tare nunciabantur: sed ille nihil eo exter-

ritus, Sacrum utique exactum audire voluit, & demum re diuina peracta, lætus & bonę spei plenus equum conscendit. A Vitoudo Lithuani, à Zmindramo Poloni instructi; hilęuum, dextrum illi cornu obtinebant, non sine occulta quadã diuina prouidentia, ut nudis debilioribusque Lithuanis à Cataphractis Germanorum potioribus perfractis, Poloni redeuntés ab insequendo Germanos, ut læuum eorũ cornu ante perfregerant, sic & reliquias quoq; dissipatas, & à persequēdis Lithuanis lassas conficere potuissent. Scit enim Deus Opt. Max. auxilio pro re & necessitate esse suis, & semper resistit tumentibus & superbis. Nam quanta fuerit Crucigerorum superbia, vel inde patuit, quod iam stanti in acie Regi duos gladios, quibus se defendisset, per Caduceatores miserant: & si parum loci adhuc ad pugnandum haberet, loco quoq; ei cesserant impotēter. Quod Rex boni ominis signum apud se habens, fore ut vel inuiti loco ipsi cederēt, dando responso palam est testificatus. Ac nulla interim interposita mora,

M

ad hunc

adhunc eundemq; modum vexilla & ordines contra hostes non magis scienter, quam & animose explicauit. Quinquaginta Polonica signa, quæ vulgus vexilla vocat, insignibus & peritis militibus referta fuerat, Lithuanica quadraginta. Ac primum quidem vexillum Cracouien. magnum, quod alba aquila diademate ornata insignitum fuerat: præcipuis Baronibus, & usu bellandi & numero equitum plenum, ante alios spectabatur. Cuius ductor fuit siue præfectus Zindracus de Moszkorovvice, cum Ferentario Marcisio de Wioczymovvicze, stirpis Pokukoschæ habebat: in quo ipso milites noue in fronte collocati erant. Zavvischus niger de Grabovv, de domo Sulima. Florianus de Korytnica, de domo Ielitorū. Domaratus de Kobeliani, de domo Grzymalitarū. Skarbek de Gory, de domo Habdanek. Paulus Elodzcus de Biskupice, de domo Nieschob. Ioannes Warszawski, de domo Nałecz. Stańislaus de Charbińovvicze, de domo Sulima. Saxa de Targovvisko, de domo Vulpiū. Secūdi vexilli Gon-

cza, cuius duæ voces cœruleæ in cāpo Celestino erat insigné. Id Andreas de Brochocyce miles, de domo Ossoria ducebat: in cuius fronte quinque milites consistebant. Hi videlicet: Ioannes Dumienik de Nabroz, qui apud Turcorum Principem sedecim annis militibus præfuit. Bartholomæus & Iaroslaus de Plomykovv, de domo Pomiliany. Dobeslaus Okvvia, Wieniavva, & Sigismundus Pikna Bohemus. Tertium vexillum erat Cubiculariorum, cuius insigne vir armatus equo candido insidens, gladiumque manu vibrans, in campo rubeo conspiciebatur. Id Andreas Ciolek de Zelechovv, de domo Taurorum, & Ioannes de Sprovvva, de domo Odrovvaž ductitabat. In cuius fronte hi milites seu antesignani erant, Mscugius de Skrzynno, de domo Cygnorum. Alexander Gorayski de domo Scyphorū. Nicolaus Pouala de Tacza de domo Povvalorum. Sasinus de Wichuczza, de domo etiam Poualorū. Quartum erat vexillū S. Georgii, habens crucem albam in campo rubeo pro insigni, sub quo

omnes Moraui & Bohemi in stipendium militabant conducti: cuius ductores erant Sokoli & Zbislavek Bohemi. Et inter alios eorum erat præcipuus Sarnofok Bohemus, cui Iagello ob consanguinitatem cum Polonica gente, & ob artis militaris peritiam, maximum honorem deferrebat. Quintum vexillum terrę Poznanię. albam aquilam in campo rubeo, nõ coronatum pro insigni fortiebatur. Sextum Sendomirię. terrę, in quo pro vna medietate tres barrę, vt vocant, seu tractus glauci in campo rubeo, pro altera septem stellę in campo cœlestino spectabantur. Septimum Calisię. terrę, in signe caput bubuli, ex cuius naribus vnculus rotundus prominebat, fuerat. Octauum terrę Siradię. in quo dimidium aquilę albę in campo rubeo, & dimidium flāmei leonis in campo albo erat depictū. Nonū terrę Lublinę. ceruum cornibus distensis in campo rubro habebat. Decimū terrę Lencicię. cuius in signe dimidia pars aquilę nigre, & altera leonis in cāpo ceruleo picti, capita habēs coronata spectaba-

tur.

tur. Vndecimum terræ Cuiavien. in quo pro vna dimidia parte aquilæ in cāpo cæruleo nigræ, pro altera dimidiū leonis albi in campo rubeo, capita habens coronata insignia præferebat. Duodecimum erat Leopoliē. vnum leonem cæruleū, quasi petram conscendere vellet, habebat. Decimum tertium erat terræ Vielunen. lineam niueam transuersus ductā in campo fortiebatur rubeo. Cui Rex ob raritatem militū mercenarios ex Silesia adiunxerat, loco alicuius supplementi. Decimū quartum erat terræ Premyslien. quod aquilam cæruleam, duo capita à se auersa in campo cæruleo, in signem municipii denotabat. Decimū quintū terræ Dobrinen. faciē humanam, ad femora barbā alentem, cum capite diademate habebat insignito. Decimum sextū terræ Chelmen. faciem albam inter duas locatā arbores in campo rubeo ostendebat. Iam vero decimum septimū, & decimum octauum, ac etiam decimū nonum, abundante multitudine militū, signa habebat tria, quorū quodlibet faciē solarē in cāpo rubeo habebat pro insigni.

Vigesimū Halicien. quondā regni, nunc vero terræ, monedulam nigram, caput diademate in campo albo habebat redimitam. Vigesium primum & secundum à duce Semouito Masouix missum, aquilam albam absq; diademate in campo rubeo habebat pulchre depictā. Vigestimū tertium Ducis Ianussi Masouix fuerat vexillum, q̄ quasi in quatuor partes distinctam albam aquilā pro reliquis Ducib. transuersum se aspicientē in albo & cœruleo colore pictam sortiebat. Vigestimū quartum erat Nicolai Kurovski Gneznen. Archiepiscopi, flumen cruce signatum in campo rubeo affabre adumbratum. Quintum vero & vigesium Alb. Episc. Poznanien. in campo rubro crucem albā habens spectabatur, cuius milites Iurādus de Buczewo ductitabat. Vigesium sextū Christi ni erat de Ostrov Castellani Cracouien. præcipui Regni Polonici in secularib; Senatoris, quod & ipsum virgine vrsō insidente in campo rubeo picta letabat. Vigesium septimū Ioannis Tanofek Palatini Cracouien. Lunam cornutam stellam

complectentem in cambo habebat celestino. Vigestimū octauum Sendiuogii de Ostrorog Palatini erat Poznanien. fasciā circumuolutam baptismum, quo simul cū Mecislao Rege progenitores eius nomen Christo dederant, in memoriam posteritatis reuocabat. Vigesium nonum Nicolai de Michalovv Palatini Sendomiriensis. rasa alba in campo rubro fuerat insignitum. Trigesimū Iacobi de Koniecpole Palatini Siradiensis. babatum habebat albū in campo potiore parte demissum. Trigesimum primum Ioannis aliās Iyvan de Obichovv Castellani erat Schizemen. Bisontis, ex cuius circulus pendebat naribus, effigie admirandum. Trigesimū secundū Ioannis erat Ligeza de Bobrek Palatini Lenciciens. cuius caput Asini in campo rubeo erat insigne. Trigesimū tertium, Andreæ de Tęczyn Castellani erat Vojnicen. cuius in campo rubeo bipēnis, antiquissima Polonię arma, coruscabat depicta. Trigesimū quartū Zbignei de Brzezic regni erat Marschalci, cuius caput leoninū in campo celestino flammam euomebat.

Trigesimum quintum Petri erat Szafraniec de Pieskowa Skala Succamerarii Cracouien. cuius albus equus nigro tegmine in medio præcinctus in campo rubeo erat insigne. Trigesimū sextum Clementis de Moszkorew Castellani Vislicen. cuius duæ cū dimidia cruces ceruleæ in cāpo flauo depictæ spectabantur. Trigesimum septimū Vincentii de Granow Castellani Szrzenen. & maioris Poloniae generalis erat Capitanei, cuius luna curuata stellā in medio cōtinens in flauo cāpo stemma ipsius denotabat. Trigesimum octauū Dobeslai erat de Olesznica, crucē albā & sub quarta crucis parte per modum duplicis W in cāpo rubeo insignia præferbat. Trigesimū nonum Spitkonis erat de Iaroslaw, cuius luna accuruata in medio stellam continens in cāpo Lagaricio erat insigne. Quadragesimū porro vexillum Martini erat de Slawkowo, superiorem partē leonis, & quatuor in parte inferiori habebat pro insigni lapides satis grādes. Quadragesimum primū Dobrogostii de Schamotuly fasciā accuruatā, & in medio

constri-

constriētā in campo rubeo instar insignium fuerat gentiliociorū. Quadragesimum deniq; secundum Christini erat de Kozięlovvy Sandecen. Castellani, sagittā geminatā cruce ornatā in campo rubeo pro insigni circumferens. Quadragesimū tertiū Ioannis Węzyk de Dabrowva, duos pisces, qui trutæ appellātur, vnū quidem in campo albo, in rubeo alterum pro gentilitiis armorū fortiebatur ornamentis. Ac quartum & quadragesimum regni Poloniae Procancellarii tubas tres habebat pro insigni. Quadragesimū quintum Nicolai Kmitæ de Wisnicze flumen rubeū cruce habens pro armis exornatā. Quadragesimum sextum fratrum & militum Gryfonū, album Gryfonē in cāpo præferens rubeo, cuius ductor erat Sigismūds de Bobovva, miles & subiudex Cracouiē. Quadragesimum septimum militis Zaklicze Koziębroczki, tracturā albam in modum duplicis W. cruce in cāpo rubeo habens signatā. Quadragesimū octauū fratrum & militum erat Kozlerogi, tres hastas, sicuti aliquādo eorū progeniei miles trās-

uerberatus iis fuerat, ostendebat: cuius ductor erat Ioannes de Korytnica Vislicen. Castellanus. Quadragesimum nonū vexillū Ioannes Senczykovvic erat, Morauici Baronis Odrovazorū armis insigniebat, & cuius ductor Heliua Morauius, & omnes item Morauierant cōmilitones. Quinquagesimum Gneuosii de Dalęczo-vice Subdapiferi Cracouiē. Spectabātur: sub quo nō nisi mercenarii tātū nō ex Polonis, sed ex Bohemis, Morauis, Silesiis, & aliis nationib⁹ collecti militabant. Quinquagesimū primū vexillū erat Sigismundi Koribut, Lithuanorū ducis, q̄ equum cū milite armato pręferebat pro insigni. Erant pręterea in exercitu Lithuanico Vitoudi ducis & aliorum quadraginta circiter vexilla, sub quibus tātum Lithuani, Rutheni, Samogitæ, & Tartari cōsistebāt; qui tamen quam Poloni, & minorē numerū militū, & arma habebant pauciora: qui nec equitatu Polonico quidē vlla in parte respondebant. At contra Crucigerorū maximus erat exercitus vndiquaque collectus ex omni omnium Germanorū gen-

te & natione, sed tot tamq; splendentia vexilla, & ornatos milites ac tibicines, vt Polonicus, non fortiebatur, vnumq; illis nocuit maxime, q; catenis ferreis, quo minus eorum ordines à nostris perrumperentur, arcte inter se colligati Crucigeri spectabantur. Duo autem signa seu vexilla Magister ordinis habuerat præcipua. Primum quidē magnū sub quo quicquid roboris fuerat cōsistebat, paulo minus alterum. Ambo crucē & aquilā pariter nigrā fortiebantur. Cuius auctor Fridericus de Vallero Marschalch⁹ Prussię fuisse memoratur. Erat & vexillum Conradi ducis albi Canthner Olesnicen. quartum, aquilā nigrā in cāpo cēruleo pro insigni habēs, cui ipsemet Dux præfuit, & magno illi conflictui solus ex ducib⁹ Silesiæ interfuit. Quāquam studio & voluntate vtiq; absentes omnes Silesię Duces non dubites ei prælio interfuisse. Iam & Cacimiri Scecinen. siue Pomeranię Ducis vexillū quintū Gryphonē in cāpo albo depictū habēs spectabatur. Nec non & S. Georgii sextum, crucem rubeam in campo albo sortitum,

cuius

cuius Nicolaus Kersdorf ductor, cui militaris virtus quam fuga cordi magis fuerat, fuisse memoratur. Laudanda enim vel in hoste fuerit virtus, & nullus sanguinis nexus decori & virtuti in amico præferatur. Septimum erat vexillum Pomeraniæ Episcopi, Ioannis Euangelistæ in specie aquilæ cæruleæ imagine picta illustratum: quod Marquardus de Rossemburk ductitabat. Octauum vero Episcopi & Episcopatus Zembrien. tres mitras rubeas in albo campo habens fuisse memoratur: cui Henricus comes de Camenecio præerat natione Misnen. Nonum item vexillum Episcopi & Episcopatus Helmen. erat Rossemburg, quod gladium rubeum nudatū in campo albo præferebat; cuius ductor Theodoricus de Schemlburg habebatur. Decimum vexillum Episcopi erat Varmien. in quo Agni Dei imago cum sanguine ex gutture in calicē profluente apparebat. Vndecimū vexillum Magnæ, vt vulgo vocant, erat comendatoriæ, cuius Conradus Lichtenstainer magnus Commendator spectabat. Duodecimum vexillū ciuitatis

Elbingen. fluctus marinos, partim albos, partim rubeos, pro insigni ferens fortiebatur. Cui Nicolaus Nix vexillifer Culmen. quem Henricus à Plauen ordinis Magister ob prælii infelicem successum capitis damnauerat, fertur præfuisse. Decimum tertium vexillum erat Thesaurarii ordinis, Morchemi dicti, clauca alba in campo rubeo insignitum. Decimum quartum vexillum erat Cōmendariæ, ut vulgo dicitur, & ipsius Grudzen. ciuitatis, quod in campo albo caput Bisontis habebat pro insigni: huius ductor Guilhelmus Ephenssthai Cōmendator de Grudziadz spectabatur. Decimū quintum vexillum cōmendariæ, & oppidi Balgæ, in campo albo lupum habens rubeū spectabatur. Decimum sextum cōmendariæ & ciuitatis Tichōschæ erat vexillum, duobus piscib. rubeis in campo albo distinctū. Decimū & septimū Ciuitatis Kinsbergen. q. in campo rubeo albū gestabat Leonē, & Marschalcū eiusdem loci erat sortitum ductorem. Decimum octauum vexillum cōmendariæ, quā vocant, de castro antiquo ductor gubernat-

bernabat. Et decimum nonum ciuitatis
Tuchola, eius quoq; commendator rege-
bat: qui eo ſuperbiæ amentięue potius
dixero, venerat; vt toto eo bello duos gla-
dios diſtriſtos abſq; ſagina præferri ſibi
curauerit; tum prius ſe eos cōditurus, quā
ſanguine Polonorum cruentarentur. Vi-
geſimum vexillum caſtri & commenda-
toriæ Nieſcouien. fuerat, eiufdemq; etiā
habebat loci ductorē. Vigefimum primū
vexillum ſtipendiarios ex prouincia Ger-
manica Veſtphalla ortos, & duas ſagittas
pro inſigni habebat. Vigefimum ſecun-
dum erat Aduocatiæ & ciuitatis Rogo-
zno: cuius ductor Fridericus vel Aduoca-
tus in eodem illo Rogozno. Vigefimū ter-
tium vexillū erat ciuitatis Gedanen. cuius
ductor Ioannes Schominfelo Cōmenda-
tor item Gedanen. geminatis crucibus,
alba & rubea, inſignitum. Vigefimū quar-
tum erat cōmendariæ & ciuitatis Engelz-
berk imagine Angeli decorata; ductor
eius Burchardus Vbik. Vigefimū & quintū
vexillum commendarię & ciuitatis erat
Brodnicen. ductor Baldus Schalz diceba-
tur.

tur. Vigésimū sextum castrī Bratian & ciuitatis Nouē, Ioanne de Reder aduocato in Bratian ductore. Vigésimū septimū ciuitatis Bransbergen. fuerat vexillū. Vigésimū octauū vexillū milites continebat mercenarios. Et vigésimū rursus nonum Heluecios, qui Crucigerorū copias auxiliis suis in hoc bello volebant videri auxisse. Conspiratum quippe quasi in Polonos fuerat ex Germanis vndiquaque. Trigesimum item vexillum erat ciuitatis Lesken, quod Kusecki de Iasia, campis insignitum tribus, rubeo, albo, & nigro, aduocatus ductitabat. Trigesimum primum vexillum erat commendatoriæ, & ciuitatis Slochow, quod in parte superiori habebat imaginem magni Dei; & ducebat illud Arnoldus de Baden commendatarius Slochowien. Vexillum item trigesimum secundū erat cōmendatoriæ ciuitatis Ostroden. Et trigesimum tertium ciuitatis Bathese. Trigesimum quartum militū terræ Culmen. quod Iohannes comes de Zaien cōmendator Toronensis ducebat. Itē trigesimum quintum cōmendariæ ciuitatis

Elbi-

Elbinen. quod eiusdem commendator
ductitabat. Trigesimum sextum ex Ger-
mania inferiore milites continebat. Tri-
gesimum septimum vexillum commen-
dariae ciuitatis Torun. vice commendator
eiusdem ducebat in expeditionem. Tri-
gesimum nonum oppidi Gnievkvov
Ioannes comes de Wende commenda-
tor Gnievven. ducebat; sub quo pariter e-
rant ciues ex districtu Gnievkvov, & mi-
lites ex Franconia venientes. Quadrage-
simum postremo vexillum ciuitatis, quæ
vocatur Heildebrandi, habens in magno
campo asciam albam pro insigni. Qua-
dragesimum primum vexillum erat ciui-
tatis Bransuik, proximum erat Gedanen.
& ex militibus constabat Misnen. Qua-
dragesimū vero quartū, ciuitatis Zistno.
id ducebat Albertus à Korsbok. Quadra-
gesimum quintum erat ciuitatis Ragne-
ta, quod Fridericus commendator eius
oppidi ductitabat. Quadragesimum sextū
ciuitatis Krisperk erat vexillum, cruce al-
ba in campo rubeo insignitum. Septi-
mum autem & octauum constabat Luco-
nibus

nibus. Quadagesimum postremo & non-
num erat ciuitatis Czczow, quatuor
campos nigros habens. Quinquagesi-
mum ciuitatis Holsten. Quinquagesimū
primum militibus constabat mercena-
riis. Quinquagesimum secundum erat
Brandeburgen. aquilam rubeam in cam-
po albo pro insigni fortiebatur. Aberat in-
terim de Sv viece cōmendator cum sua
gente & vexillo, quod per Ianusium Brzo-
zoglorum incurSIONem veritus, eā Prussie
oram, quæ proximior Bidgostia fuerat,
susceperat defendendā. Eo igitur ordine,
& dispositis militum turmis & præfectis
ductoribus prælium illud Gruneualden.
post hominum memoriam maximum
est exorsum: pauca quidem initio ver-
ba Rex fecit, vt in illo strepitu armorum,
& angustis temporis, quæ omnem celeri-
tatem requirebant, vix fuit concessum.
Armatus quippe Rex iam in aciem de-
scenderat, binosque aut ternos equites
cum pari hostium numero contra se inui-
cem cū hastis præcurrentes forte intue-
batur. Interim procerū monitis obtēpe-

rare iussus, cum delecta suorum manus
ex acie paulo longius egressus, euentum
totius prælii, fusis ad Deum precibus, to-
tus lachrymis & bonæ spei plenus auide
præstolabatur. Altior paulo locus, ubi
Crucigeri constiterant, spectabatur, ex
quo cum duas bombardas miræ magni-
tudinis explodi in Polonos fecissent, exi-
guo tamen damno eos affecissent; mox
vehementi impetu, non secus ac grandis
aliqua concidisset sylua, hastas utrinque
confregerunt: & quantumuis licet hora
vna & vix non altera dimicatum fuerat,
in quam tamen partem victoria inclinare
debuerat, vix poterat aliquis diuinasse.
Tanta est obstinatis animis in prælio cō-
certatio armorum, præsertim nationum
antiquitus sibimet infestarum. Quo fie-
bat, ut non minus dextrum, quam sini-
strum Crucigerorū cornu Lithuanos de-
biliores præ quadam veluti desperatione
pelleret, & eos loco ut inermes milites
fugaret, ac quodammodo etiam profliga-
ret. Aderat Vitoudus circa omnia omnium
suorum signa clamando, & ad redintē-

gran-

grandum in hostes pugnam animando. Sed nihil est difficilius, quam disperfas ex acie copias in vnum vicissim collegisse. Poloni ergo Deo opt. Max. confisi; cum Lithuanos, solis Smolensciis exceptis, qui Vilnam vsque fugientes, iam de Polonis actum esse, nunciauerant, fugam dedisse viderant, partim dolore & inter-
necione suorum moti, partim vero numerum Crucigerorum insequendis Lithuanis minorem contemplati; tanto magis instare coeperunt, & Crucigeros per se ipsos iam diuisos, & per campos incertis ducibus sine ordine volitantes perpuerunt. Erat vexillum Regium forte interceptum à Crucigeris, in ipso pugnae ardētis quasi principio. Hoc vt Vroclimirus Signifer Cracouien. incautus amiserat, sic cum cōmilitonib. eodem illo momento facile recuperavit. Nec mora etiam Crucigeri ipsi à persequendis Lithuanis fessi, & q. suos iam disiectos offenderant semidesperabundi redierūt. In eos igitur Poloni alacres, & bonæ spei pleni, denuo impetum faciunt, & nulla interposita

mora, illud etiam agmen, in quo Magister ipse & præcipui Crucigerorum versabantur, simul aggrediuntur. Difficilior paulo illa fuerat concertatio: præter quàm enim, quod fortissimus quisque sub illis sedecim Magistri Crucigerorum signis militabat; illud etiam accesserat, quod in vicinia Regem esse conspicati, & in furorem desperationem quasi acti, eum ipsum aggressi sunt, & memorabili aliquo facinore edito, vel mortem oppeteremini me dubitarunt. Est id moris, ut præcipuos in acie petant, & caput quam eandem potius conficiant gnari in omni memoria bellatores. Quapropter cum eam Crucigerorum aciem dirigi Rex Vladislaus in se forte animaduertisset, occultato prius vexillo, Zbigneum Olesnicium scribam ad exercitum misit; ut cohortes aliquot subsidiariæ ipsi vicissim submitterentur. Dimicabatur adhuc utrinque acriter, & Nicolaus Kielbasa, artis bellandi peritissimus, in acie quasi præcipuus versabatur: Hic ad Olesnicium conuersus; Non expedire rebus, ut non-

dum

dum adhuc potitus plene victoria exercitus diuidatur, & speciem fugæ in partē secedendo præbeat, diserte respondit. Quo ipso prudenti responso Rex contentus, & quod credibile erat in tanto armorum fragore etiam mandata Regia non exaudiri, nihilominus Martis periculum nisi retentus fuisset in obuios Crucigerorum facere apud se cogitabat: cum interim Diopoldus Kiekricius, ex Lusatia oriundus, miles apprime strenuus, totū corpus armis tectus ex inimicorum exercitu citato equo excurrentes, Regem ipsum infesta hasta voluisse petere est visus: in quem cum & Rex etiam rursus direxisset hastam, Zbigneus Olesnicius cum semifracta, quæ in terra iacebat, hasta præcurrentes à latere, equo eū deturbauit. Quem primum quidem Rex balteo militari, demum sacros ordines suscipientem, Episcopatu Cracoui. ac postremo Pont. Max. Galero etiam insigniuit. Hunc Kiekriciū quamuis vitæ eius Iagello parsum esse voluisset, quo minus tamen à satellitibus Regiis occideretur, non impetrauit.

Sed nihilominus affecto, sed non confecto utique prælio Magister ille & Crucigerorum, ex quibus Kiekricius prodierat, copiae restabant adhuc superandæ: quæ tanto difficiliore superatu fuerant, quanto à fuga Lithuanorum reuersis cumulationes reddebantur. Instant ergo Poloni Crucigeris loco mouendis quam vehementissime; adeo ut fugientes in ipsa etiam castra persequerentur: quæ commeatu, vino, & id genus aliis rebus, non solum ad necessitatem, verum etiam ad voluptatem abundabant. Iam vero tanta victoriæ in Crucigeris erat confidentia, ut magna tædarum vis ad incendium Poloniæ comparata, & catenarum numerus ad vinciendos Polonos aduectus in iis memoretur. Quod tum quidem Crucigeris male, sed & alibi aliis contra Polonos cessit præfuneste. Paratarum enim insidiarum vices non neminem aliquando visum est rependisse. At vero Rex per omnia castris Crucigerorum potitus; suis qui se vino ingurgitabant conspectis dissecare multa vini dolia iussit: & ut potius quam

quã biberent, persequerentur hostes, imperauit. Mirabile illud spectaculum fuerat, cum vinum, cum occisorum sanguine mixtum, ceu flumen aliquod cruoris inspectantibus premonstrabat: quo in loco postea Crucigeris ipsis Sacellum quoddam in monticulo extruere placuit; quantumuis licet nemo Historiographorũ, à quo, & vbi conditum fuerat, vllam vel minimam fecerit mentionem. Constat certe multorum & illustrium Crucigerorum corpora sepulta ibi fuisse, & Missæ quotidie sacrificium, non nisi ad Patrum nostrorum tempora vsque celebrari desisse; posteaquam Lutherana Religio Alberto Marchione Brandeburgen. & in Prussia duce auctore, vt alias Aquilonis Prouincias, sic & Prussiam quoq; inuasisset. Ferunt autem vna illa die quinquaginta hominũ millia à Polonis cæsa, quadraginta vero capta fuisse: cum longiore fuga vix aliqui Regiis passim & vbiq; instantibus vitam seruasse memorentur. Nam quod quidam palustri & incognito latitantes loco se abdiderant, armorum

splendore prodiit, rursus in castra compulsi sunt, & armis abiectis vix salutem obtinuerunt; vt mirum fuerit à tanta elatione tumoreq; mentis multo sui dissimiles Crucigeros euasisse, quorum exercitus tota ex Germania magno precio præcibusq; hinc inde conflatus, centum quadraginta millium bellatorum numerum superabat. Iam vero inter illustriores Crucigeros Conradus albus Olesnicen. & Cazimirus Steninen. capti sunt; multiq; alii clari generis & nominis non pauci cum ipsis signis militaribus in Regium conspectum potestatemq; peruenerunt: qui omnes sponsione militari obstricti, vt ad proximum S. Martini diem Cracouiæ se sisterent, altera die etiam liberalitate & munificentia Regia resecti, domum permissi sunt proficisci. Nihil enim in victos & abiectos magis decuerit, quam æquum & moderatum clementia & placabilitas semper victorẽ. Reliqui vero eorum, qui captiui fuerant facti, Stecinen & Olesnicen. Duces, Christophorus itẽ Kiersdorfus Silesius, Venceslaus Duninus Bohe-

mus, &

mus, & quicūq; de Crucigerorum ordine fuerant, in Poloniam custodiæ sunt amandati. Iā & de Marquardo Salisbechio commendatore Brandeburgen. & de Schumbergio, frustra pro iis deprecante Rege, Vitoudus sumptum voluit supplicium plane horrendum, cum detracta prius cute immaniter occiderētur. Quod ideo obuenerat, quod Caunen. bello Vitoudi matri probrum obiecerat, cum obsidum loco teneretur. Reminiscuntur enim Principes factarum sibi iniuriarum; & quando possunt, licet nō peræque semper debeant, grauitervlciscuntur. Ex Regio interim exercitu opinione desiderati sunt pauciores: ac vnus ille Iakubov vski Roseus, & nobilium potissimi XII. memorātur. In Zarnouio Bohemo fidei aliquid desideratum, qui siue armorum metu, siue Crucigerorum ære corruptus, principio pugnx statim se proripuerat: sed quod Procancellarii Trabæ monitu in aciem rursus redierat, ac speciem noui exercitus præbens, magno suis auxilio fuerat ea, quæ de ipsius fuga concepta opi-

nio fuerat, tandē, vt fit, sensim etiam euauit; & Rex ipsius excusationi acquieuit. Multa quippe per errorem facta, illustri aliqua re denuo succedente, obliuioni traduntur. Hanc tam nobilem Polonorum de Crucigeris victoriam, cum omnia omnium ordinum diuinitus impetrarunt vota, tum etiam quædam in cœlo ostenta præfagire non obscure videbantur. Qui enim ei prælio interfuerant, Beatum Stanislaum hostes terruisse, & nostros hinc & inde confirmasse & animasse ferunt; quoadusq; tandem plena in hostes victoria potiti, nihil de rebus suis amplius dubitare necesse habuerunt. A qua quidem victoria, & pugnae illius loco Rex tentoria eadem die non procul fixit; & ad vesperum omnes, qui tam remanserant, quam qui à persequendis hostibus redierant milites, per benigne tam lautiis quam donis etiam ipsis refecit. Ac vnum illud maxime memorabile fuit, cum Loscho nobili Masouio, antiqua & militari familia nato, circa Krzywogam tantum territorii dederat, quan-

tum

tum vna die obequitare poterat; ob 70. ex hostili acie, malleo, quē nemo à terra eleuabat, caput percussos & interfectos. Ex quo ipso confestim tempore vniuersam Poloniam non modo de victoriæ fama, sed etiam ingens lætitia vsquequaque peragrauit. Qua ipsa de causâ apud omnia in Polonia templa supplicationes habitæ, & dies ille memorabilis, quo diuino Apostolorum repræsentatur, inter festos est relatus. Præstiterat autem Crucigeros non solum vicisse, sed victoria etiam vti Polonos non ignorasse; nam Marienburgum fortissimum totius Prusiciæ propugnaculum ab illa Polonorum victoria iam deditionem cogitabat: interim enim cum triduo in statuiis Rex seipsum contineret, causam & occasionē dedit Plauenio ciuitatem muniendi: qui ei arci præfectus, ex vicinia quinq; millibus hominum collectis, & Marienburgum perductis, nutantes suorum animos egregie confirmauit: posteaquam à peritioribus bellandi, frustra vt copias eo præmitteret monitus, tam opportunam rei

bene

bene gerendæ occasionem neglexisset Vladislaus. Occasiones enim hostes vincendi, vt occurrunt raro, sic & reuertuntur sero; & non nisi probro & damno recuperantur geminato. Nam Liuoniæ Crucigerorum Magister cum quingentis cataphractis equitibus, eodem in Prussiã veniens tempore, Plauenium & aliarum arcium Præfectos mirifice recreauit. Congressus is primum apud Passarium amnem cum Vitoudo fuerat; vbi Vitoudo impetum facere in eum volente, secreto eius colloquium Magister postulauit; & tantum quidem orando suadendoq; potuit, vt Vitoudus Crucigeris reconciliatis Samogitiam pacare, quam castra Polonorum sequi vtilius & decentius sibi fore omnino arbitraretur. Itaque Regi vix hoc eodem consilio communicato, & quasi etiam fratre aduersante, in Lituaniam est profectus: Magister vero per speciem arbitri, ad pacem inter Regem & Plauenium tractandam Marienburgum ire permissus; tantum quidem abest, vt pacis mentionem fecisset, quod etiam

Cruci-

Crucigeros animasse magis diceretur; cum Regis & eius exercitus debilitatem, & Vitoudi consilia & animum, non usquequaque Polonis fauentem, suis explicasset: quo fiebat, ut vix Crucigeri aliquam vel minimam pacis mentionem apud Regem amplius facerent, & oblatas prius à se conditiones irritas se habituros non dubitanter testarentur. Quod eo etiam faciebant fidentius, quo Parochum quendam Gedanensem, qui ætatem & obsidionis molestias causatus in patriam ire se velle profitebatur, Poloni per sua castra impune ire permiserant; & sexaginta aureum numum millia à Plauenio illi data, ut Gedanensem. Slochouensem. & Stecinen. commendatoribus, in militem eam pecuniam distribuisset, cum alia suppellectili exportandi præstiterant facultatem. Verum cum ea subsidia tardius subministrari posse obsessi arbitrarentur; & interim occasionem nacti, magna mercede accepta, Polonis se gratificaturos existimarent, per quendam Bohemum Socolum dictum in castris Regiis militantem,

de Ma-

de Mariemburgo etiam inuito ipso Plaue-
nio dedendo, tractare minime dubitarūt:
& vitam quadragintaq; millibus flore-
norum postulatis, voti compotem facere
Regem & exercitum promiserunt. Sed
neq; ea expugnandi Mariemburg. Polo-
nis placuit ratio; cum qui paulo ante fer-
ro vicissent, indignissimū proditione vin-
cere hostes arbitrarentur. Nec ita magno
postea temporis interuallo, instinctu, vt
credebat, Crucigerorū, vulgo fama ema-
nauit, Sigismundum Cæsarem eundemq;
Hungariæ & Bohemiæ Regē, cuius legati,
tot aureūm numūm millibus à Crucigeris
acceptis, in Hungariam redierant, Polo-
niam inuasisse, & vi ac ferro omnia perua-
stasse. Cui quidē Poloni credentes nūcio,
moram & vxorum tædium parū ferentes
patienter, Regem vt in regnum rediisset
hortabantur: solis hoc consiliū Prutenis
improbantibus, qui victoriā nuper partā
in casum abiturā, & Crucigeros in poste-
rum crudeliores & cautiore futuros te-
stabantur: sed eo non obstante ac Nico-
lao Traba reclamante maxime, soluta Ma-
riembur-

riemburgi nihilominus est obsidio: Cuius rei Vladislaum cœpit paulo post pœnitudo, præsertim cū post obsidionis dissolutionē tempus quosdā ex maiori Polonia aduenisse vidisset proceres, qui magna ipsi prosequenda victoria adiumenta præstare posse credebantur: qui siue Tucholia exclusi fuerāt, siue alia de causa Coronouia substituerāt, occasionē quidem denuo cum Crucigeris bellandi forte fortuna adepti sunt, & virtutem suam militarem testatam reliquerunt. Erat Coronouia oppidū nec arte, neq; natura præmunitū: Tucholia autem peruicinum, apud quod Michael Cochomeistro præfecto nō exigua hostium cōfluxerat multitudo: hi cū per exploratores Polonos, fucate illis omnia nunciantes, Polonos oscitantes, & nihil de hostibus suspicionis habentes Coronouia reperiri intellexissent, ex equis statim delapsi, prædentes de improviso aggrediūt: Quos vbi Poloni persentiscerent aduentare, armis correptis, & ipsi ad pugnā se accingūt, ac circa Monasteriū Beidē cū Crucigeris intrepide cōgrediūt.

Id qui-

Id quidem præter omnem acciderat hostibus opinionem, qui simulatque conuenissent, plena de Polonis victoria se potituros arbitrabantur: sed spe vana ducti, cum equos repetere necesse habuissent, non nisi tandem vno à Coronouia milliari, in colle quodam exercitum extruunt editiori. Pugnatum est vtrunque acriter, & Conradus quidam Nemcicius Silesiacus, de cohorte Sigismundi Regis in mediū procurrens, Polonorum qui vellet, ad singulare certamen prouocauit. Obtulit se huic Ioannes Sczucius gente Poluius, & mox infestis armis concurrens, Nemciumq; victum ad suorum agmen perduxit, non modo feliciter, sed etiam triumphantis instar gloriose. Hinc sublato vtrunque clamore, demum manus etiam conferuntur, nec facile patebat, quoniam victoria inclinare potissimum debuisset. Vbi enim vis vi, & arma oppugnantur armis, non facilis vsque quaque futuri certaminis exitus fuerit explicatus. Ex magna igitur contentione prælii, vtriusque exercitus milites facile defatigati sunt & fuerunt:

fuerunt: quo adeo est factum, vt mutua quadam consensione, temporis aliquantū ad respirandum vtrumq; agmen sibi sumere & mox amotis faucibus, vulneribusq; colligatis, præliū redintegrare videretur. Sed nec tum quidem, posteaquā diu multūq; pugnatū fuerat, pars vna alteri cedere, & vel tantillū referre pedē voluit; suisq; denuo confirmatis & admonitis, infestis signis rursus concurrunt. Erant iam occisi quam plurimi, nec tamē de pristina ferocia aliquid vtrinq; erat diminutum: quod causæ fuerat, vt quasi ex composito vterq; exercitus paulo retrocedere & sudorē sibi æquisq; suis arbstergere ac pocula vtrinq; inter se miscere memoretur. Postremo vero tandem refocillatis viribus, (vt vel vincerent vel vincerentur vtriq; expectantes) in aciem cuncti progrediuntur, ac maiori quam vnquam antea pugnant peruciatia, ita vt aliquot horis illud eorū durauerit certamen magna vtriusque gentis gloria & fortitudine singulari: Sed (vt plerunque fit) cum vnā quidem partem potiri tandē victoria oportuerit,

Ioannes Ostrouicius Polonus cognomēto Nassianus, Gente Bipenniū siue Tenciniorum ortus, adactō equo hostiū vexilliferum iugulat, & vexillum quo vno regēbatur, ad suos defert cōmilitones: iā quodam modo de victoria dubitātes. Tāto pere hominum animos, vel vnus in exercitu iuuat virtus, quantū inter metū, ignauiā; & inter generosum animū fortitudinēq; fuerit discrimen. Nā eodē illo tēpore hostilis acies, quæ in eam horā incōcussa steterat, cœpit quodā modo turbari, & Polonorum virtus ad prosequendā victoriā excitari. Quo est factū, vt, metu pudorem superante, Crucigerorum copię fuga salutis suę consulerent, & Poloni opulentā prædam, & gloriosum triumphū de iis reportarent. Qui cū nocte instante & insidiarum metu vltius insequi non potuissent hostes; tandē quidē ad suos qui in castris remanserāt reuersi sunt, & plenam victoriam quā spolia referre maluerūt. Multis enim auiditas nocuit prædæ, & semper honos & dignitas quā cōmodū loco sunt potiore. Hoc nimirum prælio octo rursus

Crucigerorum millia caesa, totidemq; capta certa fama ferebatur. Quod tanto etiam Gruneualden. anteibat, quanto maiore animi & virium contentione vtrinque; proculdubio fuerat dimicatum: quo etiam Crucigerorum studia militiaq; fracta, Polonorum vero virtus & potentia magis est illustrata. Interfuerant vero Coronen. pugnae Sendiogius Ostrorog. Palatinus Poznaniensis. de armis & insignibus Nalecz, Matthias de Labischin Palatinus Brzestensis, de domo Bipeniensis, Petrus de Niedzwiedz Dux Regii exercitus de familia antiqui equi, Mscugius de Skrzynno de familia Cygnorum, Iacob. Kobylinski Grzymalita, Nicolaus de Powala multis acceptis vulneribus clarus, Gneusochus de Daleiowicze de Strzegowia, Petrus item Ryterski, Ioannes Naschian de Ostrowice, Ioannes Farurey de Grabow & Sulima, Nicolaus Chrzastowski de Strzegomia, Ioannes Nos de Dobykovv, & quidem omnes hi tres de armis Bipennium, Skarbek de Gory de familia Habdanck, Dzyk de Kadlub, Nicolaus Bielavvski de Kozlerogi, Stanislaus

Ielito de Doliwa, Bartholomeus Plomykowski de domo Wieniawa, Zaklika Korzekwicki de Srokonica, Krystinus Magero de Goworcizow de armis Rawa, Ioannes Soczycki de Doliwa, Dobeslaus Olevvinski de domo Ostoia, Dobeslaus Okvvia de familia Wieniavva, Ioannes Rey de Xiaglovvicz de armis Okfza, Alexander Gorayski de Cyphis, Kazimirus de Tuchovviec de domo Zgraia, Zrzymala Zerzvicki, Iohannes Czelustka Martinus de Vroczymovvice de domo Pokuca, Vexillifer Cracouiensis, Andreas Brochocki de Offoria, Suantopelk de Zavvada de Vulpiibus, Iohannes Grzymalka, Budek de Zaborze, Slanka de Budka, Nicolaus Borovviec, Ioannes Leon, & alii quam pluri mi quos factu est incredibile singulos enumerare potuisse. Dimicatum porro est decima & octau. Octob. die: nec moraiis qui in praelio occisi vtrunque fuerant consepultis, & prada minutatim collecta, quam postea Bidgostiae partiti inter se fuerant, castra ex eo loco ulterius mota &

cum

cum longo captiuorum numero Ginou-
lodislaiam ad Regem est peruentum.
Erat ille in suos munificentissimus, sicuti
quidem nullæ Regum maioris sunt alæ,
quam in bene meritos liberalitas, etiã a-
liquando prodigalitate viciata. Immen-
sæ quippe Regum sunt opes, quæ recte &
scienter collocatæ haud ita facile exhau-
riuntur. Itaque non solum milites suos
muneribus & amplis donis affecit, sed &
captiuos refecit etiam ipsos epulo; &
sponsione militari obstrictos ac large do-
natos, ad suos libere reuerti permisit; vno
illo Chochmaistro excepto, quem, quod
aliorum Dux fuerat, visum est eum ali-
quandiu sub custodia detinere. Sed nec
illud quidem Crucigerorum animos e-
mollinit; qui adeo obstinatiores facti, &
Regi & ipsius exercitui non parũ negotii
facefferũt. Subornarant quippe Crucigeri
transfugas Polonos, aut certe Crucigero-
rũ, qui linguã Polonica exactissime sciue-
rant aliquos, qui ad Coronouĩã Polonos
ad vnum omnes occisos, Ioanni Brogo-
louio Tucholien præfecto nunciarent.

Qui quantumuis licet non infusus homo fuerat, verba sibi nihilominus à Crucigeris dari permisit, & certis cōditionib. Tuchola data, Regi suo non vsquequaq; integram fidem, vel hac ipsa imprudentia conseruauit; à quo stratagemate cum auctior Crucigerorū exercitus reddi quotidie magis videretur, & cum è Tucholia tanquā ex aliquo non importuno propugnaculo in Poloniā fieri posse incursionē Rex vereretur; nouam expeditionē maiori Poloniæ indixit, & Schafranecio Duce cum aulico comitatu iūctam Tucholiam vsq; perduxit. Hic cum sexcentos balistarios in loco oportuno insidiis structis forte præmisisset, factum est, vt tantum non caperet eos, qui voluntariā apud Crucigeros susceperāt militiam, & illustri loco nati, Dux Minsterburgen. vnus, & Episcopus Virspurgen. alter, vulgo dicebantur. Atq; his ita omnib. feliciter peractis totus Regius exercitus, præter aulicorū cohortē, domum dilapsus, Plauenii noua in Prussia moliri incipientem confirmauit. Miserant Torunen. & Gedanen. ad Regē

tum temporis auxilium eius imploratū; quod nisi cito affuisset, deditioem hosti se facturos profitebantur. Verum cum Rex breui se illis succurrere velle polliceretur, & adeo etiam auxilia iam expediuisset; ecce rursus illi ad Regem mittunt, se aliter facere non potuisse, quā vt deditio ex necessitate volentibus nolentibusq; illis tandem subsequeretur. Ægerrime id Rex totusq; exercitus tulit, nihilq; antiquius quam vt veluti illusionem illam quandā vlcisceretur habuit. Verum enimvero re paulo post considerata maturius, reiectoq; eorum qui legatos detinendos censuerant consilio, non suam illis, sed eorū sibi fidem defuisse testatus, hæc similiaq; contempsit. Maior enim condonantis, quam iniuriam facientis animi est magnitudo. Itaq; cū ex Prussia reuertens primū quidem Gnioulodislauia venisset, postea Gnesnam ad D. Adalberti sepulchrum, & deniq; Poznania sese contulit, & illius orē nobilitatem ad bellū Pomeranię inferendum excitauit. Quod Sendiuogii Ostrogii Palatini Poznanien. ductu gestum, Po-

meraniam omnem pagorum & agrorum rapinis & incendiis, munitionum oppugnatione posthabita vehemēter percussit: & magnis iniustis calamitatib. passim & ubiq; labefactauit. Quæ quidem dum à Rege eiusque copiis forte gerebantur, vt semper inter vicinos fuerit emulatio, nūciatum ex Polonia est; Sigismundum Cæsarem & Hungariæ Bohemiæque Regem, vt promissis quæ Crucigeris fecerat staret, qui illi quadraginta aureum nūmum millia forte numerauerant, Poloniam inuasisse; & Sciborium Palatinū Transylvaniæ cum exercitu immisisse; qui ex Morauis, Austriis, & Bohemis solis Hungaris exceptis constiterant, q̃ Hungari arma se in Polonos ex fœdere nō posse ferre causabantur; sed hæc quoq; expeditio maiori cū reuertebantur hostiū, quam Polonorū subsecuta est detrimento. Bella enim non sapiēter ante prouisa, in ipsorummet cladem cedunt postea auctorum. Qua forte ex occasione pax denuo cum Crucigeris est tractata; & ad tractationem octaua Septēbris dies Raciazii præstituta. Quo
fere

fere etiam tempore aliam item memorabilem victoriam, de Crucigeris Liunionen. Vladislaus Poloniæ Rex est consecutus. Didicerant Poloni Hermanuum Liunionen Crucigerorum magistrum cum non condemnendis ex Germania & Bohemia copiis in Prussiã aduenisse; iisq; Golubiæ relictis in ipsum Marienburgum, ad communicanda de bello contra Polonos consilia proficisci, Qua propter quidam facinus audax ausi, Dobeslao Puchala, gente Vieniãuo ductore, hostem armis virisque petunt superiorem, & insidiis commode dispositis sub Golubia se conspici patiuntur. Id non tam cito à Crucigeris animaduersum fuit, vt non nemo ex iis profiliens, & ad capienda arma ac Polonos occidendos ac clamauit. Sed non peræque sēper, quod mente & oratione fingis re præstas derepente. Nam Crucigeri ex nimio ardore locum insidiarum subito prætergressi Polonos conspiciatos aggrediuntur; mox Puchala suis auxilium opportune ferens. Crucigeros, cum vtroque exercitui resistere nō possent, profligauit:

qui dum effulse vim persequentium se fugiebant, etiam à suis portis exclusi sunt, & in manus Polonorum, quibus quadruplo plures erant, peruenerunt. Hac victoria subsecuta, & animis viribusq; Crucigerorum fractis, nihilominus Vladislaus Rex à feriendo cum iis foedere, vt erat mansuetissimus, non abhorruit: sed Vitoudus, vt vario multipliciq; habebatur ingenio, id quodam modo dissuasisse memoratur. Nam cum Rex circumvallare Toruniam cogitaret, cuius mœnibus Crucigerorum magister eorumq; præcipui continebantur; Vitoudus spe pacis iniecta, victoribus quam victis iniquiorem reddidit pacē, & his conditionib. vt iniretur persuasit. Primum quidē vt Samogitia Regi & Vitoudo quoad viuerēt, per Crucigeros concederetur. Deinde, vt ducenta florenorū millia intra annū, diuisim ter, Regi numerarent. Tertio, vt Zemonito Masouiorum Duci, Sacerense territorium redderet. Ex aduersus restitueret Rex omnia, quæ de Crucigeris coeperat, Dobrinum possideret, captiuos redderet, de Dreçio & Suantopel

co, aliorum decreto staret; quod si minus
sententia placuisset ad Pont. Max. prouo-
caret. His conditionib. magistro Cruci-
gerorum ipso in castra Regia veniente, &
stipulatione vtrunque interposita, sed vel
maxime Vitoudi cōsilio & opera, pax illa
fancita memoratur: à qua inconsulto Se-
natu, Podoliam quoque Vitoudo Rex do-
nauit, frementib. cunctis, & in Vitoudum
culpam coniicientibus, q̄ non bona fide
& cum Rege & cum Polonis satis egisset.
Vladislaus vero Rex in Poloniā reuersus,
& dimisso quē coadunarat exercitu, Ale-
xandrū Valachie Palatinū, prius quoq; si-
bi fœderatū, sed vel denuo cōtra Hunga-
ros nouo fœdere obstrictum, sibi sociauit,
toto Pokucien. tractu mille ciclis argenti
ipsi oppignorato. Quib. reb⁹ confectis, &
ad Pontificē Maximū; qui Alexandro suc-
cesserat quinto, Legatis cum amplissimis
munerib. missis, in Lithuaniam à qua tandiu
egerrime abfuerat, tandē secessit. Atq; hi
quidē Legati viri vndiquaq; ornatissimi
nihil aliud Romę petierāt, quam vt eas fa-
ceras res, quas Vladisl. bello Prutenico tē-

plis

plis Crucigerorum ademisset, suis vero intulisset Pont. Max. approbare, & Crucis militiam contra Tartaros Crucis hostes, & Moschos schismaticos concedere non grauaretur. Quorum vnum concessum; alterum militia Crucis, Sigismundi Cæsaris & Crucigerorum Legatis impediens, ne forte Poloni contra Christianos ea vterentur, aperte est denegata. Sic propter friuolas sepe suspensiones, piorum conatuū cœpta impediuntur, Rex interim ex Lithuania rediens, & religionis ergo magnis itineribus pedibus emensis Cracouiam venit, & quinquaginta signa militaria ex triumpho Prussiæ allata in Basilica eiusdem ad memoriam posteritatis collocavit. Quo fere etiam tempore Ernestus Archidux Austriæ Guilhelmi, qui repulsam in cōpetitione cum eo tulerat regni & Friderici III. Cæsaris pater nuptiarū causa Cracouiæ conspectus est, cū Cymbarkam Masouiorum Ducis filiam, eiusdē Friderici genitricem debebat ducere in vxorem quam in genecio Regis Hungarię semel visam cœperat deperire.

Sed

Sed superuenit pariter & Venetorū legatio quæ in quingentos hastatos Polonos, amplum stipendium, si Rex Sigismundū in Hungaria regnātem bello destruere voluisset offerebat. Cui legationi Sigismundus ipse occurrens Brundā Cardinalem & Sciborium Palatinum Transyluaniæ Oratores in Poloniam misit, Regis cū Sigismundo congressum postularum. Renuebat initio Vladislaus id facere, toties iam à Sigismundo circumuentus. Sed postremo tandem magis vxori suæ cuius sortorem habuerat quā Sigismūdo gratificare volens Lubouliā venit. Cui Sigismūdos vsq; ad iugum montis obuiā factus eū maxime honorauit. Verum cum octiduo variis cōsultationibus esset cōsumptū, iamq; Vladislaus apparabat abitum, cū mox à Sigismundo ad priuatum euocatus colloquium, tandē precibus pollicitationibusq; magnis ab eo victus, sic pacem firmasse cum eo memoratur: Sigismūdos & Vladislaus & Vitoudus simul contra Crucigeros ex Prussia pellendos in vnum cōspirarēt. De Russia, Podolia, Valachia,

nulla

nulla mentio inter viuos fieret; Valachia Hungaros contra Turcam bellū gerentes & Polonico bello non implicatos adiuuaret. Quæ vt erat callido ingenio, omnia vafre à Sigismundo Cæsare cum Vladislao Polonorum Rege perpetuo agebantur. A quo maximis etiā id impetrauit precib⁹, vt nulla in diplomate Crucigerorū extaret mentio, legatis præsertim ipforū in aula eius præsentib. quos emungere argēto quauis arte cogitabat. Atq; ita quidē ab optimo Principe id etiam obtinuit, vt in penitiora Hungarię in venationes cū Sigismundo proficisceretur. Venerat tū Budam Tartarorum ad Vladislaum legatio, quæ ei apud exteros maximū conciliauerat nomen, & adeo etiam admirationem. Nam hi contra omnes omnium nominū Polonorum hostes verbis amplissimis auxilia ipsi promittebant. Qui postquam semestre in Hungaria, nunc huius nunc illius rei spe vana à Sigismūdo lætatus fuisset; postremo tamen ab eo Corona, Sceptro, & aureo Pomo, & Boleslai Chobri primi Polonorum Regis gladio, quę Eli-

zabeta Regina in Hungariā olim aliquando asportarat, potitus extitisset, per Moraviam in Poloniā est reuersus; dignus qui nō solum Lithuanorū Apostolus, sed etiā martyr quodā modo, tot iniuriis & dolis, nunc à Crucigeris, nunc à Sigismundo Cæsare affectus diceret. Qui tantū, abest vt Crucigeros vt promiserat cum eo vltus fuisset, quod etiā acrius & vehementius bellum contra eū excitauit. Ac non multo deniq; post mutui nomine ab eo pecuniam postulauit; quam Vladislaus liberaliter denuo dedit, & Scepusiensem tractum pignoris nomine pro octoginta florenorum millibus accepit Quæ nimirum oppida in hanc vsq; diem, non Hungarorum amplius, sed Polonorum iuris semper censentur. De quibus rebus omnibus quomodo gestæ fuerant, Vitoudum patrelem fratrem Rex apud Rodlum in conuentu reddiderat certiozem. Erat cōuentus ille Polonorum Lithuanorumq; pariter interuentu frequentissimus, & ad vniendam Poloniæ Lithuaniam grauissimo consilio & ordinum consensu constitutus.

tutus. Quo absoluto, & primoribus Lithuanis insignibus datis, in Samogitiam ad gentem illam à reliquo falſorum Deorum cultu amouendam præpropere eſt proſectus. Semper enim in gente agreſti & inculta ſuperſtitionum reſtant aliquæ reliquiæ: Quibus ille extirpandis non modo vigilantiffimi Regis, ſed etiam religioſiſſimi Doctōris vices expleuit: & apud Medincos Episcopum conſtituit; & redditibus tam Episcopatum ipſum, quam ipſius Canonicos large locupletauit. Anus quo hæc fuerant à partu Virginis tertius & decimus numerabatur: quo exacto, & Keſgelono Samogitiæ præfecto ad diē pace cum Crucigeris ſanciendæ præſtitutum Schlonscum eſt proſectus. Erat iam tum temporis Henricus Plauenius, ſiue propter largitionem nimiam, ſiue (vt inter pares facile euenit inuidiam) ab homine præcipitis ambitionis & naturæ efferatæ Chochmaiftero dignitate ſpoliatus. Quod cum ad eius fratrem Commendatorem Gedanen. eſſet perlatum, & idem ipſe quoq; metuens, fugam ex Pruſ-

gia dedit, & ad Regem Vladislaum in Polonia saluus peruenit. Idem & Henricum si non potuisset, saltem voluisset facere fama ferebatur, nisi Kropidlo Vladislaiuen. Episcopus, cui Rex id communicaauerat, eum prodidisset. Discant interim communicare arcana etiam intimis Reges, & potius sui quam velnit esse proidentis. Pace quidem cum Crucigeris tentata, sed non confecta, & causa tota ab Archiepiscopo Strigonien. inique disceptata cum Crucigeri rapinis & iniuriis Poloniae inferendis nunquam satiarentur, rursus expeditionem regni & Lithuaniae Rex decreuit. Dictu fere incredibile est, quantus hominum numerus ad Vladislaum confluxerit, ex Polonia, Russia & Masouia, ex Lithuania & Scythia, ex Bohemia & Silesia, sub aliquot Silesie Ducibus, qui voluntarie sub Poloniae Rege venerant militatum: adeo ut non solum ad Crucigeros domandos, sed potentissimos quoque Reges & populos profligandos illa expeditio suffecisset. Quo quidem exercitu in hosticum ab Vladislao perducto,

multa passim oppida per deditiōē capta, multa vi expugnata, multa rura, & id genus alia incensa & euerfa memorantur; solus Episcopus Varmien. cum se Regi supplicem obtulisset, expers illius fuerat calamitatis. Iamq; Culmam & Toruniam castramoturus Rex videbatur, quorū oppidorum capiendorū spes ei non modica fuerat facta; cum subito Crucigerorū magister arte quadam eum elusit. Miserat ille forte tabellarium, per quem Commendatoris Brodnicen. cōfictas dedit ad se literas: quib. Cōmendator milite & cōmeatu se destitutū faciebat eum certiolem: qđ si grauius aliquid ingruisset deditiōē faciendum se Regi non obscure denunciabat. His reſcriptis literis alio se conuertit, & Brodniciam obsidione cinxit: quæ cum in mēsem durauisset, Vitoudus frustra renitente Rege discessit; quē non nemo Polonorū quoque subsecutus, eidem longiori oppugnationi reclamauit. Sed vnū illud vel maxime Crucigeros iuuat, qđ Ioannes Laſanen. Episcopus Pont. Max. Legatus, in biennium pacem pro ipsis impetrauit,

& vt interim Constantien. Concilii decreto, quod tum celebrari erat cœptū, inter Regem & Crucigeros ea cōtrouersia permitteretur. Itaq; reuersus in Poloniam ab ea expeditione Vladislaus, de amplissimi Concilii sententia Legatos Constantiam misit. Quo etiam Sigismundus Cæsar ipse profecturus, operam suam promisit: quā fidē tempus postea declarauit. Nam ne tum quidem Polonico nomini & sanguini fauit, ac Ducem quendam Legnicen. ex antiquissima Regum Polonorum stirpe ortum, cum Cæsarem ad se inuitallet, quo se turpius daret, ligna vendere prohibuit; quibus ille neglectis, ac carbonibus in culina adhibitis, magnifico epulo exhibēdo expectationē eius superauit. Sed ad narrationis nostræ curriculum nos reuertamur. Vladislaus ergo Rex vniuersa Polonia & Lithuania celeriter peragrata, Alexandrū Valachiæ Palatinū, splendidissimo cū comitatu ad se venientē excepit; & cum iureiurandum verbis conceptis præstitisset, in Regni Polonici fide nō inuitus conseruauit. Quo etiam tempore

à Cæsare & Patriarcha Constantinopolitano legatio ad ipsum venit, cui petenti gratificaturus in Cacibeco portu Pontici maris, qui tum Polonorū fuerat potestatis, frumentum est ad mensus. Atq; ita postea in Lithuaniam diuertens, cum Crucigeris, Prussicis & Liunionen. de regundis Prussiae & Samagitiæ finibus conuentum celebrauit. Non remiserant illi de pristina ferocia sua vel tantillum, imo semper ingrati, & acceptorum à Rege beneficiorū immemores habebantur. Difficile quippe cœptis est desuescere, & lupo vitium potius quam pilum immutare. Non multum autē effluxerat tēporis, ex quo ingēs Tartatorū Kiouia inuaserat multitudo, ita vt non solum Kiouiae, sed vniuersæ regioni illi magnam inuulerit calamitatem. Quam iniuriam cum forte ulturus Rex Vladislaus videretur, Anna Regina paulo ante Cracouiae mortua, omnium iudicio etate, dignitateq; sua haud dignas nuptias Sanoci celebrauit. Quod siue intēpestiuo & quasi cœco amore foeminae, siue demoniacis artibus cōflatū fuerat, hāc certe de

se famam illud connubium tum temporis reliquerat. Erat Elizabetha Pilecia Ottonis Palatini Sendomirien. filia vidua, quæ nec iuuenis, nec admodum compta, & complurium coniugum thoros identidem erat experta. Hæc antequam adhuc nuberet, spe possessionum prædiorumq; multorum, à Morauo quodam rapta, & huic paulo etiâ post vi erepta, & priori raptore occiso, loco legitimæ coniugis habita, postremo quidē omniū Vincentio Granouio, Castellano Naklen. gente Bipeñiū, Spytkone Melstinio eius propinquo despondente, in matrimonium erat elocata. Quā Vladislaus Rex, nihil hæc similiaq; moratus, & illud quoq; quod ipsius quasi mater ad sacrum fontem cum ablueretur Cracouiæ ipsi astiterat, oblitus, importunis eius precibus concilio tū tēporis annuente, in thori regniq; sociā sibi asciiuit; & frustra aliquibus Poloniæ proceribus matrimonium illud irritum facere volentibus, Regio diademate Cracouiæ insigniuit. Abierat tū ad Cōciliū in legatione profectus Gnesnē. à Polonia Archiepisco-

pus, cuius loco Relouius Leopoliensis. Archiepiscopus Reginam Annam in eadem illa Cracouia solenni ritu inaugurauit: quod ne fraudi Archiepiscopo Gnesnen. fieret, utque Primas regni esset, facile à Cōc. obtinuit. Qui tam egregiis ornamentis animi & ingenii, & singulari præsertim liberalitate præditus fuerat, ut de eo in Pont. Max. Constantiæ creando, in illa dissidentium Patrum discordia, agitatū fuisse memoretur. Quod vel inde etiam patuit, quod Monachum quendam, de Polonia Rege & regno iniuriosa carmina spargentē, in tetrūm carcerē coniici auctoritate sua fecerit; & inter Anglorū Galliarumque Reges dissensiones sopierit, non solum scienter, sed etiam animose. Atque hæc quidē dum extra Poloniā ita agebantur, in Polonia etiā Cæsare, & Gallorū Rege postulantibus. cum Crucigeris induciæ in bienniū prorogantur; unde in Samagitia ab Vladislao Regemagno procerū Polonorū comitatu stipato, cōuentus cum Crucigeris forte etiā est celebratus, ex quo in Poloniā reuertens, anno Dñi post mille quadringen-

tesimū quarto & decimo Pont. Max. Legatos duos habuit obuios, Iacobum Campum Spoletanum, & Ferdinandū Hispanum, Lucen. Episcopos, qui de pace cum Crucigeris stabilienda ad eum venerant postulatum. Verū illi corrupti, vt creditū est, Crucigerorum muneribus, postquam aliquandiu in Polonia comiter habiti fuissent, in Prusiam proficiscuntur; & Regiā causam lubrico & præcipiti suo iudicio interuertunt. De quibus apud Pont. Max. Vladislaus questus, vt documenta causæ suæ denuo protulisset, est consecutus. Sed interim à Cæsare Sigismundo Cassoniam ex Polonia blande vocatus, & eum inter se ac Crucigeros arbitrum passus, denuo ab eodem est circumscriptus. Succensere is in speciem Crucigeris videbatur, quod eum arbitrum eodem modo pati quodāmodo recusabant. Quod ita vafre agebat, vt Vladislaus Rex multa sibi de eo pollicitus vix non Sepusiū ære non accepto ipsimet restituere cogitaret; si Polonorum Procerū auctoritate & consilio non fuisset retractus. Qui discedens à Sigismundo ad de-

ducenda quæ sibi promiserat contra Crucigeros auxilia, Zbigneum de Brzezic Marschalcum penes eum reliquerat: qui & ipse, eius astu & fallacijs cognitis, post paucos dies discessit, & Regem ad prosequendum in Crucigeros bellum tanto vehementius excitauit. Iam Regiæ copiæ ad Volbortiam confluxerant, & magnis itineribus per Masouiam ad hosticum peruenerant, cum è vestigio Capra Mediolanen. Archiepiscopus Cæsaris Legatus dirimendi eius belli inter Polonos & Crucigeros missus ad eum superuenit, & Vitoudi opera ex Cæsaris mandato usus, de inducijs cum Rege agere non dubitauit. Resistebat ille huic rei initio, & omnibus in idem consentientibus tot tantosque bellicos apparatus in cassum abire apud se non facile patiebatur. Sed tandem precibus victus in aliud biennium prorogauit inducias, & ad octauam Ianuarii diem tempus compromisso præstitutum, frementibus passim & ubiq; quam plurimis, & in Regium Cancellarium culpam conicientibus, qui postea tota vita

sua.

sua maxima Nobilitatis inuidia semper flagrauit. Primi enim consiliorum auctores primum & potissimum vulgo etiam odium plerumque cōsequuntur, iam & eodem illo tempore cum Erico Suecię, Danię & Noruegię Rege, publice ab Vladislao & Vitoudo contra omnes omnium nominum hostes, specialiter vero contra Crucigeros fœdus est percussum. Ex quo bello Vladislauum redeuntem admirabilis quidam casus magnopere perculit; ac horrendę cuiusdam diuinę in fontes punitionis signum quodam modo declarauit. Poznaniam is Zrzodam versus carpento uehebatur, cum subito sub uesperum ē sereno atris nubibus cœlum obduci est cœptum, & mox fulmen magno fragore delapsum, quadrigas carpento iunctas, duosque satellites Regios, itemque Poznanien. & Sendomiriensis Palatinorum, ac nouem aliorum Regionum comitum equos, vna cum Regio, cui puer quidam hastam in manu insidens portabat, vno eodemq; ictu interfecit; aurigis & equorum sessoribus saluis: puero tantum

vni vestis fuit discissa, Regi etiā ipsi, præter quod aliquādiu semiuiuus iacuiisset, & surdaster aliquot diebus factus fuisset, nihil prorsus damni est illatum: sed tamen propter incestum matrimoniū diuinitus non tam quidem punitus, quam monitus procul dubio cēsebat. Magnopere namq; in sene & maxime Rege lasciuus animus, & ad libidinem notatur pronus, qui præstat vt suapte missam faciat, quā deiectum virib. obstinatū deferat potius turpitudine. Ad quem paulo post, prius tamen sibi aditu & colloquio impetrato, Sigismundus Cæsar Sandeciā venit: & cum animo esset distracto, utrū Turcicum bellū proficere, an Bohemiā post Venceslai fratris obitū Husitana Religione & domestica seditione æstuantē recuperare debuisset, Vladislaus promissis etiā in Hæreticos auxiliis ad Bohemiam quauis ratione domandam ipsum confirmauit. Qui Pragā cum exercitu veniens, cum non exiguā cladē passus fuisset, secessit postea Vradislaniā, vbi eū Vladislai, & Crucigerorū legati forte fortuna expectabant. Quos Cæsar veteri

illo

illo suo odio prolecutus, & vt simul Crucigeris gratificaretur, non solū disceptata, sed nec quidē cogitata prius, ex scheda quam ex pera depromserant, legatis Vladislai frustra reclamantib⁹, audacter pronunciauit, nimirū, vt decreto Pont. Max. Legatorum abolito Caroli III. & Ioannis Bohemiæ Regis sententię staretur, pacta q; apud Toruniam iēta, quę Crucigeri iā pridem violauerant, rata firmaq; haberentur. Id quidem tam molestum Regis Vladislai legatis fuerat, vt inuito, insalutatoq; Cæsare & mitigationem decreti promittente, ab eo discederēt, & Vladislaum, qui in Lithuania cū Vitoudo in venationib⁹ fuerat, facerent certiores: qui eo vehementissime indoluit, & Zbigneum Olesniciū, qui ingratum eius animum, & adeo etiā perfidiā, & malitiā ipsi exprobraret, in Hungariā ad Cæsarem ablegauit. Fecit Olesnicius q; debuit, & Vladislaum non eius decreto morē gesturum denūciauit. At ille vicissim ita excaudit, vt cum quodā Vitoudi legato, Cibula dicto, in Danubium ex arce Pudē. præcipitare se vele ū

mina-

minaretur. Quod procul omni dubio forsitan etiam præstitisset, nisi tot ad eius latu sedentes Episcopi ius gentiũ violandũ non esse testificati, hominẽ iracundia percitum, & dignitatis suæ oblitum, retraxissent. Nihil enim iracundo amentius est aliquando, quinimum quid de ipso se quod non est opinatur. Neque tamẽ multũ effluerat postea tẽporis, ex quo Cæsar errore suo tandem agnito, duos & ipse legatos ad Regem & Vitoudum misit; & quod nõ malitia, sed imprudentia & Crucigerorũ dolo lapsus illud fecisset excusauit: sed vel post hanc excusationem etiam ipsam, cum denuo Episcopum Cracouien. & Marschalcũ regni ad eum Vladislaus misisset, non multo dissimilem sui idem Imperator se declarauit. Vnde consultatũ in Senatu fuerat vtrum Cæsaris decreto parendũ, an vero bellũ Crucigeris inferẽdũ potius expediuisset? Sed occasione belli interim expectare placuit: quę desiderata, cũ Crucigeri solutionẽ pecuniæ nõ pręstitissent, & pro nũmis argẽtea vasa attulisset, paulo post superuenit. Neque tamen etiam

tum

tum ad arma in eos capienda subito est properatum. Semper enim capiendis, sed non semper deponendis armis facultas & occasio æque offertur. Per id autem dum hæc ita agebantur tempus, habita sunt Lanciciæ Comititia, & parum abfuit quominus grauis quædam suboriretur seditio, Elizabeta Regina in Albertum Episcopum Cracouien. quod ipsius nuptiis aduersabatur, Regē Vladislaum instigante: sed per oportune quidem acciderat, quod eadem illa vitam cum morte commutauit. Multum enim cuiusuis nominis & conditionis, sed omnium possunt plurimum Regi diurni nocturnique consultores. Regina ergo interim mortua, paruo negotio Ioannes Tarnouius Episcopum Regi reconciliauit, & pullulantes domesticos motus per oportune tranquillauit. Iam fama erat, à Bohemis fuso fugaroque Cæsare Sigismundo, qui sola maiestate apud Hungaros aliquando se defenderat, regnum Bohemiæ ad Vladislaum deferri, nec deerant, qui ea occasione potentem impotentis animi hostem

vlcif

viciscendū rearentur. Pluriū tamen sententia fuerat; vt Regnum, quod pestifero dogmate infectum, & domesticis dissidiis ac bellis implicatum æstuabat, Rex potius non acciperet, quam accepto Sigismundum Cæsarem, ad quem hæreditario iure spectabat, in se suosq; concitaret. Præstat enim ex inimico amicum, quā vel ex occulto sibi hoste facere tandē apertum. Parte igitur Legatorū Bohemicorum ad Vitoudum profecta, sine cuius consilio nihil se facturum Iagello dixerat: pars altera Nepolomiciis apud Regē māsit; quibus & sumptus large fuerunt supeditati, ne propter Hæreticorum Cracouiæ præsentiam sacris supersederetur. Verū paulo post ex Lithuania à Vitoudo Legatis reuersis, nulla recipiendi regni spe relicta, in Bohemiam redeundi facultas est data. Quæ eadē anni insequentis principio postulata apud Regem denuo utiq; repetierunt; & illud adeo addiderūt; Si Rex Bohemiæ regnum non acciperet, Vitoudo se illos delaturum. Quos Vitoudus diu suspensos tenuit, sed indictis

demum;

demū, ex vtriusq; Vladislai Regis & Vitoudi censensu, Lublini pro Calend Sep. comitiis, haud priori admodum contrariū respōsum Legati Bohemici retulerūt; eo tantum adiecto; Catholici si esse velent, alterutrum eorum votis assensurum sibi pollicerentur. Quibus in Bohemiam profectis, Vladislaus ad Sigismundū Cæsare suos legatos in Hungariā ablegavit; qui modeste Vladislai in eū meritis cōmemoratis, vicissimq; eius iniuriis Vladislao factis recensitis, Vladislaum in eius amicitia nihilominus perstare perstiturumq; semper declararent. Grata hæc legatio Sigismundo fuit; qua audita, vnicā quam habuit filiam Regni Hungarici & Bohemici hæredē Sigismundus Cæsar Vladislao Poloniæ Regi ultro obtulit. Quod si minus probaretur, Agatam viduam, quæ Vēceslai eius fratris fuerat coniūx, simul cum Silesia dotis nomine est pollicitus. Hæc quidem vt ad Vladislaum Regem sunt perlata, missus est Sigismundi Cæsaris Legatorum ad Vitoudum in Lithuaniam vnus; vt consilia illa ipsi quoq; comuni-

municasset, & mox de amplissimi Senatus sententia; Zavischus Niger illius, qui ad Nicopolim ceciderat, frater, ob Agathæ connubium denuo ad Sigismundum est ablegatus. Qui cum Sigismundum bello tum Bohemico distentum diutius opinione sequeretur, in quodam Bohemiæ oppido ab Hussitanis captus, & carceri Pragæ est mancipatus. Nescit enim iuris gentium obseruare fœdus, qui imprimis Dei Opt. Max. tum & sui fuerit oblitus. Ab eo tempore Rex Poloniæ Vladislaus, cum Friderico Brandenburg. Marchione, filia vnica eius filio Friderico natu maiori, pro quo Burggrauius Norimbergen. cum hætenus extitisset, Marchiam Brandenburg. septingentis, vt vocant, argenti marcis emerat, certis quibusdam conditionibus, nec satis laudatis iniuit affinitatem. Nam dotale illi volebat dare cum filia regnum, modo in aula Polonica, & à Polonis educaretur: & si interim mortuus Fridericus fuisset, Marchia à Polonis possideretur. Sed vt hæc omnia in consulto Senatu, & in spem auxilio.

auxiliorum contra Crucigeros obtinendorum faciebat; ita cum ad rem ventum est, promissa illa, quibus, quod culinæ Regiæ curram Crucigeri à tergo trahere debebant, Marchio pollicitus fuerat, irrita facta sunt; & Crucigeri optatas iam pridem inducias nihil proficiente à Pontifice Max. Legato obtinuerunt. Is enim non modo iuris, sed & iustitiæ consultus, Roma aduenerat; ex æquo & bono pacē inter dissidentes in perpetuum sanciturus. Quæ fiebant supra mille quadringentesimum anno vigesimo secundo. Quo eodē Vladislaus necquicquam reclamantibus Poloniæ Ordinibus diu multumque Sigismundi Cæsaris responso, & suo Legato Zawischa expectato, cum Zonca Russa, quæ Zophia dicebatur, Andreæ Kiouien, Ducis filia, Vitoudo auctore ad quartas nuptias denuo conuolauit. Habent hoc enim senes, ut cum cœperint iterandis nuptiis, velint videri iuuenes ad omnem perpetuitatem. A quo demum connubio non diu in Lithuania, ubi celebratæ fuerant, moratus; in Poloniam

sui ipsius maxime obseruatem, & cum nec
ius Reges suos tollerantem tandem est re-
uersus. Cui amplissimus quidam Ducis de
Monte Legatus, cuius ditio ultra Rhenū
Burgundię finitima fuerat obuiam factus,
vt eum in fidem & patrocinium suum re-
ciperet enixe postulauit. Cui tum tempo-
ris id responsi datum: Ducis voluntatem
Regi & regno longe esse gratissimam, sed
neutri parti expedire, vt aliqua pacta &
pactiones propter immensam locorum di-
stantiam inter eos sancirentur. Hinc ab
ordine Ecclesiastico pecunia per Regem
etiā flagitata, sed ne daretur, constitutū;
nisi cū aut in hæreticos, aut contra Chri-
sti hostes arma forte sumerentur. Interea
vero temporis, præter spem & expectatio-
nem omnem, bellum contra Crucigeros
denuo est proclamatū: qui non tam adeo
sua voluntate, quā Cæsaris Sigismundi in-
stinctu, in Poloniā irruptione facta, vehe-
mentissime grassabātur. Nā idem ille Cę-
sar, qui toties iā Regē offenderat, Vitoudi
facto, qui Coributum in Bohemiā contra
eum immisisse ferebatur, offensus; literas

ad Crucigeros dederat, eatenus ferirent cum Polonis fœdus, quatenus aut Pont. Max. aut Cæsari placuisset. Quæ quidem literæ, apud quendam mendicum mortuum, thoraci insutæ, Conini adinuentæ, Polonorum animos magis atq; magis in Cæsarem & Crucigeros irritarūt. Omnia em̃ bella nobis sūt submolesta, sed fraude ac dolo testā molestissima. Maximo ergo exercitu Poloni vndiquaq; collecto, tanquam ad prælium certū ituri agmine stabili hosticum sunt ingressi. Iam Crucigeri quoq; ad triginta equitum peditumque millia sortiebantur, multo tamen maior Vladislai fuerat exercitus, qui centum & triginta milliū numerum bellatorum excedebat. Quo factum, cum ingentes vndiquaq; prædas Poloni agerent, & Crucigeri vastare sua ægerrime paterentur, parū tandē abfuit, quo minus vnius diei prælio tota res cōmitteretur. Quod Conradus Nemciccus inter Crucigeros vir grauissimus, & bellādi experiētissimus, cū periculossimū esse vidisset, suos ab eo cōsilio serio est dehortatus; & paruerūt qdē Con-

cigeri pro re & tempore prudenter illos admonenti; sed cum ad munitionum defensionem hinc & inde dilaberentur, Poloni tandem arcibus aliquot interceptis, quadringentos eorum milites cum quindecim Crucigeris ceperunt, & in vincula coniecerunt. Quæ dum ita gerebantur, Carbonië. Episcopus legatus Cæsaris cū amplissimis mandatis superuenit, Coributum ex Bohemia vt euocaret, pacē cū Crucigeris iniret, Cæsaris sententia, quæ corrigi posset, ne offenderetur postulātū. Huic respōsum Vladislao Regis nomine tale datum: Cæsaris fidem haud esse incognitam, neque tamen eius decretum quamlibet iniquissimum respuere Regē voluisse, nisi Crucigeri ipsi vltro illud violassent. Inducias cum iis prorogari eū voluisse, si de eorum fraude ex literis Cæsaris interceptis non constitisset. Necessitatē Regi impositam sua armis recuperandi: Coributum non sine mandato in Bohemiam profectum. Aderat Vitoudus ipse legationi præsens, qui simulacq; Coributi audisset fieri mentionem: Ego, inquit, eū

misi,

missi, neq; me eius pœnitet facti; vt Cæsar intelligat, sub specie amicitiae quos & quam turpiter fefellerit. Non intermittebant autem interim milites Regii Crucigerorū depopulari agros, & obuia oppida & rura, vi, ferro, flammaq; peruastare, Quod cum Crucigeri non poterant pati, in quadringentos Valachos, qui tū forte Regi venerant militatum, sub Mariemburgo impetum faciunt. Qui hostiū multitudine territi, in proximam se abdunt syluam, & de equis quibus insidebant delabuntur. Insecuti istos Crucigeri simili modo equos etiā deserunt suos, & ex laterebris extracturos se esse Valachos, sed falso opinantur. Nam illi infinita sagittarum emissā copia, eos rursus aggressi, fugam capessere faciunt, & prædam relinquere quē contempserant hosti victori. A contempto enim hoste, & nec opinata peste facile profligamur. Eadē vero alios etiā Crucigerorum octingentos milites apud Nesselouiam Andrea Breschouio Duce excepit calamitas; ac postremo ab Vladislao Rege ipso Golubium quoque occupatum.

Quæ omnia vno fere eodemq; tēpore gesta, Crucigeris terrōre & petendæ à Rege pacis attulerunt necelsitatē. Quæ & ipsa à mansuetissimo Rege, haud ita iniquis cōditionibus, ac his nimirum, fuit cōcessa. Primum vt Vladislaus Rex Galardi & Petri Iudicum à Pont. Max. misso rū sententiæ staret; Crucigerorum vero Magistri, Paulus Prussie, Zeifridus Liunionæ, pacta Torunen. & Sigismundi decreta duo repudiaret; Samagitiā, Nessauiam, dimidium Istulæ apud Toruniā Rex haberet, Crucigeris quæ bello ablata essent restitueret, iniuriæ vtrinq; factæ obliuione delerentur sempiterna. Sed neque ea cum Crucigeris pactio, Cæsaris iussu omnia interuertētibus, fuerat diuturna. Quare ne inter ipsos Principes grauius aliquid oriret, mature prouidendū rati Hungari Polonorum efflagitarunt conuentum, ad quē vtrinq; idonei delecti viri, Kieschmarkū proficiscuntur. Distat Kieschmarkum viginti quatuor à Cracouia miliaribus, in quod oppidū simulacq; erat ventum, vt ad dimidium quadragesimæ ipsi inter

se conuenissent Reges, Crucigerorum etiam Legatis eo accitis, est constitutū. Cū igitur ad præstitutam diem Cæsar & Polonia Rex conuenissent, de iniuriis, quas aliquis passus ab altero fuerat, non semotis arbitris, sed præsentibus vtriusq; consiliariis, secum expostularunt: & tandem Crucigeris pacta conuenta, apud Melnū lacum sancita seruare iussis, pacē denuo inter se renouarunt. Nec multo etiam postea Coributus, qui in regno Bohemiæ summā auctoritatem sibi comparauerat, Vladislao monente, ex Bohemia excessit; & insequētis anni initio Zophia Regina diademate est insignita, conuenientibus pro eius inauguratione Cæsare Sigismūdo ipso, cum vxore Barbara; Erico Rege Danorum, Branda Cardinale Pont. Max. Legato, Iuliano Cæsarino auditore Camere, qui postea Cardinalis factus ad Varnam est occisus; Ludouico Bauarorum, Zemoiuto & Alexandro Masouiorū, Bernardo Opolien. Venceslao Pomeranorū, Ioāne Ratiborien. Cazimiro Osuiecimē. Venceslao Odauien. duobus Vonrad Kozlen,

Venceslao Zegauien. Ducibus. Nam Vitoudus Coributo misso ipso, venire se non posse significauerat. Et hic conuentus in annum supra millesimum tercentesimū trigessimū quartum inciderat: in quo eodem illo de Marchionis Brandeburgen. filia elocanda placuit consultare. Alienior iam Vladislaus, damno prudentior factus, ab eo esse cœperat; quandoquidem, vt facturum se receperat, contra Crucigeros nulla auxilia submisisset. Sūt enim suspecta gubernantibus multa. Sed eorum fides suspectissima, qui multa fari & præstare aut parum aut nihil consueuerunt. Tractatum tamen, vt dixi, de eius filia, Boguslao Stolpen. Duci elocanda, à quibusdam cum Vladislao fuerat Principibus. Verum res ad Vitoudum reiecta est, in cuius aula Fridericus Marchionis natus educabatur: nec valuit Pont. Max. etiam pro eo interposita auctoritas, qui ipsum ex Columnen. familia ortū trahere testabatur. Adnitente tamen eius legato Cardinali amplissimo, præter voluntarios quinque millia Polonorum equitum

Sigismundo in auxilium permisit Rex proficisci: sed ii cum passim urbibus & oppidis Bohemiæ excluderentur, Olemucio in patriam subito redierunt. Quo eodem anno, magna parentum populiq; lætitia, Regi Vladislao filius natus, post quartum & decimum mensem, Vladislai nomen ad sacras vndas est sortitus. Cui ceremoniæ Pont. Max. Cæsaris, Venerorum & Mediolanen. Ducis, magnis puerperæ allatis muneribus, legati interuenerant: & Latinus Ursinus Cardinalis vnū de quinque clauis quibus Christus suffixus fuerat, in Poloniam attulerat, magna non modo ordinum, sed hominum omnium congratulatione. Cui adeo Rex confusus rei, infantem illum sibi designari petiit successorem. Atque vt voti compos fieret, multa & magna tam Ecclesiastico quam Politico ordini promiserat. Quæ cum paulo post denegare incepisset, & illud consilium Sigismundus Cæsar, quo illum odiosiorē suis faceret suggessisset; ferunt Senatores indignabundos surrexisse, & diploma, quo de filio eligendo

cauebatur, è manib. Z bignei acceptum.
discerpſiſſe: vt libertatis Poloniae & Re-
gii animi parũ erga eos grati extaret testi-
moniũ ſempiternũ. Neq; tamẽ Vladislaus
deſtiterat cœpto, vt omniũ, qui amare in-
cipiunt aliquid, perpetua eſt cõſuetudo.
Nam cum illa non ſucceſſiſſet aliã ingreſ-
ſus viam, Senatores priuatim prehẽſare,
ſyngraphas ab iis exigere, multa multis
polliceri nõ dubitauit. Quo tandẽ effecit,
vt aſſenſu aliquorum aſſecuto, etiã de ijs
qui extra aleã fuerãt quodã modo trium-
pharet. Maioris enim præſentes fructus,
quã faciũt multi poſteros, & vnus alteri-
ue factũ, publica omniũ infamia eſt nota-
tum. Natus vero & altero anno Regi alter
quoque, ſed paulo poſt extinctuſeſt filius,
à quibus Reginae partibus, eum tertius
immineret, Vitoudus ſiue illius q̃ crede-
batur odio ductus, ſiue lubrica & præcipi-
ti ambitione Regni potiundi, inflãmatuſ,
ſiue falſis vulgi rumoribus excitatus,
Vladislaum Regem, qui natura credulus,
iam vero tum quaſi bis puer (quod aiunt)
fuerat, vt in Reginae pudicitia inquireret

digni-

dignitatis cōmunis ergō serio est exhortatus. Annuit ille fraternis monitis, & duę Reginaę pedissequę in carceres coniectę, metu pœnarũ delibidinibus ipsius, quod cum sex quibusdam amatoribus rem habuisset, sunt confessę. Quorum tres cum profugissent, tres alii indicta causā carceri sunt m̃cipati, pedissequa vero in Lithuania à Regina Cracouiā Rodlo vbi hæc acciderant relegatur. Vnde cū rursus in Lithuaniam relegari & Regina debuerat, Senatus Polonicus & imprimis Ioannes Tarnouius Palatin⁹ Cracouiē. vir magnę dissuasit auctoritatis; q̃ relegata matre perpetua infamia filios laboraturos, & nunquā gubernaculis Regni apud gentē, decoris & honestatis cupidā, potituros testaret. Itaq; instāte maxime Senatu, res tādē perducta eo fuerat, vt Regina suo & septē nobilium pudicarumq; matronarum iureiurando edito, marito se expurgasset. Quo facto in Ioannē Strassum, qui eā famā apud Vitoudū & Germanos sparsisse dicebatur, iudicium à Regina efflagitatū facileque ab ea obtentum, vt Strassus,

licet

licet præstito iureiurando expurgatus, in
carcerem Sendomiriæ cum periculo vite
nihilominus detruderetur. Pira cū parti-
ri, & in iudiciū cum Regibus ingredi, nec
tutū nec decorū habetur. Ita demū multo
post Regina filium enixa, cui nomē Cazi-
miro datū, Regis regniq; ordinū animos
mirifice recreauit. Quāquā interim ea in-
famia Reginæ aspersa, vt successu tēporis
quieuisse videretur; inter Regem certe &
Vitoudū qui eius auctor & impulsor fue-
rat magnorū dissidiorū extitit seminariū;
quod paulatim gliscens, tertio deinde an-
no Sigismundus Cæsar inter fratres tanto
ardentius excitauit. Didicerat is non o-
ptime his inter se conuenire, Vitoudū er-
go à quo alias Regem pendere nō ignora-
bat, quā maxime addictum & familiarem
sibi reddere peroptabat, & vtriusq; expe-
tebat colloquiū, maritus pariter parū fe-
lix & imperator. Nā per ea rursus tempora
cum Turcis infelicitè dimicauerat, & in
Vladislaum Regem q̄ promissa in bellum
auxilia sibi non submiserat, culpam reii-
ciebat. Apud Luscū igit̄ ad sextā Ianuarii
diem

diem Cæsar, cū sua vxore Barbara, & Vladislaus cum Vitoudo conuenerunt; ac imprimis quidem postulabat Cæsar; vt Valachiā, cui gens infida esset, æqua lāce inter se partirentur. Sed hoc per Regē negato, Vitoudoq; diademate promisso, eū cum Rege cōmittere denuo cogitabat. Quod neq; aspernari neq; protin⁹ etiā acceptare se velle, inuito præsertim fratre, Vitoudus fatebatur. Totus igit^r Sigismundus ad Vladislaum Regē conuersus vt cohonestandæ patr. ergo aliquid tribuere, & bene de se merentis fratris minime inuidere vellent dignitati, ab eo postulauit: Vladislaus omni de eare consultatione ad Senatum reiecta: qui cōcors, aut saltē eius magna pars si nō cōtraria Vitoudo videbat^r, gratificaturum se libenter fratri, nō inuitus pollicetur. At in Senatus disceptationem re veniente, adesse Vitoudus ipse, quo minus liberius sentētię dicerētur, ab Vladislao Rege, q^d & obtinuit, percupide efflagitauit. Primus Archiepiscopus Gnesnen. Albertus Iastrzēbecius, qui verba faceret fuisse memoratur, quē non admodū

explicantē bene se, Zbigneus Olesnicius
Episcopus Cracouiē. dicenda sententia
subsecutus, & Sigismundi artes & Vitoudi
non satis laudatam dixit esse cupiditatē,
Quo magis ab eo diademate, quod illi ab
hoste quam hospite potius offerretur, ab-
stineret, & fratris dignitatem, ac duarum
potentissimarum gentium Polonicæ &
Lithuanicæ inter se concordiam, quā &
ipse iureiurando confirmasset, constantis-
sime tueretur. Hæc Zbigneo effante, &
omnibus aliis Episcopis eius sententiam
approbantibus, cum ad Politici ordinis
ventū esset Senatores, Ioānes Tarnouius
Palatinus Cracouiē. graui item oratio-
ne, hanc Vitoudi iam senis, & tam vita
quā gloria saturati, ambitionē exagitauit.
At Vitoudus repulsam passus, fremens
& gemens ex Senatu se proripuit, & quan-
do à Polonis ipsi & dignitati ipsius sic in-
uideretur, alia via se nihilominus obten-
tuum id minabatur. Iā codē momēto &
Vladislaus Rex à Senatu obiurgatus, te-
merariā suā sero cognouit indulgēdi fra-
tri facilitatem. Nam Lusco omnes ad vnū

Senatores discedentes, solum Regem cū hospite parum Polonis grato Sigismundo reliquerūt. Nec procul res periculo abfuit, si Poloni Hūgaros magis hac in parte præcipites imitari voluissent, apud quos sola aliquādo Maiestate Sigismūduſ, quæ tacita & Reges tuetur, ab extremo vitæ ipsius periculo ſeipſum vindicauit. Furēte enim populo, & prædominante obolo, factu etiā incredibilia facilia redduntur. Qui demū etiā ipſe Sigismundus ex conſcientia à Polonis ſibi metuēs, non q̃ illi vnquā vim hoſpitib⁹ intuliſſent, qui perhumaniter tractarūt ſingulos, ex Polonia in Hūgariā diſceſſit. Interea aſſentatorū turba, domeſtica Regum peſtis, ne hunc bolū è faucib. ſibi eripi, & eam infamiam Vitoudus ſibi pateretur inuri, dies noctesq; illum exſtimulabat. Qua etiam de cauſa Gaſtoldū Palatinū Vilnen. & Rombuldum Marſchalcum Vitoudus ad Regē forte miſerat; per quos illi, & Polonis ſignificatum eſſe voluit, tam inuitis, quam etiā cōſentientibus, ſe Regē in Lithuania futurum. Ad eam quidem legationem,

qui

qui responsum Vitoudo retulissent, Zbigneus Episcopus, & Nicolaus Michalouius Marschalcus, Sendomirien. Palatinus designati. Atque hi nimirum postquam primum placide iurisiurandi eum admonuissent; addiderunt etiam minas precibus; & his similiaq; perniciose Reipub. consilia vi & armis prohibituos se aperte sunt testificati. At interim ille in Vladislaum Regem culpam reiiciens, hæc ita leuiter dimittere non posse se testatus, Legatos in patriam pati voluit libere proficisci. Quod ipsum regnandi Vitoudi studium Crucigeri, qui nullam Polonis incommodandi prætermittebant occasionem, studiose magis etiam auxerunt: vt videlicet repetitis legationibus id à Cæsare postularer, & Polonis quoquo modo posset negotium faceßere non dubitaret. Quod vbi Poloni, literis & internunciis Vitoudi aliquoties captis, certius cognouissent; venerunt ad Regem frequentes Sendomiriã, vbi iterum Zbigneum & Tarnouium Legatos in Lithuaniam dimiserunt. Scopus legationis fue-

rat;

rat; dimoueretur Vitoudus sententia. Quod si non posset, diadema Polonicum cedente Vladislao Rege, quam nouum à Sigismundo Cæsare Lithuanicum, potius fortiretur. Octogesimum iam ille excesserat annum, nec vllos suscepisse spectabatur liberos, cum nihilominus illa ipsa cupiditate Regni incensus, multa que de sua in Vladislaum obseruantia præfatus, quæ auctum non spoliatum dignitate vellet, vim vi se repulsurum respondit. Quod responsum à Vitoudo Polonis oratoribus datum, ipsos quosdam Polonos suggestisse, & vt in proposito fortiter præstaret monuisse, fama mansit. Liberalitate namque & beneficentia omnes omnium ordinum & conditionum viri facile quouis impelluntur. Quæ tanta in Vitoudo fuerat, vt maximam sibi auctoritatem inter vulgus conciliasset: & cum Vladislaus ab eo penderet totus, multis & magnis beneficiis aliquos affecisse, & longa temporū serie multis multas benefaciendi occasiones habuisse memoretur. Iam vero & Vladislaus etiam ipse, non tam adeo altos

spiritus gerens, & ingrauescente ætate debilitatas suas vires sentiens, ipsorum denique negotiorum & administrationis publicæ plane pertæsus, & filios parum adhuc regnâdo aptos sortitus, ad quos Vitoudo regnum esset rediturû emortuo, regnandi ad tempus copiam facturum videbatur, nisi tam grauis & prudens Senatus ille proculdubio obstitisset: præsertim cû & Vitoudi ambitio, & Sigismundi tanta quanta vix dici poterat spectaretur fraudulenta sollicitudo: qui per eos dies, quib. Vilnæ Legati Polonici fuerant, Draconem aureum affabre factum, Vitoudo mittere, & deinceps cum eo societate certas conditiones proponere minime dubitauit. Verum Vitoudus non prorsus adhuc suorumq; oblitus, Draconem quidē pro hospitali munere, nō pro alicuius societatis pignore, accipere se testatus, vnum de Legatis Polonicis Tarnouiū, siue vt Zbigneo ægre faceret, siue vt eū in suam sententiam adduceret, magnis munerib. affecit, nullū vero iusiurandū, ac ne mentionem quidē alicuius societatis cum Sigismundo

mundo tum fecit, & cum Zbigneo, quod
solus ille tota Polonia illi esset contrarius,
expostulauit. Verum cum ille de Collegæ
constantia vel tantillum non dubitaret,
si votis eius Tarnouius assentiretur, nec se
etiã in contrariũ iturum affirmavit, & am-
bitiosi ingenii Principem tandem elusit.
Quæ dum forte ad eum modum in Polo-
nia Lithuaniaq; agebantur, vt nihil in-
tentatum reliquissẽ Vladislaus videretur,
quo Vitoudi consilia præpedire potuisset,
ad Pont. quidem Max. questum ea de re
principio misit: sed & domi lednæ apud
Radomiam totius regni comitia cele-
brauit: in quibus Vitoudi molitiones, &
Prussiæ Liuonięque Crucigerorum veri-
tus fœdera, Polonorũ animos beneficiis
sibi deuinciendos, & de filiis suis alteri suc-
cessionem apud eos conciliandam præ-
mature iudicauit. Cuius rei gratia veteres
Regũ donationes ratas esse iussit, & multa
præterea ordini equestri, nonnulla Ec-
clesiastico, pauca oppidanis & Colonorũ
multitudini de prioribus oneribus rela-
xauit. Quæ omnia publice data & lite-

rarum monimentis extiterunt consignata. Nec non & hoc constitutū, vt pro hoste patriæ, qui hæresibus vel hæreticis fauisset, haberetur. Quæ eadem scita, ternis ante Vladislai obitum comitiis, repetita memorantur. Ex quibus etiam comitiis denuo Zbigneus cum Marschalco in Lithuaniam ad Vitoudum est ablegatus. Cœperat ille vicinas Poloniæ comineatu & milite firmare munitiones: vnde nonnulli rem ad rebellionem spectare coniecturam capiebant. Cœca enim est ambitio, cœcosq; quos complexa fuerit efficit aliquando: sed ille non nouandarū rerum causa, sed stabiliendarum potius suarum gratia id se facere cum respondisset; addidit etiam & illud; Quod Bohemi ad eum per Poloniam transitū ab Vladislao postulassent. Quod ne fieret, & ne incautus ab hostib. circūueniretur, necessario erat prouidendum, præsertim cum Vladislaus contra morem de ea Bohemorum in eum molitione, non fecisset ipsum certio rem. At cum hæc tantum excusationis cuiusdam à Vitoudo loco Vladislaus di-

ci per-

ci perspexisset, & inaugurationem eius ad decimū sextum Calen. Septemb. diem Vilnæ apparari præsensisset, illustri cuidā & magnanimo viro, Ioāni Czarnkovski vt ad Poloniæ & Pomeraniæ confinia, vbi possessiones suas amplissimas habebat, excubare, & Cæsaris ac Vitoudi internūcios per Prussiā proficiscentes captiuos facere nō dubitaret, imperauit. Expedire id Reipub. vtei hac in parte operā nauaret suā, etiam quam diligentissimam, nec de Regio erga se animo memori ac grato postea dubitaret. Forte interea temporis Ioannes Cigala Iureconsultus Genuen. & Sigismundus Rotus Silesius à Cæsare ad Vitoudum magnis itineribus contendebant, vt omnem dubitationem quam in animo habebat ipsi eximerent, Num Cæsar, ipse nondum inauguratus, Reges creare potuisset; simulq; diploma Cæsaris de regno Lithuaniae offerrent constituendo; Diadema vero ipsum alio tēpore sine mora mittendū pollicerentur. Tū & nonnulla alia de Prussiae & Liuaniae Crucigerorum cum Vitoudo contra Polonos

societate habuerunt in mandatis. Qui enim vel semel cœperit, augetur perpetua cupiditate & modo alterius infestandi. Hos igitur studio Legatos, & quasi turbarum incendiarios, Czarnkouius vetusta familia natus, sine ullo infidiarum metu proficiscentes, paruo negotio cœpit, moxq; incaute dimissos, omnes quas secum haberat literas iis ablatas Jagelloni tradidit, suo arbitratu examinandas, quem singularibus donis, muneribusq; affectum, & sperare maiora iussum, ad easdem illas vias insidendas est vestigio Rex remisit, & Germanorum, Hungarorum, Bohemorumq; Legatos, qui superuenturi dicebantur, obseruare, & captiuos facere diligenter imperauit. Verum cum idem ille Czarnkouius valetudine impeditus id præstare non posse se Regem fecisset certior, vniuersa quidem maioris Poloniæ Nobilitas id sibi curæ sumere, & illas vias obsidere minime dubitauit. Iam Frācofordiā ad Oderā flumen positam Legati cum diademate Cæsaris fuerant prætergressi, cum subito nunciatur iter illos infestum, & vix credibi-

dibilem sine periculo vitæ transitum fortituros. Duob² igit^r mensibus expectādo frustra consumptis, rursus ad suum Cæsarem reuerſi sunt, & Crucigeri, qui suarum contra Polonos molitionū erant sibi conscii, ad eos miserunt sciscitatū, pro hostibusne an pro amicis essent censendi? Quibus, inermesne vel armati intra sua confinia Poloni essent; nihil eorū referre; & si quid hostile moliri vellēt, denunciare Polonos hostibus consueuisse, est responsum. At vero Vitoudus de his rebus certior factus, dissimulabat quidē coram hospitib⁹, quos pro inauguratione inuitauerat sua, illud Polonorum contra se consilium siue factum; sed ita nihilominus indoluerat, vt ex dolore vehementiore animi antracem contraxisse memoretur. Accē, Rege & ordinibus Polonicis renitentibus, vix se aliquādo voti sui compotē futurum rearetur: euocauit rursus Iagellonem in Lithuaniam, & omnem iam illā de Regio titulo à Cæsare petendo cogitationem deposuisse se testabatur. Non erant Rex & Poloni nescii, rursus Vitoudū,

vt hæc dissimulanter ferret, de regno aliquid iniecturum denuo consequendo; sed partim quod Rex suæ videndæ Lithuaniae vehementi tenebatur desiderio, partim quod tales ipsi itineris adiunxerant comites, qui facile circūscribi posse haud ita videbantur, passi sunt eum Zbigneo & aliis concomitantibus in Lithuaniam proficisci. Adest tum Vitoudus cum suis postulatis denuo, & cum primum spe & anxia prece Zbigneum frustra expugnare voluisset, addit postremo & minas, & apud fratrem effecturum se, vt Vischus alter qui aliquando Episcopa à Rege spoliatus fuerat spectaretur. Sed cum nihil proficere viderat se potuisse, æger paulo post factus, vitam cum morte cōmutauit. Princeps mira industria, in bello solitudine, in pace vigilantia, in aduersis tolerantia, in omnes, maxime autem in externos liberalitate singulari. A cuius morte suspensi aliquanto animo Lithuanorum & Ruthenorum procures, quidnam de iis fieret cum quodam non obscuro metu, nunc hæc, nunc illa circumspectabant.

Supererat Coributus Vitoudi frater, sed in Bohemiam profectus, quoniam illius regni incendio sese immiscuerat, non ita facile redire posse, suamque Lithuanis operam vel antea quoque satis probasse non videbatur. Suidrigello vero Vladislai frater, qui metu Vitoudi ad Sigismundum Cæsarem aliquanto ante profugerat, eodemque rursus permittente in Lithuaniam redierat, perpetuis commestationib. deditus, nullum præclari alicuius ingenii specimen, imo multa præcipitis animi & furoris atrocia exempla aliquot ediderat, liberalitate tamē, quæ in hominum animis altissimas radices agit, & Russis maxime, à quorum non abhorrebat dogmate, haud ita ingratus credebatur. Neque tamen Iagellonis intimi sensus, penes quem summa potestas Lithuanix cui vellet dandæ remanserat, poterant explorari. Sed paulo post cum ille Suidrigellonem clam Principem declarasset, certatim ad nouum cursum est dominum, & desertus is qui eius creandi habebat facultatem. Orientem enim quam

occidentem solem, ut plerunq; fit, magis veneramur. Iam vero Suidrigellone ad Vitoudi exequias cum maximo comitū & stipatorum numero Vilnam ingressus, ac multitudinis applausu incitato, Vilnen. & Trocen. & aliarum item primariarum arces plures in ipsius statim peruenerunt potestatem. Qui vel auctoritate non adhibita regia, subito sibi ipse usurpauit imperium. Neq; eo tantum contentus fuit, sed Regem etiam ipsum contumeliis afficere, & veteris carceris memoriam refricare, Polonos asperius appellare, tabellarios Regis excutere, planeq; tumidos & insolētes gerere spiritus nō omnino dubitauit. Quæ res ut videretur minime toleranda, maioris tamē adhuc excādescētiæ ceu quandā præbēt ipsi ansam. Allatū ex Polonia nuncium, quo, nondum audita Vitoudi morte, Podoliā, eiecto Dogoberto Vitoudi præfecto Vilnen. Palatino, in Polonorū venisse manus ferebatur. Itaq; statim ille in Polonos furere, & præsentibus mortē atq; adeo & Regi ipsi interitū minari cepit. Quo fuerat factū, ut dies no-

ctesq;

atesq; circa Regem Poloni etiam excubarent: quamlibet non defuissent rationes, ipsum potius Suidrigellonē è medio tollēdi, quā simile aliquid ab eo pertimescēdi. Canes enim qui latrant præcustodiunt; qui videntur muti, ad inferendū damnum magis esse animati. Iam quidem Iagello, vel quod natura meticulosus, vel q; quam par fuerat Suidrigelloni erat indulgētior, in Lithuanosq; quam Polonos animo & voluntate propensior, inconsultis proceribus, qui tum cum eo fuerant Polonisq; vniuersis, Podoliam Suidrigelloni, ea vna illa interposita concessit conditione, vt si inter Poloniam & Lithuaniam non sequeretur ea de re concordia, Suidrigello Iagelloni Podoliā restitueret, & alia via & modo ius suū prosequeretur. His rebus ad eum modum constitutis, Zaclica Tarlo; qui Michaeli Babæ Suidrigellonis nomine recipiendam Podoliam daret, est ablegatus. Id autem cum Poloni illi, qui circa Regem in Lithuania versabantur, ferrent indignissime, amore patriæ ducti per Zaclicæ puerum pecunia honoris qui-

ris quidem ergo donatum, sed illius arcani minime conscium, Buccacium ne Podoliam Lithuanis redderet fecerunt certio-
riorem. Quod etiam fecerat Buccacius, studiose & Zaclicam & Babam, qui nihil horū sciuerant, detentos aliquādiu apud se asseruauit. Detinebatur autem & Vladislaus pariter quasi sub honesta quadam Vlnæcustodia, q̄ quantumuis licet recte illi putabant Polonorū nonnulli euenisse, ne tamen aliud adhuc aliquid eueniret ei deterius, constitutis primū Vartæ comiti-
is simul & bellicam indicunt in Lithuanos expeditionem. Qua Suidrigello intelle-
cta, Regem sibi ipsi prius reconciliatū pristinae mox restituit libertati. Ut ad eum modum Polonorū legati, inter quos Zbigneus etiam fuerat, antequam in Lithuaniam peruenissent, ad suos ex itinere reuerterentur; & insequentis anni initio Rex Sendomiriæ totius Regni comitia celebraret. In quibus cū de Suidrigellonis ingrato in Regē regnumq; animo & insolentia multa dicta & agitata fuissent; & consilia denique ipsius alias penitus in-
dagata,

dagata, quod & reliquias Podoliæ conficere, & bellū contra Polonos gerere apertum velle diceretur; placuit quoque bello ipsum petere, atque insanas illas ipsius cupiditates vi & armis refrenare. Sed de novo Vladislaus Rex pro eo se interposuit, missaq; in Lithuaniam publica est legatio; quæ eū, per omnia diuina & humana cura licet per bacchantē, officii simul & periculi admoneret. Sed tantum abfuit, ut eo commoueretur, ut etiā iuste & legitime se omnia gerere insolentius testaretur. Cū enim pudoris & officii repagula semel quis perruperit, nauiter eū videas reddi quotidie magis etiam impudentē. Adueniat tum forte ex Bohemia sub publica fide Coributus Cracouiam, multis & magnis Hæreticorum Ducibus comitatus. Quibus cum de religione, non modo Cracouiē. Academici viri docti, & probi, sed etiā Rex ipse multa egit, commemoratis Bohemiæ quæ inde ortæ fuissent calamitatibus, & multis magnisq; promissis ipsis factis, si forte pristina seipso restituerent sanitati. Mali enim vel inuito

aliquid

aliquid alicui feceris, nihil vnquam boni
reluctanti .Sed compertum est here-
ticorū ebriosorū viæ esse fuisseq; semper
similem, quæ facilius in tenebris amitti-
tur, quam media etiam luce recuperatur.
Ad eum enim modū Hæreticis in errore
suo perstantibus, Zbignei Episcopi Cra-
couien. iussu cessatū à Sacris fuerat, quo-
ad Cracouiæ morabantur. Et quia festi
Paschæ imminebant dies iussi sunt abire
Cazimiriam; quamlibet non sine fremi-
tu id fecisse viderentur. Quibus paulo
post dimissis, Biecum Rex profectus bellū
in Suidrigellonem apparauit. Quem hæc
similiaq; animo agitantem, Ludouicus
Commendator Torunen. Magistri Cru-
cigerorum legatus ad eum superuenit, &
operam suam magistri nomine in recon-
ciliandis fratrib⁹ obtulit & promisit. Cui
cum Gratia actæ fuissent, nihilominus
Ioannes Brzezius ad Suidrigellonē mis-
sus, qui antequam ad arma veniretur,
nunc precibus, nunc pollicitationibus eū
emolliuisset. Cuius tāta animi fuerat im-
potentia, vt sui iurisq; gentium oblitus

lega-

legatū etiam violaret. Qua re lagello vehementius denuo excitatus, expeditione bellica maturata, castrisque permotis ad Hrodalum oppidum supra Bugum amnem positum tandem peruenit, & duodecim dierum spacio statius ibi habitis, Maiores Polonos tardius venientes expectauit. Deinde vero & Bugum ipsum traiecit, vbi cum sex millibus hominum Suidrigello ipsi occurrit. Nec mora, leuibus quibusdam præliis vtrinque est decertatū, in quibus cum fere semper fuissent Poloni superiores Seua Dux Russus occisus, vulnerati quamplurimi, & postremo etiam capti, & ad Regem perducti non pauci, & Vlodimiria ac ipsius territoriū vastatum, & multæ denique ac magnæ passim iniustæ calamitates memorantur. Sed neque adeo etiā tū Vladislaus Suidrigellonem ad pacem destitit inuitare. Optima enim conditio res pace terminasse etiam ipsius est victoris. Verū enimvero Crucigerorū pollicitis cū quibus pepigerat fœdus Suidrigello confidens, & breui eorum armis excitum in Poloniam rediturum

Regem

Regem sperans, ne pacis quidem apud se fieri patiebatur mentionem. Cum interrim maiores Poloni tam diu expectati Regium exercitum, qui alias etiam Suidrigellonis superior fuerat, aduenientes magnopere denuo auxerunt. Qui cum Suidrigello potestatem disiecisset, Stirum fluvium qui Luscu alluit, difficili ac profundo vado cum reliquo transmiserunt exercitu, & tandem etiam postremo Suidrigelloni formidabiles euaserunt. Qui tot tantisque copiis cum imparem agnouisset se, Lusco ipso incenso, & arce Iurza Russ. fidei commendata, nec pugna quidem inita, fuga salutem querere, & omnem suum illum exercitum huc & illuc dimittere non dubitavit. Qui partim cæsus, partim etiam fugatus, à Regiis memoratur extitisse. Peruicax enim & tumens Principum animus, abiectioe tandem & leuitate mentis plerunque terminatur. A qua Suidrigellonis fuga, à toto nimirum exercitu arx Lucensis, sed frustra est oppugnata. Ille autem ipse confictis Tartarorum Principis ad Vladislaum literis, quibus

bus Podoliam Suidrigelloni à se donatam postulabat reddi, cum hæc non successisset aliam ingressus viam, siue ex animo, siue ducendi belli causa pacem postulauit. Quo magis delectis viris idoneis, & tam iuris quam iustitiæ consultis, placuit de pacis conditionibus disceptare: quæ etiam ipsa confecta fuisset proculdubio, nisi Suidrigello Crucigeros & Valachos in eadem pace, tanquam confœderatos suos, includere voluisset. Quos ille magnis muneribus pollicitationibusq; inductos Poloniam parte ab vtraque coegerat infestare, sed ita vt non omnium tamen solidissima victoria potirentur. Nam Valachi ex agro Russiæ cum ingenti præda reuer-tes, à duobus Bucaciis fratribus excus- si fuerant. Crucigerorum vero pars vna Crainensem oram peruastans, captis quam plurimis profligata; altera vero quæ in exurendis Cuiaviæ oppidis & agris depopulandis operam nauabat suam, domum redierat incolumis. Bellum vero cum Suidrigellone induciis interceptum, ita vt insequentis anni initio de pacis condi-

S tioni.

tionibus Parsouiaë firmandis denuo tractaretur. Ita demum Lusci obsidione soluta, dimissoq; exercitu Rex Vladislaus Leopolum est ingressus. Vbi magna Cuiavien. & Dobrzenen. nobilium multitudo de damnis & iniuriis per Crucigeros sibi illatis questum, & à Rege subsidia venit petitum; largit⁹ vero partim pecuniâ, partim possessiones aliquibus ille est munificentissime. Verum cum ei rei publicum ærarium, vel antea etiam exhaustum, sufficere posse vix videretur, Ecclesiastica etiam bona, ut saltem per hyemem usufructu eorum sustentarentur, nonnullis conferre iam quoque cœperat. Cū subito nouitate rei Episcopi omnes permoti, & inter alios Zbigneus, graui & libera oratione Vladislaum reprehendit: qui nisi cœpto desisteret, grauiore etiam censura ipsius conatum repressurum se, publice est testificatus. At ille in Poloniam reuersus Nepolomiciis, quæ ad vndecimam Septembris diem comitia indixerat celebrauit. Vbi Hedwigim eius filiam, Friderico iuniori Marchioni Brädeburgen. in matrimoniū promissâ, nō sine

veneni

veneni à nouerca dati suspiciōe mors
immatura præuenit. Cuius obitū vel pa-
ter etiā ipse æquius idcirco tulerat; quod
cā vt Cazimiri magni Regis Poloniae pro-
neptim, (cuius apud Polonos gratissima
extabat memoria) suis filiis ad Regnum
assequendum obstaculo esse posse magis
vereretur. Annus vero quo hæc ageban-
tur, à mille quadringentis tricesimus
primus numerabatur. Post cuius initium
magna Procerum multitudine stipatus
Lublinū se contulit: atq; inde Parsouiam
ad conuentum cum Suidrigellone pacis
tractandæ ergo coactum, præter solū Ar-
chiepiscopum Gneznen. omnes Senato-
res transmisit, qui pluribus diebus expe-
ctando consumptis, tandem re infecta ex
eo loco abierunt. Erattum namq; apud
Suidrigellonem Commendator Toru-
nen. Ordinis Cruciferorum suorum cau-
sam agens, quam maxime solícite, nec cū
Polonis fœdera, aut aliquam amicitiam
inire vllō modo cogitaret. Quo magis de
imminentibus vndiquaque periculis
Rex anxius ad vicesimam tertiam Aprilis

diem Conuentū nouum Siradiæ indixit. In quo magna procerum multitudine cōgregata, Vladislaum filium natu maiorem regni sui ſucceſſorem, vniuerſi Conuentus conſenſu & ſuffragiis, declarauit; ſimulq; cōſtituit, vt ſi vno eodemque tempore multa bella ingruiffent, cæteris ad tempus intermiſſis in vnum, quod eſſet grauius, cuncti incumberēt, ne vires multipliciter diductæ & extenuatę, nulli recte adminiſtrando & ſuſtinendo ſuffeciſſe viderentur. Ancipiti enim contentione diſtentus, vix ad ſingula valuerit aliquando animus, nec res ac facultas belli ſumptibus poteſt reſpondiſſe. Inde in minorem Poloniam celeriter reuertenti Regi legati Bohemorum hæretici apud Pabianicę occurrerunt; qui quod auxilia contra Crucigeros ipſi pollicebātur, & ſimul Contributum reconciliare ipſi contendebant, ſplendide & honorifice habiti; ad ſacrorum cōmunionē ſunt admiſſi, Archiepiſcopo Gneznen, & tot aliis regni Senatoribus minime reſragantibus. Qui tamen poſtea, cum Cracouiam, quod ne

facerent Rex monuerat, forte attigissent; Zbignei eius loci Episcopi mandato à sacris sunt exclusi. Quæ res non modo Regi, sed ipsi etiã displicuit Senatui; quod religionis zelo superare alios etiam sui similes velle non obscure videretur. Quod etiã causæ fuit, vt Rex Zbigneo, Cracouia, Visliciam vsq; sibi occurrenti, dextram beneuolentiæ symbolũ negauerit, & verbis asperiorib⁹ eũ compellauerit; Vischi etiam Episcopi fortunam cum fremitu comminatus. Ad quæ omnia inconcussò animo Zbigneus respondit, & pro religione nihil non libenter velle se pati & terre declarauit: at cū denuo Rex subiunxisset, Diuini & humani iuris peritos sibi adstipulari, ex gymnasio quidam asciti & cum Episcopis commissi, facile quod Zbigneus fecisset, approbarunt. Neque tamen in Zbigneũ regia penitus resederat iracundia, imò à Ioanne Tarnouio Palatino Cracouien. illius amicissimo monitus fuerat, caueret sibi à sicariis, nec temere noctu ad frequentanda, vt faciebat, templa huc & illuc vaga-

retur. Sed ille tantum abest, vt has minas
& pericula extimesceret, quod etiam
eadem illa, & pluribus aliis noctibus so-
lus in cubiculo cubaret, & vno puero co-
mitatus ad matutinas preces templa et-
iam frequentaret. Recte enim facto-
rum magni comitatus loco fuerit con-
scientia: & à perperam aliquid molienti-
bus tuta etiam metuuntur. Iam vero
dum hæc ita in Polonia gerebantur, Iani-
Cypriorum Hierosolymitanorum & Ar-
meniorum Regis, splendidissima ad Iagel-
lonem venit legatio, mari per Proponti-
dem & Pontum vecta Euxinum: cuius
quoniam Cyprii regni Marchalcus vir
summæ auctoritatis Balduinus de Noris
habebatur, propterea maximis donis al-
latis, Hedwigim, eius filiã pro Regis sui fi-
lio, & ducenta aureum numum millia,
mutui ab eo nomine postulabat, sed &
Hedwigis quoniã iam emortua, & ærariũ
bellis exhaustũ fuerat, nihil tum temporis
ea legatione est impetratum. Sed ad tran-
quillanda domi omnia totum se Iagello
tandem conuertit, & Laurentium Zarę-

bam Castellanium Siradiæ admonendi faci-
nandiq; Suidrigellonis gratia in speciem
in Lithuaniam ablegavit. Verum oc-
culte hoc, imo præcipue in mandatis ei
dedit, ut procerum Lithuanorum ani-
mos, qui iam ab eo abhorreere cœperant,
protus etiam abalienaret. Erat quippe
nimium ferocibus & indomitis moribus,
& plus Russis quam Lithuanis delectaba-
tur hominibus. Quæ res effecit, ut rebel-
lionem contra eum moliri Lithuani in-
ciperent, & ad Sigismundam Ducem Sta-
roduben. eodem Castellano auctore, eli-
gendum maximopere inclinarent. Quos
cum semel & iterum Rex inanimasset,
& tam per Zaræbam, quam per alios de
voluntate sua certiores fecisset, illi acce-
pta quadam occasione apud Osmianos i-
psam aggredi è vestigio cogitarunt. Sed
premonitus ille à Monuido quodã suo cū
fuisset consiliario, fuga salutem quæsit, &
ad Crucigeros, quib. fidebat plurimum, in
Prussiam contendit. Quo factum, ut non
modo eius vxore, & liberis, sed tota adeo
Lithuania Sigismundus potiretur: in quã

paulo post septem præcipuæ auctoritatis viri ex Polonia missi, conditiones quas postulauerat attulerunt, & iureiurando eum obstringētes gladium insigne Principatus regio nomine reddiderunt. Cuius legationis Zbigneus Dux & auctor fuisse utique memoratur. Aderat autem, cum hæc vltro citroque tractarentur, idem ille Torunen. Cōmendator Crucigerorum nomine Ludouicus; qui hæc omnia infecta reddere quāto quidem vehementius poterat perpetuo nitebatur. Sed paulo post discedere iussus, nec voti sui compos factus, in Prussiam ad suos est reuersus. At vero Iagello rebus in Lithuania constitutis, ad tranquillandum etiam Podoliam totum se conuertit; & Leopolim profectus vt ex vicinia de reb⁹, quæ in disceptationem venissent, maturoque auxilio eguissent, rectius consuleret, forte per eosdem illos etiam dies Olesscum intellexit à suis fuisse expugnatum. Vnde victricibus copiis nouis supplementis auctis, ad reliquas Podoliæ munitiones submitit eas occupandas. Expedit enim rebus cursum

per-

persequi victoriæ, & bello semel cœpto oblatiſ occasionibus nunquam temere indormire. Erat Theodorus ſive Fedco Oſtrogius Ruſſus Dux partium Suidrigelloniſ, vir militari gloria, & exaggeratiſ opibus præſtans. Is cum regiſ exercitus Podoliæ arces in ſuam redegiffet poteſtatem, ne ea quoque potitus fuiſſet, Braſlaviam incendit; & licet non mediocres haberet copias, tamen aperto Marte cum Regiſ nunquam congregari voluit; ſed tantummodo ex inſidiis vel nonnunquam eas infeſtauit. Prudens enim bellator quoad poteſt declinat ſemper certamen; quod cum amiſerit, magnum in ſuis foramen experit. Hunc igitur cum Regiſ in patentibus campis non potuiſſent opprimere, propter alienum, quod iam inſtabat, anni tempus, domum ſe recipiebant; & nihil minus quam bello amplius cum hoſte certare velle videbantur, cum ſubito Chuedko ille Valachorum, Tartarorum, & Beſſarabum auxiliis auctus & numero militum Regiſ ſuperior factus; apud fluuium Moraqua, limoſum, & longe

lateq; restagnantem, ac fragili glacie, tantū concretū regios flumen illos superare conante in ripa ex insidiis aggreditur ulteriore. Iam quidem pars regionum vna angusto tramite impeditum transierat locum; & impedimenta in mediū recepta tuto erant subsecuta; cum subito Chuedko magno cum impetu & tubarum sono, nec opinantes aggreditur regios, & in iis stragem edit memorandam. Qui nihil ea impressione animo fracti, resistūt hostib⁹ egregie, & vim vi repellūt animose. Certabat acriter vtrinq; diu; & iā quasi quendā Chuedko regionum fecerat ipsum se victorem; cum mox quasi cœlo delapsus cœturio quidā Chemnicus, qui cum equitibus centum pabulatum profectus opportune rediens, & clangore tubarū signo pugnae dato, denuo praliū instauravit; & intētos in pugnā hostes simul cū aliis fudit atq; fugavit. Dux quidem ipse maturius quā par fuerat, se receperat; v^t, q^d dici solet, postea pugnavisset; sed eius milites fere omnes ad vnum cæsi memorātur. Cum ad dimidium noctis, quæ tum

sublu-

subluſtris fuerat, hoſtes promiſcue cedēdo regii fuiſſent ſubſecuti. Duodecim ſigna ad Regē relata exigua exercitus clade dicebantur. Locus ubi hæc geſta ſunt non minus quadraginta milliarib. Germanicis diſtabat Leopoli. Et tamen nuncius de victoria eadem illi allatus eſt die, quæ fuerat Nouembris extrema, auctore fruſtra diu quæſito nec inuēto. Quā certiffimā fuiſſe poſtera dies, incertam prius famam mox verā & firmā fuiſſe declarauit. Quæ tanto admirabilior videri poterat, quanto iſdem auſpiciis Sigismundus de Suidrigellone alterā apud Oſmianos ſibi parauerat, ubi in monimentum victoriæ templum & ſacerdotū Collegium caſis hoſtium milibus decem & quatuor captis fundauit; & Vladislai animum geminata victoria exhilarauit. Qui propterea pedibus Cracouiā ingreſſus apud omnia templa ſupplicationes obiuſit, & ad comitia, quæ ad natalem Chriſti indixerat, tandem eſt profeſtus. In quibus cum de Prusiæ negotio actum fuiſſet, rem integram ad alia Sendomiriæ comitia placuit reieciſſe.

Vbi

Vbi porro à Basilien. concilio, quod Eugenius Pōt. Max. cum initio approbasset, tandem Bononiam transferre, & per id conabatur dissoluere, ad Iagellonem Oratores venerunt, & vt ille contra Pontificem concilio fauere, & bello contra Crucigeros abstinere veller postularunt. Quibus responsum est, Regem ab honesta pace nunquam abhorrire consueuisse; sed Crucigeros pactis conuentis respondere etiam oportere. Cæterum ad concilium legatos regios ituros, qui de ipsius voluntate facerent patres certiores. Cum his dimissi legati ad Crucigeros in Prussiam, vt ad pacta conuenta explenda eos hortarentur, è vestigio sunt profecti. Iam vero comitiis venientibus Sendomiriæ, de bello contra Crucigeros administrando, nihil remissius agebatur. Vna quidem res, de bello inter se consultantes gerendo, maxime morabatur; græua Regis ætas, & caligantes iam oculi, siquidem non solum molestius, sed & infestius est nihil tractanti Rempub. debilitatis viribus & cœcitate. Itaque tertia

iam

iam armatorum comitia, ad diem S. Ioannis Baptistæ, Colum indicere placuit, & Bohemorum quæ offerebant auxilia in Crucigeros non aspernari. Quanquam Episcopis id consilii non usquequaq; probabatur. vti enim religionis hostib. in hostes opinione, magis in bello regredi quàm progredi semper est animaduersum. Interim tamen dum illud tempus, quo Poloni & Crucigeri simul conuenire debuerant frustra expectabatur, Bohemi Ciap-kone quodam Duce Maioribus Polonis coniuncti, nouam, quæ Crucigeris paruerat, Marchiam ferro igniq; peruastarunt. Quo eodem pariter tempore & Sigismundo in Lithuania Duci de Liuen. quoque Crucigeris incruenta cessit victoria, ita vt veniente armatorum Comitiorum die efflagitare omnes à Rege inciperent, vt gerendo contra Crucigeros bello nihil moræ interponeretur. Ita demum nonnullis de Senatu grauib. consilio & ætate grandæuis viris, apud se ad consultandum reseruatis, Rex quidem substitit ipse, sed Nicolaum Michalouium

gente

gente Rosseum Castellatum & Capitaneum Cracouien. cū exercitu ablegauit, eo consilio dato, ne tam in oppidorum & arcium expugnatione herendum, quam in agris Crucigerorū longe lateq; depulandis insudandum sibi esse recreretur. Verum ille paulo quidē post in Pomerniam profectus, & monitorum regionum oblitus, circa Choinitiæ oppugnationem sua & multorum opinione diutius fuit detentus. Nam erat oppidum illud aliquo modo munitum, & præterea etiam immenso aliunde importato abundabat commeatu. Quod ille, cum obsidionem diutius duci animaduertisset, primum quidē tentatū cuniculis, vi & impetu, sed frustra expugnare conabatur: sed cū nec hoc etiam ipsum successisse, & Bohemi, à quibus id minus sperabatur, terga porrexisse spectarentur; multis vtrinq; acceptis vulneribus, sed tamen à nostris plura incommoda & infamiā magis passis, infecta re est diceffum. Atq; tum demum regionū mandatorum sero serioq; Michalouius recordatus, cum duos menses integros

apud

apud Choiniciam consumpisset, in interiorem Pomeraniam cū exercitu est profectus. Solent enim multi, non nisi accepto damno, dicto fieri audientes. Primū ergo multa & prævinita prætergressus oppida, Derfauiam Michalouius venit, & per eos quos præmiserat suburbana incendit. Ex quo incendio præter opulentam prædam supra decem captiuorum millia in regionum peruenerunt potestatem, ex quibus quicumque Bohemi reperti fuerant, Czapka Bohemorum regionum præfectus vt sibi donarentur impetratos, ac quod contra Polonos consanguineos suos militarent prius obiurgatos, ingenti Pyra extructa excussit. Cuius Ioānes Straßus Bialiconius exemplū secutus, pyratas siue classiarios ergastulo quodā conclusos, quorum inter Crucigeros multi fuerant, circūiecta palea fecit penitus conflagrare. Qui cum effracto ergastulo fugaeuadere voluissēt, aduersis Polonorū hastis excepti sunt, & ferro atq; flāma multi eorum perierunt. Matronis quidē & puel-
lis ipsorū nullus nō habitus honos, & sin-

gula-

gularis in captiuos declarata est mansuetudo; vsque adeo vt publica etiam custodia adhibita & diligens inquisitio fuerit facta, ne quæ forte earum occultaretur. Quæ res Michalouio Duci & Polonis omnibus, vel hostibus ipsis felicitatem omnem ipsis imprecantibus, & suorum Crucigerorum barbariem & vastandæ Polonia feritatem detestantibus, maximæ extitit admirationi. Nihil enim commendatius in milite est lenitate, cui non aliud quam perpetua in bello crudelitatis proposita est magis vicissitudo. Quibus rebus apud Derfauia gestis, ad Gedanium seu Dantiscum castra mota, quadri- duoque in eius vrbis conspectu statiuâ habita, & omne territorium peruastratū. Vbi etiam alacerrimus quisque militum ad mare veniens, longius in salum atque fluctus insiluit, vt Polonorum ibi etiam arma spectata fuisse dicerentur: quæ aliquando Balthico mari superato anseaticas vrbes, regnaque adeo transmarina condidissent. Iam vero Pomerania vsque ad mare peruastrata, Tucholien. & Iasse-

necen.

necen. oram regii milites acriter infestabant reuertentes, adeo vteo nuncio Crucigeri grauiter moti, legationem in Polonorum castra mittere minime dubitarēt. Ad cuius postulata dum primores inter se consilia ineunt, iuniores temere in arcem impetu facto, eosq; exercitus totus subsequutus, vno eodēq; momēto ipsam capiūt, & incendūt. Quod factū præsertim cū de pace tractaretur, Crucigeri suggillantes grauissime pertulerūt. Sed Polonis iniussu suo illud fuisse factum, dum adhuc nec pax neq; bellum certum constaret dicentibus, trimestres induciæ inter Polonos & Crucigeros tandem initæ memorantur. Vnde rādē toto exercitu Michalouios dimisso, ad Regem Pizdros iussit Bohemos proficisci. Nauauerant hi egregiam Regi Regnoq; operā: itaq; honorifice splendideq; habiti, & amplissimis donis cōdecorati, nihil quicquā labis ex eorū consuetudine q; hæretici essent Polonis relictæ, in Bohemiā reuerterūt. Rex porro ipse Scecinen. Duce nouo obligato fœdere, pestē fugiēs, quæ in Maiori Polonia passim graf-

T sabatur,

fabatur, in Sendomirien. tractum se recepit, & in itinere Pressouiam cum venisset, Bohemum quendam sacerdotē hæreticum, pariterq; etiam Astrologum, quo cū semotis arbitris diu collocutus est, obuiā habuit: quod cum ad Zbigneum Episcopum esset perlatū, veritus, ne quod aut in religionis aut Reipub. negotiū se ingessisset, Rege grauitèr obiurgato sacerdotē alio amādauit. Qui in Conciliū Constantin. simul cum aliis collegis profecturus denuo idem etiā fecit, & recensitis breuiter non minus virtutibus, quam vitiis etiā Regis, tanquam diei illius supremam vocem testē suę in Rempub. relicturus esset voluntatis, neuos eius modeste exaggerauit. Cuius sermonem Vladislaus interrumpens fremens & lachrymans in eum rursus inuectus, & nescio quæ nō eiusmodi mala ipsi est minitat^r. Sed paulo post se recolligens æquior ipsi fuit, atque, vt mox dicemus, annulo nuptiali ex testamento ipsi donato, quanta & ille moderatione & Zbigneus esset integritate non obscure declarauit. Nec multo post Cometes vnū

mensem

mensē pernōx, eius mortis apparuit
prænunciū; quā ille, Cracouiā tot ante
conuentibus peractis profectus ut inde
in Russiam à Stephano Valachiæ Palatino
iusiurandum exacturus se transferret, sibi
accelerauerat; cum paulo ante Fridericū
quendā Russū, qui apud Czorstinū præ-
donicā agebat, aulico suo comitatu extir-
passet. Peruenerat autē iam ille Grodecū
lēx à Leopoli miliaribus Russiæ oppidū,
cum mortē suā actutū futuram præ-
sentiens, sacris misteris procurari voluit,
demū offensarum venia ab omnibus po-
stulata, aliisq; vicissim data, & testamen-
to quos singulis annis emendabat condi-
to, filiis & imprimis Vladislao procerum
tutelæ commissis, pridie Calend. Iul. vitā
cum morte commutauit. Ne quis vero
vel aliquam iniuriarum memoriam re-
tinuisse eum suspicaretur, annulum à Re-
gina Heduygi nuptialem Zbigneo legauit
Episcopo, quo cum tam acre & crebrum
de & in Repub. habuit certamen. Prin-
cipem iure & merito memorandum, qui
numerū eorū fere omnium annorū quib⁹ in

Polonia regnauerat, tantū non totidē victoriis adēquauit. Rex in omnivita abstemius, & colēda religione exercēdaq; in omnes beneficētia clarus. Quam vnā virtutem itā sibi cōmendatā habuit, vt profusus etiam donationibus ærarium publicum exhausisse, & Martinus V. Pont. Max. datis ad Leopoliē. Archiepiscopum literis, eius largitatem memoretur inhibuisse. Arces quidem vrbesque non condidit nouas, Mednicen. tantum atque Kiouiē. Basilicam instituit, & Episcopis attribuit, Monasterium Lublinen. extruxit, in Cazimirien. Parochiam Canonicos D. Augustini institutum professos induxit, Gnesnen. Sendomirien. & Vislicen. templa Græca pictura decorauit. Venationū vltra modū extitit auidus, & nullius quam exiguum munus aspernatus, quod & munifice referre erat solitus, & fere semper dimidium dabat petētibus, iniuriarum obliuiosus, ad maleficorum supplicia lentus, sed nimis aliquando adulatoribus facilis & credulus æstimatus. Cui superstitiones quædām, quas inde à tene-

ra ætate imbiberat, ita erant perpetuo familiares, vt priusquã in turbam se dedisset, ter in gyrum se vertere, & totidem stipulam contrafactam abiicere diceretur consueuisse. De reliquo cultui diuino intentissimus, & diebus ieiunii solo pane & aqua fuit contētus. Staturam habuit corporis mediocrem, faciem oblongam, macram, & ad mentum protractam, caput paruum, caluum & fastigiatum, oculos nigros, paruos & instabiles, ceruicem longam, vocem citam, sed ad grauitatem cōpositam. Qui mense Iunio in Russia mortuus, in Augusto Cracouiæ est tumulatus. Cui Sigismundus Rex nepos eratem ferream cū hac addidit inscriptione. VLA-
DISLAVS IAGELLO Rextum Christi fide
suscepta, tum gente sua Lithuana con-
uersa, & summis in Remp. Religionem,
& Studia meritis, tū magna illa Victoria
Prutenica clarissimus, Diuus Sigismun-
dus Auo merentissimo instaurauit.

Anno salutis M. D. XXII. mor-

tuo anno M. CCCCIII.

Regni sui 48.

ULTIMI IAGELLONIDIS
SIGISMUNDI AV-
gusti Regis Polonia Vita.

SEPTIMVS Iagellonum Regum à Iagellone primo abnepos eius Iagellonides fuerat vltimus Sigismundus Augustus dictus; diuerso quidem nomine, sed eodem prorsus Princeps genere, quod Iagello primus diademate in Polonia auctū, multis Iagellonibus non solum in Polonia, sed alibi etiam regnantibus, virtute & exemplo suo reddiderat illustratum, posteaquam non solum Poloniae Rex, sed & Lithuanorum Apostolus merito diceretur. Qui falsorū Deorū cultu longe à patria amoto, & toto populo ad Christi Opt. Max. religionem conuerso, Euangelii lucem in Aquilone propagarat. Extremus vero Iagellonides, eiusdem seminis licet nō nominis Princeps, quod auitā religionē non vsquequaq; feruēter perpetuo coleret, non solū diem, sed & genus clausit in

Polonia suum; & tot Interregnorum procellis perculsum, ac intestina discordia, & non ferēda licentia auctum, aliis atq; aliis post se Principib. possidēdum reliquit dominatum. Natus is Sigismundo primo fuerat Patre optimo & gloriosissimo Principe, & Matre Bona Sforcia, quę duobus Iacobo & Izabella editis prius partibus, hunc etiam Iagellonidem, vltimum, anno Domini millesimo quingentesimo vigesimo fecit aspicere lucem, ipsis à quib⁹ & dictus fuerat Calendis Augusti. Quam triēnio ante ab extremis Italiae oris in Poloniam venientē Cardinalis Hyppolutus Ferrarien. nuncupatus, idemq; Strigenien. Archiepiscopus, ad Regem Poloniae confinia, prosper Columna magni nominis exercituū Imperator, in ipsam Regni Metropolim Cracouiam vsque est comitatus. De cuius quidem Sigismundi Augusti Regis Poloniae ortu & diuersorū nominum progenitoribus claris, vt vel antea etiam dixerimus, tamē & nunc de nouo, id quod de Iagellone, stirpis Regiae auctore, & de aliis sanguinis Iagellonici

Regibus, qui nunc hîc nunc alibi præfuerant rebus, breuiter aliquid adiungemus. Nam cum Iagello primus, Vladislaus ad sacras vndas dictus, diem suum obiisset, duos filius, Vladislaum vnum, qui ad Varnam cecidit, & alterum Andream Cazimirum dictum, regni sui reliquerat successores, qui demum Vladislaum natu grandio rem filium, qui Hungariæ Bohemiæque pariter Ioannem, Albertum, Alexandrum, & Sigismundum, qui Poloniæ Reges fuerant, nec non & Fridericum Cardinalem, & Cazimirum in diuos relatum, & filias item sex omnes præcipuis Germaniæ Principibus elocatas, ex Elizabetha Austriaca Cæsaris Alberti filia, feliciter generauit. Solet enim Deus Opt. Max. progenitorum in propaganda sua religione ardens illud studiū non tantū multiplici, sed & sancta interdū prole, munificentissime semper p̄sare. Sed vnus ille Rex Sigismundus hoc nomine primus, nō secus quā Iagello auus, rebus gestis, & sacris ædificiis erigēdis clarissim⁹, pacē colēdo, hostes terrēdo, & suos iuste ac moderate gu-

bernans

bernando, Jagellonium nomen & semen
maxime illustravit. Qui cum ex Barbara
Sepusia vxore sua prima nullos liberos,
præter filiam Hedvigim Ioachimo Mar-
chioni & Electori Brandeburgen. postea
elocatam, habuisset, Regina Bona auctore
Maximiliano primo Austriaco Cæsare in
matrimonium ducta, hunc Sigismundum
Augustum sortitus est vñigenam filiũ; cũ
annos esset natus circiter quadraginta, &
regnasset iam quindecim à morte fratris
sui Poloniæ Regis Alexandri. Qui quidẽ
Sigismundus Augustus, Ioanne quodam
Siculo præceptore vsus, vt in literis pro-
fectus saltẽ aliquos facere potuisset (quã-
quam non vsquequaq; etiam earum po-
terat dici expers) matris certe indulgẽtia,
& molliuscula educatione, ne maiores fe-
cisset impeditus fuit; & ad voluptates
blandissimas dominas, quæ illũ corpusq;
eius eneruarunt, animum statim adiecit.
Quod etiã ipse ingrauescente iam ætate,
vt non admodum videretur senex, non
dubitabat confiteri. Multos enim pœni-
tuit senes, quod fecissent adolescentes.

Qui idem vix nonū exegerat annū, vt de eo in Regem inaugurando, illa ipsa, quæ voluptatibus etiam frui permittebat mater, apud Regē maritum laborauit. Quod vel idcirco curabat maxime, ne forte ad Interregnum veniente re, & patre interim emortuo, vt humanæ vitæ exitus sunt incertissimi, regnū aliquis alter ipsi surripuisset. Erāt tum Ianusilius & Stanislaus Masouiorum Duces florentissimi, ex antiquissima Regū Poloniæ familia oriūdi, quorū alii atque alii maiores Jagellonici sanguinis Reges in adeundo regno subinde impediabant. Quos eosdem Masouiorum Duces, vt intemperantia longiorē vitā sibi multi credant abbreviasse, plures tamen veneno sublato testabantur, & Iordanouius ac Cliczewska quæ supplicio affectę fuerāt (vt in multis paucos numerē) in quæstionibus fatebantur. Non obscure namq; venena spargi erant cœpta in Polonia, & Italorum non nemo male hoc nomine audiebat, adeo vt vel Regina etiam ipsa Bona in primo quasi aduentus sui principio, aliquorum de se

loquen-

loquēdi libertatē, & ipse Sigismūduſ pater
in creādo filio non modicam experiretur
difficultatē. Sed vnus ille Andreas Tenci-
nius nō inſuſum ſuggeſſit ipſi cōſiliū; q̄ vt
Regi bene de ſe merito repēdiſſet gratiā,
quod Craconiē. Caſtellanum præ tot
ſenibus, impuberem, primarium totius
Regni creauerat, cum magna aliorum in-
uidia, Senatorem, ſuaſit vt in Lithuaniam
etiam ipſomet in comitatum ſe offerente
prius profiſceretur, & à Lithuanis filio
creato Principe demum etiam de inau-
gurando in Regem Poloniæ facilius labo-
raret. Obſeruatum nempe eſt, ſub vnus
& eiſdem Regis imperio diuerſis natio-
nibus quaſi quoddam perpetuum ſemper
eſſe certamen. Quod & in illa Sigismun-
di Auguſti inauguratione fuit vidiffe, &
vt non ſine difficultate, tamen in filio ab
ordinibus eligendo Regem quæ volebat
obtinuiſſe. Vnus ille Ioannes Laſcuſ Ar-
chiepiſcopuſ Gneſnen. primæ in Senatu
vir ſententiæ, maxime hiſ poſtulatſ Re-
gis refragabatur, & tam in comitiſ Petri-
couiæ, anno à partu virginis ſupra mille-

ſimum

simum & quingentesimum trigesimo Petricouia habitis, in quo etiam Bononiae Caroli V. Caesaris inciderat inauguratio, quàm & in ipsa Cracouien. inauguratione aperte resistebat. Quod nullius frugi futurum & Rempub. turbaturum, prædicebat. Vnde etiam Castrum Cracouien. cū inaugarabatur, ter memoratur fuisse occlusum, & vix tandem sub crepusculum senem placatum. Studetur enim vbiq; & semper rebus perpetuo nouis, & Regibus inuidetur viuus, resistitur autē propter spē nondū adultis. Quibus Tencinii ex aduersus cōsiliis maxime aduersabantur, qui toto Regno præcipuæ erant auctoritatis, & sicuti quidem post Albertū Alexandro Sigismundū patrē volebāt antelātū; sic & eius filii Sigismundi Augusti omni ratione maiorum suorū more auctā auebāt dignitatē, de cuius molliuscula educatione quomodo paulo ante obiter feceramus mentionem, sic quomodo se habuerit fusius persequemur. Post aliquot ab inauguratione Sigismundi Augusti annos habita sunt Petricouia

comi-

comitia, in quibus de filio non omnium optime educato cum Sigismundo Rege patre à Senatu fuit expositum. Ac primus quidem ille Petrus Choinscius Cracouien. Episcopus, & Regni Poloniae Pro-cancellarius, qui exposuisset fuisse memoratur. In quem Rex paulo asperius inuectus, & quod non publice, sed priuatim illa sibi expediebat dici, aliorum etiam orationis libertatem contra se excitauit. Ingrate enim auditis offendimur nostris, & libertati Senatoriae resistentes, dicendi licentiam vulgi contra nos prouocamus. Factum quidem eo fuerat, ut Andree Opalenio, viro multarum rerum & linguarum gnaro matris exemptus imperio, Regis filius protinus committeretur. Iam decimum septimum agebat ille annus, cum haec omnia fidei & potestati Opalenii mandabantur. Quod etiam non minus libenter quam etiam praestitit ille studiose. Tantum enim in educatione positum est Principis, quantum plus vel minus habitura est Respub. aut ex eo commodi, aut etiam dignitatis. Vidisses igitur quan-

tum

tum diſcendo, audiendo, & auctore Opa-
lenio ſemper aliquid agendo, Sigifmund⁹
Auguſtus immutatus fuerat, adhuc in
ipſo flore ineuntis iuuentutis. Regū enim
filii facile virtute conuertūt in ſe omniū
oculos, & ſi expectationi nō reſponderint
contemnentur. Itaque cum tales pro-
greſſus faceret, Lithuani ſibi ad gubernacula
cū dari imprimis depoſcebant: quorū
præcipui Nicolaus & Ioānes Germani
fratres Radiuili maximo cū ſplendore in
aula ipſius verſabantur. Qua etiā de cauſa
ipſum adeo Sigifmundum patrem confe-
ctum iam ſenio Breſtā vſq; protinus euo-
carunt. Qui dum per Varſauiam trāſiret,
ſubito incendio media luce orto, totū il-
lud oppidum mirū in modū repente cō-
flagrauit, ita vt ex iis ædibus, quæ erant o-
lim extructæ Ducibus, ad Bernardinorum
Monafterium, vitandi periculi cauſa, per
hortos oportuerit eum clam transferri.
Breſtam autem vt venit, & frequentes Li-
thuanos in ea deprehendit, dedit Magnū
Lithuaniæ Ducatū ita filio poſſidendum,
vt ſummam rei & imperii penes ſe vtique

reſervaret. Occultas namq; vires virusue
potius regnandi habet ambitio, propter
quam vel ipſos filios nō ſemper ſibi fidos
experiuntur genitores. Quibus ad eum
modum conſtitutis de thori ſocia filio
Regis adiungenda cœptū eſt conſultari;
propterea quod tam cuſtode quam ſocio
remoto, in iuventute luxurioſe victurus;
matrimonio autem contracto compedes
ſibi iniecturus, & patris imperium ſtabi-
lurus credebatur. Nihil enim quam cer-
ta ſucceſſionis ratio, & ipſa filiorū fœcū-
da generatio, firmos & diuturnos magis
efficit principatus. Offerebant interim ſe
virgines & viduæ Regis filio quā plurimę,
ſed nulla quam Ferdinandi Romanorum
Regis filia Elizabeta magis probabatur.
Quā ex Anna Vladislai Sigismundi maio-
ris natu fratris filia primam in liberis ſuſ-
ceperat, & quam inter reliquas maxime
dotarat, & exornarat. Nec non & illud in
mentem veniebat pariter: Quod duobus
illis fratribus, Carolo & Ferdinando, to-
ro terrarum orbe potentiffimis, Cæſarea
familia natis Principibus, multum com-

modi

modi & ornamenti Reipub. ex ea amnitate, quæ veterum etiam offensarum aboleret memoriã, esset procul dubio accessurum. Nam vt illa vetera habita fuissent, non nemo quidem certo inter Austriacos, & Iagellonios Reges, primum ex Vilhelmi Friderici III. Cæsaris patrui causa Iagellonis à Polonis repulsa, mox ex Alberti Cæsaris posthumi filii contra Vladislaum Iagellonidem in Hungaria regnantem altera, & Maximiliani Cæsaris qui post Matthiam Coruinum ex quadam pactione Rex Hungariæ esse debuerat, contra Vladislaum Polonum, Bohemiæ primum mox & Hungariæ Rege tertia, intercessisse aliquid simultatum acutius obseruabant, illud interim silentio re&u fuisset, quod Sigismundus primus Poloniæ Rex, & Sepusia domo Austriacis inimica Heduigim vxorem duxerat, & non nisi Possonii Bona Maximiliani Cæsaris propinqua desponsanda, reconciliari ei poterat, cuius loco Ferdinandus Vladislai Regis filiam iussus est vicissim matrimonio sibi copulasse. Quanquam hæc

ipsa

ipsa Regum affinitas in dubium vocetur, & obliuioni tradatur aliquando. Vltionis enim & regnandi cupiditatis sitis etiam iterandis connubiis raro expletur. Hanc igitur Elizabetham Austriacam Sigismundus Augustus thori sibi asciiuit sociā, & tantopere desideratas eius nuptias, quibus augustius vidit Polonia nihil, maximo hominum concursu & lætitia Cracouiæ celebrauit, anno à nato Christo supra sesquimillesimum secundo & quadragesimo, vbi multorum Regum & Principum legati, ac deniq; Principes confluxerant ipsi, ac variarum gentium & nationum proceres infiniti. Adco in coniunctione Regum non parum reponitur, nō tam spei, sed & rei ipsius, quę inde oritur vicinorum tranquillitatis. Sed vt humana omnia varios & incertos exitus, & ipsius vitę terminos habent perangustos, mortua tādē nulla relictā prole Regina Elizabetha absente marito est Vilnæ; & quidem mortua, non sine manifesta veneni suspicionē. Quod etiam ipsum in comitiis imperii Vormatię, cū à Carolo V. Cæsare

eius patruo fuerat ipsi parentatum, pro concione dicebatur. Omnes enim Reges & Reginae odiosae tãdẽ fiũt, quẽ metu sterilitatis procul amoto, liberos spẽ unicã regni populis non relinquunt. Adeũ modum Sigismundus Augustus Vilnam reuersus, & matrimonio quod contraxerat solutus, voluptatibus, quibus à iuuentute assueuerat, operã dare cœpit, & eius rei ministros facile conquisiuit. Cum enim omnibus, tum maxime Principibus ministrorum copia & maxima est licentia delinquendi. Spectabatur vero eo imprimis tẽpore vidua quãdã pernobilis, Barbara Stanislai Gadzoldi Trocen. Palatini coniunx, ex amplissima Radiuilonũ familia nata. Quam Rex semel & iterum intuitus, deperire cœpit, & cum in amore inito perstitisset, vxorem ducere, atq; adeo & diademate regio insignire stipulata manu ipsi promisit. Dissuadebant hoc ei quamplurimi, & inter alios eius Germanus frater Nicolaus Radiuillus, Sigismũdi Regis à poculis charissimus, postea quidẽ Trocen. & Vilnen. Palatinus, nec non
belli

belli Dux in Lithuania creatus bis, supremus: verū in amore quo plures dissuadere, maiores faces adinouere (vt plerunq; fit) consueuerūt. Consenuerat iam totus pater, & rumores qui de filio spargebantur maximopere valetudinarium affligebant. Quo magis & per literas, & postremo in comitiis Petricouia occasione liberrius alloquēdi filii nactus, vt ab hoc impari abstineret matrimonio serio & grauius eum monebat, apertis etiam siue obterrorem, siue ob ipsam rei veritatem quibusdā secretioribus, quæ post tam augustum prius matrimoniū ab altero filium cohibuissent. Sed tantum quidem abfuerat, vt ille eo commoueretur, vt etiam ceu quasdam adhibuerit machinas patri, ne molestus sibi fieret, apud ordines omnem auctoritatem quoad maxime poterat adimēdo. Quod ea plane faciebat ratione, vt tã senatorii quã equestris ordinis prehēfaret sibi præcipuos, qui si regnare pater vellet, ius ciuibus suis diceret impense eū sollicitarēt. Quare apud Petrū Kmitā, Palatinū Cracouien. grauius questus, &

eorum comitiorū æstu maximopere ex-
agitatus, Petricouia discessit; ac lento iti-
nere Cracouiā Rheda perueniens, anno
ætatis suæ octogesimo primo Calendis
Aprilis expirauit. Filius interim Vilnam
se recipiens in amplexus Barbaræ ruere
eo liberius cœpit, ac non ita quidem cito
de paterna morte accepit nuncium, vt in
arcem publice eam quoq; introduxit; nō
solum admirantibus, sed pene etiam fre-
mentibus omnibus, qui non priuata
libidine, sed consilio & auctoritate Se-
natus Regibus ducendas coniuges non
dubitanter testabantur. Quæ res adeo
in ore vulgi etiam versabatur, & per to-
tum Regnum increbuerat, vt cum quid
Nobilis Laurentius Grabski priuatorum
suorum negotiorū ergo in aulam Regiam
ex Polonia Vilnam venisset, & Barbaram
in thalamum regium duci animaduer-
tisset, non prius Reginam apud se futu-
ram, quā Cracouiæ vidisset eam inaugu-
rari, ad astantes exclamauerit, Quo ipso
nomine, militari obstrictus iureiuran-
do, vt causam diceret à Nicolao Radiuilo

summo

summo Lithuaniae Marschalco iussus fuit. Nec tamen diu post eo solutus, reuertendi in Poloniam facultatem impetrauit. Peior quippe morbo non raro est curatio. Iam vero Regii funeris instabat tempus, cum matris Senatusque literis Sigismundus Augustus Rex ad tumulandum Patrem euocatus, Calendis Maij Cracouiam venit; nec tamen eius corpus, maxima etiam licet sollicitudo fuerat, quam mense Iulio sepeliuit. Nam incendium in ipso regio aduentu Cracouiae ortum, omnes omnium nominum, ordinum & aetatum homines ita exterruerat, ut regium corpus ex vno in alium locum oportuerit transferri, & non nemo parum augusti Augusto in illis principiis visus est augurari. Multi enim gubernantibus infesti, praesentibus non contenti, futurorum auidi, (ut plerumque fit) principia rerum temporumque perscrutantur. A funere de elocandis regis sororibus actum consultumque est diligenter. Nec mora & ipsum comitiorum regni tempus Calendae mensis Nouembris Petricouiae constitutae.

Quantumuis postea à Novembre vsq; ad alterius anni principium Petricouia non fuerat conuentum, ea quidem frequentia fremituq; cunctorum, vt fatua Comititia vulgo apud omnes dicerentur. Neque id quidem temere. Nam non solum in Polonia, sed per vniuersum terrarum orbē vidisses aliquid turbarum dari, cum Carolus V. Cæsareo biennio à Smalcaldico bello geminata comitia imperii celebrasse, Ferdinandus Germanorum Rex Bohemicos motus sedasse, Germania multos inter se Principum cōflictus spectasse, & deniq; Polonia non vsquequaq; quieta constituisse memoretur. Petricouiam igitur postremo vt fuerat ventum, salutaerunt Regem Ordines, fatis, vt videbatur initio, reuerenter: sed municipalium legatorum, vt habita ad Regem publico nomine est oratio, Ioannes Sirakowski, postea Palatinus Lencicien. ab eodem illo creatus Rege, ipsius connubium nouū libertate magna dicendi exagitauit; adhibitis inter perorandum multis magnisq; aculeis, & exemplis ad persuadendum ve-

tustatis, eo autem maxime, quod Reges ad regendum, & non Imperatores ad imperandum in Polonia eligerentur; & q̃ Cazimirus Sigismundi Augusti Avus Elizabetham Austriacam sibi Cracoviam allatam coniugem, vel inuitus ordinum consensu retinere coactus fuisset, quam propter deformitatem initio ipsi displicuisset. Quanto vero magis par & æquum videretur, vnum omnibus potius gratificari, qui à se prius quam ab aliis regendis gubernaculorum suorum initia deberet inauspicari. Ad hæc similiaq; dicta non iam per interpretem aut Cancellarium, vt moris est, sed ipsemet Rex municipalibus legatis ita respondit. Non magis quidem vitam, quam ipsam Rempub. sibi esse chariorem, sed cum illa fide data fuerit salua, non videre se quo pacto eadem illa fides in dubiũ rursus sit reuocanda. Non valuit apud nobilitatem ea ratio & oratio: quam cum dici cœptæ fuerāt in Senatu etiā sententię Nicolaus Dzierkowski Archiepiscopus Gnesnen. vir primæ in Senatu sententiæ, simplici & re-

ēta cohortatione ad Regem facta, adeo etiam infirmauit, cum ad aliud matrimonium boni publici & quietis gratia Regi veniendum, quā turbanda omnia potius tastaretur. Verum vt rursus ad Samuelem Macieiowski Episcopum Cracouien. regnique Cancellarium ordine est peruentum, cum tribus aliis Episcopis, & cum Ioanne Tarnouio Castellano Cracouien. qui in Senatu in politicis principem locum obtinebat, à regiis partibus firmiter stare omnes omnino videbantur; ita quidem, vt non admodum regium factum probare, sed tolerandum utiq; , quam in vulgi inuidiam vocandum, potius testarentur. Ac ne multa. Quæstionem illā nō tam boni publici causa, quam potentiorū excitauerat ambitio; qui cū dicundo iure multum penes Regem possent, & adhuc plus posse cuperent, & vt denique Principē argento emungerent, ac opibus honoribusue se ipsos augerent, partim quidem auctoritatem suam tueri, partim ad Interregnum ducere rem, per hanc causam & occasionē sedulo nitebantur. Mul-

ti enim

ti enim veterum familiarum pertæsi Principū, quadratis rotunda mutant, permu-
tantq; sæpe omnia non peræque sapiēter.
Vt autē breuissime dicam, magna quidē
contra Regem & eius consilia extiterat
illa contentio, quam Petrus Kmita in mi-
nori, Andreas Gorkanus in maiori Polo-
nia potentissimi omniū tuebant Senato-
res; quorum ille Tarnouii, hic Tencinio-
rum æmulus vulgo dicebantur extitisse.
Quanquam & Tencinios ipsos à suis par-
tibus stantes iam amplius Rex non vide-
rat, cum vnus ex illis Ioannes Tencinius
Palatinus Sédomirien, & aulæ præfectus,
ausus fuerat dicere; Malle se Solimanum
in arce Cracouien, quam aspicere Barba-
ram diademate insignitam. Quæ vox por-
tenti instar semel elapsa, ad exteras etiam
gentes nationesq; peruolauit. Sed neq;
Tencinio inferior Petrus Kmita Palati-
nus Cracouien, & summus toto regno
Marschalcus eodē conuentu spectabat;
qui vt defectu solis naturam, sic errore
regio turbari affirmavit Rēpub. Cui Rex
ne ipsi molest⁹ esset stomachās respōdit:

In aliis certe rebus ultra etiam modum
patiens fuit, & turpes in publicis etiam
parietib. picturas, & probrosa tā de se quā
de sua coniuge carmina nec quidem præ-
tereundo aspexit. Remedium enim iniu-
riarum, ipse contemptus, & obliuio earū,
maximum est remedium. Sed cum hæc
non successisset, aliam etiam viam ingres-
si sunt molitores, & nouam quandam ra-
tionē, quæ iam non Barbaram, sed ipsum
petebat Regem, inuenerunt. Etenim cum
& Senatus, & municipales adeo legati
Regis in proposito fracti essent perseue-
rantia, vt ius tandem non diceret, neque
bellum aut tributū imperaret, flagitarunt,
quoad auctoritate comitiorum secus non
fuiſſet decretum. Quod vt saltem ratione
aliqua iuste petere viderentur, illud iura-
mentum, quo interposito Sigismundus
Pater filio regnum renunciauerat, profe-
rebant; vbi inter alias hæc quoq; fuerat
conditio, ne Sigismundus Augustus ius in
regnum haberet, priusquam Lithuaniam
cum Polonia coniugaret. Quæ quidē seria
& probabilis vulgo videbatur ratiocina-

tio;

tio; sed neque illa ludicra, quam ad excusandum Regem ex opposito alii afferebant, qui quonam modo tam diu Rex Augustus diceretur, si nullam in regno haberet potestatem, mirari se testificabatur. Nam quod ad conditiones nondum expletas attineret, opus ad eam rem esse tempore temporisq; ipsius opportunitate, cum non subito coalescant inter se prouinciæ, quæ suis legibus & consuetudinibus fretæ, & longis locorum temporūq; interuallis essent distinctæ. Hæc Samuelis Macieiouii, & eiusdē cū ipso sentientium Episcoporum sententia. Hæc Tarnouii Castellani Cracouien. & summi belli Ducis, ac quasi totius Senatus illorum tempor. Principis, mens & oratio audiebatur. Cui Petrus Kmita vt per annos antea triginta perpetuo in Repub. aduersatus fuerat, cum diēs iudiciorum aduenerat, Regem quoq; adiit, & simul vt litium controuersias diiudicare ipsum viderat voluisse, reuerēter veneratus, sceptro in terra relicto, è Senatu discessit. Nolle se ibi adesse, vbi totus conuelle-

retur

retur status libertatis testificatus: cū quo
& abiit reliquus etiam ille Senatus, præter
Maciciouium, & Tarnouium, & paucos
alios, qui regiis partibus adhærebant, vt
ita mira & vix ante audita res illa in Polo-
nia videretur. Quam tamen Rex haud ita
moratus, ius omnib. ex æquo dixit, & vsq;
ad comitiorum extremum Petricouia
perdurauit. Demum vero eo cōuentu so-
luto, non modo quidē Senatores, sed præ-
cipuos quosq; etiam Nobiles literis cer-
tiores fecit, quam ab eorum municipali-
bus, Legatis, sursum ac deorsum omnia a-
gitata fuissent in comitiis; & quam inique
& petulanter dixissent egissentq; cuncta,
specie quadā defendendæ libertatis. Cui,
tantum abest, vt aliquo modo prouisum
fuisset, vt adeo adducta viderentur cun-
cta in grauissimum tandem discrimen.
Quod nonnulli tantum vt turbarent o-
mnia, & vt contra imbecilliores suam au-
gerent ostentarentque potentiam, impo-
tēter prosequerentur, nunc hoc, nunc illo
modo auctoritati regiæ resistendo. In qua
tamen re & occasione, & nunc de vxore,

nunc

nunc de iureiurando regio disputatione, Regem ne ipsius patrociniū deesset Reipub. ipsis restitisse: & tam vxorē quam iuris dicundi retinuisse facultatem. Quo magis adessent animis, neq; de regia erga se fide, & voluntate, & in pactis seruandis firmitate vlla ratione dubitarent. Hæc fere epistola illa continebat, quæ per prouincias, & municipia peruulgata, ad regiā causam momenti plurimum attulit fulciendam. Iam quippe Rex, tot concussus malis, non modo de coniuge, sed adeo etiam & de securitate sua ceperat dubitare, ita vt ad Ferdinandū etiam Romanorum ipsum scriberet Regē, consiliū & auxiliū pro re & tempore ipsi præstare, & si quid occurrisset, ope sua eum subleuare, haud ita grauaret. Reuera enim iam de regia in regnū potestate disputatē audiuiſſes non neminem, & inter alios Matthias Stadnicki in Lelouo oppido, cū in eū ferre voluisset Iudex sententiam, illa vna exceptione forum declinauit, quod ordini equestri regiam auctoritatē nondum esse ratā testabatur, cuius alibi etiam rei non

obscu-

obscura exempla spectabantur. Multo enim facilius ad praua quã ad recta vulgo cõsilia properatur. Quo nomine maiestatis rei quidam fiebant, & tandem damnati, non magna etiam difficultate eo malo se liberabãt. Alicubi enim rigore cū periculo, sed semper tutius Reipub. providebatur mansuetudine cū iudicio. Solutis ergo ad eum modum Petricouien. comitiis, & adulto iam vere Cracouiam veniente Rege, memorabilis illa scholasticorum cædes, & inde etiam nescio quis tumultus forte est subsequutus, cum à Iuliana lena scortò ducẽdo Andreæ Czarnkouii, quinquennio post Posnanien. Episcopi facti, quidã familiares iuuenes, in ephebos itẽ scholasticos illud vexantes incidissent. Quæ res nõ modo Czarnkouio viro graui & probato vulgo inuidiam, sed etiam Regi ipsi nescio quam attulit difficultatem, cum initio regni gubernaculorumq; suorum caput regni Cracouiam, scholasticis mox vacuam, & diiudicandis illis rebus aliquid negotii & operæ subire cum molestia cogeret. Vulgus enim multa, sed dif-

fi cilia

ficilia maxime, mali ominis nescio quid habere perpetuo opinatur. Sed illā scho lasticorū cædem Regina Strelimussæ filia supplicio expiauit suo, cum lenæ suasu interfecta matre, primum quidem candentibus forpicibus discerpta mox in cuculeum parricidarum more insuta, in Istulā esset præcipitata. Punit enim per se ipse scelera DEVS, vbi neglexerit ipsius Magistratus. Nec ita multo post extremis Septēb. diebus, Tartari, in Rusliā incursione facta, ingenti hominum armentorumque præda abacta, ferro igniq; in ea omnia crudelissime peruastrarant, & Peremircam incenderant, & deniq; Visneuecium Ducē ipsum cum coniuge & liberis in barbaricam abduxerant seruitutem. Quo magis denuo conuentum cuncti poscere, & ordines cogere velle videbantur. Cuius rei gratia Archiepiscopus etiam ipse Cracouiam veniens, Regem vt indiceret comitia cohortatus, se Reipub. non defuturum & Conuentum indicturū minabatur. Sed Rex qui eū tanti non esse haud ignorabat, eo inuito Conuentum indicturum nemi-

nem

nem, aperte reſpondit; & adeo etiam eius rei ſubiunxit cauſam: Quod in his conuentibus regia conſilia quidã eludere, & tanquã in theatro ſe conſueſſent oſtentare. Ita Archiepiſcopus paucis diebus Cra-
couię moratus, Louiciũ rursus rediit; nec, vt minabatur, Cõuentũ illum iudixit, ac multo minus celebrauit. Interim tamen querelarũ ac inſanarũ vocum, & proteſtificationum tota erat Polonia plena; Rex vero totus ſolicitus de Barbara in Reginã inauguranda. Venerat illa ex Lithuania iam in Poloniã, & Radomiã quidẽ primũ, mox & Corcini aliquandiu morabatur. Cui iidem illi, qui & Petricouiã, ſed non perãque iam vehemẽter, irascebantur Senatores. Quod enim conſilio non poſſis, temporis id lenit longitudo. Ita etiam & Archiepiſcopus & Marſchalcus regni à priorib. Petricouiẽ. comitiis immutati fuerant, vt qui non modo Barbarã Reginam pati poſſe, ſed nullo non honore etiam affeciſſe viderentur; eam & Archiepiſcopus, die inaugurationi præſtituto, diademate ornauit; & Marſchalcus Viſneciũ

inuitatam non modo epulis, sed donis etiam amplissimis cumulauit. Magna quippe vis fuerit, tam metus quam spei; & nemo est conscius futuræ voluntatis suæ, aut euentuum insequentis diei. Vnus ille Ioānes Gabriel Tencinius Sendomirien. Palatinus antiqua virtute & genere clarus, cū collegæ eū deseruissent, totus immobilis in proposito stetit, & cum aliquādo Petrum Kmitam anteambulonem Regina vidisset, idemq; vt & ille faceret ipsi de industria Rex etiam occurrisset, terga vertere & sceptrū in terrā demittere non dubitauit. Constat nempe constantia magno, sed nomini utiq; fuerit semipiterno. Verum enimvero, his omnibus eorumque auctoribus non obstantibus, celebrata utique ac perfecta Barbaræ est inauguratio; & tanta non solum beneficentia, sed etiam largitio quædam regia spectabatur; vt gnathonibus, lenonibusq; suis omnia & vestes ipsas dilargiretur, ac vix sufficerent factores nouis rursus conficiendis. Cerrat enim prodigus secum ipse dando, & discepat de do.

tis vicissim altercando. Quo loco eiusdē Tencinii Palatini Sendomirien. vox erat ad Regem memorabilis. Nam cum forte pro homagio legatorum Pomeraniæ Ducū acceptando discedere ex arce in forū Rex instituisset, & Tencinius num etiam plures Zebelinas haberet vestes præter illam, qua induebatur, & quæ pro antiqua consuetudine Marschalco debebatur, interrogauisset; illeq; non habere se respondisset: Dabo tibi ego, inquit Rex, nō accipiā vestes, sed vide cum ego dederō, ne habeat alter, cui minus videbat, quā mihi conuenire. Hæc dum ita Cracouiæ tum agebant, pauci Regni procures, sed multo adhuc pauciores externorum Principum aderant in nuptiis Regiis Oratores. Vnus Princeps ille Ioannes Lignicensium Dux, qui & ipse vulgo Fatuus erat dictus, quod multos ebrius confodisset, spectabatur. Cui Rex non mediocrem honorem utiq; habuit, & siue q, & antiquissimo Polonorum Regum sanguine ortus esset, siue ut ægre ab iis qui aberāt per id fecisset, maximis munerib⁹ recreatū Cracouia dimisit.

Non

Non obscure namq; Reges & Principes plurimi illud Regium tam audax factum, & non modo Poloni, sed & exteri varie interpretabantur. Ita ut & Carolus V. Cæsar Vellus aureum, quod patri dederat, per Stanislaũ Ostrorogiũ sibi remissũ, concedere rursus renuerit ipsi, & illam quã promiserat cum Rege Lusitano de loco contentionem sopire non terminauerit. Sed nec ipsi quidem Barbaræ Radiulæ, aut dies singuli læti, aut etiam in regio thalamo fuerunt diuturni. Etenim paucis post inaugurationem diebus non optime valere Regina cœpit, & ingrauescente morbo vlcerum, & foetoris plena, postea Cracouiæ expirauit. Quam demum mediis æstiuis caloribus Vilnam Rex deductam, in æde D. Barbaræ tumulari voluit, vbi opus magnificentiss. operis nondum perfectũ inchoarat. Incredibile porro dictu fuerat, quanti ea profectio Regi constiterit, & quam etiam à morte constans in amore Barbaræ fuerit, vsq; ad admirationem. Aderat is, cum veheretur corpus, vbique præsens, ut multi regiorum auli

corum virorum alioqui præstantium, retro templis inferendo infirmarentur, & equi coloris nigri, qui curruerant iuncti, cū in illis caloribus nimis passim desiderarentur, in eum locū empti alii, magno ac pene precio constarent infinito. Venditorū enim caritas, & emptoris necessitas, rerum precia in immensum augescunt. Vixitā porro vt est ventū, tumulato corpore Barbaræ supellex nauiter est asseruata, quam Rex per interualla inuifere, & profusas lachrymas spargere subinde non dubitauit. Demum cum aliquādiu quieuisset, indixit denuo comitia Petricouia, quæ in annum sesquimillesimum quinquagesimum secundum incidisse memorantur. In quibus Regi matrimonio illo soluto iam quodāmodo maior constare cœpit apud subiectos auctoritas. Errata enim Regum obliuione delentur, sed pertinaciter defensa vel adeo calumniantur. Probabatur autem maxime illud cōsiliū, vt Rex à negotiis Reipub. factus liberior urbē Dātiscanā quæ à Germaniæ aut imperii fisco subinde sollicitata fuisset,

fuiſſet, tandem vel ad modicum tempus proficiſceretur. Quod priſtinæ Sigismundi Regis in eos animaduerſionis recordatione, & plebis cum patribus diſſenſione, aliqd motuū, niſi mature prouiſum fuiſſet, excitatura aliquādo crederetur. Hanc quidem ad rem quoniā Rex & dignitatis ſuæ cauſa, & ſecuritatis omnium gratia, præter aulicum comitatum alio etiam habebat opus; propterea ampliſſimū & ſplēdidiſſimum quemq; ſecum pro hoc itinere euocauit: in primis vero Ioannem Tarnouium, qui Reginam Bonam ex itinere officii cauſa Plociæ inuiſit, & demum ad Regem Dantiſcum ingredientem properauit. Qui vt ab aliis Regibus fieri ſolitū fuerat, non in Prætorio, ſed in domo quadā Ioannis Verde forte diuerſit. Suſpenſatum animis vrbs tota illa agitabatur, nec tutus uſque quaſque aulicis receptus, imo & puluis tormentarius prætorio ſubditus vulgo dicebatur, quæ vt ad conſiſionem vtrinq; minuendam, & timiditatē ſuſpicionemq; vulgi augendam temere, vt fit, ſpargeretur, Ioannes quidē Comes Tar-

nouius homo prudens, & consilii regii Princeps, quoddam ex principibus Gedanen. nactus, sic eos priuatim est allocutus: Intelligentent quantum & constanti Gedanen. fide, & Polonorum commercio, & denique Regum ipsorum erga se beniginitate essent florentes: quam denique multas alias, & magnas Germaniæ vrbes equabilitate, iuris & cōmunitate vtilitatis Polonis coniuncti anteirent. Regii aduentus Dantiscū causam non subesse aliā, quā voluntatem in eos propensam, qua & libertatem suam, modo vellent, non modo tueri, sed etiam augeri posse certo sibi persuaderent. Polonorum postremo ea ingenia esse semperq; fuisse, vt nihil indigni suo nomine & semine essent cōmissuri; modo etiam Gedanen. pro tot acceptis ab iis beneficiis grati, & non immemores ac intra septa officii sui cōtineri videant. His dictis Gedanen. publice constabat fides. Cæterum vt in magnis solet fieri conuentibus, hinc & inde oriebātur vtrunque offensiones, & contentiones infinitæ; ex quib. quomodo Gedanen. animati essent,

& si quævis vehementior ingruisset, eam repellere vellent, facilis capiebatur coniectura. Nam vix decima quæq; domus milite erat vacua, & si quæ armatorum constituebantur præsidia, non usquequaq; committatui Regio tutus in eas receptus semper patebat; imo etiam aut iniuriis, aut ipsa adeo aperta vi repellebantur. Quod cum alias etiam sæpius, tum in Anzelmi Gostomski florentissimi aulicorum comitatu est deprehensum. Qui, ut erat splendidissimus, cum aliquando Comites Gorkanos à sua cœna reuertentes honoris ergo ulterius deduceret, incidit in Gedanen. stationem; à qua eius familiares indignius tractati, & vi & armis repulsi in hospitium suum se receperunt, & Gedanen. postea Paulouiciū venientes, culpam apud Gostomium deprecati sunt, & in arce Cirnen. voluntariam detentionem aliquandiu pertulerūt. Quo etiam ipso dum Rex Gedani morabatur tempore, nisi Petrus Boratinski Petri Kmitæ Marschalci aulæ qui fuerat magister, præfectum custodiæ Gedanen. magno cum Polono-

rum sanguine furentē repressisset, graue
ea nox periculum citra dubitationem at-
tulisset. Exiles enim fauillæ sæpe magna-
rum causa fiunt conflagrationum. Iam
vero & præfectus stationis illius Geda-
nen. postridie eius diei ad Regem ipsum
vocatus, ac cur in tantum furorem perci-
tus fuisset interrogatus, intrepide respon-
dit: Sibi stationis curam ita esse deman-
datam, vt si ipse insanientium vim susti-
nere non posset, campana signo dato in
auxilium cunctos euocaret. Quod ne fa-
cere eum oporteret, adiisse se Petri Kmi-
tę hospitium, vt sicuti magister Marschal-
ci familiæ Polonos officii admonuisset;
ne vrbs, tot contumeliis iniuriisque affe-
cta, vim vi repellere necesse habuisset.
Multa enim sunt molesta, sed domi vis &
iniuria, quam patimur, molestissima. Hæc
ille præfectus forte locutus, ad suos vicif-
sim rediit, tantumque abest, vt vel aliqua
in ipsum secuta fuerit animaduersio; vt
etiam periculum maius, si Conuentus ille
cito solutus non fuisset, quidam futurum
suspicaretur. Necessarium est enim Re-

gibus

gibus inuisere suos, sed dispiciendum quos
& quantos, quamque in comitatu tuo ha-
bueris benemoratos. Huic tamen ut dixi
incommodo cum Tarnouius primum,
sua non importuna cohortatione, remedii
aliquid attulisset; tum & Rex quidem i-
pse Regali ingenio animoque presenti, iure
ciuitati dicundo magnam apud Gedanen-
consecutus est auctoritatem. Prægrauabat
patrum plebem ambita pridem potentia,
cumque magistratus potestatem cuperent
minores diminutum, Senatus priuilegiis
quibus contra plebis insolentiam munie-
bantur prolatis, victoriam obtinuisse vide-
batur, nisi & regia æquitas, & Senatorum
quorundam accessisset auctoritas; ut sic-
uti nauiis æquatis oneribus, sic Respub.
ciuibus æqualitate quadam gaudentibus
rectius regeretur. Nauiis enim in alto, &
ciuitatis statu sub magistratu posito, ma-
gna fuerit semper similitudo. Sub finem
vero eius Regii Dantiscum aduentus,
Nicolaus Radiuilus Palatinus Vilnen.
paulo ante in comitiis imperii Augustæ à
Carolo V. Cæsare Dux creatus, & Ioan-

nes Iarnouius Castellani Cracouien. filius, secundo flumine, Gedanum quoque appulerunt. Est vrbs illa, nobilissimum totius Aquilonis emporium, aliquot exter-
norum hominum semper repleta milli-
bus, quæ tum ob nundinas, & ob Regium
etiam in eam aduentum maxime refertif-
sima mercatoribus, & omnis generis ho-
minibus spectabatur; adeo vt & Rex, &
eius omnes quingentas naues vna die si-
mul Dantiscum appulisse admirarentur.
Ac singulas quidem vnde venirêt Rex in-
terrogas, variisq; linguis nautas & classia-
rios loquentes audiens, magnam capie-
bant exinde voluptatem. Quo magis etiã
ipse visendũ & cognoscendum se præbuit
multis spectaculis editis magna ingenii
nominisq; sui gloria, & circumfusæ accla-
matione turbæ, quæ his similibusq; rebus
potissimum delectatur. Atq; ita demũ Ge-
danen. rebus compositis, suam vt maiesta-
tem constanter colerent, & concessa tam
à se, quam ab aliis Regib. libertate mode-
rate vterentur cohortatus, ad dimidium
Septembris Gedano mouit, & ab Alberto

Bran-

Brandenburgico in Prussia Duce semel & iterum officiose inuitatus Regiomontum discessit. Quem venerabundus senex longius extra urbem progressus ita excepit, ut nullam non humanitatem tanto hospiti declaraturus alacriter videretur. Sed dum Rex urbi Regiomantane appropinquat, globus est tormentario in sublime proiectus, Visneuecio regio armigero ab ipsius tergo occiso, ita omnes exterruit, ut tantum non arma à Polonis in Ducem verterentur. Subita enim mors socii dolorē; & serui casus in dominum proditionis parit suspicionem. Quare cum suos Polonos Rex fremere, & contra Ducem nescio quid moliri velle animaduertisset, bono animo suos esse iussit, & iam inquit Foxii Astrologi euauit vaticinium, qui hoc die me occidendum dixit, lætabundus exclamauit, Ducis etiam in tormentarium excandescentiam, qui eius nece errorem non suum fuisse testificari voluit, blando sermone refrenauit. Nefas namque in publico gaudio tristitia est miscuisse. Quæ dum ita fiebant, superuenit nuntius, qui Nicolaum

Senaium Ruffiæ Palatinum Campeſtriũ
copiarum Ducem, Dacos ſiue Valachos
in ſuam veniſſe affirmabat poteſtatem.
Quo non admodum exhilaratus Rex
nuntio, num certus eſſet expectabat; ve-
rum cum tandem, eo qui tyrannice Vala-
chiam rexerat interfecto, is qui in Senaii
caſtris verſabatur electum intellexiſſet,
vtrum ea res gaudio an dolore dignior
eſſet, aliquandiu perplexus ſecum ſterit;
& ne Turcam per id in ſe concitaſſet, ſub-
uereri non dubitauit. Atque ita demum
more ſuo Vilnam rurfus poſt paucos illos
dies in viam ſe dedit. Quam perpetuo
ita percoluit, vt vnã illam Vilnam, ſuam
domum; cæteras vrbes, & ædificia quæ-
cunque ierat, tanquam aliena haberet &
appellaret. In qua etiam balnea, hortos,
reſeſſus, & neſcio quæ non alia magno
ſumptu & diligentia ædificata reliquit, &
per omnes occaſiones, quibus à Polonia
abefſe licebat, libentius quam alibi habi-
tauit. Quæ res quidem ipſa hic haud du-
bio Polonorum offendeſbat animos, vt
quaſi inuidia quadam cum Lithuanis cer-
tare

tare viderentur. Nec tamen multum postea effluxerat temporis, ex quo Vilna mouens Lublini Comitia celebrauit, Moscouitica legatione, quæ tum primum ad eum venerat clara, sed Maiorum Polonorum absentia, & cum minoribus, ceu quadã ea de re altercatione, tum & iudiciis non vsquequaq; recte exercitis odiosa. Nam non pleno Senatu multos infamia notatos, & in his fœminam quandam cædis falso accusatam quibusdam Senatoribus auctorib⁹, qui postea eius impetrauerant bona, multatam memorant extitisse. Quæ quidem omnia Regi inuidiam, & quod in eandem illam rursus se retulisset Lithuaniam, odium vulgo conciliabant. Nam ex eo tempore, cum Vilnam ceu in voluptatum quandam suam iuisset officinam, de eo rursus coniugio colligando ceperunt procures cogitare. Nullum enim maius iuuentuti compedibus iniiciendis, quam fuerit frenum status ipse coniugalis. Non deerant autem pares diuersarum familiarum ad id quoque fœminæ, sed vna illa Austriaca domus maxi-

me probabatur. Cuius rei gratianec illud etiam obfuit, quod duarum sororum Germanarū cōnubium, non vsquequaq; vulgo laudatum, aut etiam diuinis humanisque legibus admodum fuerat approbatum. Sed priuatorum hominum coniugia ciuilem societatem, Regum vero propositam sibi habent publicam tranquillitatem. Quo magis Iulio eius nominis III. Pont. Max. ratum gratumq; illud matrimonio habente, qui illud dispensandū potius quam prosperandum aiebat, Catharina Austriaca altera Ferdinandi filia, Guilhelmi Gonzagæ Ducis Mantuæ relicta vidua, à Ferdinando Archiduce eius fratre Cracouiam est deportata, decēnio fere post Elizabethæ nuptias, & anno cuius proximus peste & caritate annonæ fuerat luctuosissimus memoratu. Qui antequam aduenissent, & contractus matrimoniales coaluissent, Nicola⁹ Radiuilus Palatinus Vilnen. Gracium ad Regem Romanorum Ferdinandum in legatione fuerat missus, qui tū ibi cum affinib⁹ filiis, filiabusq; omnibus forte fortuna ver-

faba-

labatur. Quæ quidem legatio tantam in-
uidiam conflauerat Radiuilo, vt nisi Ioan-
nes Przerembski Regni Procancellarius
adiunctus ipsi fuisset, varias suspiciones
toto Regno peperisset: cum aliqui secre-
ta quædam pacta inter Regem & Au-
striacos de regni successionem seri, plures
tamen partim Radiuili odio, partim
vanitate dici illa recerentur. Vtcunque
certe fuerat, Rex quidem magna pom-
pa peractis nuptiis, quibus Regina Bo-
na, & eius filia cum filio intererat Hun-
gariæ Izabella, retulit se rursus in Lithua-
niam, & litium controuersias Cnischini
in Podlachia aliquandiu iudicauit. Erat
autem earum prima, & maxima Beatæ
Coscelecix, cum quodã Ioanne Schen-
gusko ex clarissima Iagellonum familia
orto. Qui cum à Rege ob raptum eius filię
proscriptus esset, desperata salute ad Ioã-
nis Comitis Tarnouii Raudnicen. arcem
in Bohemiam fugiebat; & ita quidem fu-
giebat, vt nec sibi, nec puellæ equo impo-
sitæ parcere, & infinita ex eius connubio
fortunarum facultatumq; bona sperare
videre-

videretur. Quem fugientem Martinus Zborouius, tum Palatinus Callisien. postremo vero Castellanus etiã Cracouiensis, factus, cum affecutus vna cum Martino filio Castellano Crziuinscen. fuisset, Plisfæ tribus à Praga milliaribus grauib. affecit vulneribus, & Iarmirium retraxit seminiuum, in spem certissimi matrimonii puella sibi seruata. Sed Lucas à Gorka Comes, cum Stanislao Coscelecio Palatino Siradien. & Beata Coscelecia matre superueniẽs, eam rursus Zborouiis eripuit, & Deus Opt. Max. omnes monedula illa vt vocant tandem priuauit. Nam cum Gorkanus ex quodam matrimonii contractu, Varsauiæ auctore Rege, ipsam deberi sibi æstimasset, non diu nec omnibus lætatus est ipsius bonis, nec Zborouiis præda cessit adeo felix, vt inuito Deo se aliquid adeptos possent adeo gloriari: vt taceam, quod iis in Bohemiam irruentibus, de iniuriis à Polonis Regno suo illatis Ferdinandus grauitè questus, & Zborouius Iarmirii Siengusko Duci epitaphio contra eum tanquam occisorem

probroso posito nō minus fuerit notatus. Ita nimirū cum non eū quem expediuiſſet matrimonii finē proponūt ſibi homines, nec illū alterum quoq; quē ſequunt̃ aſſequūtur. Turbata autē tum tēporis in Polonia erant omnia, & Regina Bona Regis mater, quæ pene per quadraginta annos in Polonia cōſenuerat, filio & filiab² relictis, curandę in ſpeciem valetudinis ergo, in Italiam volebat proficiſci. Quæ res Regis, & ordinū animos vehementer perturbauerat, cum quot, & quantos, ac quibus artibus quæſitos theſauros ſecum aſportatura, & quam cum exigua Regis regniq; dignitate, in illo augulo Italiæ nomen Regale ſuſtentata eſſet, veluti in ſpeculo intuerentur. Prudentū enim non tam corporis, quam animi oculi, nullis aduocatis adhibitis, exacte & minutatim omnia, & à longe contemplantur. Auctores quidem iſtius Reginæ conſilii, quod illa excuſatione valetudinis tuebatur, Laurentius Papagoda Franciſci filius, & Camillus Bracantius ex nobili Neapolitanorum familia potiſſimi diceban-

Y tur,

tur, qui ipsam Proregis Neapolitani munus obituram, & in summa dignitate Reginam quodam modo victuram pollicebantur. Quibus cum vel antea quoque Rex esset iratior, tum vero hoc consilio audito, quoquo modo ipsorum molitiones voluit impedire. Ac primum quidem per Izabellam Reginam Hungariæ, ne id faceret, persuadere matri studuit. Demum cum hoc non successisset, ad terrorem in publico foro patibulum erigi iussit, & voce præconis omnibus mortem, qui Reginam comitarētur, interminavit. Sed ut omnia, quæ semel cœpimus, magis semper indiesque cupimus, Regina stomachabunda Antonium Tercianum nobilem Tarentinū Iurisconsultum suū ad Regē mox submitit, quid sibi vellet, quod salutis causa filius matri discessum prohiberet, sciscitarum, eo addito, ut si in Senatu Rex consedisset, & ipsum quoque sedere non pateretur, ipse sibi locum caperet, & caput denique cooperiret; sed stantem tū forte Tercianus offenderat, à quo inter matrē & filiū præsentem, non expedire Le-

garos

gatos mitti, responsum tulit; & illa nihilo-
minus abutum in Italiam suum dies no-
ctesq;, variis artibus & molitionibus, vel
inuito ipso Rege & Senatu, procuravit.
Incidit autem ille tam memorabilis Re-
ginæ ex regno discessus in annū, qui fuit
annus salutis post sesquimillesimū sextus
& quinquagesimus. Quo eodē & Zophia
Regia soror, Bonæ Reginæ filia, Henrico
Brunsuicē. Duci Wolfenbitlū est depor-
tata, quæ illis ipsis dieb⁹ Varſavia mouēs,
cum aliis duabus sororibus gementibus
& flentibus, matri in longinquas oras ab-
eunti valedixit. Quæ quidem Bona
cum tam assiduīs precibus, quam etiam
minis & obiurgationibus à filio faculta-
tem abeundi impetrare non potuisset,
subito ad largitiones conuerſa, Regis &
procerū animos sensim sine sensu expu-
gnauit; interponente pro ea in primis se
Stanislao Tencinio Cracouien. Palati-
no, & Ioanne Ocessio regni Cācellario,
qui principem gratiæ locum apud Regē
obtinebat. Plurimum autē momenti at-
tulit, quæ à matris partibus stabat, Iza-

bella Regina Hungariæ, lapillo quodam
magni precii paruo ære initio emptum
Regi noctu à matre dono allato, & nunc
huic, nunc illi Senatori magno item ære
distributo. Obolus enim populum, po-
pulus dat Regibus mundum, scienter non
oscitanter comparatum. Frustra autem
renitebantur alii harum rerum largitio-
numque ignari: quibus ne obnoxius esse,
aut culpam aliquam retulisse Tarnouius
Comes videretur, decem aureorum mil-
lia, à Regina Bona sibi mutuo longe ante
data, mature ei remisit, & nihil postea ira-
cundiam ipsius timuit, aut vero de sena-
toria sua dicendi libertate remisit vel tan-
tillū. Nam tanta quidē Reginæ in illa sus-
deq; concertatione verborum spectabat
excandescendentia, vt cum Andreas Ze-
bridouius Cracouien, Episcopus, vir pru-
dens & maturus, ipsam ab illa obstinatio-
ne fuisset dehortatus, coram illi, quod E-
piscopatum ab ea emerat, obiiicere non
dubitauerit. Cui ille vicissim, quod venalis
propositus ab ea fuerat, statim respondit.
Notare quippe qui aliquem voluerit, in

notam

notam ignominiae saepe ipse incurrit. Ab hoc Reginae in Italiam discessu, quae Viennam primum, postea Venetias, ac demum triennibus Venetis, Barum usque; delata fuerat, Rex rursus in Lithuaniam pro veteri suo more est reuersus, poenitentia facti non obscura ductus, quod tot tantosque thesauros e regno suo cum matre emisisset; vnde etiam ad Ferdinandum Regem, ut eam detinuisset, sed frustra, scripsisse ferebatur. Nec diu in Lithuania stetit, ex quo rursus in Poloniam rediens Conuentum Varsaviae habuit, & de bello Liouonibus inferendo cum ordinibus consultauit. Occiderant ij contra omne ius gentium, consuetudinemque maiorum, Gasparum quendam Lackiaulae ipsius familiarem, & quosdam inter se turbas dare iam inceperant; cum magister Theutonici ordinis Iodocus Firstenbergius, Guilhelmum Marchionem Brandeburgicum Rigen. Archiepiscopum consanguineum Regium, ex veteri quondam emulatione acrius infestaret & manciparet. In hos inuidia inter se aestuantes, &

barbarico quodam fastu tumentes, tanto quidem alacrius ab ordinib. bellū est decretū, quāto magis sibi ipsi præsidere, & in necis illius auctores minus animaduertere videbantur voluisse. Supplicib. enim parcitur, turgidus & impotēs animus (vt plerūq; fit) vi & armis tandē coercetur. Bello autem in comitiis contra Liunionen. decreto, Nicolaus Mielecius Palatinus Podoliæ, viuente videnteq; adhuc Comite Tarnouio, q; sororinus eius fuerat, summa rei est præfectus; & anno reparate salutis post sesquimillesimū septimo & quinquagesimo, non modo belli Dux, sed Rex et iam ipse florentissimum exercitum duxit ipse in expeditionem. Primum autem ad Onixtum oppidum, postea ad Pozuolum castris metatis hosti omnibusq; spectandum se præbuit, & interponente se pro eo Romanorum Rege Magistro Crucigerorum Liunionia Firstenbergio, qui in castra regia venerat, certis conditionibus interpositis, pacem concedere non dubitauit; ne quod impar viribus existens supplex pacem Liuo petierat, ab aliis prouincia

Liuania, cui quoq; iam inhiabat Moschus, vastaretur. Insequenti namq; anno idem se quoque in Liuitones facere posse ratus, Ioannes Basilides Moschorū Princeps eorum Prouinciā bello est aggressus. Quod forte Sigismundus Augustus nō tam cito futurum suspicatus, simul ac Vilnā ex bello redierat, iucunditati se dedit, & Sigismundi Volscii cum Hlebouicia celebratis nuptiis, Brestā primū ad alteras Trzebochouii nuptias, postremo vero Crasnostauum ad litiū controuersias diiudicandas tandē peruenit. Mirum dictū est quāta senatorū & equitum confluxerat eo copia, & quantam Sigismundus Augustus in Cirnen. præfectura, quā Regina Bona ipsi ademerat, contra Stanislaum Lesnouolscium Felici Paridi post Castellano Varsauien. vt promiserat, restituenda, declarauerit firmitatē. Nam Regina Bato vsq; non dubitauerat Ociessio scribere, ne illi præfectura vllō vel aliquo pacto à Rege restitueretur. Tanta prosequēdis iniuriis foeminarū tenacitas est mētis, reb. etiā inter capedine tēporum locorūq; consēpul-

tis. Sub quod idem tempus Æmilius Maluecius, vir præcipuæ nobilitatis Bononien. Crasnostauū quoque ad Regem venerat, & splendide ac honorifice vbiq; à Polonis, in quos mirifice propēdebat, habitus, à Rege quoque dona retulit amplissima, vltra nō modicam ab eodem pēfionem assignatam sibi etiam annuatim. Patere enim Regia æraria hospitibus debent præclare de iis merentibus, & Principes non dare, sed videntur in bonis beneficia scenerari. Crasnostauo, vbi Stanislaus Karnkouius libellorum Regionum magister, quod nō modo iuris sed & iustitiæ consultus habebatur, factus, finita iam mense itum est Varsauiam, ex qua ob Reginæ Catharinæ non satis prosperam valetudinem Cracouiam vsque, relictis impedimentis omnibus, Rex excurrit. Initio vero anni insequentis, qui fuit à nato Christo supra mille quingentos nonus & quinquagesimus, magno hominum concursu & frequentia, generalia totius regni comitia Petricouia celebrauit. Auebant tum homines de Interregno eiusq;

reme-

remediis ab ordinibus aliquid constitui,
& modum futuræ Regiæ præscribi electionis; cum post tertium Sigismundi Augusti connubium de prole ipsius iam quodammodo vulgo videbatur desperatum. Iterare enim coniugia, & nullam procreare sobolem, argumentum futuræ est sterilitatis. Quæ cum in multis terribilis, tum in Regibus est terribilissima, quibus filii non tam ad eorum voluptatem, quam ad populi necessitatem generantur. Sumere quippe quam eligere potius Reges, semper tutius est æstimatum. Itaque & Rex quidem ipse, cui Calendis Augusti nato, eadem illa die Astrologus quidã Cracouien. cœli figura erecta, provinciam regni cum adiuncturum, sed nullos liberos relicturum, forte prædixerat, ea tam periculosa de re aliquid voluit etiam commentari. Proximo enim incendio restinguendo imi& supremi æque concurrunt. Sed ea in lucem cōspectumque prolata, cum non vsquequaque vulgo probata fuissent, auctis etiam suspicionibus, in cassum omnia abierunt. Iam in-

terim mortua fuerat Regina Bona, non
peræque in omnes, vt antea diximus, be-
ne animata, quæ cum eodem illo anno,
nec scio si non & mense, ex Polonia, quo
Carolus V. Cæsar exierat ex Belgio; eo-
dem rursus anno vix integro post bien-
nio desuit esse in viuis, nihil hæreditatis
relinquens liberis. Quod Laurentius
Papagoda, cum denuo in Poloniam vole-
bat redire, venenum ipsi propinasset, &
supposititio cõdito testamento Ducatũ
Barensem ab Rege eius filio ab alienasset.
Quæ res quomodo acciderit, ad memo-
riam posterit temporis, breuibus expone-
mus; vt per quæ quis antea peccauerat,
iusto Dei iudicio postremo agnoscatur
castigatus. Inciderat illa principio in te-
nuem admodum febriculam, & paulo an-
te Sigismundus Fanellus Italus, culinæ Re-
gis Sigismundi Augusti magister, Barum
ab ipso ad eam venerat officii causa visi-
tatum. Sed per viginti fere quibus decu-
buerat dies, inualefcẽte paulatim morbo,
cum non ex obscuris quibusdam sermo-
nibus si conualuisset redire eam in Polo-
niam

niam velle coniectaretur, corrupto pecunia Medico Ioanne Antonio Materacens. potionem medicam veneno infectam ipsi propinari curauit, & simul cū Regina Medicum quoque intoxiuit. Qui cum medicinam ipsi attulisset, vt & ipse prægustaret voluit, atque adeo cum tergiuersaretur, vt dimidium eius integrum ebibisset, identidem postulauit. Quod cum Laurentius Papagoda, qui astabat, animaduertisset, proripientem se Medicum in penetralibus detinuit, nec prius exire quā virus præoccuparet præcordia tādē permisit. Quo & factum, vt Medicus exiens ad circumstantes amicos non nisi octiduo se superuicturum, Regnam vero vix triduum superaturam affirmauerit. Quod ipsum scelus scelere vt Papagoda cumulasset, per quendam Paulum Franciscanum Reginae confessarium, vt testamentū conderet, præstitit, se impulsorem; non eo quidem animo vt testamentum valuisset, sed vt ipse quoq; ea occasione contrarium ipsi opponeret, & omnem hæreditatē ac Reginae thesauros,

in Re-

in Regem Hispaniarum, ac in ſe ipſum transferret. Erat earum rerum omnium conſcia Marina quædam dicta Monialis, quæ à pueritia ſua apud Reginam conſe- nuerat, omnib. fallaciis fraudibusq; eru- dita; quæ, cum iam animam ageret hera, & dum teſtamentum illud ſuppoſititium omnibus audientibus legeretur, manu ad caput eius admota, quaſi aſſenſum præſta- ret illud inclinabat, & quod Catapanus publicus Notarius ex mandato Reginæ rite cōfecerat, irritū inaneq; auctore vero Papagoda exaratum validum reddere cō- tendebat. Quibus artibus Sigismundus Auguſtus Rex eluſus, non prius quā abalienatione illa Reginæ à ſe teſtamento fa- cta, rem quomodo ſe habuiſſet intellexit. Papagoda interim ad Ferdinandū Albæ Ducem Proregem Neapolis, & ad ipſum Philippum Hispaniarum Regem in Bel- gium profeſtus, quomodo illud ſuum te- ſtamentum falſum ratum & probatum apud eū effeciſſet, nullis parcendo ſum- ptibus, dies nocteſq; procurauit. Magnū quippe æs magnæ requirunt molitiones.

Arque

Atque hunc demum exitum tulit Regina Bonæ procul à suo regno & liberis longinqua & senilis profectio, quam statim à morte mariti, maximis quibusque Principibus apud filium pro ea se interponentibus, valetudinem causata, inconsiderate meditabatur. Omnia enim quæ inceperis, non tam qua, sed quo & quomodo terminaueris, ad certam rationis normam sunt ponderanda. De cuius morte, quæ in annum supra millesimum quingentesimum septimum & quinquagesimum inciderat, quanquã vel antea quoque Rex Augustus sciuerat, non prius tamen quam nono & quinquagesimo in Comitibus Petricouia exequias ipsius celebravit. Quo eodem etiam tempore Carolo V. Cæsari in Hispaniis extincto ibidẽ est parentatum. Vt enim in vnum eundemque annum discessus, sic in eundem etiam fere incidit & obitus Reginae ac Imperatoris. Sed dimissæ fuerant interim variae à Rege ac multiplices hinc inde legationes. Ac primus quidẽ ille Albertus Kriscius spectabatur, qui & ante in Angliam

ad Re-

ad Regem Hispaniarum in Belgium est
ablegatus. Cui vt primum Regis alloquē-
di facultas est data, petere ille Baren. hæ-
reditatem sui Regis nomine non dubi-
tanter voluit, & cum à Philippo Rege
num beneficio Regio adire eum vellet,
an vero ex testamento repeteret vicissim
interrogaretur? Se nihil cōtra dignitatem
sui Regis facere posse vel debere, sed quod
ius & iustitia esset, postulare respondere
non dubitauit. Cui Rex leuiter pectore
tacto in penetralia Palatii se intulit &
subiunxit: Bene habet inquit. Eatis Nea-
polim ea de re litigatum. Qua in re si
Legatus deliquerit, non meum, sed alio-
rum, & maxime posteritatis, esto iudiciū,
minus fortasse odio aut gratia vitiatum.
Post hanc quidem legationem in varias
orbis partes non multæ, sed propemo-
dum dimissæ sunt aliæ etiam infinitæ.
Nam non solum Ioannes Vissocius Abbas
Landen. Romam, Ioannes Volscius in
Hispanicam aulam, Konarski post E-
piscopus Posnaniens. Neapolim, sed ipse
etiam Ioannes Przerembski, Archie-
pisco-

piscopus Gnesnen. & primus Regni ac Senatus Princeps, Viennam ad Ferdinandum Romanorum iam Cæsarem, qui arbiter esse debuerat, maximo & splendidissimo profectus est cum comitatu. Sed antequam adhuc ista fuissent, idem ille Ioānes Przerembius, Archiepiscopus Gnesnen. tum primum factus, in Comitibus Petricouię Philippo Padneui Procellariatus resignato munere, Comititia illa, quæ ab anni principio in quadragenarium ieiunium fuerant protracta, terminauit. Ex quibus Sigismundus Augustus Rex Cracouiam profectus, cum extremis illis ante Pascha diebus aduenisset, de Philippi Padneuii Procancellarii regni graui quodam infortunio haud libenter intellexit. Comitabantur hunc ex arce à Rege redeuntem, vt fit, quamplurimi, & inter bonos aliqui etiam latrunculi: quorum vnus audacior ob vestes non sordidas factus, cum torque aureo in mensa relicto, in penitoria cedium se inferentem Padneuium conspexisset, illico torque mēsa sustulit, & quod appensum

pentum sigillum regni torqui fuerat ignarus, cum eo aufugit; & nocte intempesta Bochnam vsque properauit. Erat Padneuius eo tam repentino nec opinato casu vehementer perturbatus, nec cui culpam dare recte potuisset, facile apud se inueniebat. Rex etiam ipse à Nicolao Trzebochouio præcipuo Camerae suo præfecto certior ea de re factus, stabat initio attonitus, & quædam hac in parte exempla ad atrocitatem facti exaggerandam memorabat vetustatis; sed tergo ad focum, apud quem se tum calefaciebat, verso, vti que non de fore artifices Cracouiæ, qui huic non absimile sigillum conficerent, tandem respondit. Quæ dum ita sus deq; agitabantur, & dum tota Cracouia furto illo personaret, fur tandem Bochnæ à Crzikouio Vicezuppario inuentus, & primum quidem ad Nicolaum Radiuillum Palatinum Vilnen. tanquam herum suum veterem Cracouiam missus, postea ab hoc magno cum comitatu veniente contusus iam ille Regius in sigillo ales, Padneuius est restitutus. Nec mora de fure etiam

ipso

ipso atrox sumptum est supplicium, qui candēti sigillo per compita prius excarnificatus, laqueo extra urbem vitam finiuit; ac omnes illas friuolas de non nemine suspiciones, facti vt se habebat narratione tranquillauit. Semper enim magistratibus inuidetur nouis, & factis inuidia & maledicentia eo etiam maior, cum inceperit, facile conflatur alienis. Rex interim per bimestre cū Cracouię cōmoratus, & ab Andrea Zebridouio Episcopo Cracouiensi, vno, atque item Ociefsio Cancellario & urbis præfecto altero, epulo honoratus splēdidissime fuisset, retulit se rursus in Lithuaniam, urbano magistratui & populo, apud quem postremo ante mortem visendum se præbuerat, valedicens vniuerso. Nec non & Ioanne Lasco decrepito sene Hieronymi Lasicii fratre, tum temporis etiam illibenter viso, qui ante triginta annos ad Henricum VIII. Anglorum Regem profectus ibique liberaliter habitus, post liminio, mutata licet religione, in patriam à Rege reuocatus reuertebatur; quem postea ad Albertum in

Prussia Ducem, apud quem erat gratio-
sus, placuit quoque ablegasse. Iam vero
in Lithuaniam apparanti iter Gotthar-
dus Kethlerus, ex Augustanis imperii Co-
mitiis veniens, forte se obtulit hospitem,
haud ita ingratum, quantumuis licet in-
speratū omnino. Quæsierat ille tam apud
imperii status & ordines, quam etiam
apud Daniæ Sueciæque Reges, & apud
alios Principes contra Moschum auxilia,
& postremo à Rege etiā Poloniæ Sigismū-
do Augusto eadem venerat postulatum:
neque tamen aliud responsi tulerat, quam
vt Vilnam venisset, ac de omni re & de-
fensionis suæ modo & ratione cum Re-
ge & Senatoribus illius Prouinciæ, quæ
Liuoniæ contermina esset, consultasset.
Quam tamen Vilnam à festo Penteco-
stes statim Cracouia Rex discedens, non
prius quam intra vnum mensem potuit
attingere; lue pestilenti, vbicunq; transi-
bat, grassante, & simul ac Vilnam venisset
quiescente: quod portenti nescio cuius
loco tum temporis habebatur. Præces-
serat & ipse Palatinus Vilnen. Regē Vil-

nam

nam vsque tempestiue, ipsique cum numerosissimo splendidissimoq; comitatu obuiam vicissim factus, reuerenter & officiose Regem salutauit: ac mox & ipse Kethlerus, vt constitutum fuerat, cum non mediocri Crucigerorum, & aliarum familiarum comitatu, Vilnam etiam ad Regem tandem aduenit: vbi (vt in omnibus nouis & difficilibus rebus accidit) non parum temporis initio consultationibus est extractum. Nam primis illis pactionum ceu fundamentis quibusdam iaciendis, modica admodum tanti belli contra Moschum pro Liuania suscipiendi ratione Regi promittebant, & lauitia, quæ interim à Rege Kethlero & eius Comitatu affatim suppeditabantur, magno constabant; adeo vt aliquando eorum tergiuersatione Rex offensus Varfautio harum rerum scriptori, Secretario suo, cui ob Germanicæ linguæ cognitionem cum Liuonibus tractandi demandata fuerat prouincia, aperte diceret; Viderent quid facerent, omnem quidem illam moram &

culpam in caput eorum redundaturam. Iam quippe & Derpatum à Moscho captum, & multæ aliæ Liuonũ arces & munitiones fuerant interceptæ. Quæ res effecit, vt paulo maiori cura & celeritate pactiones illæ inirentur. Ac primum quidem Kethlerus debitam subiectionem Regi præstaret. Deinde vt non amplius Teuthonici ordinis Crucigerorum in Liuania magister, sed feudalisi Curlandiæ & Semigalliæ Dux assignatis ipsi possessionibus amplis, re & nomine haberetur. Ex aduersus Sigismundus Augustus Poloniæ Rex apud ordines efficeret imperii, ne Kethlero & Crucigeris fraudi ea res fieret, quam extrema adacti vi & necessitate in defensione sui coacti commisissent, idemque conscientiarum vt vocant iis permetteret libertatem. Iam enim tota Liuania facta tum fuerat Lutherana, & illa grauis bellorum non prius eam infestauit calamitas, quam à Religione descuerat Catholica, fido præsidio domesticæ & externæ tranquillitatis. His igitur veluti primis pactio-

num

num vt dixi fundamentis iactis, solenne & publicum epulum Vilnæ Kethlero & Crucigeris à Rege est exhibitum, demum & alia etiam pacta accesserunt quamplurima, quæ pro variis rerum & temporum occasionibus à diuersis oportuit variis modis & dimissis legationibus tandem firmari. Ac primus quidem Nicolaus Radiuilus Palatinus Vilnen. & Romani imperii Princeps factus, in sequenti anno Regium Legatum cum summa amplitudine agens, & splendidissimo numerosissimoque cum Comitatu Rigam veniens, auctor Liuonibus extitit, vt & Archiepiscopus Rigen. qui vnus ex Brandenburgica familia fuerat, & ipse Liuoniæ magister Regem Sigismundum Augustum Vilnæ inuississent: fore vt de omnib⁹ facilius transigerent, & coram quam per internuncios aut etiam literas commodius ista tractarent. Qui enim effectum aliquid cupit, ipse veniat necesse est; qui secus, per alios id fieri, licet non semper bene, tractari patiatur. Venit ergo vt promisc

rat Vilnam ad Regem Archiepiscopus, cuius erat consanguineus, Anni post mille quingentos sexagesimi primi ipso principio, cum iam non modo Moschus, sed ipse Ericus Rex Suecus infestare Liuones cœperant, & ad quasuis à Rege Poloniæ acceptandas condiciones extimulabant. Habebat is duos alios fratres, Ioannem & Carolum, in quos non æque semper beneuolo propendebat animo, vt erat vario & multiplici præditus ipse ingenio, nec omnium optimos habebat perpetuo consultores. Quo erat factum, vt Ioannes maior natu Erixi frater Finlandiæ Dux, Vilnam ipse ad Regem veniens, Catharinam Regis sororem in matrimonium sibi dari postularet. Erat is Gostauri quondam Suecorum Regis filius, præclare indolis & expectationis Princeps, qui aditis etiam exteris nationibus ita ingenium excoluerat, vt præter aliquod linguas alias Latine expeditissime loqueretur. De his nuptiis, cum Senatores eorumque sententias forte Rex exquireret, inter

alios

alios Padneuius dotale regnum quæri, sed tamen non improbandum connubium testabatur. Cui etiam Rex ipse, sorore prius interrogata, assensus est, suadente primum Nicolao Radiuilo potissimæ tum apud Regem auctoritatis, sed mox eodem illo dissuadente, ne in arcem Rigen. in Finlandiam proficiscens intromitteretur. Magnæ enim latebræ & recessus animis sunt Principum, etiam coniunctissimorum; & in eorum nuptiis plena quidem omnia splendoris, sed non usquequaque expertia semper sunt angoris & suspitionis. Nam ne tam quidem cito in Finlandiam Ioannes Dux venerat, ut cum Ericus frater detineri statim fecerat; quod apud Regem inimicum, quo cum ille de Liuonia certaret, affinitatem quæsuisset. A quo Catharina coniunx, raro constantiæ exemplo, ut detentionis, imo carceris illius quotidie maior sequeretur fœditas & diuturnitas, nec diuelli quidem aliquantulum potuit; & semel datam marito fidem cum magna sanctimonix & firmitatis suæ

laude inuiolabiliter conseruauit. Quam etiam postea Deus Opt. Max. felicissima prole auctam non modo cum marito in libertatem, sed ad ipsam Regiam vindicauit libertatem; cum Ericus conscientia scelerum, vltro se ipse regno & gubernaculis abdicasset. Ob sanctimoniam enim coniugum, calamitates maritis iniustæ gloriosis successibus (vt plerumq; fit) diuinitus pensantur. Porro per illud idem temp⁹ non vsquequaq; etiã omnia tuta & quieta erant in Polonia, ac paulo ante Albertus Lascus, magni illius bellatoris Hieronymi Laszi Palatini Syradien. Palatinus & ipse eiusdem loci postremo factus, vnigena filius, ex Polonis, Hungaris, & Burgundis aliquibus, conuiunte Ferdinando Cæsare & Hungariæ Bohemiæque Rege, Duce Antonio Antalo Hungaro, & Francisco Rossellio Burgundo, exercitum collegerat, quo per Sepusium & Hungariã, (non audebat enim per Poloniam) ducendo, Despotã contra Alexandrum in Valachia constitutare, vt & fecit, volebat principatu. Fictum erat illud De-

spotē nomen, & Ludimagister, qui paulo ante fuerat in Sicilia, vero cuidam Despotō in Caroli V. Cæsaris priuilegio furto ablato, Iacobum Heraclidem Basilicum, Paros, Samos, & Doridos Principem & vtriusque Mysiæ Dominum vulgo se venditabat. Resistebat ei Lasçi subditi sui molitioni Sigismundus Augustus Rex vehementer, & tota Polonia vt olim patrem in Hungariam, sic filium in Poloniam Turcas inducendum clamabatur. Qui nihilo remissior eo factus, quo magis illud consilium suum Despotæ in Valachiam inducendi occultasset, Despotum simulato morbo aliquandiu decumbere, postea etiam tanquam mortuum solenni funebri pompa Kesmarci fecit efferri, Regio apud se internuntio, & Alexandri Valachie Palatini legato præsentibus, qui illum ab illa expeditione venerant dehortatum. Nec diu postea, occupata Lasçi beneficio Despotes Valachia, paulo amplius bienio ea est letatus: cumq; maxime potuisset, in eum non fuit ita gratus, vt quæ eius causa oppignorauerat bona, saltem à

creditoribus ipſius exemiſſet. Quippe nihil eſt periculoſius, quam incertiſ ſedibus & patribus cōmitere ſe ſuaque vagantibus, & proprias, alienis cupiditatibus vt ſeruias, oppignorafſe facultates. Ac cuius quidem Deſpoti in Valachia necce quidam Valachi, qui in Poloniam ex Valachia fugerant, quod partim conſcii, partim auctores eiſ necis dicebantur, ne ex pacto Turcico Cæſari contra dignitatem regni reddendi eſſent, gladio Leopoli iubente Rege ſunt percufſi, & opima ſpolia ex iis reportata. Nefas enim fuerit, quales quales tandem Chriſtianos, Chriſti hoſtibus maſtandos, domui reddidiſſe. Ab eo Valachiæ motu, cum ſuperiorum temporum licentia noua quædam Polonos inceſſerat etiam religio, Nationale, quod vocant, Concilium ante Oecumenicum Tridentinum cogendum omnino quoq; videbatur. Itaque ineunte ſtatim vere, ſub finem quadrageſimalis leiunii, Ioannes Przerembius Archiepiſcopus Gneſnen. & Philip-pus Padneuius Cracouiẽ. Epicoſus, ma-

gno

no cum comitatu diuersis ex partib. Var-
savian venientes, quorū numerum sena-
tores etiam quidā & inter hos Cancellarius
Ociescius forte auxerant, feliciter in-
choarunt, & legatos pro Concilio Tridē-
tum mittendos regio cum scitu & aucto-
ritate elegerunt, quorum vnus Herbur-
tus Episcopus Przemisslien. & Falęcki
Abbas Sulciouien. alter spectabatur. Ad-
erat & Stanislaus Orichouius, in hoc eo-
dem conuentu ipso, tantopere à Catholi-
cis, vt pristino suo more ad vnitatem Ec-
clesiæ rediisset, perpetuo desideratus. Qui
quod errore seculi à recto tramite lapsus
fuerat, publice omnib. audientib⁹ eleganti
oratione, quę typis vulgata extat, palino-
diam decantauit. Morabatur autē vt fere
semper Sigismundus Augustus Rex in Li-
thuania, præter quod hyberno quodā tē-
pore Lomzā semel excurrebat, & Petrum
Myscouium Secretarium maiorē factum,
absentibus Cancellariis, quadrato si-
gillo præter morem vti permiserat: vn-
de mox reuersus tum exercitibus ex Li-
thuania in Liuoniam expediendis, tum

vero

vero præfectis idoneis toto suo regno disquirentis, occupabatur. Non minor enim in copiis, quam in copiarum ducibus, Principum eorumq; potentiaë consistit firmitudo. Sed vnus ille eminebat maxime, Florianus Zebrzydowski Castellanus Lublinen. & comitatus Aulici præfectus, libellorūq; supplicū magister Regius; quod non modoiuris iustitiaëq; consultus, sed etiam bellator egregius, & libertate Senatoria dicendi præstans haberetur. Hoc igitur Polonicorum exercituū summo præfecto creato in Lithuania, vicissim ille Stanislaum Lesnouolscium Castellatum Cziechanouien. cum parte exercitus contra Moschorum, quæ maiores opinione fuerant, copias dimisit: & Stanislaum Zarnoscium tanquam veteranum turmarum, tam in Podolia, quam vel antea in Liuonia, præfectum ei adiunxit, cuius consilio pro re & tempore vteretur. Dimicatum igitur à nostris, nec infeliciter, longe minori copiarum numero cum Moschis est ad Neuelium, nauantibus egregiam suis operam, turmarum

præfe-

præfectis aliquibus, in quibus hic idem Zamoscius, Iacobus Secigniouius ex disciplina militiæ Caroli V. Cæsaris profectus, qui totam armistectam equitum habebat Turmam, Nicolaus Senauius, Ioannes Zborouius, Andreas Chipoffscius, Ioannes Potocius, & alii complures fuisse memorantur. Euocabatur autem Rex sæpius in Poloniã, & Iordanus Spitko Melstinius, Sendomirien. Palatinus, ipse nomine omnium in Lithuaniam profectus, vt se Regem Poloniæ esse meminisset, serio eum hortabatur. Quo & factum, vt ab hac victoria paulo post interiecto tempore, ad totius regni indicta Comitia Petricouiam discederet; & Ioannes Basyrides magnus Moscouiæ Dux animosior crudeliorque factus, & Astracaniis Casaniisque domitis elatus, decapienda Poloczko, castro Lithuanix munitissimo, protinus etiam cogitaret: & ad dimidium Februarii magna cum multitudine exercituum veniens, & in credibili tormentorum vi & numero oppugnans, cum eius loci Pa-

latino

latino Douoina & frequentissima Nobilitate in suam redegit potestatem. Quo nuncio quinto à capta Polocia die, pro Comitibus Petricouiam allato, vt varii varie afficerentur, & quidam in gratiam Regis verbis vt fit detrimentum acceptum eleuarent; Rex quidem ipse, & saniorum non nemo vehementer indoluit, & Moschus non solum in Polonia, sed etiam in Germania & apud Anseaticas vrbes ipsas, qui ne classe extracta eas quoque aliquando lacefferet verebantur, tale nomen habuit, quale procul dubio formidolosum passim & vbique videbatur. Rex interim Sigismundus Augustus in quosdam Lithuanos reiciebat culpam: qua etiam de causa Vilnam reuersus, Victorinum Mosten. præfectum quæstionibus subiectum, & paulo post capitis damnatum, proditorum more in quatuor partes dissecari iussit; & ad vnum pœnam, metum ad multos & eos quidem etiam præcipuos propagauit. Quos ipse Victorinus, quod gaudiû est miseris socios pœnarum habuisse, in

focieta-

societatem supplicii haud dubie sortiri clam suggillando expetiuit: Sed expedit rebus, fontibus non omnia credere, beneq; condita non mouere. Quo suorum ingrato erga se animo Rex nihil minus commotus, cum iam ingrauescente ætate Zebridouius illa exercitus administratione se abdicarat, Stanislaum Cikouium postea Biecen. Castellanum factum, veteranum toti exercitui Polonico præfecit bellatorem. Qui statim ad Smolenscum, quod & incenderat, ducto exercitu se copiasq; Polonicas mirifice nobilitauit. Nam Palatinus Smolensciæ, pro capto in excursionem quadam filio, Smolensciam ipsi dedere volebat; nisi interim filius à quodam gregario milite, qui cum non nouerat, occisus subito extitisset. Erat tum in exercitu regio Ioannes Goraiscius virtute & genere clarus, turmæ equitum præfectus, qui quod in quodam lacu, glacie tum concreto, alios cōmilitones suos cupidus gloriæ anteuertens, sex ex suis amiserat, quod animo suo quā consultius in hostilem aciem

irruere-

irruerat, causam dixit; & non modicum quidem initio inuidiæ, at multum immortalis gloriæ inde tandem reportauit. Erant tum in exercitu tota Polonia præfecti Turmarum florentissimi, Stanislaus Comes Gorkanus, Nicolaus Melecius, hic Podoliæ, ille Posnaniæ Palatinus, duo Senauij vtrique postea Senatores, vt Ianusium Latalscium, & Ioannem Lesnouolscium postremo Cernen. Castellanū, vt multos denique alios præteream, quos enumerare omnes longum, & proculdubio etiam non fuerit necessarium. Nam in aliis quoque regnorum prouinciis, qui strenuam operam nauarent Reipub. passim reperiiebantur: ac imprimis Michael Debinscius dictus Schoppa, nunc interceptendis in Liuonia hostilibus arcibus, nunc diuersi nominis & seminis profligandis hostium aciebus, vel ipsorum inimicorum confessione maxime laudabatur. Nescit enim occultari virtus, & vel in mediis tenebris semper resplendet. Erant autem ea quæ præterierant Petricouien. comitia tum amissæ Polociæ clade, tum

noua quadam inchoata legum exequutione; nunc Episcopis iuris dicundi adēpta facultate, maxime odiosa & quodam modo etiam funesta: cum Episcopi ex Concilio flentes & gementes discederent, & veteri cuidam querimoniz propter immensas Regum largitiones, de accisis vectigalibus regni ac continuis tributis, non modo ordines, sed homines omnes perpetuo inhærerent: quod tamē ipsum non tam Reipub. causa, quā priuati compendii & cupiditatis nescio cuius gratia, vt vni adempta cessissent alteri bona, videbatur introduci. Flagrabant autem inuidia aliqui regiis ditati facultatibus, & vnus ille Ioannes Ocieffius, regni Cancellarius, quod is potissimum esset, qui regia bona multa haberet, & legū exequutioni obstaret, occultis quorundam sermonibus vulgo sugillabatur. Qui vt nobilitatem delinuiisset, adductis pro comitio paruulis secum filiis, priuilegiisque ac donationibus Regum publice prolatis, cultro quidem diplomata discidit, sed mox etiam pariter filiis infeli-

cissima quaque imprecatuſ eſt, ſi in frau-
dē Reipub. aliquid regiarum obtinuiffent
facultatum. Qui etiam ſtatim Petri-
couia Cracouiam veniens, diem ſuum
obiit; magno bonorum deſiderio, qui ta-
lem Cancellarium haud ita cito futurum
ominabantur. A morte namque Quis,
Quantuſue quiſque fuerit rectiuſ æſtima-
tur. Rex interim ipſe, ſicuti erat magno
ingenio & rerum uſu præſtans, ut magna
& magnifica ſenatoribus uiris debere ſe
fateretur, occulte tamen municipalibus
legatis quibus exagitarentur, & regia bo-
na miſſa facerent ſuggerebat conſilia &
municipalibus legatis à nocturnis ſecum
congreſſibus, cum à partibus eiſ ſtabāt,
eam referebat gratiam, ut & bonis Rega-
libus, & ſenatoriis muneribus poſtremo
tandem potirentur. Sic orbis ille, qui o-
mnium eſt eſſeq; debet incorruptibilis,
distribuendarum in Repub. dignitatum,
non tam publicis cōmodis promouēdis,
quam ſuis amplificandis, ſæpe verſatur, &
ordo ordini recto ac legitimo cōtrauenit.
Verum non illa executionis legum vna,

sed multæ etiam ac magnæ aliæ regiam mentem torquebant cogitationes: quo magis hac non tam perfecta, quam affecta re, de Lithuania item Polonia certo fœdere vnienda dies noctesque consultabatur. Nondum quippe ab Vladislao Iagellone, initis inter has duas gentes & nationes pactis, fuerat satisfactum. Qua etiam de causa anno à Petricouien. comitis, aut paulo plus mox exacto, vnionis ergo, alia indixit Varſauię Rex comitia, nouo in iis post Nicolai Meleci Palatini Podolien. obitum, Ioanne Fierleio Palatinatei Lublinen. vltro cedenti; Marschalco regni creato, memoranda; qui Patris & Aui primorum senatorum regni, suisque præstantibus meritis, cum summa auctoritate munus illud tuiturus, vt & fecit, ab omnibus credebatur. Reuerentur enim homines, tū virtute propria, tum & maiorum imaginibus commendatum libentius magistratum: tum vero vel maxime id videas, quo maior virorum præstantiū incidit in regnis penuria; qualis biennio ante mortuus Ioannes Comes erat Tar-

nouius, non modo in patria, sed etiam extra patriam magni nominis Lusitaniæ Regis Imperator. Ardebat autem Lithuania Liuaniaq; pariter bello quodam modo perpetuo, sic ut pro iis Varsaviens. comitiis, ægre Lithuania præceres venire posse diceretur, capto præsertim interea temporis Christophoro Megapolen. Duce; qui quod Archiepiscopatum Rigen. regia gratia fuerat adeptus, nec satis beneficii extiterat gratus, ac deniq; cū Erico Sueciæ Rege quarundam conspirationū contra Regem accusatus, arte Dalen. ditione facta in regionum peruenerat potestatem, militante sub vexillis regiis tum etiā Ernesto Veiero, strenuo, & experiente bellatore, qui non parum momenti summæ rei & belli ipsius administrationi procul dubio etiam afferebat. Cuius quidem Megapolen. Ducis casum, Stanislai Vassouicii præfecti militum & aulici regii, ab eo in mensa pugione confossi, indignissima mors adeo etiam prægrauabat; ita ut paulo post in Castro Rauen. sexennio detentus, nō nisi extremis illis Lubli-

nen. comitiis, in quibus cum Lithuania inita sunt pacta, fuerit cum maxima difficultate liberatus. Callida namq; consilia ipsimet tandem nocentiora redduntur auctori. At vero praestituto Comitiorum Varaviae die, frequentissimi quidem Poloni, ex Lithuanis non nisi Nicolaus Radiuilus Vilnen. Palatinus, cum fratris filio & paucis aliis publico nomine venit. Veste is longa & lugubri à morte suae coniugis, & amplissimo comitatu, planeq; regio omnis generis ut semper apparatu utebatur: & partim natura, partim etiam studio ea ornamenta habuerat, plane ut admirabilis multitudini videretur; ab eademq; ob faciem barbamq; nigram, & exquisitum vestium epularumq; nitore, & magnificentiam, quam in aula Caroli V. Caesaris didicerat, Hispanus dicebatur. Hic igitur in conspectum prodiens regium, meditata oratione de hoc negotio unionis habita, ita Regem eiusq; commouit animu, lachrymas ut ipsi excutere & quibusdam Polonis, qui facundiam & principatum linguae Polonicae sibi

vendicauerant, in admirationem sui rapere quodammodo videretur. Nec mora, Ioannes Megapolen. ipse re & nomine Dux, capti Christophori frater maior natus germanus, cum superuenit; qui non tam fratris libertatem, quamquam & hanc in speciem quidem, quam ipsum Archiepiscopatum Rigen. à Sigismundo Augusto Rege, itē pro Sigismundo Augusto suo filio, enixe postulabat. Quē & obtenturus credebatur omnino, si ut promiserat legatum ad Regem suum Bielscum misisset, & bona peræque fide cum Rege omnia transgisset. Expirante quidem Comitiorum tempore, cum & ipse nescio quarū molitionum rursus insimularetur, & legatum non mitteret, spe sua frustratus est: & Rex vniis Varsaviae peractis, incunte vere primum Bielscii, mox & in Augusto Parczouiae alia Comitia vnionis ergo celebrauit. Sed Bielsci primum fulmine arx tacta, demum etiam Imbraimi Straschi Polonici, Turcici aulici & legati aduentus nonnulla perturbauerat. Parcouiam vero quo minus Lithuani venif-

sent,

sent, tempestatem patriæ sunt causati, in quibus tamen comitiis ordinū consensu æris alieni in bona regia inferendi tercentorum primum millium, paulo post in aliis comitiis ducentorum summam Rex consecutus est potestatem. Allatus vero interim in hunc eundem conuentum de Ferdinandi Cæsaris obitu est nuncius, qui, sicuti ipse prædixerat, die D. Iacobo sacro, suo Hispanorum tutelari patrono Viennæ, paulo sexagenario senion mortem cum vita commutauit. Princeps religionis & tuendæ ac amplificandæ Ecclesiæ studio incomparabilis: qui primus, Stanislaus Hosio Pii III. apud se legato auctore, Iesuitas in Germaniam acciuit, & Hosius vicissim eodem quo ille mortuus est anno Bransbergæ eorum collegium ad Christi gloriam, & ingentem iuuentutis vtilitatem primum in Polonia feliciter instaurauit. Mouebant autem admirationē Regi, Maximiliani Secundi Cæsaris ad se datæ literæ, quibus Romanorū se statim nuncuparat nondum inauguratus Imperatorem; ignarus quod omnes

confortes Imperii à morte Cætarum Cæ-
sares mox appellentur. Tuta enim suspi-
ciosi timent, & non ex omnium optima
conscientia, vel friuolis suspicionibus sæ-
pe indulgent. Iam ille tum remittere in
Austriam cogitabat suam coniugē. Quæ
ipsa res partim metus, partim etiam causa
fuit suspicionis. A Parcouien. porro Co-
mitis in Lithuaniam se recipiens, nunc
Vilnæ, nunc Grodnæ diuersos habuit cõ-
uentus, & diuersis subinde ac sibi aduersis
vel nonnunquam proceribus, concede-
bat magistratus. Nam Kethlero amoto,
gubernationem Liunionæ dederat rursus
Ioanni Chodkieuicio, cuius familia Ra-
diuilanæ quodam modo contraibat. Po-
tentibus enim frenandis, potentes ple-
rumque iis opponuntur. Quanquam tan-
tum quidem abfuerat, vt per id Radiuilo-
num debilitaretur potentia, quod etiam
Nicolai Radiuili Palatini Vilnen. formi-
dabilis euaserat iam industria, qui impe-
diendis regiis in negotio vnionis cona-
tibus, nunc hæc, nunc illa contra Regem
tentare dicebatur. Sed expertem esse

omnis

omnis proditiōis mors tandem nec opinata superueniens, facile declarauit. Frater etiā ipsius patruelis, Nicolaus item dictus Radiuilus, quem ad differentiam Nigri alterius vulpem Rex dicebat, eam consecutus fuerat auctoritatem, vt cōmunis tuendæ acerrimi spectarentur defensores dignitatis. Qui arce Tauris multo ante expugnata, in Baraniis etiā campis innumerabiles Moschorum copias sub id tempus gloriose profligarat. Chodkieuius vero vt administratione Liunionæ potiretur, non peræque bonam Regi & Reipub. nauarat operam, Hula munitiōne Moschouitica irritō conatu, & accepta vel aliqua suorum clade, audacius quam prudentius media hyeme oppugnanda. Erat quidem is Lithuanix procerum fere præcipuus, in Caroli V. Cæsaris aula inde ab ineunte ætate educatus, & cū non vulgari doctrina, tum militari licet vario & vehementi ingenio, multis aliis antecellens: ab eius tamē gubernatione, siue ob immensas quas faciebat donationes, siue ob Polonos Lithuanosque in

alienis domibus factos insolentiores, in peiorem statum semper degenerare coepit Liuania, & hostes ipsius quotidie magis ac magis augeri. Nam Ericus Sueciae Rex, qui mentis compos haud fuerat, exercitus identidem in Liuaniam mittere, & fratrem captiuum regium affinem nihil minus, quam ex carcere cogitabat liberare: in quem tanto odio & malevolentia ferebatur, ut nobilissimas quoque toto suo regno matronas, ut maritum defereret, ad eius coniugem miserit ad persuadendum. Sed cum illa quod Deus coniunxisset, hominem non separaturum respondisset, minas etiam addidit, Moscho, qui illam ex peteret, danda, si ab obstinatione non resipuisset. Sic nobile caput hic & ibi immolandum, pignoris loco debuit esse amicitiae tyrannorum: contra quem cum Friderico Danorum Rege percutere foedus, Francisco Russecio Castellano Naclen. & Nicolao Grabouecio legatis ad eum dimissis, quibus etiam postea & ipse Cromerus, ac Demetrius Solikouius Leopoliensis Archiepiscopus, multis legationibus clarissimus,

adiun-

adiunctus fuerat, Sigismundus Augustus Rex pertentabat: sed plus spei quā rei illa habebant consilia, & bonis regiis imminutis, regia etiam negligebatur inter Liuones potentia, ipsomet Chodkieuicio auctore. Qui cū Hule oppugnatione hyeme tantata, Moschum spiritu auxisset; nullum non mouebat lapidem, ut illam susceptam maculam quoquo modo deleuisset. Ac submisit quidem gubernatorem Liuoniæ agens, Nicolaum Taluoz postea Castellatum Samagicie factum, certis cum copiis Reualiam versus, qui non procul ab ipsa regiis eiusque auspiciis Regis Suecie non contemnendum exercitum apud Vilnam Kerempesch profligauit. Quo eodem fere aut modico ante tempore, illam eandem Hulam Romanus Siengusko clarissimi generis & virtutis Dux etiam exusserat; & Chodkieuicii errorem magnopere emendarat: fusis præsertim nobilissimis Moschi Seremeto, & Srebrni Ducibus, quibus ille Tyrannus vix habebat præstantiores. Militabant autem cum Siengusko
præcla-

præclari quiq; nobiles, & inter alios Georgius Drucki Sokolinski adhuc adolescens-
tulus, sed magnæ expectationis spectabat.
Quib⁹ ad eum modū in Lithuania gestis,
anno à nato Christo supra mille & quin-
gentesimum sexto & sexagesimo, Lublini
Rex indixit à Grodnen. Conuentu comi-
tia; quo eodem in Solimannum Turcarū
tyrannum Maximilianus Cæsar florentis-
simum duxerat ad Iaurinum exercitum
ipse quoque in expeditionem. Sed secre-
to iam ille prius apud Pont. Max. & Cæ-
sarem, cum Catharina coniuge sua sorore
Cæsaris egerat, frustra tamen, de diuor-
tio. Itaque aperte communicato cum se-
natorib. consilio, quædam non satis pro-
bata, ac nec optabilia quidem causatus,
dimittere eam ex regno velle se palam
est testificatus. Quod cum nec auditum
alias in Polonia fuisse Iacobus Vchanski
Archiepiscopus Gnesnen. sua in senatu
dicenda sententia affirmasset; & mox Ni-
colaus Volscius, qui proxime sequebatur,
Episcopus Vladislauien. crimine læsæ
Maiestatis obiecto eum coarguisset; senex

partim exterritus, partim etiam indignitate rei motus, supplex ad Regios pedes, ne uxorem dimitteret, flens gemenq; obsecrando, est prouolutus. Sed ea Archiepiscopi ad Regem oratio, à Regiis assentatoribus Senatui etiam intermixtis, ut erat Archiepiscopus senex, senectuti & facultati eius attributa, à Rege etiam ipso facile fuit contempta. Eo namque perniciosior est adulatio, quo ad vanitatem assentatoris maior aliquando & nec opinata accesserit auctoritas. Venerat autem Neapoli pro iisdem illis Comitibus, Stanislaus Conarius Episcopus Posnanien. cum non paucis nummum aureum millibus, qui ipsi à mutuo olim per Reginam Bonam Philippo Hispaniarum Regi pecunia data, quorannis soluebantur. De Ducatus interim Baren. hereditate nulla fiebat mentio, & in cassum omnes legationes missæ & mittendæ eo nomine videbantur. Cum nihilominus eodem illo, aut modico ante tempore, Petrus Barzi cum amplissimis mandatis, & magno stipendio à Rege auctus, Romam primum,

postea

postea etiam vsque in Hispanias profisceretur: qua etiam re commotus Rex, Catharinam coniugem, ad suos redire volentem, facilius discedere, & à Ioanne Thoma Droiouio ex Italia veniente magni semper nominis, ac multis magnis legationibus pro Repub. obitis postea claro, equū admirabilis coloris & bonitatis, sibi donari non inuitus patiebatur. Nam vel inferiorū munera nobis oblata grato animo accipimus; Regum autem opes, quę tantum abest vt nobis aliquid ferant, vt etiam incommodent, vel nonnunquā taciti posthabemus. Iam vero dum hæc ita Lublini fuerant, & partim Rex Floriani Zebrzidouii Senatoris, bene de se & de Republ. meriti, corpori humano non deesse; partim Tencinii, qui sororem suam Nicolao Zborouio in matrimonium dabat, nuptiis volebat interesse, ij qui emerita flagitabant stipēdia in arcem impetu facto, Regem quodam modo ipsum occludere, & ad solutionem adigere velle nitebantur. Quod cum Philippus Padneuius Episcopus Cra-

couien. qui in fenestra cum Rege erat, intueretur; illam licentiā bombardis maioribus frenandam non dubitanter publice omnibus audientibus est testatus. Quo nomine tātā vulgo inuidiam tulerat, vt & cum Ioanne Christophoro Comite Tarnouio Senatore amplissimo, licet non ea de causa, ad apertas etiam inimicitias venisse memoretur. Ægre enim omnes, maximeq; milites Episcoporum, ac nec vnus tumidi quidem imperium aliquando tulerint Imperatoris. Quod vt vel aliquid reprehensione vulgo dignū in Padneuo videretur, habebat ex aduerso virtutis & tam animi quam ingenii commendationem singularem. Nam inde ab inuente ætate apud Ioannem Tomiciū Episcopum Cracouien. eundemq; regni Cancellarium, cuius tum tanquam legum custodis, summa erat gloria educatus, Quis & quantus fuerit, tum domi tū etiam foris, multis & variis legationibus obitis declarauit. Ac vnus ille Carolus V. intelligentissim⁹ Casar hoc ei testimonii dederat, q̄ neminem externum legatum

melius

melius & fidentius latine suam legationem expedientem apud se habuisset, cū paulo ante nescio quis Polonorum legatus alter apud eum tantum non obmuerit, legatione sua & oratione habenda. Sic multi tum virtute propria, tum aliena ignauia maxime interdum illustrantur. Sed nos cursum narrationis nostræ ulterius prosequamur. Ab his quidem Lublinen. Comitibus Rex Sigismundus Augustus, in Lithuaniam tandem reuersus, ex Polonis & Lithuanis quibusque florentissimis, & adeo etiam aliquibus in stipendium conductis, exercitum ad Radoskouicium duxit ipse in expeditionem. Vbi multorum præfectuum turmarum Ostrogii, Stanislai Radiminscii, sed & Stanislai Ciolek de Zelechow, equitum turma non inferior spectabatur, qui oppignoratis bonis paternis, sui Principis gratiam vel illo quoque nomine volebat demereri. Toti autem Polonico exercitui Stanislaus Zamoiski postea Castellanus Chelmen. à Rege tum erat præfectus, summa liberalitate, & rerum bellicarum in-

telligētia pro tempore cōmendatus. Sed
difficulter vel aliquid ibi speres boni, vbi
magis potentiae ostentationi, quam suae
militumq; tribuitur virtuti: quae contem-
nenda in bello morte, non temere speran-
da victoria semper magis elucet. Iam qui-
dem ea Radoskouiana expeditio in au-
tumnum longius protracta, cum castra
primum ad Radoskouianum oppidum,
postea ad Coidanouium ponerentur, nec
tam factis fortib. quam perpetuis cōmes-
sationibus studeretur, ita in cassum abie-
rat; vt adeo Moschus quibusdam suorum
capitibus abscissis, & in castra Regia mis-
sis, Regi adeo insultaret. Insolentiores
enim tyranni principibus redduntur mi-
nime contra se bellicosus. Nam siue dicis
causa, siue suorum eneruandorum gratia,
bellum illud Rex cōtra Moschum moue-
rat; magis quam adiumento, detrimen-
to Reipub. cessisse videbatur. A quo non
multo post noua Petricouiae celebrauit
denuo Comitia; in qua Ecclesiasticū or-
dinē ratione iuris in politicos dicendi de-
nuo minuebat potestate. In quae, quoniā,

ob vehementes articulorum dolores, pro
præstituto tempore Cnischino non vene-
rat; Ioannem Thomam Droiuuiū vt pa-
tienter ferrent ordines moram, miserat
se excusatum; sed vt tandem magno cum
Comitatu venit, vt executionem legum
exemplo suo roborasset: eorum etiam in
Masouia bonorum, quibus à matre pro
pecunia præstita latabatur, quartam par-
tē Rauam intulit; ac quam nauus eius ex-
actor esse vellet Nobilitati declarauit.
Cuius fauorem aucupando, instigantib⁹
maxime contra Orthodoxos, vt vocant,
Euāgelicis, eā etiā facultatē vt dixi Epi-
scopis imminuit, quę censuris Ecclesiasti-
cis in rebelles promulgandis iure optimo
antiquitus eorum habebatur. Nam sacra
sæpe posthabentur prophanis, vbi vel
minima affulserit spes præsentis utili-
tatis. Nec ita postea diu retulit se rur-
sus in Lithuaniam, & ex Podlachia Var-
saviā veniens, Annam Reginam Plo-
ciam allegauit; vbi Petrum Zborouium
ex Turcica legatione redeuntem audi-
re, & in Prussiam publicorum negotio-

rumet

rum ergo quosdam Senatores cum nouis mandatis dimittere, ac denique ipsum Albertum Lascum à Tartaris vsque ad Euxinum sinum fugatis reuertentem, secus quam quidam eius æmuli voluissent, æquioribus oculis aspicere nō dubitauit. Scribi iam tum fuerant cœptæ, pro futuris Lublinen. Comitiiis, literæ, & Francisco Crassino ex legatione à Cæsare reuerso Secretarii maioris demandatus fuerat magistratus. Cum Petrus Myskouius Episcopus Plocen. factus, Cancellarii munere nihilominus adhuc potiretur. Qui non prius quam anni insequentis post sequimillesimum nono & sexagesimo, Lublini in Comitiiis illud deposuit; & cū Lithuanis vnio, felicius quam vnquam antea diu multumque tentata, finem suum est consecuta. Omnia enim indigent tempore, & temporalucrands animis diuturnitate. Quo loci cum illa Comitia à Ianuario vsque in Augustum Lublini perdurassent, non possum non meminisse Goscii, quem Rex mendacii conuincere volebat, vatinicii: Is enim

cum non prius ante messem, ephemeride edita, finienda testaretur, Rexq; sentiret contrarium: tandem ipsius prædictio tum primum visa est præualuisse, cum Lithuanorum præcipui Lublino noctu fugerent: & Regem, ut bellicam expeditionem contra eos decerneret, sua illa fuga, quod non cogitabat, animarent. Tanta autem illius nocturnæ Lithuanorum fugæ, in quibus Nicolaus Radiuilus & Ioannes Chodkieuicias præcipui fuerant, habebatur vulgo turpitudine; ut voce præconis à pueris conducti quonam aufugissent proposito tanquam pro vagis equis præmio, pleno foro clamaretur. Quod illi hæud ita morati, Slucen. etiam Ducem, qui si comitiis vnioni assensum præstitisset, locum suū veterē inter eos habiturus à Rege credebatur, interea temporis ne Lublinum iret audacter impediabant. Iā vero pro iisdem illis Lublinē. comitiis Selimus Turcarum Imperator, Nobilem quendam Polonum Straschum, postea, cum ad Machometismum descuiisset, Imbrinum dictum, apud Maximilianum

Cæsarē Francoforti in imperii comitiis, & apud Venetos aliosq; item Principes legationibus clarum, submiserat: vt non tã fere oratorē quam exploratorē in patria agens, exercitui Turcico per deserta & campestria Poloniæ loca Moschouiam versus eunti, à Rege & ordinibus impetraret facultatem. Res quæ indigna Polono nomine & semine procul dubio videbatur. Variantibus tamen, vt sit, ordinum sententiis, profectus est Turcarum exercitus ille Kazanum & Austracanū versus, per longa & deserta terrarum spacia, Andrea Taranouio, Regis familiari, & Turcicis aliisq; legationibus noto ubiq; præsentē: nec quo infiniti, non tam centeni quam milleni ipsorum Turcorū & iumentorum greges, à muscis & culicibus eo loci maxime aculeatis perirent, poterat prohiberi. Ac interim aut paulo antea quoq; tam in Regali quã in Ducali Prussia, graues exortæ sunt etiam temporū tempestates; ita vt Alberto seniore Duce iam quodam modo decrepito, externis quibusdam auctoribus tantum non ad

grauem & periculofam rerum & temporum veniretur conuerfionem, & Regalis item Pruffia, Gedanen. quibufdam auctoritatem regiam temere fibi vfurpantibus, non parum etiam laboraret. Cuius rei gratia in Ducalem Pruffiam Ioannes Sluzeuus Brzeften. Palatinus, Petrus Zborouius Biecen. & Ioannes Kořtko Gedanen. Castellani miſſi, trium capitali ſupplicio & duorum exilio totum illud quod fuerat mali facile tranquillarunt. Inter quos Chronographus Funccius capitali pœna publice puniendus, quam docto homini polypragmonifis, ut ille vocabat, periculofa fit, diſticho quodam ante mortem recitando teſtabatur. In Regali vero Pruffia plus fuit negotii, ad quod componendum Stanislaus Karnkouius Vladislauien. Epifcopus, Ioannes Sirakowski Læcicien. Palatinus & idem ille Kořtko Gedanen, ac Simon Schubſcius Ginowlodislauien. Castellani à Rege ablegati, quin parum abfuit quo minus violarentur. Gedanen, quidam in culpa dice-

bantur

bantur esse præcipui, qui postea apud Regem accusati causam in Comitibus dixerunt, & Constantinum Ferberum, Ioannem Preut, Georgium Clefeldum, & Albertum Gisium consulem potissimum reos fuisse accusarunt. Verum cum Clefeldus Lublinū veniens morbum simulare diceretur, à Georgio Fridcualdo instigatore regio, vt vel decumbentem afferri se pateretur, fuerat postulatum. Quæ tamen ipsa res eo euentu terminata fuit, vt tandem Gedanen. antequam Regi & regno esset satisfactum, ad honestam custodiam in arcem Sendomirien. mitterentur. Inter vero Chodkieuicium summum Marschalcum & Chlebouicium post maximam verborum contumeliam in iisdem Comitibus orta est discordia, tanto magis periculosa, quanto à Rege ipso alta & excitata dicebatur. Affirmabat Chodkieuicius interim dum Polocia capiebatur, Chlebouicium hosti fidem suam dedisse, & nequaquam inter bonos ciues hætenus connumerari potuisse. Testabatur ille se quidquid fecerat, ada-

atum fecisse necessitate: neque tamen vlla vel minima parte Chodkeuiciis cedere dignitate, quorum maiores hæc & illa pertulisse memorabat. Ne multa, vt inter conseruos ferendis iurgiis vitant heri cōtra se conspirationem; sic & Reges suis stabiliendis rebus, & aliorum eneruandis viribus, non illibenter vident procerum altercationē. Vario quippe & multiplici Princeps iste spectabatur ingenio, & q̄ maxime nolebat, id se vel nonnunquam cupere, & è contrario testabatur. Iam ergo & ab his Lublinen. Comitiiis, quæ paulo minus quam integro anno magno æstu & dispendio aluit, iter nouum Vratislaniā ad Cæsarem meditabatur. Erat ea grauis & diu multumque occultata molitio, quā adhuc Cæsaris oratores Guilhelmus Pruschinowski Episcopus Olomucen. & Ioānes Malczanus Baro Silesius pro Comitiiis Lublinum venientes incenderant, & Georgius Pruskouius Cæsaris Cameraarius extremis comitiorum diebus pro Homagio Ducis in Prussia veniens, adeo etiam infirmarat, posteaquam Malcza-

nus subito morbo correptus, diem suum obiisset. Causam conuentus Vratislauiensis cum Cæsare illius vix aliquis sciuerat, præter Regem ipsum; qui tamen magis dicis causa eo iturus, & tantum vt suos tot sumptibus faciendis, quo postea extenuatos obsequentiores habuisset, eneruaturus vulgo dicebatur. Constat enim locupletissimum quenque euocatum à Rege pro hoc itinere fuisse, & æs alienum non modicum contraxisse. Pro quo exoluendo cum locus & tempus Vratislauiam Regis aduentus à nonnullis præstitueretur, facilis cōiectura capi poterat, quantum inde priuatim & publice multis importatū fuerit calamitatis. Incerta enim expectatio opum sæpe reddit quam plurimos indigentes. Erant vero interea temporis amplissimi Regii legati à Moschouitico Tyranno indignius tractati in Moscouia, qui quadam veluti niraia ostentatione Polonicarum opum, & inuidia vicinarum gentium motus, nulla iuris gentium habita ratione, quorundam Polonorum Turcicos, & auro argentoq; exornatos

equos dissecari fecerat, & regium erga se animum barbarie illa vehementer ad iracundiam inflammarat. Cū igitur de profectioe sua Vratislauiam Rex addubitare rursus cœpisset, & Georgium Pruskouiū Cæsaris nomine apud se causas, quo minus coire liceret, explicantem habuisset, Varsauię indixit Comitia, multis rebus deliberationibusq; memoranda. Causas vero dissoluti Vratislauię, cōuentus Pruskouiū Regi secreto istas ostendebat, primum Turcici belli formidinem, contra quem similibus cogendis conuentibus, in quibus gens suspicacissima Turcæ contra se aliqua consilia iniri opinaretur, Hungariam nouo milite & cōmeatu augeri expediret. Deinde fluxam Hungarorum fidem, quorum aliquos, vt Stephanum Dobo, & Ioannem Balazi Polonii, captiuos etiam Cæsar detineret: Tertium Polonorum suspensiones de domo Austriaca varias, quas si Polonię Regi peregre profecto, humanitus aliquid accidisset, factu erat propemodum incredibile, à multitudine euitare. Sed erat non ne-

mo qui

mo qui Regem Hispaniarū id temporis, mortua sibi ex Francia coniuge, Cæsaris filiam, quā Sigismundus Augustus postulabat, pręripuisse, & illud iter impediuisse reebatur. Quod postea exitus ipse non admodū fecerat incredibile, cum ex Spirenſibus imperii Comitibus Hispaniarum Regivna, Galliarum altera, filię Cæsaris ad maritos mitterentur. Iam vero coacto Varſavię conuentu, & ex proxime celebratis Lublinen. Comitibus electo ad disquirenda inq; ordinem suum redigenda priuilegia, & vetera monimenta Reipub. Ioanne Zamoscio, tum temporis Secretario Regio, nunc quidem summo in Polonia Cancellario, exercituumque præfecto, à Gedanē. causa illa quę & Lublini ventilata cœptū est consultari. Ade-rant Gedanē. legati præsentēs ipsi, & primus ac præcipu⁹ omniū Matthias Cimerman, Petrus Bech, Hieronymusq; Schilling, & nonnulli alii spectabantur; quorum in Rege regnoque sibi reconciliando, non vulgaris viguit industria, tandemq; effectum est, vt interponentibus

pro iis

pro iis se regni ordinibus, publica commissi erroris confessione & deprecatione apud Regem facta, pecuniaque etiam non mediocri ipsi promissa, penitus absoluerentur. Vbi enim personuerit æs, res haud ita tandē difficulter cōponuntur. Quę tamen ipsa promissa, q̃ Gedanē. non omniū scitu, & voluntate fiebāt, irrita postea extiterūt. Verū enim uero his similib. malis & procellis in vno regni angulo aliquandiu sopitis, alia atq; alia infligebantur Reipub. vulnera, nō modo ab ordinib. sed ab hominibus omnib. toto regno improbata. Est quippe Tarnouia Tarnouiorum perillustrium Comitum vetus domiciliū: ad quam diripiendam cum non modo Poloni, sed multi etiam exteri confluxissent populi, res omnino digna videbatur refrenatu, præsertim cum illius magni Tarnouii & tam præclare de Repub. meriti filia & ipsa adhuc viueret, & hæredes procrearet. Sopiuit tamen Rex quanto quidem celerius potuit illud incendium, & aulicum suum Tarnouiam misit Sempolborscium, qui à factionis haud ita libenti

benti exceptus animo, Regiam ab illis abalienauerat voluntatem; sic vt Tarnouia quidem decreto Regio restitueretur, & damna etiam, quæ non erant modica interim accepta, refunderentur. Licentia enim singulis fere venit optata, sed rursus quamplurimis est nociua, & Regibus ipsis euadit odiosa. Studebant interim Liouones rebus perpetuo nouis, & quod alicubi gestum erat male, id propemodum semper tribuebant tandem Polonis. Ægre enim externorum feruntur imperia, & suorum dilaudantur studia, quantumuis licet imbecilla. Quo magis, cum modico ante tempore Ioannem Chodkeuicium præfectum Samagicæ & Liouoniæ gubernatorem, Rex Rigam vsque submittere, eidemque Paulum Pacz Castellanum Vitepscen. & Michaellem Dzialinski, Palestinæ & multorum locorum in Asia peregrinatione ultra maiorum stemmata pernobilem adiungere non dubitasset: denuo etiam ex eodem Varsauien. conuentu allegauit Georgium Petcouicium, Samagitie Episcopum, aposcopum-

ue,

ue, quod à Catholica Religione defecerat
potius appellandum, & eundē illum quē
supra recensuimus Dzialinium, nec non
& Ioannē Meczek Rigen. Castellatum,
ac postremo tandem eodem illo nondum
circumacto anno, & Foelicem Auētum
Dzierzgowski Castellatum Socha-
ceuien. & denique Ioannem Lesniows-
ki Pocillatorem Leopoleos, ad eosdem
illos Rigen. cum nouis mandatis aman-
dauit. Verum iam quidē illi à Maximilia-
no Cæsare acceperant literas, quibus pro
constantia intemerataque fide Romano
imperio seruata, agebat Rigen. gratias,
etiam quā maximas, & nihil non amplif-
simis verbis, quæ ad eorū cōmoda & orna-
menta pertinerent prolixè pollicebatur.
Illi vero quoq;, vt nihil de firmitate sua &
erga Cæsarē obseruantia remittere vider-
rentur; miserant quendā Georgium ciuē
Rigen. rursus in Germaniam, mentem Cæ-
saris (vt in rebus maxime lubricis & am-
biguis fit) penitus adhuc exploratum.
Quo fiebat, vt tot legatis Regiis indētidē
ad se missis, nihil certi & definiti responsi
darent,

darent, nec etiam prorsus Cæsari etiam adhærerēt. Diu enim tacitus steteris, ante quā ad potentio rem te semel loquare. Fama interim erat vulgatissimum, Cæsarem remissa à Rege sorore nihilominus offensum, & in Spirensibus Comitibus, nisi Elector Ioachimus Brandeburgen. obstitisset, apud status & ordines imperii aliquid contra eum fuisse machinatum. Reconciliatis enim Principum inter se animis, semper nihilominus aliquid restat utique simultatis. Nos porro nude, ut cœpimus, & recte scribenda historiae quomodo & Reginæ Catharinæ à marito exilium, & ipsius Regis dominium, planum faciamus non fuerit diuturnum. Amoribus ille vel in medio articulorum dolore operam dabat, & nullis aut Senatorum, aut etiam Medicorum cohortationibus mouebatur. Ad quem cum Pii V. sanctissimi illius Pont. Max. de latere Legatus Ioannes Franciscus Cardinalis nūcupatus Commendonus aduenisset, reperit Porticum eiusdem Pontificis in regno nuntium, regiis cupiditatibus mini-

mere

meresistentem. Quo magis ipse quadam scheda mortis & vitæ incertitudinis apud eum mentionem fecit, & acute eluendas vitæ mature maculas commemorare apud ipsum non dubitavit. Cui ut à Regem maximus habitus fuisset honos, non deerat nihilominus & invidia, cum ab aliis, tum ab eodem illo Portico clanculum etiam excitata. Porro sub finem ipsum iam Comitiorum, de Reginae coniugis suæ morte, antequam aliunde certior Rex fieret, ex frequentissimo campanarum sono tandem quid esset collegit, quibus cum præter morem tota Varsavia personaret, & adeo cor campanæ cuiusdam ab ea auulsum à summo ad ima delaberetur, quod vulgus rem mali ominis habet, breui etiam subsequiturum coniugem se esse dixit, & Nicolaum Melecium ex Transylvanica legatione redeuntem haud ita ille libenter aspexit. Portauerat ille Laurentio Goslicio tum Secretario Regio, nunc vero Episcopo Posnanien. legationis socio, variam Ioannis Principis Transylvaniæ, in qua adhuc Matthiæ Coruini Hun-

garię Regis quędam etiam fuerat, supellectilem: & contra Turcas Bogdano Valachię regulo in patriam inducendo bene ipsum gessisse rem, vnde & Corcino eum auxerat, magnopere letabatur. Quem Christophorus Zborowski in quasdam nuptias ex Valachia in Poloniam paucis comitibus excurrentem, acceptam iniurię in eo vindicaturus, captum illo eodem paterno priuauerat principatu. Multi enim priuatę vindię indulgētes libidini se aliosq; pessundarunt. Iā vero nec pauca neque obscura illa fuerant, quę Sigismūdi Augusti Polonię Regis aduentantem pręnunciabant interitum, quamlibet ipse magorum quorundā suasu letiora & diuturniora omnia indies sibi polliceret. Aquibus seductus cum non nisi anno secundo & septuagesimo ætatis moriturū se existimauerat, obiit tādē à Natiuitate Domini anno septuagesimo secundo, mensis Iulii septima die, paulo post septimo superato ætatis suę septenario, & ipso ex Iagellonibus Rege etiā existente septimo; vt verum illud esset, quod de septe-

nario numero in aliis quoque Regum Poloniae vitis & historiis est obseruatum. Nam ſeptem in Polonia Reges conſtat fuiſſe non inauguratos, inauguratos porro ſeptem, totidemque in partes regni tandem diuiſos. Primi ordinis fuerat Piaſtus, Semouitus, Leſco, Zemomiſlus, Mieciſlaus, Vladislaus Hermann⁹. & Boleslaus Krzywouſtus. Secūdi ordinis Boleslaus magn⁹ Chobri dictus, Miecceslaus, Rex Cazimirus Monachus, Boleslaus Audax, Premisluſ, Vladislaus Lokticus, Cazimirus magn⁹. Tertii porro ordinis, Vladislaus exul, Boleslaus Criſpus, Mecislaus ſenex, Cazimirus iuſtus, Leſco albus, Boleslaus pudicus, Leſco niger. Peregrini in Polonia Reges erant omnes ſteriles, Venceslaus Bohemus, Ludouicus ex proge-
nie Francorum Hungarus, Henricus Francus, Stephanus item Hungarus. Ut autem melius valeret, Cniſchinum prægrandi quodā curru profeſtus eſt, & eo veniens ephemeridē afferri ſibi quotidie voluit, in qua quantū adhuc à Calendis diſtabat Auguſti diligēter intuebat^r. Quidā

enim

enim Nigromanticus Belga, qui Misocacus dicebatur, omnino cum ad septuagesimum secundum ætatis peruenturum, & à natali suo die multos adhuc annos superuicturum augurabatur. Qua etiam de causa & confiteri quidem peccata sua coram Sacerdote diu noluit, & Petrū Medicum suū senem hoc nomine sæpius alloquentem se obiurgauit. Postremo tamen nunc ab hoc, nūc ab illo, & maxime à Frācisco Crassinio Cracouiē. Episcopo, multis partim precibus, partim etiam diuinæ iræ comminationibus expugnatus, & coram Clodauita quodam Concionatore aulico cōfessus, peccata sua quæ commiserat amare defleuit, & viatico Corporis & Sanguinis Iesu Christi cum summa deuotione percepto, insequentis diei hora pomeridiana circiter prima aut altera expirauit. Princeps posteritatis non indignus memoria, nisi cunctator dādis responsis, iisdemq; dubiis, & vna eadēq; re vni & alteri simul conferenda; & denique vario multipliciq; ingenio aliquando notatus extitisset. Habebat enim à matre illud

consilia, vt frequentia hominum aulam suam non spoliaret, nemini statim responderet, & Aquilonaria ingenia principio ferrum, postea aquam esse meminisset. Itaqué sæpenumero initio Comitiorum ordines regni blande alloqui & petere, in dimidio eorum flere, ad extremum vero peruicacibus solebat adeo imperare: quo ipso duo maxima, exequutio nem legum, & vnionē cum Lithuanis ratam gratamq; in Polonia fecit: vnā vxorem inuitis ordinib⁹ duxit, alteram è regno dimisit, armamentarium extruxit, & magna magnificaq; alia suæ industrię edidit signa, & proculdubio etiam exempla alicuius felicitatis. Nam Anseaticarum vrbiū ipsismet flagitantib⁹ protector esse debuit, & Valachiam si vltterius vixisset à Turca se habiturū nō temere sperauit; ac nescio qd non etiam fauoris ab Electorib. imperii quandoq; in occasionibus expectauit. Quanta vero aula, quam magnifica supellex, quales deniq; ac quanti per orbem terrarum dimissi legati, & tam regni quā aulici fuerint ipsius magistratus,

breui-

breuiter etiam exponemus. Aulici toto regno nobilissimi & ornatissimiq; quiq; viri spectabantur, ac vt in multis paucos numerē ex Polonia, Tencinii, Myskouii, Ostrorogii, Firleiones, Czarnkouii, Koscelecii, Lascii, Gostomscii, Senauui, Zborouii, Macieiouii, Ioach. Laurent. ac Barthol. Lubomirscii, Herburti, Droiouii, Fredrones, Mniskones, Bobola: ex Lithuania, Radiuilones, Chodkeuicii, Sięguskones, Sapihæ, Pacones, Zenouicii, Tiskouicii, & alii. Ex Prussia, Dzialinii, Kostæ, Czemæ, Basinii, Płemiecii. Legati vero ad externos Principes ipsius hi fuerāt; primū ad Iuliū III. Pon. Max. Andreas Czarnkouius postea Posnanien. Episcopus cito creatus. Mox ad Paulum III. Stanislaum Macieiouium Castellatum Sendomirien. Romam legatos misit. Deinde ad Carolū V. Cæsarem, Stanislaū Hosio nondum Cardinale, Nicolao Radiuilo, Stanislaū Lasco, Ostrorogio & Padneuio. Ad Ferdinandum Cæsarem Martino Cromero, Archiepiscopo Gnesnē. Przerembio. Ad Maximilianū Impe-

ratorē Nicolao Volscio, Stanislao Karnkouio, Francisco Crassinio, Stanislao Conario, & demum Luca Podoscio legatis est vsus. Ad Regem vero Hispaniarum, primum Albertum Kriskium, dein Petrum Volscium & Petrū Barzium. Ad Regem Francorum, Ioannem Zarembā. Ad Suecorum, Ioannem Tencinium paulo post Belzen. Palatinum, & Erasmus Dembinium. Ad Danorum, Petrum Cloceuium, Andreā Taranouium. Ad Venetos Stanislauum Vapouium, & Ioannem Lesnowolscium. Ad Moschum Ioannem Crotowscium Ginowlodislaiuen. Palatinum, & Raphaelē Lescinium postea Castellānū Sremen. Ad Principes Germaniæ multos, imprimis autē Demetriū Solikouium. Ad Italiæ nunc hos, nunc illos ablegauit. In Turciam qui aut publico nomine profecti, aut ab eo designati legati fuerant, numerabantur propemodum infiniti: Stanislaus Tencinius & Petrus Zborouius post Cracouien. Palatini, Valentinus Debinus Castellānus Cracouiē, missus quidem in Turciam & ipse fuerat,

sed

sed quo minus iter suum Bysantium usque
continuuare potuisset, in Valachia fuit præ-
peditus; Bificius Castellanus Chelmen.
Brzescius Camenecen. præfectus, An-
dreas Taranouius frequenter Constanti-
nopolim, & multi præterea alii adierunt.
Hoc eodẽ Sigismundo Augusto Rege im-
perante, qui quales rursus ad domesticas
cõponendas res Senatores & legatos ha-
buerit, iam antea quoque diximus luculen-
ter. Nã cũ Senatus à senio appelletur, ille
quidem non nisi iam spectatos, & ætate
graues ac maturos, in illum suum Senatũ
cooptabat; partim vt patrisare hac in par-
te videretur: cum olim pater senibus illis
suis consiliariis lateri suo assidentibus ex-
ternos legatos in confessum Senatus in-
troduktos obstupescere faciebat; partim
ne adolescentulis honoribus dandis, ma-
gis loquentes quam eloquentes inso-
lentesque reddidisset. Superbit enim iu-
uenis magistratu, & luxurians in eo oratio
ingrata est odoratu. Cum igitur talem
aulam, tales legatos, tales denique habue-
rat Senatores, vt de numero tot tanto-

rumq; equorum, vt de maxima supelle-
ctili gemmarum & vnionum, vt de omnis
generis exquisita supellectili taceatur,
præfidebat & tribuebat sibi viribusq; suis
quodammodo etiam plusculum, & de
breui ac incerto valetudinis suæ exitu,
vel ante mortem ipsam, nisi iam quasi in
extremo ipsius articulo meditabatur.
Quæ postea cū ita præter eius & multo-
rum spem subsecuta fuerat, vidisses, aulæ
illas quas vocant tineas, huc & illuc dis-
currisse, & impressionem adeo ab auli-
cis pertinuisse, quibus emerita stipen-
dia inique detinebantur. Accesserat vero
& quorundā adeo malignitas, qui inju-
riosis conscriptis carminibus demortui
adeo rodebāt famā, & vel hoc ipso nomi-
ne suā prodebāt malitiam; qui quod viuo
vel mussitare ausi non fuissent, cum laruis
certare, & nunc hæc nunc illa licentiose
contra Regē suū fingere, minime dubita-
rent. Non deerant tamen boni, & Princi-
pis sui amātes etiā viri, qui ipsius corporis,
quod in illis caloribus æstiuis & pestilētia
gravi magno erat in periculo, dignam
curam

curam habebant; & vt Cnischinum vel quamprimum deportaretur procurabant. In quibus Crassinius Craconien. Episcopus, Nicolaus Macieiouius Palatinus Lublinen. tū factus, Andreas Opa- lenius, ac vel imprimis omniū Stanislaus Sēdiuogius Czarnkouius, supplicū libel- lorū magister, numerabantur. Fama inte- rim mortis opinione vulgata celerius, non modo ordines, sed & homines omnes tota Polonia perturbauit. Facilius nam- que domi nati ad regium fastigium eue- huntur Reges; quam, cum iis priuamur, alibi conquiruntur.

Comparatio.

Mirum dictu est, quam tum feruens, tū etiā firmus in religione Catholica Ia- gello fuerit primus; & quam remissus nec scio si interdum non & vacillans Iagello- nides postremus. Iagello fuit simplex & rectus, Iagellonides solers, sed obliquus. Iagello dandis responsis expeditus, Iagel- lonides tardus. Iagello subinde seuerus,

Iagellonides ſemper indulgētiffimus. Ille proceribus etiam rigidus, hic in municipales legatos nimis etiam beneuolus. Iagello Episcopatus fundauit; Iagellonides Episcopos facultate iuris dicundi ſpoliauit. Ille plebeculam ad Deum conuertit; hic argento perpetuis tributis emunxit. Ille Academiam & Academicos Cracouien. munifice fouit; poſtremus nō parum illis honorem habuit, nec pro rerum & temporum ratione auctis annona preciiſ, beneficentia ſua ſubleuauit. Ille non niſi neceſſitate adaectus in Lithuaniam iuit; hic ſine neceſſitate etiā diu in ea aliquādo latitauit. Iagello nunc in Sileſiam, nunc in Hungariam cundo, vel apud exteros etiam inclaruit; Iagellonides domi ſuæ perpetuo ſe cōtinuit, & inglorius vixit. Ille modetiſ & vilibus veſtibus, hic ſuperbiſſimis exultauit. Iagello plures militares homines, quorū Tencinii & Oſtrogogii, & alii ad Gruneualdum & ad Ornetā ipſi in acie ante alios ſtabant; Iagellonides vt etiam militares, in maiori tamē numero doctos ſuo ſeculo habuit, Hoſium, Cromerum,

Orichouium, Kochanouium, Patricium, Nouicampianum, Sokolouium Gorsciū, & alios. Prior perpetuo negotio; extremus delectabatur otio, etiam quod expers omnio fuerat ipsius quoque dignitatis. Primus in bellum Prussiae profecturus, ne se suosque domi frustra absumeret in sylvas se abdidit, & magna onagrorum confecta copia exercitui com meatum mature apparauit; postremus suis venationibus non nisi luxū & voluptatē spectauit. Iagello pro singulis victoriis Deo ingentes gratias egit, & ut montem S. Crucis, sic & alia sacra loca, gratum suū testificando animum, pedibus inuisit; Iagellonides nihil minus similia curauit. Iagello fecunda prole auctus, non tamen de ea tantopere sollicitus fuit; Iagellonides nullis susceptis liberis, de eorum tamē peculio & redditibus apud ordines perpetuo & solcite laborauit. Sic cui numinis maior quam feminis sui est cura crescit, qui illud neglexerit, emarcescit. Primus clarissimis suis rebus gestis magnū Polonię nomen peperit; ut Dux de Monte

à fini-

à finibus Burgundiæ eius cliens esse voluerit, & Amurates Turca eo se interponente Hungaris, quos à Sigismundo Cæsare peregre pro Concilio Constantien. profecto commendatos habuerat, arces quasdam restituerit, ac deniq; ipse Sigismundus Cæsar, licet emendicato à legatis Polonicis, eo sibi titulo, inter filiorum Regum Poloniæ falso dici, gloriosum sibi duxerit, & Barbara eius vxor marito statim mortuo, eius filii, qui ad Varnam cecidit, connubium intra se expetiuerit vehementer. Etenim vt impudica optimo, & vt ex Comitibus tantum Ciliæ, Regibus electo, auebat desponsari. At noster Sigismundus Augustus Iagellonides viuens & moriens nihil horum habuit, sed tantum sibi & regno hostes multos peperit, & Poloniã, vt in hanc vsq; diem quiescere non posse videatur, morte sua perturbauit. Ac ne multa, largus remunerator est Deus veræ & non assimulatę pietatis, & sine eo nihil vsquequaq; in regnis, coniugiis & posteris habetur firmitatis.

FRANCISCI SFORZIAE
PRIMI DVCIS ME-*diolanen. Vita.*

Magnus & magnanimis heros, Franciscus Sforzia primus dicebatur, qui abdicato Arendulae familiae nomine, paterni cognominis & appellationis titulum fecit sibi gentilitium, multis multarum rerum gestis triumphisque decoratum. Habuit is patrem, clari nominis bellatorem, qui aliquando cum ingentem exercitum duci vidisset in expeditionem, & seipsum ad aratrum positum ingemuisset; magnitudine quadam animi & indignitate suae conditionis permotus, securim, quam habebat in manu, in celsam arbo-rem proiecit, simulque votum vouit, si securis ex arbore non decideret, non amplius rastra, sed castra potius se secuturum. Quod etiam fecit, non solum nauiter, sed adeo etiam apud diuersos diuersorum nominum Reges Principesque gloriose. Facilius enim ab imis, vel ad mediocria est progredi, quam postea ab iis ad maio-

ra

ra celsioraq; peruenire. Huius ergo filius, Franciscus noster dictus, paternæ virtutis & gloriæ hæres & æmulus factus, diu quoq; vaga & mercenaria arma vario Marte circumtulit, & ægre supra aduersæ fortunæ difficultates eluctatus, viuido spiritu sese ad ingentem nominis famam omnib. bellis ita extulit, vt tandem etiam Bactrianarum partium perdomitis reliquiis & certa tam bello quam pace profecta diuinitus felicitate, amplissimo Mediolanen. potiretur principatu: quem hac quidem ex causa & occasione maxime fuerat consecutus. Duxerat ille Mariæ Ducis Mediolani filiam, atque ita non solum liberis, sed etiam enucleatis Mediolanen. suffragiis, nec tam cito Mediolanen. amplo illo & exaggerato potitus est principatu, quam bellum mouit florentissimæ Venetorum Reipub. à qua Bergomum, & Briziam, socero olim suo ereptam, querebatur. Qua etiam de causa vario & ancipiti Marte bellum diu gessit, nec prius quam quarto & quinquagesimo supra quadringentesimum anno Christi certis initis

cum

cum Veneris pactis ab eo cōquieuit. Difficile enim fuerit vi semel tranquillare mota, & sedare cum volueris procellis agitata. Graues interea temporis Baronum contra Ferdinandum Regem in regno Neapolitano exortę erant seditio- nes. Quibus ille sopiendis, vt gratiam Ar- ragoniis referret Regibus, qui ipsius pa- trem ab imo ad summa extulerant, Al- phonso Arragonio Ferdinandi Regis fi- lio Hyppolitam Mariam suam natam in matrimonium elocarat, & opportunis ferendis auxiliis illam Baronum contra suum Regem molitionem penitus extir- parat, quantumvis licet ipsemet Rex eius rebellionis se prębuerat auctorem. Multi enim non Regem, sed agunt sæpe tyran- num, & ad pręstanda in malis etiã rebus sibi auxilia cogunt affinem & necessariũ vel nonnunquam. Nec multo postea idẽ Franciscus Mediolani Dux, missis Genuã militibus, Gallos illa vrbe eiecerat, satis non solum fidenter, sed plusquam etiam animose. Nam non cuiusuis tum tem- poris fuerat Gallorum Reges bello lacef.

laceffere, qui fere in orbe terrarum soli maximis opibus & redditibus tum lætabantur. Quo etiam nomine, tanti beneficii Genuen. grati, viginti splendidissimos legatos ad eum miserunt; & suaeque omnia semper ipsius potestatis fore vicissim promiserunt, adeo vt deditiōem etiam publice facere ipsi, si voluisset, pollicerentur. Sed ille suo contentus, gratias tantum ipsis egit, & dominatui proprio acquieuit. Ad Regem autem Galliarum quem offenderat conuersus, cum aliam meliorem ipsius demerendi causam & occasionem non inueniret, filium Galeazium, cum non contemnendis copiis, contra rebelles misit ei opitulatum. Crebra quippe id ætatis subiectorum in dominos erat rebellio, & domini quoque in eos impotentia animi haud mediocri laborabant. Annus vero, quo hæc acciderant supra mille & quadringentos sextus & sexagesimus à nato Christo numerabatur. Quo tempore idem ille vicissim Aloysius Galliarum Rex amplissimam legationem ad eum mittere, & gr-

tias

tias illi maximas agere non dubitavit; quod quidem nec rogatus illa tam oportuna submiserat ipsi auxilia, quibus factionum conatus & molitiones contra eum maximæ sunt infirmatæ. Vnus enim amicus in tempestate plusquam centum valuerint in quiete. Verum enimvero ut in rebus humanis nihil quidquam firmum, ac nec fuerit quidem etiam diuturnum, ita & hic optimus Princeps, ac quasi Principum sui seculi lumen, mortuus postremo est, magno suorum bonorumq; adeo omnium desiderio, & non diuturno filii post se relictæ etiam principatu. Qui progenitori suo multo dissimilis factus, ob stuprum, nobilissimæ cuidam virgini Lampugnanzæ illatum, quam etiam fratri germano nocte quadam stuprandam obtulerat, sed frater voce sororis agnita ipsam non utique violauerat, in Æde D. Stephano Mediolani sacra, ipso eius etiam die, puellæ à fratre est interfectus. Qui cum postea, coniuratis cum aliis graui & acerbissimo supplicio afficeretur, magno illo & iniuncto exclamauit ad se animo: Collige te

Lampugnane, inquit, stabit vetus memoria facti, mors acerba, fama perpetua. Nā reuera ea immanitate ille Princeps pręditus fuerat, quę poterat esse maxima; non modo vagis libidinibus, sed nullis etiam nō scelerib. crudelissimis in pueros exercendis. Cuius cū venatici canes, ad id vt homines etiā occiderēt ab eo alti & exerciti impotenter, instigati puerum quendā adoriri noluisse, ipse satellitibus suis confodere eū iussit, & cui belluę parsum esse voluerant, Ducis effrenis natura & instigante solita ferocia, non pepercit. Sic procul à suo stipite cadūt sepe poma, & à bonis progenitoribus immiti quādā liberi generātur natura. Franciscus quidē Sforzia Dux Mediolanen. primus ita per omnē vitā admirabilis fuit, vt pręter inuitum animi viriumq; robur, summa alia haberet dona; quę siue natura siue exercitatio poterat homini cōtulisse, personę scilicet dignitatem eximiam, & probum, ac in omni cōgressu sine timore aspectū, suis pariter hostibusq; venerabilem, sic vt in eo aliquando pro re & occasione admi-

lites

lites concionante, disertis oratoris multi
suspicerent facultatem dicendi. Quæ tã-
to admirabilior fuerat, quanto ipse sepius
expertem se profitebatur literarum, &
nihilominus verę laudis erat perpetuo
cupidus. Quod vel doctissimis viris circa se
proxime alendis mirifice delectabatur, &
à Ioanne Simoneta insigni Historico, at-
que à Phileto Poeta præcelebri patris &
suas res gestas voluit celebrari. Nulla .n.
maior voluptas & dignitas est Principis,
quam laudum suarum præcones eximios
aluisse. Obiit autem senex lento quodam
sublatus morbo, absoluta arce Mediola-
nen. numerosa relicta prole, si paternæ
avitæque virtutis quam nominis æmula
esse potius voluisset. Non deerant tamen,
qui vel in hoc etiam optimo Principe ali-
qd aliquādo desiderarent; nepe inexplē-
bile vindictæ studium, & quod Bactrianæ
factionis nunquam oblitus, Ioannem Pi-
cinini filium, summæ spei Ducem, sub quo
Bactriana militia pristinum suum florem
recuperare posse vulgo putabatur,
nequaquam integra fide in generum a-

sciuerit; scilicet ut eo pignore vinculoque deceptum, ad teterrimam necem Neapolitanorum Regi Ferdinando prodidisset. A quo contra datam semel fidem, refricante veterum offensus memoria, vir impiger in tetrorq; carcere ab Ætiopæ seruo securi interemptus memoratur: Nefas enim Principes ultionis libidinem sacrosanctæ fidei & hospitalis mensæ religioni fuerit prætulisse.

FRANCISCVS SFOR-
ZIA DVX MEDIOLA-

nen. postremus.

NON tam quidem cito Franciscus Sforzia Ducis Mediolanen. filius ad sacras undas fuerat dictus, quā ob grauia & execranda progenitorum suorum scelera, eum in familia vltimum futurum non nemo augurabatur. Cum enim Franciscum primum virtute nemo Sforziorū adæquaret: & contra horribilia scelera quamplurimi eorum perpetrassent, in hunc qui restabat faba (quod aiunt) cudenda, & diuina Næmesis, quæ nemini

parcit,

parcit, videbatur postremo exerenda. Quod tãto credibilis etiã fuerat, quanto in ipso dominatus principio domesticorum suorũ maiores expertus est insidias, & tantum non crudelissime à quodam interemptus. Erat is Bonifacius nomine, cuius maiores (vt vulgo tum fama ferebatur) cum in Vicecomitum clientelam aliquando suscepti fuissent, patronorũ cognomẽto (quod in clarissimis sæpe accidit familiis) humilitatis sui ortus occultauerant, & Illustrissimæ Vicecomitum genti se inseruerant; cum tamen ex paruo agri Mediolanen. vico, quod Castellum dicitur, fuisse cõstaret oriundos. Huic Bonifacio cum angusta (quod aiunt) res fuisset domi, Vicecomitum tamen nihilominus turgeret cognomine, & generi meritisque suorum multa deberi recretur; à Francisco Gallorum Rege grandi collata pecunia facile persuasum fuerat, vt Dux ab eo Mediolani interficeretur. Contigerrat eo tempore Ducem egredi Modeciã: quo Bonifaci⁹ triduo ante profectus XII. Calendis Septemb. id quod animo agi-

tabat, si potuisset efficere minime dubitavit, ac simulatq; mulā Mediolanū reuertens Dux conscenderat, equites omnes, quos ad sui corporis cōduxerat custodiā, & plerosq; nobiles iuuenes, qui ipsū obseruabāt, præcedere iussit; ipse cū paucis selectis grauiorib. Senatoribusq; viris sequebatur, tāto quidem interiecto loci ipsius spacio, vt puluis incedentium equorum excitatus nihil insequentibus officeret vel tantillum: Solent enim Principes diu se hunc puluerem expectasse se profiteri, sed refugiunt tandem eo potiti. Inter eos autem qui Ducis mandato, vel non audito vel neglecto, cū Duce remanserant, etiam se immiscuit tanquam aliud quid agens Bonifacius, & in primo quasi ordine Ducem comitabatur. Qui medius inter Alexandrum Bentiuoglum, & Olradam Lampugnanum Senatores, nihil veritus insidiarum, equitabat. Iam veto cum à Modæcia duobus millibus passuū forte distaret, Bonifacius exequēdæ rei tēpus aduenisse ratus, admissio celeri cursu equo, nudato pugione in latus

sinistrum Ducem percussurus, ex improviso aggreditur; cui multa & magna quo minus lethale accepisset vulnus auxiliabantur. Nam cum idem ille Bonifacius statura esset proceriore, & altiori etiam equo insideret, ac deniq; circumequitantium monitis, vt sibi Dux caueret, pramoneretur; in collum mulæ statim caput inclinauit, Bonifacio vero pileus in oculos decedit, & ferendi graui⁹ Ducē facultatem eripuit; qui leue vulnus tantum accepit, & statim vt proditor caperetur exclamauit. Qui tamen capi à nemine potuit, sed in Vercellen. agrum protinus aufugit, vbi Gallorum equitum turmæ plures exitum insidiarum expectantes eum præstolabantur. Sic disponente Deo Opt. Max. non semper quæ audent & audent exequuntur proditores. Sed Dux eo casu non perfractus, vt iuuenes, præsertim vero magni generis & potentia Principes solent, non vsquequaque dignitati, sed quasi etiam perpetuo magis studuerat voluptati; & interim etiam apud Carolum V. Imperatorem Romanorū in

nescio quam suspicionem venerat cum Gallis conspiracy: quod de Principe in Maximiliani primi Cæsaris aula educato licet non statim Cæsari faciebat fidem; sub literis tamen fidei publicæ oportuerat eum Bononiam venisse, pro inaugurationis eius die, deprecatum. Quo ubi venerat, genibus prius flexis conscidit statim Cæsaris literas, & illud Psalmographi apposite vsurpavit: Domine, inquit, non intres in iudicium cum seruo tuo. Quem Cæsar Germanice cum eo loquens humanissime est consolatus. Aderat, qui euentum earum rerum Cæsarisq; de Mediolano deliberationum aude expectabat, Antonius de Leua, Cæsaris exercitus Dux veteranus, qui etiam paulo ante datis ad eum literis, his verbis, ne Mediolanum dederet, hortabatur. Iulius, inquit, Cæsar ignarum literarum Sullam dixerat, quod Dictaturam deposuisset: sed tu multo eris Cæsar imprudentior, si Mediolani & Florentiæ in Italia amiseris principatum. Nam multo certe his potius tu iustius, quam patriæ suæ Cæsar extiterat do-

mina-

minator. Iam quidem satis superque constitit, semperq; constabit, quo iure & titulo hæc tu possideres, cum feuda imperii habeantur: quod Monzoni, & Valodolenti satis luculenter pro te est pronunciatum: sed adiiciam ego illud etiam: Omnia regna & prouinciæ hoc habent ceu fundamentum quoddam proprietatis, quod antiquitus ab aliis occupata sunt & fuerunt. Quæro enim quid habuerunt Romani iuris orbe terrarum possidendo? Quid habuerunt Goti quòd Hispanias? Quid Franci quòd Gallias? Quid Vandali quòd Africam? Quid Hunni quòd Hungariam? Quid Saxones quòd Angliam occuparunt? Vetus & verum est prouerbum: Ius Regum in armis esse. Quod si hæc incessit te religio, vt Mediolanum missum facias, cadẽ moueat, vt relinquas & Hispanias, & conscientia progenitorũ tuorum consulas. Verum si Francorum Rex tanquam clauem Regni sui Burgundiam esse voluit, quĩ tu Mediolanum Italiae non esse patiari? Non præbeas, non præbeas causam, Cæsar, vt de te iuste possi-

mus queri, expertem te fuisse literarum. Nam te vera possum fari libere, Modicas te sciuisse cum Francorum Rege capto, nesciisti recuperare Burgundiam; & plura alia, cum nesciisti obsepire Lauro trechio vias, cum in Gallias iuistitanti exercitus cum dispendio, cum ad mœnia Viennæ nullum contra Turcā memorabile facinus edidisti, & multa similia. Vide ergo ne & Mediolano restituēdo ignarus habearis literarū. Quod si dixeris, Difficile esse vno eodemq; momento debellare Galliā atq; Turciam: difficile fateor, sed non tamē vsquequaq; factu tibi præsertim incredibile. Arragonii Reges soli & modici infestarunt gentes, & nationes tam in Mauritania, quam in Asia sitas; & tu id nō facias, qui habes Germanias, magnam Italiæ partem, Belgium, & ipsas denique Hispanias? Agendo & audendo res Romana creuit, & tu cresces proculdubio, si regnum regno, prouinciam prouinciæ iunxeris, & non huc atque illuc mente & consilio vacillabis. Hæc quidem Epistola Hispanice scripta, vt aliquid apud Cæsa

rem valuerit; plus tamen valuit ratio, & tã Pont. Max. Clementis VIII. quã & Veneratorum, Ducis Mediolanen. cõmendatio: quæ effecit vt tandem principatui suo restitueretur. Nam delectabatur quidẽ Cæsar maxime eius moribus & ingenio, adeo vt Christianam Christierni Regis Daniæ & sororis suæ filiam in matrimonium ipsi daret; & nullam non beneuolentiæ ergo eum suæ significationem publice & priuatim declararet. Quem etiam omniũ Ducum Italiæ aiebat esse prudentissimũ, quibuscum aliquando sermones seruisset. Qua etiam de causa vt dixi sororis suæ dederat ei filiam thori consortem, cui nõ superuixit, sed ipsi Vegeuennam Vrbem testamento legauit; reliquum vero totũ Mediolanen. principatũ Carolo V. donauit Imperatori. Mortuus porro est Anno Domini 1535. Oct. 24. Sepultus insequenti die in Capella maiori Ecclesiæ præcipuæ Mediolanen. Quem omnes omniũ nominum, ætatum & conditionũ homines luxerunt, & digniorem longiore vita quam patrem ipsius iudicarunt. Habuit

quip-

quippe patrem dictum Morum Principē
profligatissimū, ad cuius effigiē vbicunq;
eam viderat Regina Polonię Bona expue-
bat, & proditorem Italię, vt re vera erat,
appellabat, qui à pupillo in se hęreditatē
transtulit, & postea in decennali Gallico
carcere à suis Heluitiis militib. proditus
consenuit. A cuius morte non iste Dux
quidem, sed frater natu grandior Medio-
lanum possederat, qui Gallorum armis, eo
principatu exutus, assignatis ipsi pensio-
nis loco viginti quinque aureūm numūm
millibus, in Gallias ex Italia nolens volēs
fuit extractus. Hic vero in aula Maximili-
ani Cæsaris primi educatus & altus, nul-
lis relictis liberis, vitę finem & Sforziorū
apud Mediolanum attulit dominationis.
De quo illud Franciscus primus Gallorū
Rex crebris vsurpabat sermonibus, inui-
dere se Francisco Mediolani Duci potis-
simum Consiliarios, sine quibus iam pri-
dem corruisset. Qui ita quidem eius vitę
& amplitudinis extiterant studiosi, quod
ante etiam memorauimus, supplices ab
eo vt peterent, supposititium pro suo par-

tum,

tum educari alicubi pateretur; tantum ne ad tam grauem & periculofam Mediolani mutationem veniretur: fed conftanter bona confcientia id facere non poffe fe aperte testabatur. Factu, aiens, effe incredible, quo minus ob maiorum fuorum tot tamque atrociam fcclera in alienas manus ille principatus non deuolueretur. Tandiu enim patienter impunita Principum Deus fuffert fcclera, quoad ipfi tandem cum vniuerfa fua progenie ad ima à fupremis gradibus non deturbantur.

Comparatio.

PARUIS ex principiis primus Sforzia ob virtutem euafcerat magnus, at non nemo ex fequentibus eius pofteris peffima morte fuit mulctatus. Quia ille libris, hi liberis etiam illegitimis operam dabant; & ille doctos præmiis, hi pœnis afficiebāt pueros etiā innocuos. Inter quos ille, qui occifus in Æde D. Stephani fuerat, notabatur, & Ludouicus Morus, qui Italiæ appellabat fe arbitrum, mox vero Gallorum extitit mancipium; & dum Arragonios Nea-

poli

poli velle pellere, viſus eſt ſeiſum carceri Gallico præparare. Infœlix qui Laurentio Medici, q̃ à recta apud Florentiam aberrauerat via, aliquando exprobrauit, poſteaquam à ſuis Heluitiis in Helueticas veſtes indutus, poſtea vero Gallis proditus, nō ſolum ſe, ſed & poſteros ſuos tam amplo principatu ſpoliauit. Sed vere dicitur quod de male partis vix tertius lætatur hæres, & Tyrannus in annum tertiuūdecimū eſt ſuperſtes. Immanitatem enim exercere, hominem plane eſt exuere, & indigni diuina miſericordia, qui in mundo immundo nobilitari cupiunt animi impotētia. Sicut ille, qui in ẽde D. Stephani occiſus eſt Sforzia, qui cum canibus obieciſſet pueros, & illi maſtare ipſos noluiſſent, tandē vt ſatellites eos occiderent imperabat. Deus quippe penes quē ſumma poteſtas reſeruauit ſibi tria, Honorē, Iudiciū, & Vltionem; quæ ſemper erūt his, qui ſibi illa præter eum vendicauerint, in illo iudicio extremo & tremendo contraria, cum omnia omniū nominū tā muta, quam loquentia, contra nos clamabunt,

bunt, nosque de minutissimis non solum dictis & factis, verumetiam cogitatis rigide accusabunt.

FINIS.

C. V. C. C. Lectori. S.

Qui historiam posthumam dixit debere esse filiam, ne ille perperam dixisse, & omnia in rebus minutatim videtur dispexisse. Ideo enim historiam quoad vixeris edas, edisse ut non frustrate procul dubio ostendas; & si alicubi in aliquo erratum est, monitus corrigas, & hic quam ante illud supremum tribunal potius erubescas. Difficile est placere cunctis, nec autem desiderandum vniuersis, maxime vero iis qui antequam aliquid legerint, iudicium ferre; & antequam omnia euoluerint, soliti sunt condemnare. Sed si nihil his commentationib. commendationis habeas aliud, ipsa fuga ocii, & quod scribendo legenda, legendo discis scribenda peccati antidotum habueris salutare. Quod utinam intelligant intusq. legat plures, quibus & plus luculentioris ocii, ac sortasse est & ingenii, modo in au-

cupandis

Ad Lectorem.

cupandis opibus aut voluptatibus, non quarant
plus encomii: si non potius fastidii & exitii sem-
piterni. Viuere namq; & bibere magnum est di-
scrimen. Ego, quod ad me quidem attinuerit, pro
mea tenui & infirma parte quæ possum præsto;
ad Christi primum, deinde etiam ad Poloni no-
minis gloriam & utilitatem Reip. sempiternam.

Quæ rebus anteactis vere & fideliter posterita-
ti mandandis, aliqua saltem ex parte inuatur, &
haud dubie decoratur: & deniq; boni cuius fuerit,
ne res rerumq; & virorum nomina, scitu & me-
moratu digna, alto silentio aliquandiu inuoluta,
temporis edacitate emarcescât. Tu nos nostrumq;
hunc quantulumcunq; laborem, qui non solum
ex nostris, sed exterorum etiam libris fideliter
manuscriptis veracissimis constat historiis, gra-
tia non inuidia digniorem puta; & negligendis
tuis, carpendis vero alienis, non multo te semper
habendum scias prudentiorem. Vale. Cra-
conis, XXVIII. Martii An-

no 1603.



Magnus Dñg & laudabilis
nimis

Justus

Anno Dñi 1651

Anno

Accepi hunc librum dono
à Dñs Venceslao Czech
nic Musico elegantissi-
mo Magnifico Dñi Dñi
Jranni Sants Salatoris
dis Lublani

Stanslag Presbiter
confidens

regist

April

1000 1000 1000

1000 1000 1000

1000 1000 1000

1000 1000 1000


1000 1000 1000


1000 1000 1000


1000 1000 1000


1000 1000 1000


1000 1000 1000




















OPRAWĘ WYKONANO

w prac. introl.-konserwat.

Biblioteki „Ossolineum“

Data 17. 5. 68 podpis

Ułajch 92

